陳慶浩 纖 總主編



孤

類兒孟 陳益源 土編





孫 遜 鄭克孟 陳益源 主編

上海古籍出版社

肆



《傳奇漫録》東洋文庫藏本書影



《傳奇漫録》東洋文庫藏本書影

同愿記

墨客連輝柳百千重學目絕文人接武吾卅文物不減于天朝矣時凍 詩木問者音合日洋運写我心线度尋花同八完效苗執草共長 坐交基对飲共取寒暄酒至年醉情以方淡景雲先題一律士易全 人因得咨其孝力当一日先謂陳日我今李海同府大奉雖防金南王堂耶董與結形漆誼俱安業于年在慶士時場中角手百餘 之志看花析桂之才好以才名自剪相尚多產青颜宣無金馬 學士自称以景雲先生 院良能自称為 章星先生均有步玉登至 志契水淡情親 古称陳雷 合則陳流矣可 無以記其事乎是日共席 兹者。聖朝御曆国柳登昌事平日久南山烂秀花衙四飯田首皆

年逐青皇驾桂影高聽赤兒輪花草一天選似錦開山萬里莹 古不今題畢因在醉共杭而以景雲謂章墨日今夜金風送惡秋 是知音一旦相逢萬古心王柳陸梅相折贈答雲春樹共成於夜 冷朝雲幕雨芳心縣的河聖詩神樂思深尚秀獨芳惟雅·陳書好 該古加今 草莲日可愛住辞吾當和軍刀占一律六雲宴會遊 命題章基一揮而就題云往復都從造化的寒光分起十分春桃花 月楊輝正告行樂之景也意量曰不准因執筆請題景重以秋月 長夜短沙情結年去年未友誼深却就陳雷勝漆龍一般深義 手,若不即為必然我笑与能了既其詞式,凉四一氣轉洪狗玩月 每塵人心那簡船如許五夜何愁寸點雲 景雲以兄可謂英雄妙

同窗記 ::	越南奇逢事録	傳奇新譜	傳奇漫録
			•
: 二九五	:: 三 五 五	… 一七五	: : :

目録

阮

喚◇撰 傳奇漫録

陳益源◎校點



	Nemero Nemero Nemero Nemero (Nemero) Na transportante de la constanta de la co		rà mà mà mà mà mà mà mà mà Họi Họi Họi Họi Họi Họi Họi Họi mà mà mà mà mà một một m			
	ja mija mija mija mija mija mija mija Nemo Nemo Nemo Nemo Nemo Nemo Nemo Nemo					
	lari-lari-lari-lari-lari-l Stori Stori Stori Stori Stori Lari-lari-lari-lari-lari-lari-l					
733 - (1733 - (1733 - 1734 - (1733 - (1733 - 1733 - (1733 - (1733 -						
			echechechechechechechech wirden der der der der der echechechechechechechechechech	ecilectect ecilectes (1917) ecilectes des des des des des des ecilectes ecilectes (1917)		
	Carras - Car					
			echechechechechechechech with the treit entretterit	acilacilacilacilacilacilacila Propertieroperoperoperoperope acilacilacilacilacilacilacilacila		
	Antara - Antara - Antara - Antara - Jamas - Antara - Anta					
	Arriva Arriva Arriva Arriva Arriva Arriva Arriva Arriva Arriva Arriva Arriva Arriva Arriva Arriva Arriva					
	han daa dhan dhan dhan d han dhan dhan dhan dhan d					getgetgetgetgetgetg
	New Meet Meet Meet Meet Meet Meet Meet Me				azazakanakanakan Cacacacanak	gdgdgdgdgdgdgdg cdcdcdcdcdcdcdc
						2 42 42 42 42 42 42 2 42 42 42 42 42 42
					9.45.45.45.45.45.45.45.45.45.45.45.45.45.	
						adadadadadada adadadadadada
					1-23-23-23-23-23-23-23 1-23-23-23-23-23-23-23-23-23-23-23-23-23-	ariariariariariaria Ariariariariariaria
						kitaitaitaitaitaitaita kitaitaitaitaitaitaita
						artartartartarta. Artartartartartaria
				era	terenenenenenenen	grigrigrigrigrigrig Kristisciscisciscis
			ententententententententente Mit Mit det det ententententen			a ja janananana. Arararararahana

提要

陳慶浩 撰

清麗,時人稱之,以壽終。」 嶼,均據何序,又增述云: 隱居不仕,作《傳奇漫録》,公多斧正,遂爲千古奇筆。」黎貴惇(1726—1784)《見聞小録》卷五才品提及阮 泉縣,纔得一稔,辭邑養母,以全孝。足不踏城市,凡幾餘霜,於是筆斯録以寓意焉。」武純 頁五十六)據大安何善漢序謂嶼「少劬於學,博覽强記,欲以文章世其家。 缥「登洪德二十七年丙辰科(1496)同進士,仕至承宣使,贈尚書」,死後封爲福神。 (1697 — ?)《公餘捷記・白雲庵居士阮文(道)[達]公譜記》中謂嶼爲阮秉謙(1491 —1585)高足,「嶼 傳奇漫録》,阮嶼著。阮嶼,洪州嘉福縣段林社(今青沔段林)人,生卒日期不詳。 「後以僞莫篡竊,誓不出仕,居鄉授徒,足不踏城市。著《傳奇漫録》四卷,文辭 粤領鄉薦,累中會場。 (見《登科備考》春集 嶼爲翔縹長子,翔 宰於清 甫

是時《漫録》成書已多年。據《阮傳》,永定初年秉謙已儼然爲王者師,聲名籍甚,如嶼爲其高足,何善漢 按何善漢序署永定初年,永定只得一年,故知序於一五四七年,此爲《漫録》成書之下限。 味其序,

Ŧi. 紀二、三十年代 恐不至於失書。 年事,則《漫録》之成,亦應在一四五八年以後。 估計嶼與阮謙 爲同時代人,嶼年或稍長。 配合阮嶼資料,本書極可能成於黎末莫初,即 《傳奇漫録》中《徐式仙婚録 》篇末敘 及 + 黎 六世 延 寧

亦無 清兩代仿作改作,不絶 將《新話》分篇收入通俗類書,或合其他文言小說,輯爲選集。又有將《新話》改編爲白話小説戲劇的 輔作《效顰集》,其後序寫於宣德戊申(1428)。至萬曆壬辰(1592),邵景詹又仿作《覓燈因話》,是 禎(1376—1452)於永樂十七年(1419)至永樂十九年間役於房山,即模仿《新話》作《剪燈餘 之影響可知矣。 漫録》卷二首篇《龍庭對訟録》正文謂「善文有龍宫之宴」,新編此句下註則引録《剪燈新話》首篇《水宫慶 會録》全文。善文乃《會録》之主角,《龍庭對訟録》已將之用爲典故,註且引《會録》全文,《漫録》受《新話》 (漫録》與《新話》幾乎一致。 何序謂《漫録》「觀其文辭,不出宗吉藩籬之外」。 例外。 瞿佑(1347-1433)《剪燈新話》成於洪武十一年(1378),後流傳甚廣。 《漫録》中頗多故事情節及結構模仿新話,筆者另有較詳細研究,此處不贅。 如縷 如全書二十篇,五篇爲一卷,共分四卷。 此句下有註曰: 各故事或稱「録」,或稱「記」、「傳」, 「瞿宗吉著《剪燈 早在宗吉生前,李 新話 》。」按《傳 即論形式 話 時又 趙弼 明 奇

出 爲 語》,均翻譯改編兩書之部分篇章,大受觀迎,形成怪談小説,對江户文學影響甚深。 朝 版之《奇異雜談 鮮傳奇小 新 話》傳至 説之祖,影響至巨。《剪燈》及《金鰲》兩書後傳入日本,即爲中村選譯入貞亨四年(1687) 朝鮮,金時習(1435-1493)於一四六五年在慶州之金鰲山作《金鰲新話》。 集》中。 及後淺井了意(? **—1691**)之《伽婢子》、上田 秋成(1734-1809)之《雨月物 《金鰲新

安 韻文散文均甚嫻熟,文字典雅,甚可貴也。 更豐富,結構更完整。 話》之傳入越南,似不應遲於十五世紀末十六世紀初。 輯録檔案而成,約成書於萬曆二年(1574)。 中,遷刑科右給諫。隆慶元年坐謫婺源縣丞,歷揚州同知,免官歸」。 介南 當時有《剪燈餘話》。 話》南傳入越南 且故事人物均爲越南 據《掖垣人鑑》卷十四,嚴爲「嘉靖三十八年(1559)進士,授行人, 應在隆慶元年(1567)以前。 人,場景亦多在越南,南國 而據 何善漢序及觀《傳奇漫録》所受《新話》之影 較之新話、《傳奇漫録》已有發展,故事加長,情節 按嚴 從簡《殊域周咨録》卷六《安南》 《殊域》一書係從簡任官行人司 風味甚濃。 阮嶼漢文造詣 選工 》中,已 科給事 則《 極高 提及 時 新

原 有重要地位之傳奇小説類。 類誌》之《藝文誌》中稱爲 傳奇漫録》出現後,仿作亦多,最重要者爲段氏點(1705-1748)之《傳奇新譜》(潘 《續傳奇》),阮演齋之《傳聞新 《新譜》已收入本叢書此輯中,其他二種亦將收入第二輯, 録》及范貴適之《新傳奇録》,形成越 輝注《歷朝 讀者可直 南 漢文 小 憲章

異文。 稱新編本),此本似與舊編本没有直接傳承關係, 嶼生存時期及《漫録》創作時間, 本,何善漢序在以後出現的本子中雖繼續出現,但除一抄本外,皆删去序文時間及署名,遂使後 八年(1712)刊行,據書中校記及註 現存《傳奇漫録》有舊編新編二種版本。 此本現存日本東洋文庫,北 有諸多猜測。 京圖 ,可知舊編出版前,本書版本頗多,而類庵爲之集校集註,保存了 書館亦有收藏 舊編爲「類庵 目前 而是直接據舊編前的本子作校註 較易找到的 ,此外未見記録。 會註本」,由「書坊紅蓼阮自信鋟梓」,於 是《新編 阮自 傳 奇 漫録增 信刊本爲《漫録》之最 補 雖然只保存了 解音集註》(下簡 人對阮 古 不 永盛 版 少

就掌握 批, 的 刊、景興三十五年柳幢社 漏 愐 前 有别。 訛謬比比皆是。 知見新編本有永盛十年(1714)繼善堂刊本、永知三年(1737)巨靈書坊再刊本、景興二十四 三條校記, 評論故事 編引文較繁,幾乎全部標明 到 的 此方面 本子看來 但 内容及寫作方法 可 日本川 看出所據的 註書 新編 體 本邦衛正在進行系統 社長阮道 例 本的 亦不 新 底本不只 Œ 遊重刊本,以及據刊本**这**録的抄本、節抄本和删去註釋、音 編 Ĥ 嚴 文註 無 謹 處。 眉 釋都 如有前不註 批。 兩本 個。 從同 的 但 均曾引及「舊註」,可見皆 新舊編 新 確 編 定。 個 而後註,反於初出現 較舊編增 祖 本 本而 註 頗有 來, 加了 不同! 但 喃字音解部 解音 有所本。 舊 時註 項,將下 編 引 參後之註 文較 分 正 註皆 文逐 大 簡 出 據 ,只有 者。 版 句譯 類 時 書 解 又舊 間 少 爲 轉 的白文本。 年(1763) 數 地 喃 録, 編有 字。 代 不同 故 目 眉 疏 出

本書已有現代越文譯本和法文譯本。

(傳奇漫録》)的整理,據下列本子校勘:

- 删 之八歲在辰月在如穀旦刊行」、「類庵會註本」、書名、「書坊紅蓼阮自信鋟梓」,次大安何善漢序,序後 後學松州阮 節 ,今改用省略號。 一)《舊編 半葉九行,行廿字,惟正文内頂格空,實行行十九字,此本有眉批,今收入註文中。 立夫編」,次目録。 傳 奇漫録》(下稱底本),此本藏日本東洋文庫 引文實際已删節 此本上下雙欄,左右單欄,有界欄,版 而無《號者,則以引號分開而不用省略號,以免混 ,現據微捲影印本過録。 心 無 魚尾,上 卷次、中 前 淆 署「永」 註 篇名: 間 曆 有 簡 萬 號, 稱、下 萬 署 年
- 印 本。 前 《新 《傳奇漫録序》、目録頁及正文前署書名爲 編 傳 奇 漫録抄本》(下稱甲 本),遠東學院編號爲A. 《新編傳奇漫録增 176 , 現 補解音 藏 河 集註 内 漢 喃 目 研 究所 録 頁 後 今據 記 柳 微 幢 捲 社

魚尾,署「傳奇卷□」,次篇名簡稱,下頁次。半葉八行,行廿一字。 阮碧家本重刊」、「景興二十四年春月穀日」,是知抄本據一七六三年刊本 各卷末皆署書全名,卷次 過録。 此 本 四 週 單 ()終畢 欄 版 心無

字極多,猶以卷四爲甚,除非遇關鍵字,甲非乙是或兩者皆非而又有不同,足供參考者,不一一 三、卷四。 有少許差異,故用以參校。 其中除卷四《南昌女子傳》、《李將軍傳》、《夜叉部帥録》外,其餘均 漫録增補解音集註》,接卷次,卷末則有「終畢」二字。 抄本《傳奇漫録》(下稱乙本),法國亞洲協會圖 此本卷三、卷四扉頁署「記録阮克定承抄」。 正文半葉九行,行十五字。此本大致同 此本素白編抄,卷前及卷末書名皆作《新 書館藏,編號b21,原四卷, 因 郵誤,現只得卷 節抄。 指 甲本,然亦 編 又錯 傳 奇

與其他各本之置於二篇前不同,可能漏抄再補者。 地名外,餘無註、無批、無音註,可稱白文本。 録,首頁及版心上方皆題《傳奇漫録》,版心中題篇名簡稱,不記頁次。 四) 白文抄本傳奇漫録(下稱丙本),戴密微原藏,原藏法國亞洲協會圖書館。此本無總目,素白四) 白文抄本傳奇漫録(下稱丙本),戴密微原藏,原藏法國亞洲協會圖書館。此本無總目,素白 此本卷三《東潮廢寺記》置於《翠綃傳》及《沱江夜飲記 正本文字大抵同甲本,其底本亦應爲新編本系統 半葉七行,行廿三字。此本除二處註 紙抄

2236,其格式與甲本相似,惟目録後作「時永佑三年歲在丁巳(1737)秋節穀日重刊」,「巨靈書坊再刊, 世華門」。 五)《新編傳奇漫録》,刊本,只存卷一、卷二,馬伯樂原藏,現存法國亞洲協會圖 其文字亦與甲本相類,然甲本爲抄本,難免筆誤,此本較佳,雖不全,亦以爲校勘參考本。 書館、編 號田. Z 世

印本不同 本、校本一 本書曾於一九八七年四月,刊在臺灣學生書局出版的《越南漢文小説叢刊》第一輯。 仍其舊,唯參合本次集 在整理過程中,池潔審讀了校樣 成校勘 凡例,只對文理不通處及重要異文簡單出校,與一九八七年排 本次整 理,底

目録

西垣奇遇記	茶童降誕録	木棉樹傳	快州義婦傳	項王祠記	卷之一	序
四	三四	二七	八			_



目録

夜叉部帥録	金華詩話記	麗娘傳	李將軍傳
_	_	… 一五二	
六八	五九	_	四七

【校勘記】

[一] 「足不踏城市」,「踏」字原無,據甲本加。

序

得一 藩籬之外,瞿宗吉著《剪燈新話》。然有警戒者、有規箴者,其關於世教,豈小補云。皆古「時」字。永定初年秋 年丙辰科進士, 仕至尚書。 少劬於學, 博覽强記, 欲以文章世其家。 七月穀日。僞莫年號。大安何善漢謹識。 稔,辭邑養母,以全孝道。足不踏城市[一],凡幾餘霜,於是筆斯録以寓意焉。觀其文辭,不出宗吉 其録乃洪州之嘉福人阮嶼所著。嶼,私吕切,海中洲上石山也。 粤領鄉薦,累中會試場。宰於清泉縣,纔 公前朝進士翔縹之長子也,公中洪德二十七

後學松州阮立夫編

序

卷之一

項王祠記

林奉旨,壽八十餘,有《討閑效顰詩集》。 撫使,有侵於民,藝宗怪問之,拜謝云:「一子受皇恩,全家食天禄。」帝原之。其工於詩,尤長嘲謔類如此。 承旨胡宗鷟工於詩,尤長規諷嘲謔。 《史記》: 元宵,道人張燈設席,延文客爲歡,公受簡請題,席上賦 公演州土城人,今東城縣; 一云屋唐豪縣無礙社。 陳藝宗朝登科,累官至翰 詩,百篇立就。 陳末奉命北使,經 又爲安

項王祠下,題詩云:

雪。」一敗有天亡澤左,重來 散鴻門玉斗空。照星玉斗,秦寶名。 諸侯百萬人也。」携將子弟入關中。 號,及楚平,魯降漢,漢復以魯公禮葬之。 百二山河起戰鋒,田肯賀漢高都關中云: 無地 到 漢遣張良奉獻羽於鴻門,羽以賜增,增碎之。《虞美人草歌》云: 煙消函谷珠宫冷,古詩云: 眉批: 江 東。 泣鬼驚神。 經 「秦得百二焉。」注云: 誉 五 載 成 何 事? 「三月煙消函谷冷。」蓋指羽燒秦宫室 銷得 「得百中之二也, 品 品 葬魯公。 言秦地險固,二萬 按魯 公乃懷王 「鴻門玉斗 而 言。 封 人足當 羽 紛 雪 舊 如

題訖,回鞭客次。次,次舍也。 酒酣思睡,見一人前致辭云: 「受旨吾王,屈君對話。」公即慌忙敛整,慌忙,

之深耶 設琉 使羽拔劍斬守頭,及擊殺數十百人。 舉淮若燎鴻毛。 조 又室無四壁曰皇 之謀,實浮孺子。 扶得起,我便降。』羽遂推倒之,又扶起之,又一手插入鼎中托起, 天之亡楚,雖扛鼎拔山,不能以語勇。 天乎? 威令加 邯軍於東阿 王,軍彭城 魯公』,無乃譏評失當乎? 急遽貌。 是時,因疾秦之民,興攻秦之師; 中之耻耳。 猶不貪漢爵,羞殺而死,竪子,童僕未冠之稱,蓋輕之之辭。 璃 陳涉,毗隸之人。」豪傑皆將。 榻,琉璃,石名,出大秦諸國,色光性堅,刀刮不動。 而無不臣之人。 其 然則天之扶漢,雖吹簫織薄,亦足以成功; 下,追至濮陽,又破之。 東欲以驅梁。 人即 所謂『一敗有天亡澤左,重來無地到江東』,則誠是矣。 請爲使君言之: 導之左。 羽 浮,盛也。 滅秦後,自立爲西楚霸王,王梁楚九郡,都彭城,故曰霸楚。 梁引兵擊之,嘉敗走,景駒亦死。 冠諸侯則楚之兵,王三秦則楚之將,天下歸楚,可 至則殿宇巍峨, 使吾聽言能審, 夫漢萬乘也,我亦萬乘也,我不能滅漢,漢反能爵我耶? 再戰而墟祖龍之廟。 昔秦失其鹿,争者四起,以鹿喻帝位,言秦無道,遂失其國,猶虞人之失其 潰吳如撞蟻穴,撞,擊也,擣 伸鋤 《漢志》:「梁使羽往召塗山于英等,英曰: 而矛,煮麥而 堂高大爲殿,屋四垂爲宇。 因敗爲功,策烏騅倦足,豈不能犂豐沛之宫庭乎? 燎, 榻,床屬,但卑狹。 縱火也; 又火熾也。項梁渡淮,軍於下 祖,始也; 戦而 《史記》: **邊廟前** 糧 豈以皇皇霸楚,乃甘心於魯公之禮哉? 北 也。 章 三次,英等拜服。」况 甿隸 龍,君象也。 邯之軍, 「周勃,沛人,以織薄曲爲生,常爲人吹簫,以給喪事。」 羽少時,避仇吴中,及陳涉起兵,吴欲應之。 巍峨, 皆兵, 至於『經營 揖公即席,問 彼爲此舉,蓋虚 高大貌 北,敗也。 甿,田民也; 指始皇也。 坐而策。 『禹王廟内,有三個石鼎,若推 從官 鍾 Ŧī. 章 邯, 離之健,不下 載 日:日 羅 德義 以爵位相加 成 隸,奴隸也。 列 秦將 邳,時秦嘉 然卒見斃於漢, 何 日間 事? 行 項 且 也。 Í 而 田 羽 已先 詩 横 無不 淮 銷 皆 與 已立景 《漢志》: 鹿也。 句 皇皇,大也; 賤 償昔 得 項 樹之國 介竪子, 稱。 梁 品 何 擊破 項 駒 日漢 得倒 庸非 予於 見 亞父 딞 、梁乃 《史》 爲 傍

楚

例以 之差强人意; 往 諸人之手。 不 使 干。注: 俊, 捲土重來未可 在江津? 也。』羽乃曰 題烏江亭》詩云: 羽往召于英,行至山下,有人大噉 能 形諸篇 果見 沼赤 成 馬 敗 江. 什。 劉之宗社乎? 淚不斷也。」有 而 東分半猶嫌小,何 挈,舉 論之哉? 『吾聞漢購 羽 有曰: 執 其餘大抵涉於浮薄。 鞭與 也。 勝敗兵家事不期,包羞忍恥是男兒。 知。 《史記》: 敵 我頭千金、邑萬户,吾爲若德。」乃自刎。 Ē. 捲, 『蓋世英雄力拔山,楚歌四散淚 然世之好品評人物者(一),或以 馬見羽 直爲 收也。 用 灰錢百萬緡?」日添月積,多至千章。 項 君不君兮臣不臣, Ξ: 生靈之故, 即 杜牧之《題烏江亭》詩云: 羽 伏 敗烏江, 那 於 此吾所以 地 水 田 直猶但 羽 常 顧見漢騎吕馬 跳 有一 Ŀ 不平, 也。 騎 如 黑龍出 江東子弟多才俊, 住 何 以堂堂八尺之軀,《史記》: 回 立 加 闌干。]淚,目液也。 來,變爲黑馬,害人田 見梁。 童 非天亡議之,或以天曷故咎之,長使吟翁墨客, 廟 \pm 爲使君鳴 勝敗兵家事不期,包羞忍恥是男兒。」云云。 Ē. 一翳取 在 江 梁遂名 其 『若非吾故人乎?』馬 津 捲土 頭。 惟 ? 王 也。」不平,義見《陶氏》。 一楚、漢之興亡,天之幸與 \Box 重 杜牧之一 來未可 鳥 荆 騅 禾,衆 公詩 闌干, 高 知。」委曲 七 \bar{Z} 聯 不能 眼 「羽長八尺二寸。」挈 尺, 眶也。 童面之, 長 伏。 君 忠 不君兮 丈。 按王元景 羽曰: 厚 指 收 \pm 得 臣 江東子 不幸耳 翳曰: 「此項 彭 詩 甲本: 不 我能 Ēļ 臣 城 家 而 散 格 擒之。」話 如 弟 付王 唐杜 别 律 卒 何 多才 豈 後 立 翳 往 讀 口 牧 \pm 廟

威 Ξ 勿 演 切,解分也。 公笑曰:「天理人事,相爲始終。 剛 無故火,虐焰何深! 强 唯 爲 唯。」公曰: 今王乃捨人而談諸天,此王終焉喪 德 戮冠軍之宋義,無君之過; 「夫運天下之勢,在機 以若所爲,得人心乎? 失人心乎?」 謂『命在天』,此 而不在力; 敗而不 殺已降之子嬰,不武之甚。 商紂所以喪國; 能 悟 收天下之心,以 也。 今僕幸蒙 謂『天生德』,新葬所 延 韓 接, 而 生以無辜烹, 請 不以暴。 得 Œ 言 Ξ 無 以 淫 則 臠 隱 刑 以 身。 如 何濫; 叱 何 臠, 咤 ? 爲 盧

之人知所戒。 以崇其基,浚民膏以充其積。吾故焚之,使在後之人知尚儉。以此見罪,吾竊不服。」 韓生則不然,誇上以求高,忘恩而背義,鼓舌而議君親,彈唇而宣謗讟。痛怨而謗曰讟。 吞之恨,無日可消磨也。是吾殺一子嬰,而報曩日六國滅亡之讎,庸何傷? 驕其甲兵,魚韓肉趙,脅魏戕燕,南誘楚而留之,東紿齊而餓之。使不覆秦宗,不赤秦族,空地日 夫何過? 使帳中之計不行,渡河之兵少緩,則趙城士女,又慘於長平之禍矣。是吾戮一宋義,而活 列國之君,均之爲諸侯,均之有民社,其爵則天王所加,其壤則天王所錫。而秦也,利其 呼一吸爲一息。 不然! 克勤克儉[三],乃人君之美德,始皇則不然,屬渭而宫,表山 夫邯鄲之役,以新造之趙,當虎狼之秦,呼吸而成敗分,瞬息而存亡判。 而義也,逡巡畏縮,逡巡,退却貌。 而伺夫賊之疲; 而道、屬,連也。 顧望: 咸懷忠良,乃人臣之大節, 淹留,而 吾故烹之,使不忠 表,標也。 百萬 阻 瞬,音舜,開闔 夫師之進。 生 靈之命, 築民怨 土地, 則并

禮,而《詩》、《書》之脈,幾斷而復續。 故爲之説曰: 『漢得天下,不在蕭、張之用,而在三軍縞素,有以倡 而語哉(四)?」項王辭塞,面色如土。 豪傑忠憤之心; 失,則聽董公之説,爲仁義之舉,而帝王之統,幾紊而復正; 「然則『六經』灰冷,聖人之澤幾存? 漢保天下,不在規模宏遠,而在曲阜親祠,有以爲後世憑藉之地。』王安得與漢高同 劍霜寒,江中之舉何忍? 憂道學之傳泯,則還曲阜之車,展太牢之 孰若漢人: 懼 君 臣之分

咎自剄。 臣有名咎者,曹咎爲項王大司馬。 傍有老臣姓范進曰: 介石 其心,《易·豫卦》六二:「介于石,不終日。 貞吉。」言節介如石之堅也。 「臣聞: 項王常使守成阜,戒以勿與漢戰。後漢使人辱之,咎怒,渡兵氾水擊之,半渡,漢擊大破之, 『爲人者,不外乎天地以有生; 爲治者,不外乎綱常以 歲寒其操、《論語》: 立國 「歲寒而知松 。三王之

語; 見泄 度既 草。 識之。」識,音至,記也。 語,煩公洗之,亦遭逢中一快也。」公見其言頗有理,頷之者再,頷,五感切,點頭以應之也。 輕霜 寫字有誤者,以雌黄塗之。 招之,即 王有之矣。 柏之後彫。」寧殁 白 沛,使人謂齒曰: 君使臣 芳心寂寞寄寒枝,舊曲聞來似斂眉。」非處盡其倫 ,即藏匿 車 無 溺於趙王之愛,而輕國本之摇,父子之綱,又安在哉? 篗, 反爲魏守豐。 攬 權 魂逐 以禮,臣事君以忠。』大王得之矣。 衣急起,攬 南楚之外謂之篷 於挂衣壁下。 稱 彼吕: 錘 劍光,寄芳心於寂寞之枝,埋宿恨於荒閑之野,《虞美人草行》云: 其 也。 「豐故梁徙也。 雉 身 沛公攻不能取,還沛。 度,音渡,丈尺也。口裏之雌黄妄發,晉王衍爲人輕浮,與人約事,隨即 嬌 而 魯敢切 已而 則 不 戚 於漢則褒之如不及,於楚則 塵 忍 姬 更闌茶歇,闌 動 ,手取也。 甘 嬖則禍成人彘,綱常之道(六), 今魏地已定者數十城,齒今下魏,魏以齒爲侯; 壁衣,審食其舊與吕后質於項王軍中, 其 辱, 古 寧 解: 命監 死 盡 其 也, 趙 晝日 彼使守 節 殘也。 而 而 移陰攬衣起,春 而能 陳豨 不 歇,許渴(竭)切 豐 抑之恐不勝, 忍偷 盡其節乎? 反, 加 綱常之道,孰 雍 其 齒降, 生 孰 閨 後之議者,不原輕重,不究是 有 睡足。 爲 非 相悦之意。 消 得 《詩》曰: 沛公令雍齒守豐,引 使吾王於冥冥之中, 御 乃篷 散 乎? 得 也。 守豐不下,且屠豐。」齒 爲得乎[五]? 其 窗 道, 步 况 及寡居,情猶懷舊 履言 忍於天性之親,而 『刑於寡妻,以御 而 夢。 香魂夜逐劍光飛, 能 漫, 改變, 兵之薛。 篷, 得 其 王送出 王之姬 音蓬,編竹 人號爲 顧從 死 雅不 負 即 及魏 乎 者曰: 深 門 非, ? \Box 與 有 欲屬 於家 清 誚 之 雌 人周 夾箬以覆舟 姓 胸 肆 相 黄。 則 血化爲原上 沛 傳 虞 क्तां 通。 中 杯 東 蕪 公, 按古· 者, 略 一大 方 之權 羹 汝 辭 及 宫 地 其 之 漸 穢 1111 魏

公沽酒市脯,於舟中酹之而去。脯,乾肉也。酹,餞祭也。

鳴 呼 擬楚於漢 漢 爲 優, 進 漢 於 王 漢 則 未。 何 則 ? 鴻 門 釋 憾, 太 公遣歸,楚不 爲不 仁, 但 仁

卷之一 項王祠記

淺 固仁義之反,漢亦仁義之似。 而暴深; 類川之屠、《史記》: 楚項不霸,漢高雜之,治天下者,當進於純王之道,漢、楚之仁與不仁, 「沛公南攻潁川,屠之。」功臣之戮,漢不爲無失〔七〕,但失少而得多。

姑置勿論。

(校勘記)

[一]「然世之好品評人物者」,甲、丙本「品評」作「評品」。

[二]「惟杜牧之一聯曰」,甲、丙本作「惟杜牧一聯云」。

[三]「聖人之澤幾存」,「存」,甲、丙本作「亡」,舊編注云: [四] 「王安得與漢高同日而語哉」,「高」原作「王」,據甲本改, 「而」字原無,據甲、丙本加。

「一作泯。」

[五]「孰爲得乎」,甲、丙本「得」作「優」。

[六]「綱常之道」,甲、丙本「道」作「理」。

[七]「漢不爲無失」,甲、丙本「爲」作「能」。

快州義婦傳金洞縣粉睦社人,廟在泮水社

馮 定期納聘。 親兄弟焉。 願,徐州古豐縣有村曰朱陳,縣遠官事少,山深人俗淳; 奢而 快 州徐達宦遊東關城,僦舍同春橋側,僦,借也。 徐儉,馮尚通 馮之子名仲達,徐之女名蘂卿,才色俱優,長大相等,每席間相遇(一),悦其姿色,遂有朱陳之 而徐執禮,二家氣習,大抵不同。 村惟兩姓,世世結婚姻。 與簽書馮立言鄰接。 氣 聲氣。 習,習俗。 父母亦欣然許嫁焉。 然能以義相交,往來遊宴,不啻如 簽書,樞密院官名。 馮 乃ト日通 富 而徐貧

補 將之任,立言謂藥卿曰[四] 桓 日 游俠: 一帝時, 建興 琅 卿 立氣勢、 琊賊聚衆破壞郡 職[三],蔭,庇也。 雖 少,及歸於馮,能以仁睦族,以順從夫,人皆以賢内 作威福、 結私交,以立强於世是也。 縣 連討不克,尚書選能治劇者, 祖、父有官,子孫藉蔭得在職。 「道途遥遠,吾不欲以兒女相從,可暫留家貫,貫,鄉籍也。 藥卿 以韓韶爲之。 時時直諫,言雖不見聽[三],甚敬重之。 會義安盗起,朝廷詔求良守一人能治劇者,劇,難也。 廷臣忌立言之直,意欲害之,遂以名 助 稱 許。 仲逵 既 壯 頗 事 須關 游 年二十,以父蔭 俠,世 河平定,須,待 有三游, 應選。 漢

以爲位也。 也。 也。 餘 川 樞要之任也。 生不得已,始開筵餞别, 者嚴堂,父以嚴切而治其家,故曰嚴堂。又《易》云: 席,問其安否也。」兄勉相從,妾不敢以房闥之私,而缺庭闈之養。 癘氣也。 甲如鎧,皮堅可冒鼓。 早晚與仲達相見。」生見藥卿不往,心亦 · 悴也。 餞,送行者之宴 霧,陰亂氣也。 陽雖假於雄藩,陰實擠於死地。 粉,即腮粉也。 晨昏定省,誰備使令? 寄身於蠻獠之鄉,獠,音老, 與立言挈室南徙焉。 瘦,損也。 翠,青黑色,即翠眉 願留[五],微有繾綣之意。 擠,音劑, 《禮記》: 「家人有嚴君焉,父母之謂也。 筵亦席也,鋪陳曰筵,藉之曰席。 西南夷名。 也。 推也。 「凡爲人子之禮: 謝, 褪也。 阻迹於黿鼉之境,黿,大鼈也。 忍使波濤萬里,瘴霧雙親,濤,海中大波也。 朱,即朱唇也。 任使脂憔粉瘦,翠謝朱殘,脂,臙脂 冬温而夏清,昏定而晨省。」註云: 繾綣,不 」以直言見忌,要地 謂設席之法: 勿以香閨 相 離貌。 筵鋪于下, 藥卿 鼉, 介意 似 不容,要地 止之曰: 也。 蜥蜴有足、長 席加于上,所 即 瘴, ,謂居 定其 脂臉 今 也。 丈 Ш

館 城罷 我相争釣 年,音耗不通,存亡未卜,脱或龍争虎鬥,龍争虎鬪,喻干戈粉擾也。 胡季犛篡陳而僭位, 有白將軍,劉氏表孫也,表,外也。 竪子止之日 歸,嘗釣于焦氏臺。一日,見釣處有宫殿,遂入居之,自是歸則體常濕而 豈期天心難信,人事多乖 日事 '處,明日當戰,使九子助我。」明日,九子射祥遠中之,九子皆化爲龍。 遊宴,閏、餘分月也。 『兩虎食一牛,牛甘必鬪, 亦如秦篡周,莽篡漢,非正統,故曰閏胡。 《藻林》云: ,藥卿父母相繼殞殁,扶喪歸 欲得藥卿爲妻,以財懇請。 鬪則大者傷,小者亡,從而刺之,舉有雙虎。二蝶浪蜂狂, 「紫色、蠅聲,餘分閏位: 籙,圖書也。 快州。 劉氏許之,因乘間謂藥卿曰 言間色、邪音,比受命之非正者,指 舉朝濁政,亂在朝夕。 寒。 張路斯以明經爲宣城令,夫人石氏生九子。 秦陳軫曰: 夫人問 葬祭禮畢,與 故,曰: 「卞莊子出見兩虎食一牛,欲刺之, 祖姑 我龍也, 夢人祥遠亦 浪 而 劉氏 馮 放蕩也。 郎 秦、莽之屬也。」蓋 相 處。 或 别, 遭 家 吒 自 時 龍 動 後自宣 利老 也,與 至六 閏 百 胡 邑

駭 瓊 柳 贖 今能求之否? 簾 頍 年 戸 外, 亦飽 綿 一曼貌 吒 廢 也 以 仙 夜 利 詩 寢 孤 與 深 客入京 非 Z 毒 韓 食 忽聞 踽 花 仙 手。 翃 也。 客。 彌 音 事 後 欠 簾 月 遇 葛與 附 内語 莫若 仙客尋古押 見 舊蒼 押 獨 H ()女蘿 後。 彌 衙 行 日 頭 救 别 滿 貌。 義 趙 治復活 塞 求 施于松柏。 也。 鴻 ± ; 石 塞 衙, 棲 佳 勒 又得無雙婢 鴻 劉 結以寶玉。 配 與 宿 改賜姓名, 李陽 唐 郎 氏 也。 再 劉 健 言 雖 否? 震 鄰 娥 結 藤蘿 知 居 女名 即 採 新 志 半歲 夫妻偕女 争 附 明 蘋與居。 姮 緣 不 無雙, 松柏 温 娥 日 可 古 也; 絶 我 麻 老於襄、 奪 池 去後 而 押衙求茅山 傍 幼 後爲縣尉, 起,如婦之得托於夫也。 時 日 然强 人 后羿得不死藥, 閣子中 許 相 花 鄧 嫁 毆 柳 欲 間 擊。 Ξ 道士藥,令採蘋假作 以 之 取 至 仙 客 禮 嘲 祇 書 長安驛, 及 貴 送郎。 未成 恐章臺柳絮 相 其 副 妻姮 乃召 加 之子 婚 忽有中: 書 婚 李陽 娥 會朱泚作 後云: 何 偷之, 期 松 至惸 ·使押· 酣 薩之 有 屰 謔 奔月宫不還, 漂 日 使, 惸 内家三十 常聞 亂 5 矣 泊 願 賜 踽 李 震以從僞伏誅 向 勑 無雙 陽臂 踽, 《桃 使説: 誰 人往 天》詩 自 笑曰: 爲 邊 人謂 盡 孤 也。 元 富 棲之 陵 孀 云 飲之立 平 娥 無雙 章 洒 縣 孤 臺 掃 娥 古 襄 之子于 死 没 柳 H 乎 押 塞 卿 厭 見 衙 乃托 鴻 掖 卿 後 有 烹茗 歸 庭 心人。 言 老 絮 拳, 大 又 音 屬 於 後

頭。 主衣裳,爲人作春 《張耳 以 卿 馮 傳 郎 日 在 謂 妍。 斯 故 老蒼 汝 養卒。」韋 何 如不在 頭 惜 日 昭 間 日 务 當 旬 汝乃我 舉 日,不抵 折 身相從, 新爲 家厮 厮 義安訪 斷 養 炊烹爲養。]曰: 不能著 獨 問 不 乎 思所以 主衣裳,爲 ? 間 關 報先 唯 崎 人作者 娘子所 嶇 人之德乎? 屈 轉 貌。 命。 妍 也 抵 蘂 至 漢 歐 卿 也 奴 陽 日 服 修《妾薄 蒼 純 頭 黑 如 我 以 命》詩 教 别 所 於 而 以 云 良民 往 偷 生 故 忍 忍 日 死 蒼

 \Box 市 捐 Ŀ. 館。 見 生 捐 戈爛 携 棄 也 至 漫 所 館 擾 居 舍也。 亂也。 則 榻 遭兒不 路 蕭 極 條 艱 肖,家計 阻 家 崎 徙四 嶇 壁 旬 空, 日始 蕭 條 計 寂 達 業也。 義 寥 貌。 安境。 噫 刀 可 壁, 嘆也! 訪 謂 於民 家 貧 舍, 但 遂 有四 抵 則 舟沿 壁 云: 空 立 岸。 也。 立言已 抵 卓 文君 也 於 奔 又 某 相 至 年 如 也 捐 歸 館 敵 成 都 於 死 卷之一 快州義婦傅

載矣。 見家徒四壁立,文君不樂。 音場,餘也, 我爲兵戈所礙,欲返不能,雖在他鄉, 剩也; 晉王恭以簟送王忱,曰: 止有棋枰釀具,馴禽走狗,餘無長物也。 「吾平生無長物。」謂蒼頭曰: 夜夜夢魂,未嘗不在藥卿 枰,音平,棋局也。 「先人不幸, 奄棄孤兒, 奄, 忽也。 側也。」乃ト日爲歸計。 釀, 酒也。 擾也 從也。 於今四 Ę,

比 到門,遂夫妻對泣。生於是夕,枕上賦詩云: 賦者,敷陳其事而吟咏之也。

客星犯斗牛。」」幾年巫 江。 遂妻之。 長亭,驛舍也; 名。」棹, 在 憂。」索句杜陵巾。 演 Ш 依 年糧,乘之。 衣巾。」竹石難 月半輪秋。」侵尋開 水,即 Ē ,猶切切也,一云眷戀也。 故 億昔平生日,曾諧契合姻; 演州。 粲登樓懷歸,遂作《登樓》之賦云: 或 重 至一處,見婦人織,丈夫牽牛渚次飲之。 登樓王粲淚,粲字仲宣,山陽人。 傷 借 隋制: 黄姑兩 醫俗,東坡詩: 神。 鯉魚傳書事。 杜陵字子美,唐時人,嘆不見用,《上韋左相》詩云: 六載,侵尋,猶在苒也。 峽夢,巫夢,襄王事。 十里一長亭,五里一短亭。 放 問 浪 津 ; 非 山高日 采石 吾事 「無肉令人瘦,無竹令人俗, 黄姑,星名,即牽牛也。 嶺,山鋭曰嶠。 淹留 重移棹,采石,磯名。 感君情太厚,笑我命多屯。 「昔夫子之在陳兮,有「歸歟」之嘆音。」又云: 病 零 此 旦武陵春。 謝 蕭鳳使玉門關,弟肅勸酒,頻謂: 漢末,與弟凱避難,往依劉表,表欲以女妻之,嫌其形 身, 擾擾逼風 悵 問是何處? 雙 寧 《博物志》: 親。 知 《江原記》: 蓬 武陵,漁父事。 人瘦尚可肥,人俗不可醫。」琴 樽不 塵。 怕 島 答 睡 日: 客,遥 共憶人千里,相望月半輪; 横 「有人居海上,每年八月,見浮槎來,不達 「巫咸不可問,鄒 别袂分携早,袂,衣襟也。 Ш 「商旅 「爾歸 達 曉,横山 錦 蝴蝶交情舊,鴛 問嚴君平。」及還 取石於此,運至都下, 江 「醉中庶分袂不悲。」依 鱗。 一帶,在 魯莫容身。 「登兹樓以四 西 蜀 義安。 江 水,濯 問平,平 為變 療 爲 行歌 長亭 陋,以凱有丰姿, 爲 貧; 望,聯 錦鮮 公歌 態 李詩: 造 依愁 Ħ: 勸 演 宫之石 此曲, 明, 暇 水 酒 他 時,乃齊 故名 嶺橋, H 「曩有 濱; 鄉 頻 駕薦 蛾眉 流淚 以 勞 消 因 錦

鳥, 隨 嗔 牧 天下之佳人,莫若臣東家之子: 瞪目 食之,覺身輕。 則 人長封 注視,意氣閑 並 流 肯 眠則 讓 行至溪 號號國夫人,有艷色,不施朱粉,常 狎 交頸。 人; 逸,旁若無人。 遊 今杜 邊,見二女 會 輕 應 牧、杜 儇 傳 唐 眉 勝 云云。 號 相 牧司 如 邀還 事 或 翠 洛陽 · 輕 羽, 命 《類聚》作《杜牧狎遊傳》。 家,設酒 一儇,跳 筆 時 肌 記 如 李 白 躍 饌,行夫婦禮。 周 聴罷 淡掃蛾 雪,腰 貌,蓋輕薄巧慧子也。 秦。 鎮 如 眉以 唐 閑 束素, 僧 居、聲妓豪華、 孺 朝。 宿 居半年 齒如含貝。」 薄后 奇遇古劉晨。 靡 曼宋東鄰。 祠,遇 求歸,仙 虢,國 爲 當時 緑 仙 名, 人,仙 女送 暗 第 鶯 唐 漢劉晨入天台山 靡曼,美色也。 -0 還。 楊 人 聲 命 貴 嘗 澀 記 至 妃, 宴客,女妓百 一家,子 周 澀,不 有姊三人, 事 孫已七 宋 採 滑 玉 也。 藥 並 世。 好好 承 紅 色賦 失 思 吟 稀 道 出 殊 学云 咏 λ 子 宫

一人以睽離日 暌,音奎,乖異。 倍相憐愛,情鍾意· 適, 鍾,聚也。 其 和 可 知

探 也。 不 Z; 夫未嘗完布 杯酒,亦莫猖狂愛作詩。 力折公侯是也。 以手 大 「《薈蕞》何 但生少以落魄之資,落魄,失業無次也。《史記》: 共 摸取 飲 帛 也 博 而衣,具 技癢. 技癢。」日與 啗以 往 無 如故, 五味而食,吾哀之,以戒綺紈梁肉者。」放情任俠,任,音壬。 厚 長於膏紈之習,膏,肥澤之物。 不獲。 利,博,戲局也,如樗蒲之類。 賈 癢, 人杜三昵 蘂 以兩反。 卿 戒之曰: 癢, 比 痛也。 生則 富 有能欲逞曰技癢,言人有技藝不能自忍, 羡杜之財, 啗, 商多狡,慎勿締交。 紈,音完,純麗之物。 徒覽反, 酈食其家貧落魄。」又宋楊僕隱居被召,妻作詩送云: 杜則 餌之也。 慕生之色。 仲 唐 逵角勝收錢, 元德秀死 始 相與信爲任,同是非爲 雖 昵,尼質反; 因 彼求 族弟哭之慟,或笑之,彼曰: 如人之癢也。 贏, 如 探囊中 昵 終必喪吾 比 俠, 親 之物, 老杜 所 狎 也。 謂 所 泉 更休落魄 權 鄭 美 行 生生 競 虔》詩 州 貪慕 大 也。

他 日 會 賓客爲 呼 廬 之戲, 盧 黑六也,得黑六爲勝, 故賭 博曰 呼 盧。 唐 嚴續相 公有歌: 妓, 唐 鎬 給事 有 通犀 帶 皆 代

繩也。 妻之。 被也。 尤物。 置物於此,勝者取之,如射而獲然,故謂之射。 圖,後君噬臍焉及! 至,告以實事,交書見授,且勞曰: 别,嚴悵然遣之。 汝父薄情,殊無聊賴,别離常事,死亦何 杯别酒〔八〕,還與諸兒一訣。」訣,别也,絕也。 《左傳》: 將逃歸,嬴氏曰: 唐有慕妓之色,嚴有欲帶之心,因爲呼盧之會,出妓解帶,較勝負於一擲。 裯,單被也。《詩小星》章: 杜怪其遲,促令召之,促,速也,催也。 「去貧就富,妾亦奚辭? 「楚文王伐申過鄧,鄧侯曰: 杜出錢百萬,請以藥卿爲賭,仲逵狃其勝,不暇他顧,竟許之。 二且悲歡聚散,人事之常,善事新人,不日黄金來贖矣。」娘度不免,度,料也。 『寡君使婢子執侍巾櫛,以固子也; 「肅肅宵征,抱衾與禍。」勉奉巾櫛,櫛, 佯,詐也。天數安排,莫非前定。 勞,慰也。 『吾甥也。』止而享之。 仲逵三擲三北,神氣沮喪,舉座亦皆慘然失色。 難? 則死已久矣。 「我爲貧所驅,不免相累,事既如此,噬臍焉及! 杜大喜,命酌紫螺杯飲之。 徒以汝曹爲念。」曹, 縱子私歸,棄君命也,不敢從。二如前日之事 聃甥請殺之,鄧侯不許,聃曰: 倘新郎不棄過采殘容,當致力衾稠,衾,大 側瑟切,梳篦也。《左傳》: 衆也。 六骰數巡〔七〕,唐大勝,乃酌酒,令妓歌 言終,以翠絛自縊 既訖,歸家, 交書畢,飲而射之,博弈者,先 『亡國者,此人也; 携兩兒撫其背 座,位也。 「晉太子圉質於秦,秦 故 郎 絛, 音叨 悔事不及曰噬 佯爲 也。 乃召藥卿 君不早 好語 編絲 但請 曲 愐

仲逵悔恨,備儀收葬,爲文祭曰:

旋。 在 帳 山側 裏,宋党進家有銷金帳。 豈期中路,遽爾離筵。 ,獨卧蔥帳,與猿鶴並 娘 子,閨 門之秀,令德之全。 處; 怨鶴 我公遠守, 驚猿。《北山移文》云: 今被召去,則帳空而鶴怨,猿亦驚矣。 精 相 神 隨 雅 遥邊。 淡,舉 「蕙帳空兮夜怨鶴,山人去兮曉驚猿。」言周顋 止 北 鮮 南 妍。 無 雁,解見《翠綃》。 鮮 嗟嗟奇蹇,奇,數之零也。 妍, 色麗 也。 洎 垂六餘年。 歸 於 我,泊, 蹇,屯難也。 及 不仕[九] 也。 幾 也 與 命蹇日 隱居 銷 我 周 金

愈 憫 已 於宫中。 王 漢 襌 西 數 太 一介甫 [海中 之,遂 武 薄, 帝 萬餘里,各在天 嗚呼 詩: 汝最 時 斷 前 以嫁得詩 絃。」 其上多鱗鳳 途 結 西 兵士 小 後 堪 海 屯 度 水 甫 獻鶯 生 姐 憐。 邊 邅 襌 償 者,謂 緣。」兵 中得 無數 家 膠 契 棄 語。 易 霑 姐,女子之總稱。 之日 詩 仙 後 涯。 木芙蓉,露 士以 捐 屯 帝 人费鳳喙麟 日 襌 契闊, 至 卦 絃 風 詩 家三乘,有大乘禪、 × 此 斷 塵 一吾與 白帥 沙 隔 滴臙 客 以 負之何 場 遠 屯 膠 氈。 戰 之意。 角 帥 爾 如, 脂 續之,兩 戍客,寒苦苦爲 進 結今生緣。」 歆 色未 合 遭 星。 煎作 此 言 如 毛 詩 濃。」 芳 明 頭 中 膠 席 擊 屯 樽。 皇 遂 乘禪、 名 也。 花 楊 鼓 一以詩 相 邊 難 摧 》章: 著,終 柳 續 鬼 人感 眠。 也。 幸 小乘禪。 徧 别 絃 神 摇 聞 示宫 膠 院,桂 食氣 泣。 戰 日 遭, 煙 死 來 袍 射之不斷 又名連 中, 信 行 生契 日 山 經 何 不 風 隕 歆。 手 日 衢 舉 以 進 闊, 景 作 中 金泥。 海 策 也。 慰娘? 尚 如 天。 與子成説。」 帝大悦 知 陸 作 歸 享 舊 落 天 者 凡弓弩 鞭 此 芙蓉 那 勿 涯 誰 名 恨 隱 結 海 何 邊? 琴 續 絃 難 滴 不 後 已 依 瑟 角 鸞 斷 汝罪 痊 露 生 誤 膠。 及 留 焉 之 涯 ,芙蓉,木蓮 緣, 嬋 金折 意多 樂 也 ! 街 宋 遪 。」有 娟。 鶯 唐 道 陶 也。 添 何 開 並 日 穀 線 宫 膠 以 嬋 以 衢, 元 狎 角 人 含 中 娟 膠 度 花 續 妓 高 自 情 隅 粘 贈 娘 絃。 好 平 賜 言 更著 之 也。 詞 日 邊 萬 滴, 云: 貌 死 則 陸 古 禮 士 又 鳳 明 詩 一衣,製 相 點 中 痊 我 今 待 皇 云 也。 著。 殊 生 乘 病 深 得

韓熕。 城 之丹楓。 亦有之。 歸 仲 化 時 府 逵 聞 太守蘇定貪暴,姊妹興兵攻之,定嶺南 既 、屬興化。 恩情 空中 失 偶 切 有 至, 聲曰: 深 往投之,冀求活 懲 勿以 過 咎, 幽冥爲間 果是馮 然 而 生 郎 少生 理 否[0]? 日 六十五 途中 怪 蹙, 其聲 渴 朝 城 睡, Ŧ 自立爲王 如 似 暮 假息丹 有舊 蘂 貸,干, 卿 情 楓 稱 引 某日: 求 樹 徴 自 也。 姓。 下 四 某 贷 望 没 楓 刻, 後, 樹似白楊 借 但 也。 可 甚 有 就 有 取 陰 靈 徵 葉圓 給 應。 雲 Ξ 於 暝 祠 今 枝 人。 合 下 祠 有脂 相 在 從 因 福 候 西 而 念 禄 香 方去。 故 縣 徵 喝 交 \pm 一發色丹 江 有 社 姊 暝, 任 諱 番 音 故 歸 側 禺 化 舊 妹

職,至今快州猶有子孫在云

晦也。

漢蒼開大四年,是年明人來伐; 所,參,覲也,謁也。 暫爾驚唤; 事, 蘂卿蹙然曰: 上帝憫其非命,尋加恩旨,尋,仍也。 梁破板。三更末,聞哭聲裊裊,裊,尼了切,聲不絶也。自遠漸近,及前半丈,可辨顏色,果藥卿也。 黎,從西南方出 多謝良人,遠來跋涉,草行曰跋,水行曰涉。 切,階甃也。 生甚 「臯陶邁種德。」注: 「老冉冉其將至。 [怪訝,訝,疑怪也。 否則終古悠悠,無地可遭逢也。」仲逵曰: 時 ,勉教二子堅與追隨,妾雖死不朽矣。」天將明,急起爲别,且行且顧,冉冉 以卿來,故稟請先回,禀,受命也;,今人以白事爲禀。所以少不如約耳。」相 聞 蹙,音促,愁貌。 烏鵲噪於枯柴修竹間。 「邁,勇往力行也。 然猶欲驗其實,如期至祠所。只見斜陽入窗,緑苔沿砌,苔,水土潤氣所生 至丁亥年,胡滅。 「妾常奉侍左右,竊聽諸仙語,謂胡朝訖籙,丙戌歲兵革 見隸嚴祠,隸、屬也。 種,布也。」只恐玉石俱焚。《書》:「火炎崑崗,玉石俱焚。」時有真人姓 何以爲贈?」仲逵但稱罪責,因備詢始末。 軍旅日兵革。 脩,長也。 惆悵將歸 殺傷攻刺,二十餘萬,虜掠者不在,自非邁於種 職掌箋奏、箋、表也、書也。 「娘來何遲也?」藥卿曰: ,惆悵,失志望恨貌。 日已銜山矣,乃偃卧 **豈遑相訪?** 藥卿曰: 「頃御雲 而逝。 携就寢,語及時 大起,按丙戌 車 昨 冉冉,行貌。 「妾殁後, 語生曰: 因 上參帝 也。 行 於橋 八乃胡 雨 砌,

逵遂不復娶,撫育二子,至於成人。二十歲曰成人。 及黎太祖藍山奮劍,二子以兵從之,歷入侍内等

而 不從欲。 呼 死合於義,何害其 女有三從,從夫一 爲從? 也。 藥卿 從義所以從夫也。」有婦如 之死,果從 夫乎? 日: 此,使之含冤泯泯,仲逵亦豚 不 然! 古之所謂 從 者, 蓋 犬兒 從 義

哉 ? 曹操見孫權軍伍整肅,歎曰: 「生子當如孫仲謀; 如劉景升兒子,豚犬耳!」欲齊其家者,當躬率以正,使

之無愧於妻子,斯無愧於天地矣。

校勘記

- [一]「每席間相遇」,「席」字原作「寂」,據甲、丙本改。
- [二] 「言雖不見聽」,「見」字原無,據甲、丙本加。
- [三] 「以父蔭補建興一職」,「以」上原有「欲」字,據甲、丙本刪。
- [四] 「立言謂藥卿曰」,「立言」二字原無,據甲、丙本加。
- [五]「心亦願留」,甲、丙本無。
- [六] 「歐陽脩《妾薄命》詩」,「妾薄命」原乙作「薄命妾」,據原詩改。
- [七] 「六骰數巡」,「骰」字原作「骼」,據文意改。
- [八] 「但請一杯别酒」,甲、丙本作「但請一樽酒,借觴爲餞别」。
- [九]「言周顒不仕」、「顒」字原作「顗」、據《南史》改。
- 〔一○〕「果是馮郎否」,「果是」原作「是果」,據甲、丙本改。

卷之一 木棉樹傳

木棉樹傳

不通也。結,思不解也。 往來南昌市間。 杜甫歌云: 程忠遇,北河美男子也,家貲極厚。赀,財也。 「佳人絕代歌,獨立發皓齒。」但異鄉旅次,無從質問,賓客館舍曰旅次。 每至途中,輙見美姝從東村出,姝,音樞,美色也。 賃舟南販,賃,女禁反,借也。 一侍兒踵後,程偷眼微觀,真絕代佳 從,由也。 泊柳溪橋下,舟附岸曰泊。 含情鬱結而已。 鬱,氣

喜甚。 時逐伴,唐文宗時,梁厚本臨渭水,接得一物,發視之,乃一女郎,粧色儼然。 中馬上所鼓,故名。 半載矣; 胡琵琶。 起,古詩云: 他日復出,見亦如之,欲以微辭挑動,挑,戲也。 日既暮,預就溪橋竊候。 使人有感舊之悲耳!」遂凭欄危坐,凭,蒲明反,倚也。 未審今朝已作如何風景? 「酒濃猶覺春酲困。」又云:「連日春酲苦未消,强排愁思過溪橋。」酲,酒病也; 琴有絃,故言琴則曰張。 候,伺探也。 行至橋頭,嘆曰: 夜當訪舊,少慰幽情,汝肯相從否?」侍兒曰: 人定時,即亥時也。 則翻裳急逝,語侍兒曰: 「溪山歷歷,不改前度; 欄,勾欄也。 女果與侍兒携胡琴一張,琵琶,一名胡琴,乃胡 詢之,乃是官人,善小忽雷,因納爲妻。 自援胡琴,操南宫幾音,弄《秋思》 「我久爲春酲 又酒未醒也。 惟恨女郎零落,不作 「諾! 所困,貪眠 溪橋泯跡,將 」忠遇聞之 小忽雷即 向

名住 作, 也。 也。 計單 耶 知音 高 數 暫覔閒遊,不意郎先在此。 也。」衛玠 人物,天玄地黄,泉在地中,故云黄泉。 Ш 遍。 極其 見《月令廣義》。 終身不復鼓。 鍾子 寒,昨爲夫兒所棄,徙居外郭矣。 址 昨妾屢蒙下顧,厚惠銘心; 白居易《醉 殘容衰謝,與死 住 期日: 歡 ,豐神秀異,人皆以爲玉人。 欲寫 居 也。 幽懷,作,起也。 吟先生傳》: 善哉! 不如早歸來耳!」忠遇趨前揖 址 使墮 基也。 紫飄 爲 巍巍乎若高 鄰, 女攢眉曰: 「詩酒既酣 向非天緣素定,未必重逢 紅 度 寫, 偷 日 王濟, 玠之舅也, 每見玠輙嘆曰: 除也。 щ 弄韶 如年, 見《唐詩直解》註。 長顧少曰下顧。 」俄而,志在流水,曰: ,乃自援琴操宫聲,弄《秋思》一遍。」按樂府有《秋思詞》,征婦詞也。 光 竟覺得人生如夢,不 「兒姓葉名卿, 謾勞寄指 無 韶 人酬答。 光,春色 第以 日: 也, 雖欲 願君子 但 取 層層。 鄉 路次知忙 調 追 和暢之義 中 善哉! 僕知音者, 高 歡 -大姓晦 如身在 扇陽 意 「珠玉在側,覺我形穢。」蓋謙言人美己惡也。 **覔愛,尚可得乎?」遂同入舟中。** 雖珠 遠, 誠 蕩蕩乎若流波。」子期死, 和 則 玉 翁之女孫也。 舉世 時 於 難 願少試之。」女佯驚曰: 在側, 且暫爾 、幽谷, 款 生之活計足矣。」乃褰裳戲劇 無 曲 知音、 但覺我形穢,不能 泄 行樂; 知忙,聚會雜 暖氣於寒荄, 誰能 嚴慈急逝,嚴父慈母 會 伯 意 牙破琴絶絃,以 日 冗 ? 入地,便是 處。 寒荄、冬月 良久,捨 伯牙鼓琴, 不以此爲嫌 今乘清夜, 郎 女低 問 亦在是 爲 黄 其 世 志 泉 愐 姓 家 弄 根 無 在

女占詩二首,穩度其辭以授人曰占口。以記其樂。云(二):

其 一

窮 閻 久 困 午 眠 遲, 間 里 門 也。 午 眠, 畫 寢 也。 羞 對 新 郎 話 别 離。 近日 别, 遠 日離。 玉 笋 整 斜 珠 釧 子,

宇。 約 笋,鬼尹反; 立 云 知 周 相。 之夢爲 至則 繡鞋兒剛半折。」乃戲拈足也。 後以其德不及繁靈,乃委國授之,自亡去,化爲杜 鳴,其聲哀切,聞之有離别之苦。 蝴蝶與? 玉笋,美手之稱。 「穀則異室,死則同穴。」蓋約之之辭也。 蝴蝶之夢爲周與? 見《西厢》註。 夢殘半枕迷蝴蝶,莊周夢 周與蝴蝶,則必有分矣。 昔蜀王名杜宇,號望帝。 釧,臂環也。 鹃。 香羅 又, 都嘉賓死[一], 婦弟欲迎其姊還, 姊終不肯, 日 故蜀人聞杜鵑鳴, 脱 爲蝴蝶,栩栩 春 换繡鞋兒。 時有荆人繁靈、尸隨水上至汶山、復生。 盡三更怨子規。 則日: 然蝴蝶也; 《西厢曲》云: 「是我望帝也。」此去未 子規,怨鳥,一名杜 俄 而覺 「何時重 則 蘧 解 蓮然周 香 見望帝, 鵑 羅 酬 亦名 「生 帶?」又 同穴 縱 杜 不 不

其 二

得與鄰郎同室,死寧不同穴乎?」好將

一死爲

Ü

知。

粧。 銀筝 粧 去。 纖 腰 白未消。 早晚結成鸞鳳友,于生詩: 怕束金蟬 者,飾以銀也。 佳 期忍負此良宵,醉抱銀筝撥復挑[三]。 褪,花謝也。 断,鬢髮宜簪白燕高。」怕,音破,畏也。 髻,音記,綰髮也。 玉燕任慵簪墜髻,玉燕,釵名。 宋武帝女壽陽公主,人日卧含章殿簷下,梅花落于額,拂之不去,色轉瑩然。 金蟬 「今日結成鸞鳳友、方知紅葉是良媒。」風晨月夕任 幾怕束 纖 腰。 煙 漢武帝起招靈閣,有神女進玉燕釵,帝以賜趙婕好,後 筝,樂器,以竹爲之,長三尺,十二絃,柱高三寸,蒙恬 舒棠萼 唐薛逢《夜宴觀妓》詩: 紅 猶 濕,萼,逆各反。 「燈火熒煌醉 花外日 招邀 客豪,捲簾羅綺 萼,花 内日 後 人效之,作梅 蕊。 所 化 爲 艷 汗 白 仙 褪 燕飛 梅 花 之

子語録》云: 程本商 「本朝婦人能文,只有李易安與魏夫人。」易安能文,頗多佳句,嘗作《九日詞》云: 人,不識文字。 女爲隨言釋意,忠遇大稱曰: 「子之艷藻,艷 色也。 藻,文辭 簾捲西風, 也。 人似黄花瘦。」此語 不 减

詩 爲? 月 憶之否? 著《漢書》,未及竟而卒; 非 婦 餘 人所能 即 去。 | 琰因 堆黄壤蓋文章。」班姬蔡女,今亦何在 也。 文章土苴,一堆黄壤耳 爲曹操寫之,文無遺誤。 必能以文章名家。」女笑曰: 昭踵成之,號曰大家。 孰若眼前借景,偷弄片時春,過了一生哉?」將曉辭去,晚則 ! 苴(四),音且, 又蔡邕之女,名琰,博學有才辨,曹操嘗因事問 ? 「人生貴適志,張翰初應齊王辟, 班姬,班彪之女,曹世叔之妻,名昭,班 側下切,糞草也。 《莊子》云: 「道之精以治身,土 後嘆曰: 固其兄士 E : 「聞夫人家多墳籍 也。 「人生貴 固嘗作《女誡 苴以治天下。 適志焉 復來 猶能 富 又古 貴何 及 記

湛,潛 是紅 深自 枝,而屬意於絳桃。 難 衣去帽 去,家人追獲。 掩 訪 樓富女。 韜 時 聲跡 ,乃美人也。 也。 若 並 宿商友,其中有識者,謂忠遇曰: 韜 或辭 易彰,上有嚴刑之加,下無親黨之援,子豈得晏然而已乎? 藏 及鎮州 白樂天《議昏》詩: 也。 而遣,或竊 靖驚詰之,告曰: 李靖之載紅拂, 有詩云: 遠避 嫌 而 疑。 「別來楊柳街頭樹,擺亂春風只 逃,如昌黎之放柳枝,韓昌黎侍姬,一名絳桃,一名柳枝。 紅樓富家女、金縷繡羅襦。 胡乃萌有欲之懷,悦無媒之女? 李靖謁楊素,有 妾楊家紅拂妓 「吾子在覊旅中,覊,古奚反,寄也; 也,絲蘿願托喬木。」遂與俱適太原。 妓執紅拂侍側,目靖久之。 、欲飛; 見人不斂手,嬌癡二八初。」紅樓,富女之所居也。 惟 有 小桃 不明去處,不究來由 園 靖歸逆旅,夜有紫衣戴帽 奚不問至所 裏在,柳枝不發待郎 此萬全之計也。」忠遇然之。 旅、舍也。 初,愈出 居 言行止無定所 賺 脱 使未歸(五) 歸〔六〕。」自 非 求 人叩門,延入,脱 得 繡 實? 達 寵 日 是,放 柳 姬 赚,音 事 枝 便 宜 柳 鼠

,好答官妓,妓皆畏笞,欲逃去。 也。」女曰: 他 日 謂女曰: 妾居誠不遠,但今日遭逢,私中之遇,只恐嬋 我本遠客,偶 適杭州一 結良緣; 妓到,士隆喜之。一日,郡妓犯小過,士隆欲笞之,妓曰: 然咫尺仙居,未嘗蹤 娟 見妬, 跡,六寸日 耳 目 咫,十寸曰尺。 生 疑, 鴨 打 「不敢 们 非 鴛 解,但恐杭妓不 所 驚 以安遊子 吕士隆 知

安耳。」士隆乃赦之。梅聖俞作詩云:「莫打鴨,打鴨驚鴛鴦。 往,戴月而歸,免爲郎君所憂也。」忠遇請之力,女笑曰: 鴛鴦新向池中浴,不比孤洲老鴰鶬。」蘭焚 「妾本以敝居爲恥,今君不信,何惜 而 蔥慘。 偕往?」 故寧候

中有一 間。 衣。 萬 且排門少憩,且,未定之辭。排,推也。 行,相離則不能進退。 忠遇膽寒髮竪,狼狽走出。狼似犬,鋭頭白頰; 棺,背覆紅羅一 無歸理; 幸而衣裾微毁,裾,音據,衣後襟也〔八〕。 裂之得脱。 每微風來,覺有腥臭味發。 乃於是夜三鼓,乘天氣陰暝,俗冥字,幽冥也。 區茅屋,制極卑陋,四面皆薜蘿侵壁。薜,音備,香草也。 况曩日詩句,固以死爲期,願早相從,以諧同穴之約。孤眠若此,豈輕相捨哉?」遂前挽其 幅(七),以碎銀沙題曰: 故世言事乖者謂狼狽。《漢·周勃傳》: 方徘徊驚訝,忽火光中起,見左邊安小藤床,藤床,以繩穿爲坐器。 憩,音契,息也。候妾點燈來也。」遂傴僂而入,傴僂,背曲不伸也。 「葉卿之柩」。 在床日尸,在棺曰柩。 狽,狼屬。 步至東村。見竹籬環匝,匝,作答切,圍也。 「狼狽失據。」已見女子當道而立,謂曰: 走至溪橋,幾不能言矣。 狼前足長後足短,狽前足短後足長。 女指之曰:「此妾停針餘暇安身之所, 枢傍有塑泥女子,捧胡琴侍立。 狽無狼不立,狼無狽不 間 以 兄既遠來, 數叢枯 暫停門限 床上有朱 郎

即 汝曹何 人以 亦倏忽來往〔九〕,或於沙磧大呼,磧,音迹,水渚有石也。 其地葬之。 繩苦繫,則駡曰: 詰朝,詣東村覔問。平旦日詰朝。果有晦翁孫女年二十,死已半載,殯在外郭矣。忠遇因感重疾,其女 預? 强以繩索相加哉!」一夕,船夫熟睡,經明始覺,則亡已久矣。急趨外郭,已見抱棺而死,因 「我妻所處,有樓臺之樂,有巓麝之薰。 或就船窗細語。 行當赴之,斷不爲塵籠絆著,絆,繁馬足也。 忠遇每時時應答,欲翻 身馳去。 舟

此 後凡陰黑之宵,見二人握手同行,或歌或笑[一〇]。往往索人之祈禱,要人之薦祭,要,平聲,求也。 祭

摧

斧折、

牢不

可

動

無牲 日 薦, 木綿 加 牲 百 古樹 稍不 相 傳 如 願 百 餘 禍 年 害 木綿樹 尋 作。 高數丈, 鄉 人 不 春開 勝 紅花 其 患, 花中 潛 -綿軟白 發 塚 破 可 棺, 爲 布。 併 男 遂依 女 駭 樹 骨、散之江中。 爲 妖。 欲 加 斬 伐, 江 上 則 斤 有

雲中子 萬聲 俄 兵,翦 業 春。 執平 職 符三道 風 瓜 而風 偷 註 事 切 也。 者 薄 擊 見紂 除 有 道人也。 止 開禧庚午歲,開禧 見二人,裸 至此, X 也。 男女相思,懷婚姻也。」且醜其 宫妖氣上 稍 釘之樹側, 醜 衆人仰視,見牛頭默卒,可六七百人,默, 稍 法 已曾 刹,音察, 開露,霽,音祭,雨止也。 無 沖,遂令道童砍 吁! 逐 面 稽滯,火速奉行 笑 覩,若不垂法手,是見溺 僧寺也。 閧。 沉之江中, 此 陳憲宗年 妖物依憑古樹,于今有年,安得斬邪之劍,爲斯民斷此惡荄也! 閧 Ш 時江 闘 下枯柯木, 聲。 號 寒月淡, 爲 原名祐, 則木綿 移時, 有 則當空焚碎。 人,閉門 頃, 削 成 後改禧。 俄 萬籟俱 雲 E 就 而 堅 劍 霾 拔,枝柯 禪 不援也。」乃召鄉 卧。 漲 進之,請懸宫中以驅邪。 關 庚午,第二年。 寂,籟,音賴, 浮,霾 宣行 音 扣 翌日 陀 問 碎 音 馬 畢,即厲 爛 負物也; 就村中老叟,明 道 埋 如 人疑其懷 凡孔竅機括皆曰 晦 有道人宿樹傍古刹,居 裂 人 也。 聲 麻 又疾驅也。 Ξ: 具 之狀。 咫尺不辨; 道人沉吟良久, 嚴壇法椅,椅, 春 男 Ħ 此 女, 籟,有人籟 繼 Ħ 間淫崇,久矣憑陵, 枷 翌日也。 聞 乘 空中 月 洪 音倚, 波 相 曰: 地 寂寞而 有 備言 招, 震 籟、 鞭 蕩 坐凳爲椅子。 天籟; 撾 所見, 《詩》: 商 無 我 泣 聲 時 爲 以 哭聲 蹈 鐘 假 且. 濟 萬 天 有女懷 修 Ш 嘆民 爾 道 真 地 撾 神 書 爲 士 猶 愐

鄉人以財厚贈,道人拂衣不顧,竟入深山去矣。

遇 商 人無 識 不 魑 足深 魅 魍 責矣。 魎 雖 自古 彼 道人爲民除害,功德宏茂。 不以 爲 天 下 患, 魑 魅 Ш 鬼 也。 後 有 魍 魎, 秉王充之論衡, 水 怪 也。 然 匹 夫 姑 多 取 欲 節 焉 庸 或 王 犯 充性 之。 恬 淡 忠

卷之一 木棉樹傳

平也。不可以其學之幻,幻,熒絹切,妖術也。 不貪富貴,淫讀古文,甘聞異言,傷時憫俗,故爲《論衡》之書,凡八十五篇。 而竟斥其非; 不可以其途之他,而竟没其善。 庶乎君子 論衡者,論之平也,所以銓輕重之言,立真偽之

校勘記

與人忠厚之意也。

- [一] [云],甲、丙本作「詩曰」。
- [二]「郗嘉賓死」,「郗」原作「郄」,二字多混淆,今據《世説新語》改,下同不注。
- [三]「醉抱銀筝撥復挑」,「撥」原作「扒」,即「撥」字俗寫,據甲、丙本改

[四]「苴音且」,「苴」字原作「土」,據下句「音且」改。又,「且」字下原衍「苴」字,今據文意删。

- [五] 「愈出使未歸」,「歸」原作「調」,據下文改。
- [六] 「柳枝不發待郎歸」,「待」原作「侍」,據文意改。
- [七]「背覆紅羅一幅」,甲、丙本「背」上有「棺」字。 〔八〕「衣後襟也」,「襟」原作「裾」,據文意改。
- [九]「倏忽來往」,甲、丙本作「倏來忽往」。
- [一○]「或歌或笑」,甲、丙本「笑」作「哭」。

茶童降誕録

楊 德公,名昨,山南常信人,李惠宗朝按獄宣光鎮,伸冤理枉,獄得其平,因其慈祥惠物,時人以德公

呼之。

輦切,察也,校也,通作檢。 者,約百餘人。絛,音叨,組紃之屬,編絲繩也。 右。」右則紅門朱扁,扁,補典反,門户封署也。 不遐,齡,年也。 生曰甦。 年五十,無子,忽病革,革與亟同,急也。《禮記》:「曾元曰:『夫子之病革矣。』、死而復甦,甦與蘇同,死經日復 語人曰: 語,去聲,以言告人也。「我適至一所,黑城鐵壁,方欲趨就; 箕裘無繼。承祖父之業曰箕裘。 閲,觀也; 又較勘文書也。 遂攝衣偕入,攝,整飭也。 中有紫袍二員,對案而坐,目吏取楊氏朱簿來,撿閱移時,撿,九 《禮·學記》:「良弓之子,必學爲箕; 相顧謂曰: 「陽間無此等人物,全活甚衆; 見長廊巨宇,廊,廡也。 良冶之子,必學爲裘。」不表斯 俄而有一吏止之,引之而 束絛而前後侍立 所恨者享齡

·子平生在世,素以善聞,上帝嘉汝,畀以奇男,延壽二紀。

人,爲善何勸?

行將白之帝矣!]白,告也;

下告上曰禀白。

即

命退東廊憩息。

半日

許,

復

命引

入,謂

E

可早歸來,努力陰功,努,用力也;

與弩别。

勿謂

還 即酆都别署,二十四司之一也。酆都,地府北陰獄也。 冥冥無知也。」使吏引還。 陷墨籍斷無出理[1]。 既出門,楊公問曰: 非公誠於樂善,恐亦無由得脱也。」遂叉手爲別,俗呼拱手曰叉手。 「是何官府? 官舍曰署。凡人初死,必經于此,由朱録通作錄。尚 所主者何員? 所司 者何事?」吏曰 如夢始 有生 此

馮道《贈竇家》詩曰: 錫。 厨,櫝也。陸澄博覽,王儉曰: 宛見諫議面,手閱月團三百片。」又陸羽有文學,性嗜茶,著《茶經》三篇。 性酷好茶,常自比於盧仝、陸羽; 夫人亦言: 吾有後矣! 「是夜一更末,有小星墮懷中,墮,杜卧切,落也。 燕山寶十郎〔三〕,教子以義方; 靈椿一株老,丹桂五枝芳。 」遂專以義方教焉。 「此書厨也。」涉,渡水也。 盧仝性好茶,時孟諫議大夫以新茶寄仝,仝受自然煎而飲,乃作《茶歌》: 按石碏云: 獵,捕獸也。 「愛子教之以義方。」言愛子之道,教之以方外之義,弗納于邪。 然天資高邁,學問該博, 言人之博覽群書,如涉水捕 心覺微動。」既孕,及期 魚、獵 書厨文苑無不 而生子,命名天 Щ 取 歌也。 ·涉獵。 「開緘 公喜 又

猶人身之有肬贅也。 慮。」言訖不見。天錫甚怪之,但私識其言。 爲報,止有息女漢英,願拂枕席。息,子也,子吾所生曰息。 但家貲甚寠,鮮能自給,寠,貧也。 子貧,爲善者果何 後二十四年,公無病而終。天錫哀痛踰禮,遠近哀之。 賈誼策:「家貧子壯則出贅。」村翁里嫗率以貧見拒。生嘆曰:「我父能活千人死,不能救 益哉!」言未竟,見一人衣冠甚偉,自稱石大夫,前來揖 望門出贅,無人肯納,贅,之瑞切,是餘剩之物; 拂,音弗,拭也。 既免喪,晨昏肄業, 卿宜重自愛惜,勿以貧故,損平 日 : 男無聘財,以身自質于妻家曰 略不少 「昔受楊公厚恩, 懈。 肄, 音易,習也。 無以 贅

寓居青鄰村舍。 聞 仙 遊有陳先生,授徒數百人,挾策從之,挾,以手挾也。策,書簡也。 村有巨族姓黄,見生容貌瓌奇,瓌,孤回切,偉也。 文詞贍麗,遂有東床之願。晉王羲之,王導 《唐·儒學傳》: 「四方挾策負素以從學。」

連, 若不聞 聞之,收養爲子。 儷 於財 囊,坐向 類 淚,泫,胡犬切 美丰姿,宰相 穀似之。」注: 禍,竟死獄中,時妾方在童稚。 而 其妻允可。 從子也。 中,常凝 莫匪 幸贅高 顛沛 旅 寓也。 ,所乏者佳 七日 月下 流 鑒日 郗鑒使門生求女壻於導,導令遍觀弟子門: 情 連也。 夙 君妻乃店北賣菜陳嫗女。」翌日 緣, 伉, 撿 獨 夜,化爲蜾子。 真南 張嘉貞欲納爲壻,曰: 竟納 「螟蛉,桑上小青蟲也,似步屈。 書。 流涕貌。 獲 坐掩 「此正佳壻! 後固參相州軍事,泰因以妻之,女容貌端麗 嚴堂哀之,養爲己子,螟蛉之托,十載于兹,《詩 聯華 婿令婚[四]。 州 古 而壻之,凡納聘之需,娱賓之具,一切黄家取辨。生殊感悦,喜慰如狂。 音 豪傑, 抗; 卷長吁。 族, 티 : 囊中何物? 故凡人養他人子,皆 神人指示,既 且吾觀 儷, 」乃訪之,乃羲之也。 「此必妾父也。 音 獨孤郁 娘適見,因問其故。 麗。 「吾有五子,令各持一色絲於帳後。 其相, 聞有楊德公者, 憫其無罪, 日: 配 最爲權德與所稱 偶 固 也。 終當 爾乖 「赤繩子! 往視之,見 蜾蠃、土蜂也,似蜂而小腰。 曰螟蛉。」實則石大夫子也。」生駭 孰 生。 貴發。 戾,將來成就,未必端的,故不能不掛慮也。」娘聞 妾幼時字漢英,父姓石名厖,守在宣光,爲上官 遂妻以女。 謂 歸曰: 赤 以繫夫婦之緣。 嫗 抱二 繩 生 曰 **:** 以女妻之。 我家醜女,垂及長成,牽絲之求,舍此 眉間常貼 紅 「王氏諸 後羲之爲右將軍。 葉果虚 歲女,甚陋。 「昔見神人先告,謂我所娶者,石氏 堅拒 金鈿 憲宗嘆曰: 子牽之,得者爲婦。」元振牽 少並佳,然聞信至,各自矜持; 語 雖仇家異域,此繩 小宛》篇云: 有司, 蜾無子,取螟蛉養之,置木空中,祝之曰: 哉 古 古 逼問之,女曰: 怒,磨小刀付 唐 毅然竟赦, 「德輿乃君 謂妻曰: 章固 曰: 螟蛉有子,螺蠃負之。 少 時 佳婿。」今有楊 奴刺之,纔傷眉 繫,終不可易。」固 一吾即 未娶,旅 顛連 「妾郡守之息女也,少孤,乳母 吾累世 一紅線,得第三女,有姿色。 賤 德公兒也。 惟 次宋城 質, 奚 以 人在 適? 但 僅 間 誣 生 店 時 漢 問 獲 構, 教 僑居 起 東 唐 遇 英 時 己 宋 生 誨 家, 床 妻何 老 城 古來伉 泫然 也。 門 於岑寂 郭 爾子、式 全。 坦 人倚 類 鄰 宰 非 腹 元 我! \pm 左 振 遭 歉 今 下 顛 獨

誰? 鬻菜以給。 紅葉,其上有詩云: 」復送流去。 常抱于市,爲賊所刺,其痕尚在,故貼花鈿。」宋城宰因名其店曰定婚店。 韓夫人又拾得之。 「流水何太急,深宫盡日閑; 後祐托韓泳門館,因帝放宫女,泳嫁韓夫人與祐。 殷勤謝紅葉,好去到人間。」祐復題詩云: 唐僖宗時,有書生于祐晚步禁衢 及成禮,各於篋中取紅葉相視, 曾聞葉上題紅怨,葉上 見御 於是感 題 詩 清清流 寄阿 嘆

日

事豈偶然,莫非前定?」因作詩云:

「今日結成鸞鳳友,方知紅葉是良媒。」

但少時貧寠,侮慢者多,髮怨絲恩,稍稍修復,是其短也。 忠以事君,廉以律己,兩朝開濟,趙普,字則平,薊州人,初相太祖定天下,再相太宗致太平。 方。」文場肆力,學業精研。 生既以事出希奇,情好愈篤。 歷春秋兩試,初受京官教職,次歷提刑等官。 内有棲身之所,外無餬口之憂,餬口 唐李訓、鄭注,平生絲髮恩怨無不報者 ,解見《夜叉》。 纔二十年,遂躋于顯宦焉。 出《宋史》。 《左傳》: 廟 餬其 堂倚 口 公能 於四

蹣; 金吾。 閉,故名閣。 紅 道,號曰道士。士者何? 南海外。 絲繩綴金鈴於花下 云杖名。 跚,相關切。 常設祈安道會,峩星冠而曳霞裾者,數百人餘。 唐李林甫爲相,多結怨,慮刺客,出則步騎百餘人,金吾静街。 「相公今日官居鼎 胡季犛領舟伐占城到此,亦遇風波。 公叱之,道士行且嘆曰: 按金吾、鳥名、形如美人掌、性通靈、不睡、能辟邪; 蹒跚,跛行貌。 ,以驚禽雀,號爲護花鈴。 理也,事也。身心順理,唯道是從,從道爲事,故稱道士。 鼐, 地起樓臺,宋魏野《上寇公》詩: 把門者不納,强之至再,閻者禀命。閻,音昏,守門人; 「故人尋故人,不意故人果薄情如是! 又晉尚書左僕射羊祐, 勿謂故人負故人也。」公聞之,使人追請,下階延接。 按星冠,道士所載之冠,冠上有點星也。 古人有刻形於杖頭,天子出,令官執以前 止則花鈴護閣,花鈴,似鐘 都督荆州 「有官居鼎鼐,無地起樓臺。」行則金吾静街,金吾,官 事,閣内置鈴架,以警防不虞。 弊袍破履,盤跚 烏蹲之厄,幸免相煩 王宫每門四 而小。 加 繼有 唐寧王,春時花開,以 進, 行以辟邪, 盤 人,司 道士,人行大 間 當作聲,通作 坐定,道人 富 晨昏以啓 烏蹲,在 貴,想 故官名

帝曰: 之。 但焚香一瓣,以字呼之,瓣,音下,片也。 當有海濱之行,吾恐於其時,重遭奇禍。」公請其故,曰: 職,與公有舊,故來相訪耳。」公又問烏蹲之説,道人愀然不樂,愀,七小切,色變也。 塵寰爲隘 極平 古 愛憎,今則産怨已深,冤魂塞路矣!」公曰: 然有悟,惺,悟也。 罷朝,語群仙曰: 慾河汨没^[五],迷沉至此,請爲陳之: 某性麄豪,又善使酒,上帝微賜譴訶,謫在塵寰,謫,音窄,責也,罰也。 ,旴江人,學者稱爲南豐先生。 生,獨不記紫微之樂乎?」公曰: 日往見,正撥火煨芋啖之,取其半授泌,曰: 『行矣! 也。」隘, 醒,醉解 烏解切,陋狹也。時予侍立,故見其詳。」且以靈丹一粒授之。粒,音立,米顆也。 閻浮之樂,不减天曹,閻浮世界,人間也; 『汝曹誰肯作下界遊觀,領取十餘年宰相?』唐衡岳寺,有僧執役,性懶而 也。 出《尚友録》。 漸 漸記前生事矣。 宋陳師道〔六〕,字無己,號後 昔公爲帝所茶童,吾爲星曹酒吏,日侍紫微垣,相從舊矣。 吾至,亦一助 帰 鼐之居, 「勿多言,領取十年宰相。」群仙 「奈何?」曰: 曰 : 粗嘗竊寵; 也。」 「吾之履歷,既 「公爲宰相,無他過咎; 説須彌山有閻浮樹,影於月宫, Щ̈́ 無傷也。 詩云: 紫微之樂,未究來由。」道人曰: 將歷三紀。 以略聞, 相視, 「向來一 吾本字君房,脱有急,脱,或然之辭。 無 君何 辦香,敬爲南豐贈。 適先 今謫期 屏人謂曰: 以 只緣當途日 對。 故下界曰 却在 已 食殘,號懶殘,李泌 公即 滿、還補 飲既畢 人也?」曰: 後 閻浮。 欣 曾鞏,字子 然 五年,公 帝 星 、從之。 曹 則 公爲 頗用 勿以 日 舊 惺 異

滿者 根滴 勉爲仁而已矣。」珍,猶慎也。 露,會見發榮; ,禍福之機。 夜遂同宿。 倚伏之間 公曰: 積財如熾火點冰,終當溜破。 「君既相知,奚以相教?」道人曰: 至爲 公曰: 可畏。 吾聞天道公明, 賈誼 疏 Z 溜,力救切,義同流。 禍兮福所倚,福兮禍所伏; 如持衡握鏡。 「夫德者善之基,財者争之府。 有神明以記其迹,有造化以司其平; 况不耘而長者,善惡之根; 憂喜聚門,吉凶同域。」相 積 不 德 持而 如 孤

用此爲? 但力行方便,免使重來,是則故人之賜也。」 次早當別,公以黄金十錠錠,徒鼎切,義見《金華》。 爲遠行之贐。 贐,慈忍切,送行財幣也。 道 人笑曰: 安

音高 蒲 眠切, 進船器也; 後天錫果因言事忤旨,遠投南裔,裔,表也。 「白波如山 輜車 仇 家至矣! 也; ,海外震蕩。」又楊廷秀《過石硊渡》詩: 篙 重 百 師,即舟長,掌舟楫也。 輜 我乃今日得甘心於相公哉(八)?」或操船尾,或登船背,船 輕 日軿。 憑空按駐,駐,立馬也。 則 曰 : 烏蹲之地。」方記道士之言,依教呼之。 途經海口 中 流風作浪 仙童玉女,侍衛嚴肅 白 如山 畫中 前進不得後進難。」有鬼 忽陰霾 垂暝,南 遥謂衆鬼曰: 幾 覆者 風 勃 俄見雲 再。 相 起, 數 「汝曹汨没,業 大波 急 百 問 軿 如 篙 相 Щ 兩 師 喧 篙 《莊 呼

道 ? 在矣。盼,邪視也。 障殊深, 我當奏聞帝庭, 生前既犯於條章,死後更萌於芥蔕,芥蔕,鯁刺也。 切洗冤魂矣。」衆鬼聞言踴躍,一 時散去。 冤冤 相繼,無有了 公懇款相邀, 時。 詢以後事, 胡不滌腸 易慮 顧 盼 間, 心向 失所

已而 風 晴浪帖,晴,日出雨止也。 帖,定也。 舟始達岸,遂屏其妻子,不知所之。 後有見於東城山,或者疑

其得道云。

間 之玷,尚可磨也。」然與其玷也,孰若併其坫而去之爲愈? 之陽報,已諄諄於夢寐之間; 嗚呼 物 不得其所,則天之畀福,當何如哉? 爲善在人,福善在天。天人之相與淵乎哉! 况宰天下者,佐天子,理陰陽, 至於天錫之事,其白圭之玷乎! 當官守者、願勉其所當勉、監其所當監 楊公一治獄吏[九],僅能伸冤 順 四 時,正心率人,推行善 《詩 大雅》云: 政,使 理枉, 云。 穹 白 而 壤 天 圭

校勘記

- 一〕「茶童降誕録」,丙本作「茶童降誕傳」。
- [二] 「陷墨籍斷無出理」,「出」原作「生」,據甲、丙本改。
- [三] 「燕山寶十郎」,「十」字原訛作「寸」,據原詩改。
- [四]「佳婿令婚」,甲、丙本作「佳婚令婿」。
- [五]「慾河汨没」,甲、丙本作「慾河浪汨

〔六〕 「宋陳師道」,「師」原作「思」,據甲本改。

[七] 「定爲宿世善緣」,「爲」原作「知」,據甲、丙本改。

[九] 「楊公一治獄吏」,甲、丙本「楊公」作「德公」。 [八] 「我乃今日得甘心於相公哉」,「哉」字原無,據甲、丙本加。

加。

西垣奇遇記

柳絮 可爾 即 雨止,日 薦,惟蘇在外,未見收録; 朝 丰姿,常出洛陽道,婦人遇者,皆投之以果,滿車而回。 回 聽 . 顔 ,不敢以雲雨見困。」已而翦燈就寢, 顛狂,杜詩云: 講,途經曲 天長士子何仁者,紹平間客遊長安,從抑齋先生受業(二)。 「妾等春事未諳,芳心正怯,祇恐花情顫 出而風,草木有光,故謂風光。 哂 ,慇懃,委曲貌。 自公即世,久秘芳踪。 江坊,坊有陳太師故宅,常見二女子,日乘西垣 顛狂柳絮隨風去。」絮,柳之棉 因公事入府,獻詩云: 哂,式忍切,微笑也。 乃携歸寓所,叙其歡愛。 今日逢春,願作向陽花草,范文正公知杭州,蘇鱗爲屬, 則偎金倚玉,偎,烏魁切,愛也。 「近水樓臺先得月,向陽花草易爲春。」文公薦之。 謂生曰:「妾一姓柳字柔娘,一姓桃字紅娘,舊時太師婢女。 或以好花擲之。積之日久,生殊不能定情,遂致慇懃焉。 也; 掉,懇,情實也。 作花, 非。 採摘間,採, 諳,曉 怨 緑 敗壁中,讙譁笑謔,或以佳菓投之,晉潘 濟文侯阮 羞 也。 紅 顫,音戰 取也。 倚,依也。 减 廌 了 號抑齊 風 四 摘,音窄,手取也。 流 肢寒掉也。 纔欹枕間,欹,音欺,不正 先生; 段 庶不負風光佳節 (也。」生 時城中官兵往往皆獲 掉,徒了切,摇 凡 稱 二人羞花 師 日 先 動 姑 岳美 也。 試 女 懇 每

碎桃花浪矣。 擺 ,補買切,持而摇振之也; 又開撥也。 生於卧次索吟。 柳先吟曰:

道 東 風 寬 塵 凉汗 嚲 緑 濕 ,報,告也。 羅 衣,翠黛 道,言也。 輕 颦 Λ 東風,春風也。 字眉 ; 黛,音代,畫眉黑妝也。 貚,丁可切,垂下貌。 顰,皮賓切,眉蹙也。 纖腰擺 亂 不 勝 吹。 漢帝宫 人 畫 Λ 字 報

桃續吟曰:

壺

水也。

燈

擁銀红出

絳

帷;

红,音綱,燈盞也。

分付才郎攀折去,新

紅

認

取

小

桃

天 高 禁 禁漏 聲遲,禁禦者,禁苑之禦,折竹以懸繩連之,使人不得往來也; 又池中編竹籬 以 養 魚 亦 日 禁。 銅

生撫掌大笑曰: 「春閨: 情狀,曲盡其妙,艷辭綺句,吾不及也。」亦續吟曰

參差,長短不齊之貌。 倦掩 書 齋 客 夢 連帶花開次第紅。 慵,書齋,讀講之所; 帶,音帝,果藏綴實也。 取 齋潔之義。 誤 隨雲 並 雨 到 宿任教鶯上下,教,居肴切,使之爲也。 巫 峯; 解見《徐式》。 交 飛 蝶 弄 參 差 分 白, 流

忍禁水西東, 絶聯均是風流種,興到風流自不同。

答曰: 天仙 入洞 此後 之求漿, 瓊漿百感生,玄霜搗 尺曰尋,倍尋曰常。 爲裴郎具帷帳。」俄見一大第,仙童侍女引航相見媾婚。 隔錦屏; 朝去而夕來,日以爲常。 嫗呼: 我老病,神仙遺藥,欲得玉杵臼搗之。 倘若玉京相會去,願隨鸞鶴入青冥。]夫人曰: 雲英,擎一 盡見雲英; 唐裴航佐舟於湘、漢[二],同舟樊夫人,國色也。 甌漿來。」航接飲,真玉液也。 藍橋便有神仙 生自謂平生奇遇,未之有過, 人欲娶吾女,但得玉杵臼,其餘無所 窟,何必區區上玉京? 航憶夫人「雲英」之句,謂嫗曰: 後夫婦超爲上仙。 「幸無諧謔。 航賄其婢裊烟達詩云(三): 」别舟去。 可以伯仲裴航 與郎少有姻緣,他日必爲配偶。」因答詩 僧 孺, 後航經藍 須。」後 事見《徐式》。 而 小 橋驛,忽見茅舍,有 航得玉杵臼與之,嫗吞藥, 尋 常僧 娘艷麗過: 「昔爲胡越猶懷想(四) 孺 也。 願 伯 娶之, 仲,兄弟 老嫗績麻。 云: 可乎? 况遇 吾 嫗 飲 八 揖

狀。 詩曰(六): 矣。」耐,音奈,忍也。 仝《有所思》詩: 恙, 噬人蟲, 善食人心, 故人相問勞曰: 後,數日不至,生問柳曰: 又一夕,風疎 「當時 雨驟,二人冒冷而 生即以袖擁柳,因 我醉 美人家,美人顔 桃娘安否?」曰:: 『無恙乎?』」但郎 | 戲曰: 色嬌如花; 至,低聲語 柳嬌艷態,當今獨步,可謂『美人顏色嬌 今日美人棄我去,青樓朱箔天之涯。」桃 君以形跡見拘,故不敢來也。」因 「彼固 「妾等恐負佳期, 無恙,恙,餘亮切,憂也; 勉尋 舊約,身如 即 訓爲 歛 出 疾, 如花」者矣(五)。|虞 容 桃所 燕子,不 非 俯 也。 首,若含羞之 寄詩 《風 耐 俗通》: 寒 首, 色

晴 霞 骨 骼 雪 精 神,幣 ,音格,與胳通,骨也。 露 藥 煙 條 兩 樣 新 ; 可 恨 東 皇 偏著力[七],著屬 也。 枝

憔悴一枝春。

生讀訖, 懊惱移時,懊,烏 老切; 惱 ,乃老切。 悔恨也; 又事 物撓心也。 再賡前韻以答,詩

風 姊妹,並曰姨。 女伴即衆花精,封 相 撓,常求封家十八 相 思 度 崔 姨即 元徽(玄微)月夜見青衣女伴曰楊氏、李氏、桃氏,又有緋衣小女曰石氏,皆殊色。 勞神,底 風 姨 神也。 相庇。 事纔成 煩處士每歲 爲 誰 憔悴爲誰 别 恨 作 新 朱幡立 春 ? 憑 仗封 苑東。」崔如其言。 樓 穎《西施石》詩云: 姨 煩寄語〔八〕,姨,音夷,平也,與妻等也,妻之姊妹,母之 後值 「岸傍桃李爲誰春?」 東風刮地 , 折 木飛 花,而苑中不 石 氏曰: 「苑中 動 . 每 被 乃 悟

桃得詩,始往復如初。

居 嘗 信 爲遠也。」生喜,與之偕往。 步 時 ,信,音申,不屈也。 及元夕,京城士 女 每以爲恨。 觀遊 步入西垣,踰重籬、度曲墻,約數十丈,復經芙蓉沼,芙蓉,荷花也。 四出,二人請曰: 今乘令節,願暫 密邇 相 邀,幸勿以婢子爲羞,《禮》: 蓬 門,《禮記儒 行》篇云: 蓬户。」編蓬 「夫人自稱曰婢子。」以 爲户 也。 員 曰 君子未 池 曲 敝

屬意殊厚。 條; 于以采蘩,于沼于沚。」采蘋,言大夫妻能奉祭祀; 鴈,取其不再偶也。」且責歸來之早,生徬徨不忍。 加, 云 柳之姿,文帝與顧悦之同年(一二),悦之先老,帝怪問之,悦曰: 鳳凰于飛,和鳴鏘鏘。 割懷土之思,夫子云: 數月後,生鄉信至長安,言父母欲爲生奠鴈,聘定儀物稱鴈奠; 豈其取妻, 解見《翠綃》。 崔辭起,絕不復至。 蘋,大萍也,葉圓闊寸許,季春始生,可糝蒸爲菇; 必宋之子? 崔護之桃,依舊笑春風矣! 有嬀之後,將育于姜。 「小人懷土。」謂溺其所處之安也。 豈其取妻,必齊之姜?」宋,子姓; 來歲清明,徑往尋之,因題詩于左扉云: 五世其昌。」必屬高門; 采蘩,言夫人能盡敬誠,以奉祭祀也。 徬徨,猶徘徊也。 唐崔護於清明節獨遊都城,渴酒求飲。 繁,蓬蒿也,似青蒿。 决尋芳之計,尋芳,解見《翠綃》。 「松栢之姿(一三),經霜猶茂; 齊,姜國名[一四]。 「去年今日此門中, 二人揣知之,揣,度也。 宋子、齊姜、非賤質所敢望也。 壻執鴈入,揖 《詩・召南》云: 但歸· 鳳占之選,懿氏卜妻敬仲, 讓升堂,再拜奠鴈。 人面桃花相映紅; 來後,倘深情未 有女以圩水至,獨倚小 蒲柳之姿,望秋先零。」難主 謂曰: 則 「于以采蘋,南澗之濱。 韓翃之柳,迎 「妾等率 程子 人面不 斷 《詩 Ħ: 占之曰: 厚 桃 知何處 佇立 陳 以蒲 意 風》 有 奠

餞

去? 舊日 桃 花依 舊笑春 徒使妾等 風。」女見詩, 爲 江 南 遂病死。 無 主 花 也。 崔 入哭,半日復活。 無主 花 即 桃花也。 老父大喜, 杜 詩 云: 因以女嫁之。 桃 花 簇開 兄 善 無 圖 主 之, 可 愛深 無 以 紅間 新 淺 婚 紅。 之樂 因 携 而 觴 忘

别 緣 緑 花 各歌 禹錫《上武相 金 徘 未 》詩: 乃計 甲 白樂 屏; 許 也。 逢 徊 安撫詩: 切, 平原君 驛使,寄 is 淚 城 天 <u></u> 遊 先許。 仙 落 肥 詩: 東 穠 蜂 梯 音疎 膩 枌 邊 花 公書 翩 難 巧 柳先歌 與隴頭 也。 鄉 露 蕃草 翩、濁 作 「千里長亭復 櫻 ,理髮也。 媒。」 俗 魚 滴 便 匀 桃 緣 將 木, 與均 檀 遞 世之佳公子也。」 樊 盡 重 E 凡卉 信 素口 ジ 浪 破屋 身主祀,萬 通,齊也。 日 ,遞,音 吐 粧 江 對 憑青鳥通丁寧。」粤 短亭,梅花香裹送 向陽 南 ,俗妝字,飾 楊 穠, 依 數 無 柳小 所 第,更易 紅 間 乃同切,花木盛 栽,卉,音毁,百草 有 里望枌榆之鄉。」按枌榆,木名,古人立社,必以 會 杏 學 曲 蠻 聊 來 塢 腰。」樊素、 博 江 也。 也 贈 屈 ,塢,安古切,壘 曲 才奢貫 指 驛 霧 人行。」又陸 枝 從二八惜芳容 遞 未 閣 銀 《春。」 貌。 也。 周 小 雲 經 篦 總名。 蠻,樂天二妾名; 檀,香 星 窗苦 長 綵 漢 史。 高少 亭 盝 周 壁 凱 木也。 又 草草 幽 典 事 分付 也。 時 遍 趁 范 獨 梳 条份榆 也; 曄 蝶 車 窺 東 墻 粧 消 相 使 , 篦, 聲 韓 春 頭 皇 星 得 善, 愈《 蜂 社, 早 羞 樊素善 好 從 自 邊 歲 媒未 華 趁, 及移 見 向 好 前 江 ıЦ 迷 間 少 開 南 周天; 切,櫛 春 丑 歌,小 女》 新 肯 年 苟 樹 寄 恨 慎 豐 詩: 通。 焉。 叢 梅 梅,《風土 苦 絮 簡日 切 亦立 也, · 蠻 花 暫 周 善 逐 古 以 魂 草草; 焉, 星,一 挾 枝, 迎 雲 舞。 歌 詩: 也。 竹爲之, 消 書 故 窗 笙 風 記》: 詣 梅 霧 後 歲 脂 何 使 香 軟 長 閣 寄 驛 人 也。 又 處 粉 落 妾 度 安 花招 去 事 雜 用 馬 「江 佳 腻 泊 長 小 慌 與 髮 亂 枌 滿 諳 公子? 曄 榆 垢 憂 蠻 蝶使。」 不齊 影 目 程 字 西 來 腰 爲 初 Ш ,軟,柔 祖 詩 鄉 試 河 翠 云: 道。 曲。 旅 良 幔 暖 史 音

帝子纍祖

好好

遠遊,死於道,後人以爲行神,出行者祭之,故云祖

道。

西

垣

雨

暗

泣

黄

浙

四

五

月間

桃 亦 歌 妾兮, 詩云 杜, 李白《惜餘春賦》云: 竟捐 暺 子之遠遊, 送 降符之意。」注: 「黄鶯相唤亦可 欲黄 起兮白雲 君南 以 石 隔 留人。」一 蓋屈原遭 舊愛兮,暫 秋 落 浦 抱此 霄抹 "" 則 乾,音干,燥也。 看征鴻之稍滅。」注: 飛 H 如之 生 嗟 水 轅,即車 說遊絲,乃大暑日,於空中結爲白絲, 漸多來 讒見棄,故怨而有是言也。 ,草木黄落兮鴈 碧兮,秋 潤 復彫枯。」花 冤。 聽,緡緡蠻蠻如有情。」咄嗟此 土溽,柱礎皆汗,蒸鬱成 「鄭 何?」梅黄草緑 結 H 也,車前直木上勾衡曰轅。 重,猶頻煩,言殷勤也。」 新 鳴 「恨不得掛長繩於青天,繫此西飛之白日。 少,别 呼 歡。 葉棲丹。 孤 再歌兮,珠 留 鴈南 時容易見時難。」嗚 南歸。 洞 河汾嘆菊兮,楚畹羞蘭。 「征,行也。」暮 口 暗傷 飛兮, 霄,雲霄,天氣也。 兮, 蘭有秀兮菊有芳,懷佳人兮不能忘。』《楚醉· 淚 神, 水 雨 泛我瓊觴兮,羞 征 汍 到 謂 臨岐應 妾在! 鴻 瀾。 别兮,何時當 之梅 烟慘 度 恨 呼 間 君歸 關 俗曰遊 不鶯簧兮, 汍 雨。 一歌兮,鬱陶 有斷 ,音完,泣貌。 淡兮,新愁 抹,塗也。 仙 鴈,陽鳥,性畏寒,秋至霜降 影 南 人送 絲。 腸 暫 浦 我銀 漢武幸河東,祠后土於河汾,中流飲歡, 劉 還 分。 波 恨不長坡兮, 唤客緡 若有人兮情相親,去南國兮往西秦。 阮 ? 棲,遲息也。 寒 盤。 詩: 長 鮫 鄭 愁 咄,當没切; 般。 嘆。 人水居,出 重 緑 羞,進也。 蠻。 爲 花 草。 我 鬱陶, 留 君 黄鶯, 千户萬户兮,寒砧 公 洞 歌 障 江 離騷》云: 寓人間, 不 口 哀思也。 淹《别 此 别 杜 則南飛。 맾 應 留 一名倉庚[一五],週身黄 曲 嗟,咨歎語。 回 時容易兮,見時 長 5分,我 《王莽傳》: 賦 在, 轅。 臨 恨 去索器,泣 水 既滋 李白《惜 坡,坂 不 到 i 人間 遊 盤 蘭之九畹,又植 春 作《秋風 左思《詠史》詩: 聲乾。 也 絲兮, 餘 見遊絲之横路,網春 桓。 草 而 自 春 非皇 碧 不 出 良難。 賦》 盤 色, Ш 珠與主人,故 纏 辭》曰: 桓,難 <u></u> 天 日 砧,音 春 長 所 忍 水 歸 以 古 蔥之百 鍾 進 送 斟, 令 緑 詩: 鄭 鞍。 情) 「糢 「秋 貌。 小

行

障

日珠淚。

歌竟,生欷歔泣下,分手而歸

中 期,假螢窗之歲月,使平生志遂,則針線之求未晚也。」線因針而入,如女因媒而成夫婦也。父母重違其志,事爲 之有室,女子生而願之有家。』此父母之至情,門庭之深慶。但小子長於簪紳之族,士大夫之家曰簪紳 於《詩》《禮》之傳,夫子教伯魚事。 比至家,則婚期定矣。日入二刻半爲昏,娶妻以昏爲期,因名焉。 然生亦以思娘之故,居常悶悶,復命駕爲長安之遊。 學未成名,志猶願仕,縱有妻孥之樂,恐妨燈火之功。 生謂其父母曰:「竊聞: 『男子生而 莫若緩花燭 族 之程 業 願

之教者,呻其佔畢。 魚[一六],飛集講堂,故云鱣堂。 况《棄婦 云報成昏日曰請星期。 而作 「巨,信人!」已而果至。不負尋芳之約。」乃再爲生具禮,使就鱣堂肄業焉。 也。 「兄可謂『巨信人』,昔有一人與范巨卿約三年後某日來會,至日,其人殺鷄以待,母曰: 詞》云: 到西垣,已見二女迎笑曰: 副 歸 「物情棄衰賤,新寵方妍好。」胡不伸宴爾之情,《詩·谷風》篇云: 歟之願,夫子在齊,不得行道,乃嘆曰: 」蓋言但吟諷所視之簡,不能通其藴奧也。 《詩‧綢繆》刺婚姻不得其時曰:「綢繆束薪,三星在天; 生雖以遊學爲名,然屬意在美人,佔畢之期疎,佔,視也。 「星期在邇,成昏日曰星期; 「歸歟! 講歡之意密 歸歟!而乃早覔來程也?」生語以故。 星,心星 也,心有夫婦之象,故嫁娶者以 今夕何夕? 「宴爾新婚 楊震客居於堂, 見此良人。」新 「久限之言,未必信。」其人 畢,簡 以我御窮。」蓋婦 也。 有鶴 《學記》云: 寵 雀 方 爲 嚙三大鱣 人爲夫所 二人稱 候焉; 妍, 今 韋

之疾,漢公孫弘病篤,上書乞骸骨,武帝報曰: 歲華冉冉,時再更冬。 一日,生自外來,見二人流涕,怪問之,皆忍淚言曰: 「君不幸罹霜露之疾,何恙不已? 今事少閒,君其存精神、止念慮、補醫藥以自 「妾等不幸,偶罹 霜 露

倦蝶 云: 持。」因賜牛酒 切,棺飾也,形如扇,柄長五尺,持之以障柳車。 無,資,貨也。 訪,妾且含笑入地矣!」漢桓帝時,琅琊賊聚衆破壞,以韓韶爲長時,有餘縣流民萬餘户入界,韶開倉賑之。 在足下也。」步,徐行也; 送妾者長溝之水,烟消風化,不煩葬也。」因各留所服結珠鞋,囑生曰: 到洛,在大學左有一小屋,安止母,然後入學; 桃曰:「人生如樹花(̄セ),榮瘁有期,非短景所能留住。 色。」然在天之數難逃,歸盡之期又迫,會將翠鈿委地,鈿,金華也; 怖如傷弓之鳥耶?」 古語: 二春行樂處,竟屬誰邊也?」唐劉廷芝《代悲白頭翁》詩云: 其物在,其人亡,以此見哀,哀無不在!」區區憑此,爲死 片,更向 春風得意馬蹄疾,一日看盡長安花。」雖小妾終填溝壑不恨也。」生曰: 「只在今夕,如有狂風一 「長活溝壑之人,而以此伏罪,含笑入地矣!」生泣曰: 「事勢既迫,情亦無奈; 郊 坰 誰家漂泊也?」生驚曰: 維帛。 貺 ,賜也。 坰 居數月後,又瘳,視事。 音扃; 何以相報?」二人曰: 武,迹也。 邑外謂之郊,林外謂之坰。 「傷弓之鳥驚曲木。」柳曰:「貪歡綦愛,誰無是心? 陣括地而來,括,包括也。 步曰步,再步曰武。 惟恐雪侵病骨,春去寒荄,風恙難醫,謂風疾爲風恙。 「我與子等,初非良媒之求,偶諧羅帶之結,何忍遽言睽 編柳爲簡以寫經,睡則懸頭于梁。 以飈爲御; 「妾等命薄遊絲,身輕落葉,奄棄後,不過以雲 封妾者绿徑之苔,苔,水土潤氣所生,在水傍曰水衣,在墻曰垣 生契闊之贈。 是夕果不來。 飈,音標,暴風也。 「一朝卧病無相識,三春行樂在誰邊?」生惆悵終不能捨。 是妾等捨命之秋。 願郎君强力加飱,及時進業,使緝 契闊 以金華爲飾,田 《楚國先賢傳》。 草茵其席,露珠其釧; 解見《快州》。 「人亡物在,别思何堪? 「子言零謝,尚得幾多時 兄如有伉儷舊情, 綦,音奇,極也。 田 然。 倘步武所及,常如妾之 但我他 看花得力, 紅粉填泥,不知此 鄉旅 花顔 古云: 殘鶯當鼓吹, 主者争謂不可, 爲翣,翣,巴合 柳 可就 孟郊《登第》詩 寓, 易謝 隔 成 , 使 功,孫敬 資 西垣 耶? 目 香魂 貺 欲 衣 後 全

花冒 哉 ? 之。 歸 矣。 只見廢院荒凉,數株桃柳,葉碎枝摧,地 非子所狎遊者乎? 取 姓 其 所 此地自 夜將 此 辭 留 必懷春遊女,不然則陰精滯 鞋 不意芳株, 半, 視之, 太 風 師殁後,二十餘. 雨 則 暴至, 應手飛揚,片片成嫩葉矣。 乃能變幻 所謂金氏兒郎, 生倚 欄 如此 年, 悽愴,徬徨之狀可 華聲 金錢花也。 魄,假體爲 幻,胡貫切,相詐惑也。 久歇,歇 **槮殘蕤,蕤,儒** 妖耳!」天既明,與 消散· 嫩,尼困切,少好貌。 石 掬。 家 也。 娘子,石榴樹 追切,草木花垂也。 乃就 半 於是生大感悟,歎其半生浮浪,全是對花眠 鄰居 間 祠 宇 老叟,始吐實言之。 明日 也。 生俱 無 人 籬 其 造西 典衣一領,以酒殽致奠,自爲文祭 洒 横 如 掃, 敗 李氏、韋氏、 垣,造,災到切(一八) 然矣。 安有 姓 叟曰: 叟 氏 、梅氏、 治謂 甚 繁 生日: 音操,至 吁! 楊氏 若 彼 所 子 此 也。 也。 誕

稀 我 偶 居 瓦 頭 家 棺,中 莱 整 院 眠則交頸,飛則 我 肅,容儀端麗,不許群妾作時世粧。 落, 莉,茉莉,音 按崑 夜 乘 有 二人冰凝 低 凄 風 石 崙山 刻 迷 凉 日 緑 有閬 時 末離,花名。 色, 暗 並 奇骨, 撩 苑,左 翼。 池 色身 渭 亂 州 塘 惟 刺 皮 帶瑶池,右環翠水。 露 列 肉 願 史張 深深 滴妍芳。 子 也 池 久霑於思 乘 宗妻王氏」, 棲交頸鴛 風 兮瘞玉,鬱鬱 空, 而歸 均是名姝第一,信乎絶代 覺性 雅 日: 海, 負天然之質,天姿自然不施粧點曰天然。 為。 銘 如 糊窗 虚空也。 日 如 吾 司馬 何 分 燈火 心 遽 埋香[三〇]。 疑 相 深深瘞玉,鬱鬱 釋 觀 返 如以琴挑文君 好伴 空莫非見 於 隨風 仙 清 東 鄉? 西 光。 色, 竟不 無 瘞,余祭切,藏 埋 日 雙。 香。」 顔色莫不皆空,色空如 唐 冉 楊 知 冉 「何緣交頸與鴛鴦?」按鴛鴦,鳥 風 身 閬 炎於 穠 乘 苑 世 花 後 我 英 也。 逐 耶? 頓 閣 華, 秋 用 恥 改, 孟 桃 風 蜀 爲 我 厭 花紙 悠悠 之 時 乘 時 看 有, 風 客 世 糊 富 節 耶? 别 無不異 貴; 之 度使王 秋風 恨 粧 九 空將。 客 承 是空 閬 崔 指 儉 名,止 苑,王 樞 築城, 盆 歸 夫 空是 燕 淡 風 長 人治 則 母 也。 紅 乘 雙 獲 相 所

侯富貴家。」又東坡在昌化,行歌田畝間,有老婦謂曰: 漢張衡旅寓,顧梁燕曰: 離別,萬古悲傷。 「秋風已至,想汝客興思,難久留也。」繁花驚春夢之場。古詩: 魂欲招兮不返,踪擬訪兮無方。 「内翰,昔日富貴,一場春夢。」坡然之。 縱有靈兮未泯,尚來舉兮吾觴。 「春來何處不繁花, 里人呼爲春夢婆。 歐陽祭子美 豈獨公

云: 「哀哀子美,來舉予觴。」嗚呼哀哉! 尚享

朝

所矣。

其夜夢二人來謝曰: 「昨蒙哀奠,聲價倍增,重感此情, 虔來伸拜。」生欲留之,則騰 空而 逝, 不知

無欲之境,亦勉進焉於寡欲之地,則善矣! 「某花月之妖,帝遣奉公, 正大之梁公哉? 武三思妾,名素娥,有姿色,狄梁公請出之,忽失所在。 欲,物誘牽之,故彼得以乘機 呼! 清心莫若寡欲,欲誠不行,則心虚而善入,氣平而理勝,邪魅豈能干乎? 梁公正人,不敢見也。」士之負笈來長安者,當精專其業,正大其見, 何隙; 不然,則花月之妖,何以能惑儉小之承嗣,而不能 於堂奧中聞蘭麝芬馥,附耳而聽,素娥語曰: 蹈 何氏童 雖不敢望於 踪 履 心多 跡 於

校勘記

- [一]「從抑齋先生受業」,丙本「抑」作「柳」。
- [二]「唐裴航佐舟於湘漢」,「湘」原作「襄」,據《裴航》改。
- [三]「航賄其婢裊煙達詩云」,「裊」原作「晨」,據《裴航》改。

四〕「昔爲胡越猶懷想」,「昔爲胡」原作「同舟吴」,據原詩改。 前二字誤竄入鄰行字,故訛。

[五]「可謂『美人顔色嬌如花』者矣」、「人」字原無、據盧仝《有所思》詩加、 甲、丙本「嬌」上有「桃」字,與「柳嬌」對文。

[六] 「因出桃所寄詩一首,詩曰」,原作「因出桃所寄詩云」,據甲、丙本改。

[七]「可恨東皇偏著力」,甲、丙本作「可恨東皇私著意」。

[八]「憑仗封姨煩寄語」,「封」原作「風」,據甲、丙本改。

[九]「止於園中促席可也」,原作「只於園中從席可也」,據甲、丙本改。

[一〇]「酪」,原作「酊」,據前句改。

[一一]「杜甫《槐葉冷淘》詩云」,詩名原乙作「冷淘槐葉」,據原詩改,并按此詩第三句「愁過」原作「資方」,第四句「餐」

作「飧」,並改。

[一二]「文帝與顧悦之同年」,「悦」原作「愷」,據《世説新語》改。

[一三]「松栢之姿」,此句及下三句、《世説新語·言語》作「蒲柳之姿,望秋而落, 松柏之質,經霜彌茂」。

〔一四〕 「姜國名」,「國」字原無,據文意補。

〔一五〕 「一名倉庚」,「倉庚」原作「食庾」,據文意改。

[一六]「有鶴雀嚙三大鱣魚」,「大」原作「十」,據《後漢書》改。

[一七]「人生如樹花」、「花」字原無、據甲、丙本加。

[一八] 「災到切」,「災」,原作「失」,據「造」字音改。

[一九] 「唐楊炎於後閣用桃花紙糊窗」,「窗」字原無,據文意補。

[二〇]「鬱鬱兮埋香」,「鬱鬱」原作「杳杳」,據甲、丙本改。

±

卷之二

龍庭對訟録

洪州永賴,舊多水族,族,類也。 水族,即龍蛟之屬。 沿江而祠,凡十餘所,沿,音緣,循也。 積年寢久,間或爲

妖; 但祈晴禱雨,無不立應,故香火不絶,而人加敬憚焉。

兩女乘龍,言得佳婿也。言訖不見。拆匣,見同心紫帶,帶上題詩一絶句云: 切,匮也。 害澣害否? 陳明宗時,有鄭縣令〔一〕,任在洪州,其妻楊氏歸寧,女子已出嫁於人而歸問父母安曰歸寧。 前致語曰: 歸寧父母。」舟次祠側。忽見二女童,捧粧金小匣,捧,兩手拱承也。 「吾君奉此,聊寓微情,早晚於水雲鄉,契乘龍之願矣。」孫雋、元禮娶桓玄之女,人謂桓玄 拆,音册,開也。 粧,原妝字,俗作粧,飾 《詩·周南》云: 也。 匣 呼甲

圓如毬子,長垂末二條于下也。隋文帝夫人美姿貌,文帝寢疾,太子廣逼之,夫人拒之,得免。文帝崩,太子廣賜夫人盒,中 爲蓮花形也。水晶宫裡結同心。 屬望深; 佳人笑插碧瑶簪,插,刺入也。碧,深青色也。瑶,玉也。簪,首笄也, 屬,音祝,注意也。 留待洞房花燭夜,洞,幽岩也, 水晶,水玉也,出哀牢國, 大秦國宫室皆以水晶爲柱。 房,夾室也。 又連也,所以連冠於髮也。 洞房,取幽暗之義。 結同心者,謂以帶結爲形,中 花燭, 插燭器,以 勞我 情懷 金

狀

掬

撮

也。

但

臨

風

哽

咽

哽

咽

音

| 綆謁

悲

塞

也。

時

無

可

同 ú 結 數 枚。 其 夜,太 八子蒸

所 懷 是夕 楊 次 氏 則 」遂夫妻對 纖 慎 江 寒 無 雲 掃 踪 與 月淡,惟 小 跡 跡 飲 婢 焉 。」每 捨 碧萬 飲 衣裳在焉。 舟 酣 風 而 頃 而 雨 途, 睡 田 之宵,幽陰 復投任 熟, 百畝 其憐香惜 酣 É 頃 何 所 南 之夕, 切, 明河 備實以告。 玉、沉蘭散 治也。 在 則 天 張 雷 時 燈 明河 電 蕙之恨,情狀 鄭 設 隨 驚 警, 銀 奈何 作; 曰: 河 警, 也。 戒 及起 星 也 淫 可 宿 <u></u> 祠 掬 則門關 如 暼 水怪 書 發 也。 於中察 如是 將 鄭喜 如 故 禍 而 子矣。 者 知之曰情 愐 半 楊 載 氏 子宜 風 不在矣。 形 纔 月 於外見 值 避之,凡 如此 中 秋 愐 往 少

賫 是 ? 矣! 顔 大貌。 也。 起, 酒殺 癯 預 愐 愐 已於 村, 若 每登 未嘗 得 , 費同 澤 愐 沙磧 於 聚落 無以 遂 葦叢 知 癯 南 樓縱 廣大 棄 吾兀 齎 也。 音渠, 市 形 官 持 竊 僦 ,望之漠然也。 目 者也。 墟 骸 歸 遺 候, 廛 瘠 索 也。 大丘也; 常見老叟負淺紅囊, 虚 也。 賣卜矣。 我乎? 時 今子 葬 盡 宿 神清 賴 歡 與我遊於形 露 山之下[]]。 而 复, 又商賈貨物 未洗 廛, 《莊子》: 而 罷, 呼 淡, 市 郡 叟 物邸舍也。 晨 切 意其 頗 骸 煙 申 冠 輻 德之; 之内, 尚 凑處, 朝 絶 逃名隱 -徒嘉(日 也。 香, 出 居 愐 司 亦謂 而 子索 五 見叟從水中娑婆 惟 馬季主賣卜於長安市[三],嚴君平賣卜於 感恩者曰 暮 士 小 之墟。 數 , 兀者也, 與子 歸。 我於形骸之外,不亦 樓 叢 否則得道 蘆 樓 [德之。 鄭私念曰: 至其 荻 瞰 江 摇 所, 産 然問 真人,又否則 津 動 口 而 則 江 瞰 師 平 出 其 過乎? 波 音 後子 姓名, 沙 此 , 娑婆, 耳。 闞 乃江 莾 産. 子 俯視也。 漠, 叢,連 笑之,兀 衣揚 則 煙 淵 産改容。 笑 霞 敻 深 貌。 聚非 而 中 無 處, 者曰: 津 仙 不 成 人 注: 鄭 之頭 都 答, 那 客 煙, 也。 直 市 也 有 鄭 莾 前 則 吾 蘆 村 形 鄭 趨 遂 疑 冲 與 草 荻, 墟 骸之内 夫子 見 與 拜 甚 淵 深 葦 Ż 其 而 也 萑 遊 叟 他 遊 往

◇越南漢文小説集成◇

圖矣。 遭逢。」龍侯曰: 獸而食之,得一狐,狐曰: 舟上幔,所以泛舟也。 殿成,謝東、西、北三王赴宴,善文預焉。不知凡骨,果可追踪前輩乎?」侯曰: 以爲報。」後同歸洞庭。 洞庭君泣下,乃宴毅於碧雲宫,宴罷而去。後毅娶盧氏,貌類龍女,妻曰: 某處,有大橘樹,君當擊三聲,自有應者。」毅如其言而往,果見千門萬户,有臺曰虚靈臺,殿上一人,披紫袍,執圭。 今子與我德遊耳,而索我外好,是失其所以取大於先生者矣!」然子既相知,今告子矣。我乃白龍侯,幸 敵,攖,音英,觸也。 赦之誅乎?」曰: 敢不走者乎!』虎以爲然,遂與之行,獸見皆走,虎不知獸畏己,以爲畏狐也。今北方非畏昭奚恤,實畏王甲兵之强也。」不負此 復之舉,正在今日。」龍侯問故,即以楊氏事告之,「且望憑藉威靈,剪除凶醜,使帆因風而得力,帆,音凡,乃 至涇陽,見婦人牧羊,謂曰: 覓閑遊,若玉皇勑至行雨 旋禮接,極其隆 然吾左右無足與計事者,介使之命,自謂缺然。」介,助也; 水路漸漸開朗,將及半里,則乾坤光霽,樓臺突兀,所居之宇,所供之饌,非人世所有。 重(六)。 恐未能即服。不若先期發間,間,音諫,細作也。 「彼雖狡僞,自有王庭勑 狐托虎以揚威,楚宣王問群臣曰:「吾聞北方之民畏昭奚恤,亦誠何如?」江乙對曰〔八〕: 「然則訟之王庭何如?」侯曰: 善文有龍宫之宴,余善文,潮州士人也,善屬文,南海廣利王構靈德殿,召善文入水府作上梁文。 『天帝令我長百獸,今子食我,是逆天命也。子不以我爲信,吾爲子先行,子隨我後觀之,百獸見我而 「妾乃洞庭君少女,嫁涇川次子,爲婢所惑得罪,投黜至此。 鄭喜曰(七): ,則不暇矣! 「不圖寒寠,近挹光儀,挹與揖同。昔有非常之變,今有非常之遇,報 豈能就人間賣卜乎?」鄭曰: 命; 况彼此絶域, 「幽明自隔,事跡不彰,子欲以不根之言,攖莫强之 「妾即洞庭君女,涇川之辱,君能救之,兹奉閨房,永 本非統攝,安能遠涉波濤,擅興兵甲, 覘得事由,覘,於占切,窺視也。 介使,副使也; 「昔柳毅有洞庭之遊,柳毅下第時,歸 聞君將還,敢寄尺牘於洞庭之陰。 「何難之有!」即以杖端激水, 正使不能對,則副使助之,故謂 則彼奸不足 毅取書進之, 而 歲旱, 「虎求 侯又周 犯 暫 至 百

W

脱笄

副 E 介。 傍 有 緑 衣 娘子 進 曰 : 妾請 當 其 選。 鄭 即 禮 而 造之, 且. 授 以 碧 樣 瑶 釵, 執 以 爲 信。 釵, 音 差, 婦

鳳 郎 中 花 亡入胡 鳳共處。 且 授以濤箋書子,元和 主樓,使寬杖箠之憂,受賜 點, 除。 於 也。」言未竟,小鬟已報神蛟促召矣,鬟,音還,總髮也; 佯怒曰: 所 戒之曰: 前 連 猶 綿 授,且言今時 卉,不足多惜,偶 乘 年 娘 豫 後其 綴 長 間 到 生一 後女有 也, 於墻 歸 洪 獨 馬 住 子矣。 來,持 何 州 將胡 足也。 悠悠 「爲我」 角 胎 物兒女,敢 神 綴 我 馬 王怪之,因 蛟 見 瑶 廟, 思 時 愐 語 娘喜 初 聯 住 釵 歸 永 春色方媚 鄭 然驚 也 薛濤好製小詩 果有 泣 白 與 甚 郎 無 爾 謂 斬 龍 願 娘佯爲 無 觸 徒 唐突, 姓楊 鳳頭,埋于長林丘中。 違。 天 但 티 : 侯 老 量 涯 誠 樓臺 家 薔 萬 處於 矣。 孽 爲 矣。 ,見封昌邑夫人,居以 劫 不識, 唐突,觸也,不遜也。 薇 妾, 此 稠 有 惜 無 量 水 疊 盛 期 紙幅 吾 罪 住 尚 雲鄉 音良, 且 開,薔,音戕; 夫鄭 何 居 有犬馬 無 只 大,不欲長牋,故狹小之。 摇 時 也。 路 恐 也。 來 郎 概量多少也。 且 飛 可 後生女名曰 幼 以夫 折。 舊 撩 之情, 通 質 物, 鳳 拗 音 稠, 人故, 閣 不 薇, 小獎 兒何 勃 僚 碎 琉 願 多也。 者 勝 然更 皇妃。 音 理 百計 我 璃 怒, 其 鞭 忘 即 通謂 爲。 從 碧殿, 生 楚, 人 疊,密: 童 娘 飧 得? 求之, 欄 配 抱 花 如言, 鞭, 之撩 奴也。 蜀中 即 廢 瑛思 女俱 紅 名,野 也。 環以芙蓉翠 寢, 以 箠 錦 宜 使鳳 才子乃以爲便,後 鳳不已, 瑶 飛 其 也。 乃 持 ? 以 遂 生 且 書 釵見賂, -蔓延 狼 獻 逕 情 躊 因 返 拗, 楚,木名, 併 入雲 楊氏 狽 告。 賤 躇 因 雲 、柔靡 録 鳥 趨 就 中 妾 命 中。 狡 沼 于 駕 Щ 賂,遺 門前 情 密 切 以 依 後, 西 愉 巾 諦 馬 减諸 寄 實 手 爲 墙, 方衛 臨 明 視 櫛之寵 停足。 書日 還 也。 遥 也。 折 鞭 E. 莖 箋 朝 良 塞 中 羅 也。 也 情 有 亦如 又 且 娘 或 Ł 爲 棘 T 躊 王 至 命 曰 願 刺 歌 是 諦 冠 有 塞 繋 此 郎 音 曰 絶 女日 故 慇 上 音 在 持 相 如 號 懃 房 翁 締 妾 此 紅 思 銀 此 薛 配 勞 閨 馬 杳 謂 躇 瑛 濤 舊 誠 杏 審 奉 霞 無 問 杳 也。 債 袁 閑 萬 E 鄭 達 與 故 音

含愁 孤, 岸,吐書青黑色,如木葉飛下。 鱗,易我衣裳。」寄身世於蜉蝣,謾延喘息。 云: 玄見人賣大魚,曰: 點,胡扒切,慧也。 如皇天后土之臨。 天作之合。」又朱、陳兩姓[九],世世結婚姻。 質 汎將如何?」故古云: 似 「百年之後,歸于與居。」誰料變生於一夜,翻教影落於重淵。 慚 海,度日 Ш 婉娩。 誓海 , 嗟往事之已非; 婉,於遠切,順也, 如 委衣裳於鱗介,飽見腥膻; 年。 「暫煩此魚到河伯。」其人曰: 白璧未完,黄金幸贖 誰 「浮斷梗。」舊解: 知 撫瑶釵 梗斷之踪,按《戰國策》,土偶謂桃梗曰[一〇]: 娩,音晚,媚也。 而淚落,對 撥霧撩雲,笑此生之多誤。 同穴 「木斷漂流,不知何處?」意必取此,但恐未詳。 蜉蝣,音浮由,似蛣蜣,生糞土中,身狹而長,有角,有翅能飛, 「魚已死。」玄曰: 介使而心驚。 相 委,棄置也。 婉娩,總言婦容也。 期,忍負百年之約? 鱗,龍屬; 「無苦。」乃以丹書納魚口 死幸偷,動野草閑花之感; 江天萬里,心 不能 自 介,龜屬。 天 玉碎 《詩》云: 作合,幸聯 「子東國桃木,刻子以 而珠 漢楊終請罷邊兵,曰: 事半 「生則異室,死 沉,終見鶯 , 擲水中。 兩姓 箋。 辱 有 之 重念妾、 魚 歡; 爲 有 書 狂 人,水至泆子 三生爲誓, 頃而還, 之 則 朝 而 同 跡 生暮 詩 「不以介 穴。」又 燕 》 云: 甚暌 躍上 點。 死 葛

城門 文也。 明 日髯 登 珠 所,若世之官府,兵衛森列,有王者帶平天冠,衣猩紅袍。』」猩猩,能言獸也,其血染毛罽,不黯。 候旨。 可以飾帶。 娘 牒,札也,如今之官府移文也。 就 既反命,龍侯謂鄭曰: 庭間跧伏。 俄頃,見一人引至殿所,王方披猩紅之衣,《柳勝傳》: 群臣陪拱,不知其數。 王責曰: 「事濟矣。」乃偕就 二卒騰空而去。半日許,押一丈夫,軀體甚壯,朱冠鐵面,鬚髯 爵非濫得,必待勳勞; 鄭長跪哀訴,辭極悽愴。 南溟、《莊子》: 刑不妄加,欲懲奸宄[一]。 王顧 南溟、天池也。」至大城 勝家老僕病,與黑犬同日死。 左 度一員,促行關牒, 横驪珠之帶,驪 今以汝舊有勳勞,使 府, 關,白也, 侯先入,命 後復甦,曰: 如戟 龍 如今之關 頷 鄭在 在頰 下 一適 有

足惜?」時有緑袍人,號正刑曹録事,奏曰: 見天日哉? 請,王果命追取。 侯從旁附耳言曰: 刑,曖,音愛,日不明貌。 葉障之,吹之則鼓而出聲,所謂簧也; 何以相及? 口 姆),音裊,纖好貌。 長一方,爲民保護,胡乃縱其淫虐,豈禦灾捍患之意乎?」其人曰: 向非 太陽垂光 王 而乃妄宣簧舌,構陷無辜。 盛 怒曰: 王 日 問 向 ,則殘魂朽質,終受污衊,衊,彌列反,汚血也; 「不如訴楊氏姓名謚 非所以安上而全下也。」言辭往反,終不能 晡 ,晡,音逋,日申時也。 「汝夫何在?」曰:: 「不意猾賊乃懷奸 又以言惑人,謂之簧鼓。 簧,音黄,笙竽管中舌金葉也,笙竽皆以竹管植匏中,而竅其管底之側 號,一 如是! 復見二卒引一美人,婷婷嫋嫋,從東方來。 「青衣者夫也,朱冠者讐也。 併勾勘。」勾與鈎同 處己則陰圖淫泆,在公則面 使邪説得行,則朝廷 凡毁人善行,非其實而横誣之,曰污衊。 引來也, 屈。 王亦 「彼處人間, 索尋也。 有愚 狐 前者不幸,爲彼妖 疑 弄之侮,而 勘,校也, 難决。 肆 欺瞞,此 臣居水際,殊 狐 婷, 鞠 性多疑,故曰 問 音亭,美好 小臣 也。 尚忍爲,死 所 受曖 鄭 掠,首 途異 安能 如言 貌 以 狐 昧之 薄 疑。 復 何 尾 曖 奏 金

籬 願 之寄,固是孽 赤族之誅,赤族,族類無人,如地空無物也。 臣 聞 徇 私 而賞,賞也不公, 由己 作 , 其 如 德 在 當怒而 民 何 ? 刑,刑之必濫。 薄示 有 罪 黑 當 都 刑 之 雖 謪。 屈 已 伸 甘 黑都,即 異狀, 於 萬 幽 死; 斟 都 酌 也。 爲宜。 以 功 準 彼以 過 尚 爪牙之才,任藩 可 望於全生。

王稱善,乃判其罪曰:

卑 館舍也。」天 蓋 聞 閥、閱,功狀也。 道 無 生 毫髮 如 逆 爽 濫守方隅,固宜揚赫赫之靈,普施龍 旅 福 然 其善 往 者 而 過 禍 而 其 來 淫。 者 續; 條 理 《莊子》云: 甚 明,古 德、《易》: 今 世 人直 律。 爲物 今 「龍飛在天,德普施也。」胡乃恣厭 汝 逆 旅 猥 耳 由 _! 勳 注: 閥 猥,鄙 逆, 也,凡 迎 也 猥 旅 ~ 者, 厭

已之色, 之欲,厭,音淹,不休也。 既逞昏迷,犯罔赦之罪, 自效蛇淫? 加 念妖邪愈日 罔赦之條,用懲奸惡。 愈滋,在典憲不容不舉。 彼楊氏者,疵 雖 嗚 可指,情亦甚 呼 ! 攘 非己之 憐。 財,淫 宜 反 非

於前夫,子合還

於後父。

判文既具,主者奉行。

眼; 目・ 辟暑犀、辟塵犀,皆希世之珍。 斑文相錯。 頭、象脚,頂有一 聽命畢,神蛟俛首而 介》部。 黑中有黄花者,爲正透; 新編甲: 夫妻拜謝歸家,具道始末,人皆喜其歸而奇其事 角: 贈,送、遺也。犀,形似水牛,猪頭、象脚,有名通天犀角: 或有文如魚子形,或文中有眼,或白中有黑花,或黑中有白花,其文不一。 逝, 俛, 俯也。 其烏犀爲下品。 黄中有黑花者, 左右亦目鄭使退。 出《本草綱目·獸》部。 爲倒透; 花中復有花者,爲重透,竝名通犀,乃上品也。 龍侯於是開筵命酒,贈以文犀 玳瑁 也 ,似龜,貝甲有十二片,黑白斑文相錯。 紋如魚子形,謂之粟紋; 玳瑁,似龜,貝甲有十二片,黑白 玳瑁。 又名駭 紋中 犀,形似水牛,猪 **公鶏犀、** 有眼, 出《本草綱 辟 謂之粟 寒犀、

異 浮 訪於野老,皆云: 哉 而北徙, 後鄭有事之洪州,再經其處,則頹 脩蛇短蟒,從者百餘。 「前一歲白 晝間,忽無雲而 蟒,音莾,大蛇也。 垣壞壁,殘碑斷 雨,江水漲溢 其祠自此 蘚,蘚,蘇典切,苔也。 ,前有十丈長蛇,碧鱗朱幘, 無顯應焉。」屈指計之,則當 惟 有木綿 飛 絮 勘 幘, 訟 音責 撩 日 亂 也。 巾 斜 覆髻也 陽 噫 ! 耳。

飛 鳥 人日 有歆人之祀,而 然後 嗚 呼 可以 「適來少年,乃是蛟蜃之精,吾念江西累爲洪水所害,若非剪戮,恐致逃遁。」蜃精知之,化爲黄牛,真君以 ! 快其舉[一三]。 「能禦大災,則祀之; 反爲人之禍 許真君,名遜,汝南人。 哉[一二]? 能捍大患,則祀之。」祭法也。 然 則 神 遊豫章,遇 蛟 之罪,止 一少年,容 一於投 竄, 見《禮 儀修整,自 廣 記》。 利王 稱 徆 享是祭者,當 慎 郎。 失 刑 與之語, 也 必 得 顧 非人類,謂 名 許 思義, 遜、伙 道 眼遥

太伯、季札、伍員四祠而已。

良有以哉!

而去。 劍于干,還涉江,中流有兩蛟夾繞其船,飛勃然曰: 觀,謂弟子施太王曰: 之,任以執圭。此仁傑巡撫河南,奏毀淫祠千七百所,仁傑爲江南巡撫使,吴、楚多淫祠,仁傑毀千七百房,止存夏禹、 俄頃,見黑牛奔趁黄牛而來,太王以劍揮牛,中其左股,因投入城西井中,從此井徑歸潭州,化爲人。 「彼之精化作黄牛,我今化爲黑牛,以手巾掛膊爲記。 「此江中之腐肉朽骨,棄劍而已,余奚憂!」拔劍赴江刺蛟,殺之。 汝見牛奔鬪,當以劍截(戮)彼。」真君乃化 荆有饮飛者,得寶 王聞

校勘記

- [一]「有鄭縣令」,甲、丙本「縣令」作「太守」。
- [二] 「虚葬賴山之下」,「賴」,甲、丙本作「頓」,舊編亦注云:「一作頓」。
- [三] 「司馬季主賣卜於長安市」,「主」字原無,據《史記》改。
- [四]「鄭見其人」,「其人」二字原無,據甲、丙本加。
- [五]「申徒嘉」、「徒」原作「屠」、據《莊子》改。
- 〔六〕「極其隆重」,甲、丙本無,舊編亦注云:「一本無此句」。
- [七]「鄭喜曰」,甲、丙本無「喜」字。
- [八]「江乙對曰」,「乙」原作「公」,據《戰國策·楚策一》改。
- [九]「又朱陳兩姓」,「陳」原作「東」,據白居易詩《朱陳村》改。 「姓」字原無,據文意補
- [一〇]「土偶謂桃梗曰」,「土」原作「上」,據《戰國策》改。

[一一]「欲懲奸宄」,「宄」原作「冗」,據甲、丙本改。

[一二]「而反爲人之禍哉」,甲、丙本無「反」字。

[一三] 「然後可以快其舉」,甲、丙本無「然」字。



陶氏業冤記

入侍。 屋結草木爲小廬曰庵,今釋流寺内别室皆曰庵。 寒灘懼,乃落髮披緇,逃名佛跡寺[一]。 也。 來,鳴則霜降。」帝稱賞者久之,因呼爲寒灘妓。 人無子而妬,意與若真通,痛加箠楚。 和,屬,音祝,續也。 刺,音戚,殺也; 慈山名妓陶氏,小字寒灘,妓,女樂也。 一日,帝泛舟珥河,沿至東步頭,帝朗吟曰: 和,音畫,聲相應也。 爲人而殺人報讐者曰刺客。 陶應聲曰: 「寒灘魚吸月,灘,他丹切,瀨也。 陶不勝恚恨,患,音惠,怒恨也。 緇、黑紺色。 會 爲御子所得,御,扞也; 曉音律,通文字。 客屬求榜文。 裕宗崩,屏居都下,常往來行遣魏若真家。 講經説偈,偈,音忌,釋氏語。 霧翳鐘聲小,翳,蔽也。 陳紹豐五年,裕宗年號。 御子乃執御之人,家臣之長也。 捐珠玉首飾,募刺客入若真家,募,廣求 沙平 數月精通。 古壘 樹影長。」近臣未及屬 選充宫籍,日 鴈鳴霜。 行遣,官名。 常構居净庵,圓 辭連 鴈畏寒,秋北 以 寒 其夫 飲 灘 博

時 有村中小童年十四五,寒灘欺其少,戲曰: 「彼竪子亦能文乎? 試爲我綴之。」綴,拙 音 聯

生全無怒色,退而廉得寒灘事跡,爲文曰:

掬。 潤 段 州》 能 足不向 智 經 勝地。」尋得之,遂開山,立寶林。 歌 聽 即教坊司。 Ü 衣 頭陀寺碑》云: (雲。)今曰抛曰落,是指披緇削髮時也。 爲 凉。 法。」按佛家謂天爲兜率官。 間 如 脩 問 貝 玉 然清净[]]。 梁天監元年,有天竺僧智藥自西土來,泛舟溪上,尋 法界津 蓋 日 製作甚 曲 皈 聞 潯 陽 依 韓 六祖以何爲禪定?」玄策曰: 頂 笛,以 掉 娥東之齊,過 送 納,補也。 兜率諸 梁 禮 I, 佛本 客 梵王。 **,** 「慧日,即 摇動也。 《金剛經》。 竹一節長尺餘爲之,七孔或三孔。 枕而寐 ,唐長安娼女善琵琶,年長色衰,委身爲賈人婦,從夫商,泊 佛 慈悲,其 天。 法也, 比丘白佛: 梵,音飯,佛也。 《梁州》,曲名,唐 雍門,匱糧,鬻 者,則 佛日也。 擡,音苔,舉也。 裙抛 便是叢林宗主。 名日 界,十八界也。 十洲、三島盡在夢中。 夜宣貝葉,尚作遶梁聲。 故禪家偈有云: 湘 覺。 「當著何衣?」曰: 水層層,養落楚雲段段。 夢 歌而假食,既 「我師 佛者 桃 明 裡 《法苑》云: 口 皇製。 無端觸景,半枕遊 如眼見處、耳聞 覺也,中華人謂佛爲覺,以其能 妙湛圓寂,五陰本空,六塵非有。」回 柳腰,白樂天詩: 叢林,僧設法聚處也。 古詩: 「蔭慈雲于真際,則火宅晨凉, 慈 去而餘音遠梁欐,三日不絶。 流至韶 帝因號遊仙枕。」風 雲 「應 「兜率天雨 慧 著衲衣。」水掬曹溪[三],猶 州曹溪水口[四],聞其香,掬而嘗其 「月下誰人短笛横?」歌院不 貝葉,即蕉葉,長六七尺,隆冬不彫,西域寫經多用此,故名 日 處、鼻臭處、舌味處、身能處、意思處之類。 《鷄 仙, 摩尼珠。」又菩薩云: 「櫻桃樊素口,楊 楚《巫山美人》詩: 跖集》云: 敬 前 《開元遺事》: 惟 何 船潯陽江 佛 覺悟 處撩 跡 「如 群 奈狂 雖 山 人,數 柳小蠻腰。」掉舌 曜慧日于康衢,則 來慈心,如彼大雲 生。 云 頭。 庵 「龜兹國進枕,其色若 禪 裙拖六幅 心 主 「大安和 人能 分窺 如 時 腔 陶 被 定 白樂天送客下船 僧院 短 忘 (味, 氏, 酒。 清 鏡 笛。 機 尚, 瀟湘水,鬢擁巫 净, 日 影 静 名逃 叵,音頗,不可 禪 際 腔,曲 心在兜率 重昏 即 衲 定,言守静 樂 「此水上 纔 切皆 傷 衣 夜曉。」 按 江 籍,樂籍, 世 手 成 絶 到 瑪 切 閲《 所 彌 界。」又 此,忽 瑙, 勝 真; 一流 捧 勒 Ш 也。 梁 舞 官 擡 真 有 日 謂 温

僧 頭 聞 蜀 此 日 $\overline{\mathbf{H}}$ 前 陵, 究竟 書 中 琵 蓋本 煙 琶 人?」答 富 如 聲,編尋 唐 豪者所 穗甚微,云: 何?」坡 時 魚 云 : 得 朝恩出 居、後之言富者 爾 之,遂 云: 今生也。」省郎恍然方悟。 試 裙 拖六幅 錦 參 此是 請 爲 門 禪。」琴 移 郭子 前冷落鞍馬稀,老大嫁作商人婦。」琴 船 檀越結 瀟 來 日 儀 湘 問 五 彈 云(五): 纏頭 水,鬢摊 願 陵兒,五 以 ,香煙存 送 之費。 客。 巫 陵謂長陵、 晉 何 Ш 身 而檀越已三生矣! 三生客 僧 謂 却 段雲。」又問: 惠遠居廬山東林寺, 湖中 來 安陵、 結 景? 杭 蓮 郡 と答 陽陵、茂陵、 花 參 云: 社 大悟,遂 禪 何 第一 0 招 謂 杭 有白蓮 落 生,玄宗時 意中人?」答云: 引 平陵。 妓 削髮爲尼。 霞與孤鶩齊飛,秋水共長天一色。」又問 何 名琴操, 花, 頻 舊 ! 與陶潛 爲 俗 善 賞歌 劍 有 五 問 南安撫 陵 + 答 省 舞人,以 兒 隨 東 八人同 郎 他楊 洲 抛 遊 坡 官 南 錦 善 錦 修净土,號白 學 花 綵 之。 纏 士 寺, 置頭 頭 鼈 夢 後 追 生 殺 Ŀ, 至 因 碧 憲皇 在 謂 隨 參 蓮 岩岩 之抛 西 未 軍 下 湖 已 何 錦 戲 鐘 如 老 纏 謂 琴 西

殘茶歇無餘事,好向山房一打眠。

文成,大揭寺門,揭,舉而豎之也。遠近傳寫。寒灘乃挺身宵遯。

哉? 納, 石 絶世 Ħ. 示 吾 聞 然尺霧易籠皎月。 謂 聞 可轉也。 而獨立。 海 僧 陽麗 甚美必有其惡。」夏姬已殺三夫 」言石猶 奇 笑傾人城,再笑傾人國。 Щ 此 导,山· 女行 П 轉, 汝善 非 幽 我心不可轉 謹慎, 水清,仙景絕勝,寺有老宿法雲,老宿 拒之, 性 也。 涉 無 不惜傾城國 貽 輕儇,年 其女雖美 尤物 後悔 移人、《左傳》: 屬妙齡, 僧 種類不好。 (佳人難再得。」武帝聞之,乃召入宫。 不聽,竟受之。 色幾 夫有尤物, 区 傾國 叔 向 高年僧也。 法雲即 欲娶申公巫 足以移人; 李延年妹絶美,延年侍上, 日 移居 及小僧無己,因 臣 苟非德義 竊 氏女(六) 鳳 恐 凰 禪 絶 則必 心 , 其母曰: 頂 匪 酒 有 酣 [投謁 石, 歌 티 : 《詩》云: 雖 汝 紅 何 北 蓮不 法 用 方有 我 此 染 爲

陶

雖

居净境,

然故

態猶

昨

每

堂講(七)

,披鮫綃之衣,《博物志》:

南海外有鮫人,水底居,不

廢

緝

績

嘗從水中

六四

春風一 出 母宴群仙,舞者帶「砑光帽」,則砑字爲是; 迷任意,日與陶氏聯句,凡山間景物可供吟詠者,無不揮毫紀勝。 ,寄寓人家,積日賣綃。綃者,竹孚俞也。 逢春之蝶,禪窗象教,如來既化,諸弟子想慕不已,刻木爲象貼敬之,謂之象教,言以形象教人也。 曲《杜章娘》。」欲界既親,禪機易觸,遂與之私焉。 二人既相得,放情肆慾,不啻如經旱之霖,雨三日爲 臨去,從主人索器,泣而出珠滿盤,以與主人。」曳砑羅之裙,砑,碾也。 作牙,非。 方目紗綺曰羅,取象也。 毫,筆也。不能徧録,姑述其一二于左: 施宫樣之粧,劉禹錫詩: 不暇留念。 「高髻雲鬟宫樣粧, 按李珣夢王 但昏

其一 山雲

靉 靆,雲盛貌。 遥 睇 濃 還淡,睇,小視也。 悠揚到 處 《飛; 僧慵 天邊濕未晞; 童亦懶,誰爲掩岩扉? 晞,音希,乾也。 扉,户扇也,以木爲之。 曉隨 疎雨 去,暮帶 落 霞 歸。 靉 靆 因 風

其二 山雨

泉流急,溜,力救切,水流下也。 雨 千岩暝,暝,眉 病 切, 晦 凉回客夢清; 也。 瀟 瀟 作 意鳴; Ш 房無箇事, 瀟 瀟,風 雨暴 入夜幾殘更。 疾貌。 珠 璣 堆 地色,星斗落 天 聲。 溜奪

其三 山風

僧衲含凉 靈 籟 嘘幽澗,籟,風也。 淺,鐘樓送響 清 嘘,吹也。 茫茫天地内,非爲不平鳴。 終宵淅淅聲; 浙,音昔; 韓愈《送孟東野序》云: 淅瀝,雨聲也。 翻花紅意亂,捲樹緑陰驚。 「大凡物不得其平 則 鳴 草

木之無聲,風撓之,鳴, 水之無聲,風蕩之,鳴。」、「人之於言也,亦然,有不得已者而後言〔八〕。」

其 四 山月

缺、銀鏡、月也。 旦 竹院幽; 隱隱林梢 清光髓處有,何必上南樓? 隔霧玉盤收。 迴,梢,音筲,木枝也。迴,户頂切,寥遠也, 李白詩: 「少時不識月,呼作白玉盤; 庾亮: 「乘月登南樓。」 作逈,非。 又疑瑶臺鏡,飛上青雲端。一影落松關静,凉 連 空 源 氣浮; 瀬,夷曠也。 銜 山 銀

鏡

其 五 山寺

松洶 切,擾也。 浪,沟,許拱切,水涌聲也, 簇輝金碧,簇,音促,小竹叢生也; 峯斜塔影長; 塵間名利客,望此幾徬徨。 此言風動松鳴,其聲洶洶,如波浪然。 寺言一簇者,取叢生之義。 天近桂飄香。 岩腰隱夕陽; 洞 日入山之西爲夕陽。 小禽聲鬧,開,由(内)教 風 高

其 六 山童

鹿之大者。麋,陰獸,冬至解角, 生長 樵蘇地,樵,取薪也, 鹿,陽獸,夏至解角。 蘇,取草也。 寧 知 淺草原? 鳧,鴨也; 鷖,鷗也,皆水鳥。 狂歌雲黑暗,短笛日黄昏。 煙霞水石村; 麋 鹿 歸來深洞裡, 鳧鷖侣,麋,

雲閉小乾坤。

其七 山猿

聞者 呼 宋王裕養一猿號「野賓」,久而放歸。後裕入蜀,有群猿連臂下飲澗,一猿捨群而前,從者指曰: 侣 而去。 流涕,語云: 約巢南侣,緣崖日幾回? 崖,涯、牙二音,山邊也。 聞經唤伴來; 「猿有離群。」巴峽供愁思。」聲入楚雲哀。楚王使養由基射猿,始調弓,猿抱樹哭。 孫恪白猿事。 雲深何處覓? 山色正崔嵬。 愁將巴淚落、《荆州記》: 崔嵬,山高貌。 「巴東三峽猿長鳴,至三更, 「野賓!」呼之即應,哀吟 飲 澗 呼朋去,

其八 山鳥

迫急之聲。 禪,念欲虚齋,有群鳥銜果飛來投之,乃以供佛。 身世雲煙外,依依盡日閑; 飛繞薜蘿間。 薜,音備,草名; 一聲山色暝,數箇夕陽還。 蘼,女蘿也。皆緣木蔓生。 巢棲到處山; 啁啾 僧供銜來果,天竺沙門智伽,禪學深明,當坐 誰 會意? 啁,音周; 啾,即由切。 小鳥群飛

其九 山花

香風 洞口傳; 入高低 樹,枝枝火欲燃, 自開還自落,今古幾春天。 東西霞世界,遠近錦 山川。 紅 雨林腰墮,李賀詩: 「桃花亂落 如 紅 雨。

其十 山葉

碧天無際,際,畔也。 叢條人望迷; 秋來黄被逕,逕,小路也。 春到緑盈蹊。 蹊,音溪,徑路也。 晝

倦 無 人 掃 煙 深 有 鳥 啼 蒼 然 看 不 盡 千 里夕陽 西

所繋 劇 轉 Z 瑶 知 爲 뒔 歸 有爲法, 淮 須 火 我 而 早求我 南子》 資 玉 四大 命 也。 旃 而 夫 留 帶 内 如 何 泯 終, 厚 翰 Ħ 歸 以 夢 輾 僧素不善醫,又不 謂 粥 昏 甚 何 故 鎮山 瑶臺, 於黄間 脱 風 此身四· 轉, 臥不安也。 也。 也 如 迷不返,取 稱 得 四 幻 西 招 刺 法雲聞 大各離妄,身當 佛寺名。 H 相 提。 此 如 」公許之。 垂影 大和合,毛髮、 之境,黄 從, 音 間 泡 屈 無 次 在 甘 如 坐處! 快目 之,下山 臨 次也。 樹端, 遂致 影、如 僧哀 心 泉 間 師云: 瞑 諳 前 壤[]〇], 分飛。 露(九) 謂之桑榆。 在 公戲: 目 、爪齒、皮肉、筋 黄泉也。 方顯 痛 何處? 相省 樂極 瞑 殊 夕見 Щ 治, 甚,殯在 音明 如電, 生 暫 僧四大本空, 生哀, 使妾 借 至 陪 寒 不 蓐 前 和 則 灘 棄招 願 閉 間 蘭 應作如 未足於深歡,殁後何妨 骨 尚 仰 疾 目 就 與 抱 理 四 西 蕙之遊; 腦 不 也。 憑 \exists 大作 提, 法 廊 釁, 蓐, 音 無 髓 可爲 是觀。 佛 五蘊非有 雲 足 盡 誠 、垢色皆見 《釋典記》 禪 力, 怪。 相 處, 不 床。 矣。 妾前者以桑榆之景,桑榆、木名 《金剛 見 驟 使 寺 肉,薦 師 旦夕 歸 内翰欲 也。」數月後, 己 佳 假 日 相 於地 \overline{z} 日 Ħ. 繭 經》。 冥 人 也 視 撫棺 蔥。 年果 獨 胎 流 以茭蒲爲薦席 於何處坐? 唾 梵 Ш 死; 涕、 抛 涕, 於 見《書 泣 Ī 語 僧 得 再 四大之禪 티 : 膿 拓 有 别 頃 胎 合? 。 三 三 血 鬪 况 亦 然 病 轉 提 娘 因 段 涎 」公擬議 而 **从**沫、 語 奢 笑塵 子平 汝銜 所望 自 思 逝 冤 蓐 床, 内 猶 春 津 致 家 翰言 華 冤老草, 液 未即 慮之 按醫書 生 徂 東 悟 病 債 言 坡與 聰 六如之法 夏, 精 即 四 也。 答, 謂 纏 答,當 難 敏 氣 方僧 佛 徂 晚 言 師 綿 抛 大小 也; 特 老老草 印 婦 急呼 * 往 佛 從 人臨 終 禪 異 恨 也。 便皆 也。 載 所 偈 侍者收 遊, 不 凡 障 或 請 草 産 謂 見 動 訛 饘 歸 流 六 根 有 日 如謂 H 雜 於 拓 之未 止 坐. 否 玉 疾 死 亂 水 λ 爲 λ 蓐 帶 須 則 見 處 之 招 若 遂 煖 鎮 願 刺 滅 意 也 有 輾 加 切 去 氣 Ш 師 留

是 夜 風 R 晦 冥,都 下飛沙 折 屋 前行 遣若真夫人夢 兩 蛇 交嚙, 穿脅 傍左 施, 遂 覺 胎 孕。 生 兩 男, 乃

之。 於飛 也。 矣 ! 上積妖 亦辭去。 世觀瞻,未必非此人也。」二人怒曰: 三,乃召 至,記也。 矣。」若真哀懇求救,僧曰: 命名長日 右有二童子侍立。 已移入深山若干年矣。 必不嫌於我, 乃褰裳而 叩 樓避 龍 問也。 會見爲 氣 叔笑曰: 兩男於學府 誠泄 是夕, 龍季泣謂龍叔曰: 托以 龍 樓 叔 蛟龍 往 初不肯言,但曰: 一言,禍今作矣。」若真命家人一時參拜,僧摇首曰: 「若無其人,未必 他事、 瞰 次 又四 可保無虞矣!」時若真寢不成寐,獨步徘徊,適於窗隙間 乃同 淵 曰 街 若真 [龍季。 能除去我, 中。 衢, **窟,蛟,龍屬,似蛇,四脚,細頸**。 廣訪名藍,求法雲姓名。 五里 切,厚也,淡之對也。 有 [個樓步進,個樓,不伸 既至,即以手扣盆,漠然嘆曰: 若干,數未定之辭,猶言幾許也。 丐僧經 周歲: 始達其境。 僕本以相人之術顯,請 惟老宿法雲,其餘諸子, 能言,八歲能屬文,屬,音祝,著也。 「適間恍惚, 其 一日間 下, 「僧來何從? 非 僧 躊 方隱 妖僧,言多不 前 躇 也。 身業報,則今世冤家,其人已在室中,不出數月, 非有異聞, 眺望, 浮 窟,苦骨切,孔也。 几 二童 屠 而 所居謂之伽 臥, 眺, 妾爾饒舌! 呵 他 類, 大 隱,音印 幸勿深訝。」公强請不置,置,赦也。 唾手掠符耳! 止 吊 諦視,若見其人,即 指 類 切, 美哉二丈夫! 鳳 呵, 藍。 善也。 望 可 凰 倚 虎何切,責 也。 」多言曰饒舌。 甚爲父母 惜 月 也,凭也。 絶 餘, 巘 似 欲 有覬覦之心,縱彼 捨 至麗 可惜 唾,吐臥切,口液也。 聞之,驚怖駭愕, 也。 不 鼾 所鍾 信能立 能, 奇 聲如雷 僧 是矣。」巘, 各拂衣 扣盆爲識; 」若真駭愕失色, Щ 愛。 睡 俄 寺,有童言 尋 奇 嘆曰: 時方 而去。 覺 鼾 事 遽 業, 音 語 形變象。」索之再 尋, 知之,吾 盛夏,若 計不知 「異 汗 蹇切 况彼以 乃言: 扣 俄 興造君家, 若真不懌, 少 臥 闔 息 哉 時 遽 Щ 門 也。 粗 所 形 曹 如 真 若 聞 骨肉之 追 無 如覆 出 識,音 此 有 無 遺 君 愐 H 家 僧 駭 樓 是 地 類 叩 左

拜,具告以來意。

僧笑曰

「先生何誤耶?

老生身不棲寺觀,

足不躡城市,

躡,尼輒

切,

蹈

也。

已多時矣。

秖能 是也。 牢 沐善緣; 氏謂人生世 筏, 音伐, 編竹以渡水也。 竟堅固也。」飛符走籙,非分内事!」書著于竹,故符字從竹。 之,共即南園剖棺而驗,已化爲兩蛇(二三)。 時見妖祟變爲甚物 市 泣,言: 壇 於構 縷 邊,匝,作答切,遍也。 指揮 「死亦何言?」家人曰:「但相 縷。 「於某夜三鼓,二子相携,入井而死,井水大漲,幾没庭階。 妾已謹殯在南園,俟卿還 間 草庵中,掃 清凉禪 宏大?」僧始 左右,時或離 縷縷,不絶貌 如沉淪於苦海,陷溺於迷川,須皈依佛法,後可以脱。 師云: ,祟,神禍也,凡物怪人妖皆曰祟。 地焚香,誦 濟渡爲門,憫苦海之沉淪,救迷川之陷溺,苦海、迷川,謂衆生輪迴 「般若者,苦海之慈航。 壇,若詬駡之狀。 欣然聽納。 寒風颯來,冷不可犯。 俄而聲止,雲漸散去。 《楞嚴》數遍,楞同棱,《楞嚴》,佛經名。 仍即其地,設法 悔曰: 詬,音構,詈也。 航,船 投之以石,旋朽爛成灰 『遲數箇月,吾事畢矣,重爲狂僧所誤。』」因復大慟。 颯,桑轄切,風聲。 明日,僧以雄黄塗石,書墨其上〔一〕,授若真曰: 其猶何也。 也。 壇,四 般若能渡化衆人,使之智慧,若海中之船渡人登於彼岸。」若 拒之甚嚴。 一童從傍贊曰: 「我佛以慈悲爲 若真遥於别所,開簾竊視,寂無所見,但於空中 李詩: 面張燈,以朱書符錄。 急以石投之,禍根自絶矣。」既到家, 「金繩開覺路,寶筏渡迷川。」蓋欲 僧持鐵如意,如意,以供指揮,今三清殿道君 註 : 「楞者名一切事竟,嚴者名堅,即一切 更許, 作 業之地 有黑雲十丈, 同 即 葬耳。」若真 登 塵 見家 彼岸, 俗 也。 公歸 事究 所 周 聞 復 共 佛 執

厚資金帛,往謝法雲。 至則苔鎖草庵,無復行跡,竟惘然而 返。 惘然,失志貌

及魏主討蓋吳至長安,入佛寺,沙門飲從官酒。 呼 淫之 態,不徒欺 攻乎 異端,斯 人,又欺其 害也 已。」况既 所 謂 佛 者 治其教 從官入室,見有兵器,出以白魏主,魏主怒白: 律 以 而反不依其 魏主沙 門之 教, 誅,有餘 流 害 豈 辜矣。 勝 言 哉 魏 崔 浩 彼 不喜 此 無 非 法,每 沙 門 奸 所用,必 人之 **(魏主**

卷之二 陶氏業冤記 然則若真果無失乎? 與蓋吴通,欲爲亂耳!」命有司按誅闔寺,閱其財産。又見爲窟室,以處婦女,浩因説悉誅天下沙門,毀諸經像,魏主從之。 日: 「爲達宦而若是,正家奚其得哉? 禍胎果釀,幾陷不測,『出乎爾者反

乎爾』,何足多怪!」

(校勘記)

[一]「逃名佛跡寺」,甲、丙本「名」作「居」。

[二] 「則真心蕩然清浄」,「蕩」原作「藹」,據文意改。

[四] 「尋流至韶州曹溪水口」,「曹」原作「漕」,據文意改。

[三]「水掬曹溪」,「曹」原作「漕」,據甲、丙本改。

按曹溪源出廣東省曲江縣東南,典見《傳燈録》。

[五]「琴問云」、「琴問」二字原爲乙文、據文意改。

[六]「晉叔向欲娶申公巫臣氏女」,「欲」字原無,據《左傳》補。

〔七〕「每上堂講」,甲、丙本無「講」字。

〔八〕「有不得已者而後言」,「者」字原無,據韓愈原文補。

〔九〕 「如露」,「露」字原作「雷」,據《金剛經》改。

[一○]「暫棄招提,屈臨泉壤」,丙本二句倒置。

[一一]「書墨其上」,甲、丙本「書墨」作「墨書」。

[一二] 「已化爲兩蛇」,甲、丙本「兩」下有「黄」字。

傘圓祠判事録[]]

詩 : 鎧。 懼 之何哉? 轉作妖怪,民至傾貲破産,猶不足以供祈禱。子文不勝憤怒,沐浴齋戒,祝天而焚之。旁觀 有高名,好共論鄉黨人物,每月朔,轍更其品題,故汝南俗有月旦評焉。 而 聞張良之智勇,以爲其貌魁梧奇偉,反若婦人女子。」冠胄而來,胄,兜鍪也。 乃 ,子文攘臂弗顧也。 言語衣服,類燕臺人物,燕臺,北京也,明自永樂都燕京,故曰燕臺。 輕 吴子文,名譔,諒江之安勇人也。 偶 相 有舊祠,稔著靈應。胡氏末,吴兵侵掠,地爲戰場,沐晟部將有崔百户者,陣亡于祠所,自是以 然題作木居士。」註: 凌蔑,毁焚其像,煨 爲我重修,平復如故; 焚訖歸家,身覺不快,頭摇心顫,寒熱交作。見一魁梧傑相,魁梧,壯大貌。 「以木刻神像,故曰木居士。」且曰: 燼其居,蔑,輕易也。 不然,無故而毀廬山之廟,豈不增顧邵之禍乎?」顧邵爲豫章太守,禁淫祠 慷慨尚氣,直不容姦,北州月旦評亦以剛方許之。 煨 鳥 魁 切; 註 : 「子既業儒 煨燼,火餘也。 人能改善,則亦逐月朔旦而改品題,以著善行 自稱居士,求復原祠,居士者, 鍪首鎧,古用革,故謂之甲; ,讀聖賢經傳,豈不知鬼神之爲德 使香火無所依,威 漢許邵,與從兄清 靈 吐舌,無不危 後用 無 神 鐵、故謂 所 也 周勃赞: 闡 韓 ? 謂 之 俱 愈

毁諸 之。 内臺也。 邵曰: 鬼欲凌邵,邵神氣湛然,鬼返和遜,求復廟,邵笑而不答。 至 我雖 廬山 邪豈勝正? 駑 廟, 力,寧不能相致耶? 一郡悉諫,不從。 」終不聽,遂卒。 夜有人經前,狀若方相,云是廬山君。 子文不應,危坐自若。 不聽吾言,變今作矣。」遂拂袖徑去。 鬼怒曰: 危, 「三年内,君必哀,當此時相報。」 高也。其人怒曰:「酆都 邵要之入坐,與談 拂、拭也。 《春 1秋》; 徑,直 非 如期,邵果病 也 遠 燈 盡 也! 燒 **全** 豐 傳》以 都 咸 勸 復 續 司

也。 抛 爲良籌; 迎回傘圓 對日: 近者失於預防,被彼攻驅 時爲御史大夫,以死勤王,受封於此,佑民護物,千有餘年,曷嘗扇構禍凶,邀求奠酹, 士也, 聞君快舉, 敢不伸賀。 」子文驚曰: 之死也。」且戒之曰: 悍,能禍我乎?」曰: 水精是後世讐,每年大水常相攻云。傘圓,在明義縣。 傍祠 位 薄 「一爲山精,一爲水精。 噫! 暮,又有老人,布袗烏帽,薄暮,稍近暮也。 ,爲鄉人之布衣乎?」老人蹙然曰: 高峯居之。 近宇,利其貨賄,群 上帝被其欺,下民受其害。 彼乃北朝僨將,債,覆敗也。 水精恨之,遂興雲作雨,率水族追之。 「彼方甘心於子,掃衆而往,訟在陰司。我瞰其亡,間來報告,得便爲計, 倘冥司鞠訊,但以吾言實之,彼如不服,即請關報傘圓祠, ,見依傘圓祠,已數星霜矣!」雄王有女曰媚娘,美而艷,王擇配。 聞王有聖子,敢來請命。」王曰:「 而保之,區區之誠, 凡興妖作孽,皆彼之爲,其實則非我也。 南國羈 「向來冠胄,非土地之神耶? 「惡蔓繁滋,勢難摇 魂; 袗,音軫,玄服也,單也。 子文曰: 無由得達,故不得不隱忍投閑耳!」子文曰: 王與山精 竊據我殿堂,假冒我姓名; 來日能具聘禮先到者,與之。」明日,山精先至,王許 張 鐵網横截慈廉上流以捍之,水精從喝 事 至如此,何不伸理冥曹,上箋帝所,顧 動,欲從控訴 風度閑雅,徐徐向 鳳兮鳳兮, ,則又多方阻 請爲言之: 以詐妄爲 便當辭塞,否 何鳳之多耶?」老人 日見二人求婚,王問之、 階前 如猾賊之所 江出擊之。 截, 揖 長策,以 我自 曰: 控, 則 免作 持 我 爲 李 彼 之 世 而告之 惨虐 必 無名 南 乃 誠 傳 Щ 終 帝 輕 M 精 Ш

泯,而子亦不起矣!」子文許諾。

妄; 誠 請 不必連傳窮治,以傷好生之德也。」王厲聲曰: 結 烈,有功前 悍,不經判 乞賜顯責,未應泯泯含冤也。」泯,没滅也。 狀獰惡。 分曹局,各理 如老人指教,辭 江,江上架長橋,約千餘步,腥風黑浪,寒氣砭骨,砭,悲廉切,以石刺 數十丈。二卒就 類也。 單 爲 娲 罪哉 也, 愚 報 至夜,病遂加劇,有二鬼卒相持甚急,曳出東郊外。 傘 戆 **参**・ 餘也。 音酬,賣去手也。况漢、唐賣官鬻獄,其弊可勝道哉?」即命以鐵籠罩其頭 獰,尼滕切,犬之惡也。 員 跪,苦委切,屈 朝,皇天以 斷,未必帖 祠,質其虚實; 即 咸卦》: 職 炬,音巨,束草燒之也。 極剛 差 事 門前禀命,守門者入,有頃復出,宣旨曰: , 秉至公之心, 行至公之法, 賞必當 「上六〔三〕: ΙĘ, 然 血食酬勞,使歆其祀,汝寒士敢爾欺慢,孽由己作,尚可逃乎?」子文具陳履歷, 膝也, 傘圓祠,參詳取驗。及回報,一一與子文辭合。 無少曲撓。其人曰:「王府前猶倔强如此,喧騰 誠 服。」乃引入殿門,已見冠胄者當 蟹足也。 二卒以長枷大索疾軀之去,子文呼曰[三]: 其言不驗,臣請受虚妄之辜有餘矣!」其人始有懼色,即跪奏曰: 咸共輔頗舌。」造立誣謗; 何有,不難也。反覆辨詰,終不能勝,王果疑之。 子文曰: 戆,直降切,愚也。 俄聞殿上宣言曰:「此人狼抗,狼抗,如豺狼抗扞也。 「審如彼言,汝當有嚴誅,欺罔之條,典 無所 而不之私,罰 逃刑, 半日間, 况孑餘祠宇,荒凉蕪没於一炬, 庭哀訴。 罪 但既呵責,亦足懲戒, 病。 深惡重,不在原例。」揮之使北。 至大宫府 必 中 橋左右有夜叉數萬, 王者責子文曰: 而 王大怒,謂 無 頰 「吴譔,人間 鐵 所 輔,頰,古叶切,夾面 城岌然,岌,音及,高 濫 ,罩,涉教反, 猶 諸判官曰: 願 有 垂 (章具 直士,有何譴咎 此 寬貨,昭 「彼居 何 等 皆緑睛 既 在 姦 有 捕 自是 魚也, 哉 汝何 不信臣 欺 兩旁也。 1 「彼書生 赤髮, 示容德 忠 北 售 卿 心 一子,音 鎖囚 爲 純 頭 即 其 等各 高 輔 大 出 麄 形 미 激

鳩工,掄,擇也。 其言若合符契。符,信也; 送子文還家[四],則死已一日矣[五]。 木丸塞其 口,押赴九幽獄。 鳩,聚也。構祠宇而新之; 契,合也。漢制以竹長六寸,分爲二,左授郡守,右留京師,往回質之,以防其僞。 王以子文能除害,仍命本祠居士: 目,呼也。 而北軍墳塚,皆無故振盪,殘骸粉碎矣。 因殫述所見,殫,盡也。 凡歲 人皆驚駭不信,遂就女巫 時牲醴,分其半與之。 鄉人乃掄材 且目 附降(六), 甲士

若遲半月,恐爲他人所得,努力爲之,勿以尋常見視。」子文欣納,遂分置家事,無病 吾與子有舊,極力推薦,王心甚允,願以此爲酬恩之地。人生自古,誰無有死? 後一月,見老人來謂曰:「老夫復廟,吾子之功,無以相厚; 今見傘圓祠缺判事一員,難 而終。 但有聲於後世足矣 於注擬

墻 車(七)!」于前隔半畝(八),乃子文也。 而進 哉 ? 冥曹,尋受恩職,真無忝矣! 甲午歲,胡末未有正統,屬明永樂十二年。東關人有與子文面識者,晨出西門數里,當雪中望見騶騎雲從, ,以馬駕車曰翳,又厩御也。 吴子文 呼 一布衣耳! 人有恒言: 跨馬曰騎,又軍馬亦曰騎。 惟 「太剛則折。」士患不剛耳! 其剛 爲士者毋以剛 但於車中叉手,不交一言,竟御風長往。 之守,故能 爲戒 火煨淫祠,力折妖鬼,一舉 又聞喝道聲云: 可也。 折不折,天也, 喝,呼葛切,叱聲也。 烏可逆料其折, 而神人之憤俱 至今子孫猶傳爲判事家云。 行 雪 而 人須避 揉 以 此 剛 顯 爲柔 判 名 事 如

(校勘記)

[一]「傘圓祠判事録」,丙本作「傘圓祠判事記

- [二]「子文呼曰」,甲、丙本「呼」上有「大」字。
- [三]「上六」,「六」原作「爻」,據《易經》改。
- [四] 「且目甲士送子文還家」,丙本「甲」作「押」。
- [五]「則死已一日矣」,甲、丙本作「則死二日矣」。
- 〔六〕「遂就女巫附降」,「巫」原作「覡」,據甲、丙本與《説文》:「在男曰覡,在女曰巫。」改。
- [七]「行人須避判事車」,原作「行人須避判官車子」,據甲、丙本改。
- [八] 「于前隔半畝」、「于」字原無,據甲、丙本加。

卷之二 徐式仙婚録

徐式仙婚録

之場; 就僧房贖而遣之。遣,縱也。人以是益稱賢宰。但性自嗜酒、耽琴、淫詩、溺景,簿書委積,少曰委,多曰積 脆,音翠,少耎也。爲護花人所執。日既暮,無人承認,承,受也。認,辨識也。 見一美姝,年十五六,薄施粉黛,顔色絶整,萼緑華女仙,上下青衣,顔色絶整。前來看花,攀挽花枝,脆而 而去。 憂患之場。」一棹歸來,碧山不負吾矣!」張褒,梁天監中,不供學士職,御史欲彈劾,褒曰: 腰,事鄉曲小兒!」即解印綬去。又唐子西箕踞軒云:「古之士大夫,矜名檢,飾邊幅,皆鄙而不爲;,子今以五斗紅腐,置身於 數爲長官所駡,曰:「你父作執政,你反不能作縣宰耶?」徐輙嘆曰:「我不以五斗紅腐,置身於名利 陳光泰中,順宗年號。化州人徐式,以父蔭補仙遊縣宰。縣傍古刹,刹,音察,釋家上立柱中藏舍利子曰刹; 即解印綬去。綬,組之長也。《漢官儀》:「綬長一丈二尺,法十二月;廣三尺,泆天地人。此佩印之組也。」素愛 陶潛少懷高尚,嘗爲彭澤令,素質簡,不私事。 有牡丹一本,春期盛開,每開時,輪蹄翕集,輪蹄,車馬也。爲看花勝會。丙子年二月,光泰第九年。 郡遣督郵至,縣吏白:「應束帶見之。」潛嘆曰: 徐適見,憐之[三],解所服白絹衣, 「碧山不負吾。」乃焚章,長嘯 「吾不能以五斗米折 偶折,

酌。

凡

奇

Ш

秀水,如隻箸

山、緑雲洞、

蠡江、峩港之屬,港,音講,水分流也。

無

不

經

品

題

題,

書

也;

凡

表

志者

揭

總而署其首,因引之爲題,名題品

宋 傳》云: 山巖穴,因卜居焉。 少而才智者 「往往 乘興肩輿適野,興中置 ,以爲奚,今時侍史官奴婢也。 《楚辭》,屈原有《卜居》篇。 琴、一 枕、 携酒 陶謝詩數卷,與竿左右雙酒壺, 常命 一壺、琴一 小奚奴,「小奚奴」,李賀家僮名。 張,袖 陶詩數卷,陶潛有詩集傳于世。 尋水望山 ,率情便去。」會適 按古者從坐,男女没 意處 白居易 輙欣 **解** 入 官 吟 然引 先 日 奴

岸,則 春陵城 勝景 木階也,今俗用木爲之,以次升高也。 郭 晴 皆 日早作,望神符 Ë 嵐翠削,嵐,音婪,山近大原也; 飽 經 佳 熟到,不知何等岩穴,乃眼前挺出,意者仙峯落下,神跡移來, 哉 鬱鬱葱葱。」如蓮花湧 海 П 數十里外,見五彩祥雲,鬱 因 題 詩 又山氣蒸潤也。 出 律 Ξ 撑船徑抵, 壁立千丈,自非身具羽翼,未必梯此境也。 則 葱盤結,鬱葱, 佳 Ш 也。 徐駭 茂盛 謂 貌。 何昔無而今有也? 舟子 漢 光武生 Ė: 時, 吾 赤 長在 光滿 乃 江 室, 梯,大低切 湖 望 維 氣者 舟 東 登 南

所從 魚爲 旅 上朝暾。」花草迎 遊 初 莊子云: 緣溪行, 具答之。 琴三 碧樹 纔 通 一弄,晉 忘路 掛朝暾,大材木曰章。 一吾生也 人入洞 要還家,設酒,殺 復行數十步 桓 忽逢 有涯,而 伊 門。 善笛,當泊舟清 桃花夾岸數百步,中 遶澗已無僧採藥,採藥,劉、阮事,見《快州》。 知也無涯。」 一豁然開 、鶏,作 《貨殖傳》: 食。 朗。 溪,據床三弄。 擬 村中聞有此 土地 向武陵 無復雜樹,漁人異之。 平 「木千章。」註: 曠,屋舍儼然,鷄 漁子 釣 人,咸 艇 問 生 來問 前來 涯 「株也。」暾, 訊。 犬 酒 遠 復 相 自 前 近 聞 樽。 굯: 行, 種 桃 男 窮 沿 音 艇,他 先世 女衣 源得 村。 在,日 流 剩 避 頂 著 晉太元中(三) 切,小 始出 秦亂, 有 乢 ,悉如外人。 客 - 煦物 舟,形 尋 Ш 率 有 源。 妻子來絶境,不復出 小 狹 口 見 有武陵 而 漁人,大 便 長 詩: 捨 也。 人,以 餘也 涯,水 絶 口

焉; 停數 日,辭去。 遂 與外人間 此中人語云: 隔。 問: 「今是何世?」乃不知有漢,無論魏、晉 「不足爲外人道也。」既出,得船,便歸,所向路處處誌之。 ! 此人一一爲具言 所聞 及郡下, 詣太守, 説 者 嘆。 餘各延至家, 如此。 出 太 酒 守 食。 即

人隨之往,尋向所誌,遂迷,不復得路。

道也。 侯曰: 檻; 四 無所懼 乃追至大島,見樓臺巋然,仙女甚盛,謂建章曰: 相謂曰: 村墟,如鷲嶺、桃源之類。 皇失措,度無生理; 題畢,徘 顧 皆罨 昏昏默默, 《嵩山》詩: 琪花瑶草,交暎於遠近。 「羊腸在其北。」按狹小曲路曰羊腸,言如羊腸之盤曲也。 婦 徊 畫 稱夫曰郎、曰君。即 「吾家郎君至矣! 顧望,若有所候。 一樓臺。 如忽墮黑幽之境,昏默,謂微而不可見也。 「更疑飛磴是仙梯。」崖,宜才切,山水邊地有垠堮也。 罨,五合反,昔人歌詩多言罨畫,乃今之生色也。 倉皇,急遽貌。 鷲,鳥名; 翻身入報。 」昔建章齎府,命往渤海,遇風,忽見青衣泛一葉舟而至,謂曰: 忽見石壁間 意非琳宫道觀,琳館、道觀,並道士所居樓號。 但以手摩挲蒼蘚,挲,桑河切,摩挱也。 西域耆闍窟,山中有山 頃間復出,曰: 「子不欺暗室,君子人也。 拆 開 一穴,拆,裂也。 黄帝問廣成子以至道,廣成子曰: 潛行里餘,見飛磴懸崖,緣空而上,磴,登去聲。 「夫人見召。 ,形如鷲,佛常居於此,故名。 《山》詩: 步寬一步,漸漸軒豁。 其圓徑丈,褰裳戲 恐患風濤, **罨畫樓臺名黛山。**」紅霞碧 前覺有小蹊,如羊 故令此青衣導之。」及還, 觀,樓也,言觀者於上觀望也。 桃源,見前。俄見青衣二女, 入,未及數步,則 余奉大仙 「香香默默, 及山椒,則天日光霽 腸 屈 命,請上天。 霧,棲泊 風濤寂然, 曲 至道之極。」倉 吴起對 穴 則避世 登陟之 」建章 於欄 隨 閉

署板也。 傍設檀香小榻,命徐就坐,語曰: 生尾之而入,過錦墻,度朱門,門裏則銀宮對峙,峙,屹立也。 閣上有縞袂仙 娥, 縞,古老切,繒之白者。袂,音寐,又音决,衣袖也。 卿本好奇成癖, 癖,音僻,嗜好之病也。 扁曰: 娥,好也。 兹遊快樂,足慰平生, 「瓊虚之殿」、「瑶光之閣 據七寶雕床,武帝爲七寶床 夤緣 契遇, 門

四仙 也。 仙 遂 目 者 獨 著,嘗隨 之别島, 伸 돖 按銀宫、 》詩 》詩 於是夜,傳鳳膏之燈,武帝嘗得白鳳之膏, 侍兒: 娥 不記之乎?」夤緣,連絡也。 簟,音電,竹席也。 人降之,盡傳其秘術。年終日,以杖代屍而升天,封 」按羅 ……第三十六峒金華山,名「金華洞元之天」。詳見《文苑》。 指 諸峯,以波濤 而識之耶 不啻翰生羽化; 堯時洪水浮至,依羅山而止,故曰羅浮。 潮波上下。」而妾即 金闕、紫府、清都,皆仙人所居。 謂 南 君看 岳 浮二山合體,故 唤阿 配朱鳥 ? 葉舟,出没煙波裡。」豈知 此 娘 伸 此所 , 秋禮自百王。 我兒絳香,昨 來。 命行交拜禮 縮。 謂 解見《昌江》。 但塵心尚汨,未曉 稱 南岳地 阿,音遏,發語辭 喬潭《女媧陵記》: 浮萊山三十六峒天之第六窟 羅 浮。 徐 曰 : 仙魏夫人也。李白《送女道士遊南岳》詩: ……恭聞魏夫人,群仙來翱翔。」按夫人,晉司 羅山 有看花之厄,蒙君救援,此意不忘 杖屐登臨,展,去逆切,木履也。 「僕乃宋山逸士,風 在魯城、 此 也。 地有紫府 又《列子・湯問》篇: 磨青錫爲屑 動 古詩云: 博 静如因其時,升降不失其則。 羅 南岳夫人,治南岳。 、清都 一縣之境,高三千丈,有七十石室、七十長溪,名耀 ,以淳酥 家中 也。 前途,願示其詳,得聞究竟。」竟,窮也。 周遭溟渤,下 有阿誰?」徐竊睨之, 睨, 邪 一帆、葉一舟,放浪江湖,任意 穆王及化人之宫,以爲清都、紫 油和之、照於神壇、 第 「渤海之東有大壑,中有五山 一 童山 謝靈運好登山 以卿 、欲結佳 名「霍林天」。 無根著,如羅 高義,能給人之困,故 徒魏舒女也,名華存。 羅浮二岳,以風雨合離; 「倦尋向南岳,應見魏夫人。」又杜少陵《望 風 ·婚,少 , 嘗著木屐, 上山 雨 不 ……第六毒 滅。 報 、浮二嶽 視 府 不貲之惠。」貲,貨財也 鋪 一曰蓬萊,其 也。 、鈎天、 幼讀書 龍紋之簟,紋,織 所 則去 真天; 乃前 Щ 蓬 適,范希文 屈邀 以 廣 名上 前 萊 笑曰 樂、帝 風 ,好神仙 Ħ. 齒 折花人也 浮. 山 至此。 雨 Щ 根 Ш 合 君之所 以波濤 Ш 無所 司 乃 《贈 離 則 真 蓬 因 卿 有 連 去 釣

次日 群仙來賀 有服: 綺衣、駕斑螭、從北 來者,龍無角曰螭。 有曳綃裳、按赤虬、從南來者 一, 渠尤 切, 龍

也。 池 八 椅 之世,釋家謂之劫,道家謂之塵。 來,見東海 芬,花氣香也。 器,瓔珞,音英洛,皆玉屬,取以爲頸飾也。 瑙盤,瑪瑙,玉屬,其文理交錯似馬腦,因以名之。 只恐吾曹不免矣!]金仙曰: 有美女二十人,舞凌波之隊,歌凌波之詞。 坐已定,有傳呼: 出 娘子今日肌 家姬契合,誠是宿 () 聲落凡間 萬年,南溟已三揚塵矣。 愐 角 機》。 母 虚 唐, 所居。 其位。 三變爲桑田 廣 或駐 今郎君遠涉,不隔兩塵之限,章子威師事丁約, 大無畔 ,銷貽上界, 周 體舒膩,不類曩時瘦削。 瑶 穆王好神仙,常欲 物馨香謂之芳。 椅,音倚,借高坐具,後有倚者,俗呼爲椅子是也。 裝, 也。 ,向聞蓬萊水乃淺於往者會時略半也, 「金仙至矣!」金仙,西王母金女也,姓緱氏,女子登仙者咸 因 或 陶潛《 乘 議議騰謗,累及高真, 前,七妙切,以辭相責也。 宿因,舊緣也。 風 、桃源圖》云: 威猶有兩世塵緣。二二生香火,想亦不負,香火,解見《陶氏》。 南溟,天池也。 御,同 玉醴、金漿、交梨、火棗,皆飛騰之藥。 使車轍馬跡徧於天下,乃乘八駿馬,觴王母於瑶池。 我棲天上樓城,侍帝左右 時 凌波,喻輕體也。 具諸般異供。 畢 但以雲邊冰玉之姿,而有世 集。 神仙 人言玉女無夫,果足信哉?」群 《麻姑壇記》: 出 有無何渺茫,桃源之説成荒唐。」」已而凌波童子分班 乃設宴瑶光閣 北 地、 南番、西番,非 夫人侑席,侑,音又,勸飲食也。 豈將復還爲陸陵乎?』方平笑曰: 又有金漿玉 「王方平遊蔡經家,麻姑亦來。 日辭去,謂子威曰: 群仙 ,茫茫塵 上層 非世味所能彷彿。 石 相揖, 虚, 醴,芬芳可愛,漿,水米汁相 非 玉 海、未 施 上裙襦 堅而 譊, 皆班左 鈎 隸焉。 仙皆笑,獨緑袍娘慘然不樂, 乃陶切, 恚呼也。 玉之簾,下匀黄之帳, 曾著脚, 且 青鳥傳漢,七月七日,漢武於承華 「郎君得道, 之樂。 脆 而坐; 其中 皆下迎拜。 絳香行酒 綺衣者曰: 麻姑謂王方平曰: 好 裙,下裳也。 聖人言海中 有 事 勿謂 尚 人物 右邊床 者且 隔兩 累, 鳥 神 玷 將 既 塵。」注: 潤 謂 而 仙 綃裳人戲 也, 行 也。 襦,短衣也 形 畢, 則徐郎 瑶 舞, 之説 前 我 復 事 池 曹遊 乃命 揚 醴 置 廣 相 自接待以 塵 觴 緣 爲 甘 利 盛 琉 在焉 儒 也 周 荒 酒也。 以 坐 EI; 日: Ξ 此 瓔 璃 也 珞 瑪 萬 僅 暖 唐

鸞之遇文蕭,吴猛有道術,女子彩鸞亦得其法。 日: 能致白鵠、孔雀,公以女弄玉妻之,遂教弄玉吹簫。 之女,溺于洛,後與陳思王曹植相遇,植因作《洛神賦》詠其事云: 生塵。」江妃解佩之遊,《列仙傳》: 竟不知其如何。 對,低眉羞恨。 人、潘淑妃、緑珠皆辭。 畢,太后命進饌酒,各賦詩。 帝王嫱。 左右曰: 葉間,將宿大安民舍,會暮失道。夜月始出,遠望火明,至一大宅,黄衣閹人曰:「有客!」入告。 也。」一夫人曰: 見一青鳥從西方來集殿前,上問東方朔(四),對曰: 在坐,不必閑論 一大殿,蔽以珠簾。 朝爲行雲,暮爲行雨,朝朝暮暮,於陽臺之下。 凌波之步,古詩: 請子之佩。二一女解與交甫。 」太后又使紫衣貴人迎楊家、潘家來。 「今夜風月佳甚,爾可屈兩個娘子出見。」良久,二女從雲中至,后指一人曰: 俄命左右送牛秀才入昭君院。 高唐之觀,宋玉《高唐賦》云: 一妾聞 他事, 牛拜於簾下,簾中聞語曰: 太后曰: 洛浦 使人徙亂心曲。 仙 别有善笛女子,太后曰: 可遇而 有宓妃,飄飄雪争飛。 「太真唐朝妃,固勿言也! 去數十步,二女忽然不見,珠亦失之。」弄玉之嫁蕭 難求,道不脩而自 「江妃二女、麗服華裝、 久之,五色雲中有二女子下,太后顧曰: 會將日,竟辭去。 《詩 作鳳 「妾漢文帝母薄太后,此是廟,郎何辱至,行役無苦乎? 聞君遊此,願薦枕席。』王因幸之。」事跡已見《快州義婦傳》「 楚襄王嘗遊高唐,觀怠而 日,並乘白鹿車升天。 「此王母欲來。」有頃,王母 鳴。 秦風 「識此否? 解佩欲西去, 居數十年,有鳳凰來止其屋,公爲作鳳 至,希奇之會,何代無之! 」乃謂王嬙曰: 小戎》詩: 佩兩珠,遊于江漢之濱。 太后使人送往行。 「願誠素之先達兮,解玉佩以要之。」又曰: 此石家緑珠也。]因曰: 含情詎 「在其板屋,亂我心曲。」注: 太和末,有書生文蕭,中秋遊西山,見一女子甚麗,步 相違。 晝寢,夢見 昭君嫁單 至。 陳王徒作賦,神女豈 少時,天始明,僧孺却望, 我且 「此唐朝太真妃與齊帝潘淑妃。 「此高帝戚夫人。」又指一人曰: 婦婦 逢鄭交甫,交甫悦之,不知其神 史,蕭史,秦穆公時人, 主 爾,於汝曹何有哉? 「牛秀才來,今夕誰 女日 胡鬼何 如薄后之祠, 臺與居。 少時,出日: 能 『妾本巫 爲? 同歸? 心 因召 後 曲、心中 幸 有 牛 山之女,爲高唐之 皆 幾年 無辭! 凌波微 善吹 僧 按宓妃, 宓羲氏 廟荒毁不可入, 人與伴?」戚夫 乘鳳 入見。 請郎 孺 簫 落 委曲 但 步, 第 作 君 , 遂 」交拜 昭 后 「此元 鳳 歸 新 之處 君 遂 綵 鳴 郎 宛

其踪。 哂。 惘悵之懷。 蕭各跨一虎入越王山去。 月歌云: 紀。」女乃與生下山,同歸鍾陵。 顏,容也,《列子》云: 女曰: 「若能相伴陟仙壇,應得文蕭嫁彩鸞。」蕭聞歌中有名,意其神仙,植足不去; 陳編歷歷,事有故聞。陳,故也。 「莫是文蕭耶? 蘭香之逢張碩,玉女杜蘭香,天資奇偉,真天人也。 「解顔而笑。」亦是 」相引至絶頂,設幃共坐。 生貧不能自給,彩鸞日寫孫愐《唐韻》,運筆如飛,日得 編,簡也。 俄而風雨至,見一人持天判曰: 若以此見譏,則彼於前頭,分誚有餘矣! 下嫁於人間張碩,後還天而去。 一部,售之,得錢五千(五)以自用。 女亦相盼。 「吴彩鸞以私欲洩天機,謫爲民間妻 歌罷,穿入松徑而去,生躡 」衆始破顔 張碩 想之,有 後與 口

引李白詩: 長沙地。 陟,謂陟下; 牛郎,牽牛星也,在河之東。 其無偶者,則無欲者也。 $\bar{\Xi}$ 群玉,字文山,豐州人也。 七月七夕,西王命侍女邀上母降漢宫,元夫人同宴。俄而至。」按此獨詳,而封陟引於上元未見。今見於《太平廣記》云: 秦》之記,牛僧孺宿薄后祠云云,乃著《周秦記》曰: 巫山神女遇楚王。 『織女何事渡河?』答曰: 及斜陽西夕,各各東西分散,徐戲 境異情同,千古一致。今者群仙散去,寂寞無聊,抑逸欲之不生乎? 「西海宴王母,北宫邀上元。」又李白《詠上元夫人》詩云: 元夫人曰: 蓋有所諷也! 如唐人記后土事,亦以諷斥武后耳!」故織女嫁牽牛之夫(六),織女,天孫女也,織女星在河之西; 大中八年,命校書作《黄陵》詩云: 『我能令君壽倒三松。』」則其跡似是。但此云隨降,又爲下元事,未得其詳,姑兩存之。 按《續齋諧記》曰: 『織女暫詣牽牛(七)。』世人至今云: 而文士多效之者,又爲傳紀以實之,而天地百神舉無免者。 謂絳香曰: 「桂陽城武丁有仙道,謂其弟曰:『七月七日,織女當渡河,諸 「月地雲階漫一樽,王奴終不負東婚。……」。 「不知精爽落何處? 「欲界諸天,皆有配偶,《后山 織女嫁牽牛。」又見《金華》。 「上元誰夫人? 偏得王母嬌。」註云:「漢武元封元 疑是行雲秋色中。」按黄陵,娥皇、女英廟,在 將有之而强閉乎?」娘愀然 詩話》云: 余謂欲界諸天,當 上元隨封 群玉有《黄陵》之詩,李 「宋玉 仙 陟 悉還宫。」弟問 僧孺者《周 而降 《高 有 配偶; 降 唐 舊註 賦 年 封

世。 也,古之屏風隔人之形也。 易生,歐陽《秋聲賦》云: 澄而心自清,澄,音懲,水静而清也。不勞窒而慾無有; 絳,大赤也。 所居者清虚之府,明皇遊月宫,見一處榜曰: 兄勿以此例群仙也。」徐曰: 「若是,則子不逮遠矣!」各撫掌大笑。 「彼數人皆以玄元之氣, 唐封老子爲玄元皇帝。 「百感攻其心。」又樊夫人與裴航詩: 徐嘗題詩其上云: 真一之精道士流有《太玄真一經》〔八〕,名在金臺,身陪 「廣寒清虚之府」。 「一飲瓊漿百感生。」跡紫府 非若妾七情未洗,七情,喜、怒、哀、樂、愛、惡、欲也。 所遊者冲漠之鄉,冲漠,淡静貌。 絳香所居, 而 累塵緣,身瓊 有素屛風 ,屏風 臺 而 絳闕, 百 不待 心 障 感 濁 風

其 一

眼 底煙 霞 脚底雲,清光洒洒 逼三神; 三神,山名,有不死藥,即方丈、蓬萊、瀛洲也。 松花半老香風

其 二

媒引滄浪釣

艇

筆也。 秋風 一夜月漫山,簾捲 閣,上下相乘也。 《詩》: 黄花人倚欄; 約之閣閣。」琅玕、玉似珠、有光景。 黄花,舊解: 洞名。 酒力困人詩思苦,吟毫醉閣 碧 琅 玕。 毫,

其 三

寶鴨 凝 寒换宿香,寶鴨,香爐名。 别 裁 新譜理《霓裳》, 譜, 籍録也。 羅公遠中秋夜侍玄宗玩月,公遠乃取 杖

其

爲表,繁采于上,以爲標記。

插漢宫墻鎖寂寥;

星斗繞欄

天一握,古諺云:

「孤雲兩角,去天一握。」註:

「興

元、南山絶頂,謂之孤雲兩角。」夜深秦女學吹簫。

唐陸暢詩:

「粉面仙郎選正朝,偶逢秦女學吹簫。」事實見上。

曲名?」曰:

向空擲之,化爲長橋,請帝登之。至大城闕,公遠曰:

「此《霓裳羽衣曲》。」因記其聲。

次旦,召伶官爲之。

「此月宫也。」見仙女數百、素練《霓裳》、舞于廣庭、帝問

日

此何

解成不敢高聲道,驚起陰來風雨長。

四 紅 霞對起赤城標,赤城,天台山名,狀如雲霞。 楊延秀《雪巢賦》云: 「赤城兮霞外,天台兮雲表。」標,表也,立木

其 五

蒼 茫雲外短長洲,聞桂乾坤日夜浮, 閩、桂、指天南也。 鳥暮 春飛不盡,連空淡掃碧悠悠。

其 六

爲。」不知何所出? 寒簾放月重重,同昌公主堂設連珠之帳、却寒之簾。 怯對衰顔把鏡慵; 隔竹唤來仙枕夢,遊仙枕,見《陶氏》。 注云: 「却寒簾,類玳瑁斑,有紫色。」云: 五更無奈遠山 鐘。 「寒骨鳥所

其 七

浮浮 瑞靄 繞金閨,靄,音愛,雲貌。 方丈携南弱水西; 方丈,山名。 弱水, 水名。 弱水隔蓬萊三千里,其水

至柔弱,不能負一 芥,非飛 仙不可到。 唱 罷覺更天欲曙,李斯《諫逐客書》云: 樹 靈麗之鼓。」注: 「體,大魚也,皮可

以冒 鼓; 今以鼓爲更號,故云。」一云: 作鼓鳴,其數應更。」鄉心 何處 一聲鶏?

其 八

有誦 經聲,側而聽之,知爲神仙聲, 《廬山記》: 煙 嵐 如 髻 柳 「南唐保大中〔九〕,道士紫霄,賜號金門羽客。」步 如 鈿, 瑣 暹 晴 道士乃效之,作步虚聲。」又《麻姑壇記》: 窺 海 舶 船 舶,音白,海中大船, 虚聲外碧連天。 又市船也。 「時聞步虚、鍾磬之音。」 《異苑》: 羽 客去 時 「陳思王遊 無 處覓 山,忽聞空中 羽 客,道 士

其 九

四 面波濤一 髻山,夜來何處夢鄉關? 茫茫塵界回頭遠,身在紅雲碧水間。

其 十

花繞澗接天台,委地殘紅半緑苔, 委,音畏,少曰委[一○]。 却笑劉郎輕出 洞,臨風 幾把玉 書 開。

劉郎,解見《快州》。

慧也。 每 `風凄之夜,霜冷之晨,見凉月窺窗,寒潮落枕,時時撫景,欲寐不能,一 然徐自去家,閒忙相逼,忙,心迫也。 日遥睇,見投南商舶,指謂絳香曰: 匆匆冉冉,匆匆,急遽貌,本悤字,俗訛爲匆。 「吾家從此處去,但天遠波長,不知所矣!」因乘間言曰: 種清愁,數惺唤起[一]。 星環 一周,池蓮换緑矣。 惺,音星

絳香惆悵不忍。 浮界小,短景勼忙,为,聚也。忙,冗也。縱使歸來,恐庭柳園花,不復往時顏色。」因白夫人。 娘以帛書一緘見授(二三),且曰:「異日見此,無忘舊情。」因揮淚爲別 白雲鄉矣。華封人祝堯云:「乘彼白雲,遊于帝鄉。」」絳香泣曰:「妾不敢以夫婦之情,而阻鄉關之念; 意子爲塵樊所縶,樊,籠也。 縶,音執,維馬足也。 我本草心遊子,花淚遠人,笑塵慮之難抛,悵鄉情之易感,願垂體悉,暫賜歸來,未覺芳踪 徐郎曰: 「但假以日月之期,使賓朋知會,前頭家計,商確既圓,當復相從,與子偕老於 恓恓至此!.」恓,音西,同悽,煩惱貌。 因賜雲車一乘,命載之。 夫人曰: 如何指示?」 但閻

即戊寅年。 皆曰: 上,後會無由。」之句。方悟絳香以離别許之。乃輕裘短笠,笠,音立,禦雨具。入黄山,不知所終矣。 瞬息至家,則物换星移,人民城郭,一一非舊,只有溪山兩岸,不改舊時青碧矣。乃以己姓名質諸父老, 「我少時聞三代祖與君同字,落脚山間,八十餘年。今則黎朝三葉,仁宗宣皇帝。延寧之第五年也。」 徐方悵恨,欲再上雲車,已化爲翔鸞飛去。 折書觀之,有「結鳳侶於雲中,前緣已斷; 訪仙山於海

耶? 未必其有。 語怪則亂常,聖賢不道也; 有 無荒唐,其辭若怪矣! 然則徐式仙婚之事,以爲誠無耶? 但有陰德者,必有陽報,亦理之常。 未果其無。 後之君子倘目焉 以 爲 誠有

筆之削之,捨其怪而存其常,何害?

校勘記

[一] 「徐式仙婚録」,丙本作「徐式仙婚傳」。

[二]「徐適見,憐之」,「適見」二字原無,據甲、丙本加。

〔三〕「晉太元中」,「元」原作「康」,據《桃花源記》改。

[四] 「上問東方朔」,「東」字原無,據文意補。

〔五〕「得錢五千以自用」,「千」原作「十」,據文意改。

[六] 「故織女嫁牽牛之夫」,「牽牛」原作「牛郎」,據甲、丙本改。

[七] 「織女暫詣牽牛」,「牛」原誤作「女」,據《續齊諧記》改。

[八] 「道士流有《太玄真一經》」,「玄」原作「女」,據文意改。

[九]「南唐保大中」,「南」字原無,「大」原作「太」,據《舊五代史》改補。

[一〇]「少日委」,「少」原作「多」,據鄭玄注《周禮》改。

[一一]「數惺喚起」,甲、丙本「惺」下有「然」字。

[一二] 「娘以帛書一緘見授」,原作「娘又以白書一緘見授」,據甲、丙本删改。



范子虚遊天曹録[]]

爲戒,深自克抑,終爲成人。及湛死,諸生散去,惟子虚編廬墓所,以繩聯物曰編。 錦江范子虚,俊爽豪邁,爽,明也。 邁,勇往力行也。 不樂檢束。 檢,束也,校也。 師事處士楊湛,湛 三歲而後反。 年 常 四 以 +

未第。

非所,老草,急遽之貌。 輜車也; 而上,幢,旌旂之屬; 陳明宗時,遊學至京,寓西湖民舍。 重日輜,輕日軿。 幢,容也,施之車蓋,童童然以隱蔽形容也。輦,輓車也,車用人輓曰輦。 後此夕可詣北門真武觀,得便寒暄 翳從亦整。 從傍竊窺,乃其師楊湛。 常晨出,於霧靄中,霧,地氣上升也。 一叙也。」暄,温也; 將前趨拜, 湛揮止之, 曰: 與人共談曰少叙寒暄 靄,雲集也。 繼有珠 見瑶 「途間老草、談論 軿一乘,軿,蒲眠切, 幢 寶 輦, 騰空

也。 平生在世,無 左右席間,容一丈之地,欲其解説之便。 子虚如言,具殽挈酒,依期而至。 善可稱,止能篤信師友,愛重字紙,有所碎落,輙掇拾焚之。 華聲赫奕,非復疇昔,望以前由曉示,得伸喜慰之情也。」曰: 既見歡甚,因問曰: 「先生甫棄函丈、《禮記》: 帝君獎其用心,奏爲梓潼門 「講問間日 函丈。」函、容 我

酒, 中舉, 偲偲,詳 平日所以誘 罪有司之失選,稍成名則欺前輩之不如。 仕 地芥,漢夏侯勝曰: 濯然,故名; 吾皆得而 乎?」曰: 亦 直 有以也。今之衣儒服 藝,當代無輩,加之以忠厚,重之以誠慤; 差官取 也。 有緣師 酹 書以觀 有 勉也。 書胡旦曰: 梓潼帝君, 躡 新阡墳上[二],酹,音類,醊祭也,酒沃于地以降神也。 關掌之矣。]子虚喜曰: 弟也。」子虚曰: 岩 報應。 又文辭曰藻,言其文采如藻之布列也。 「非吾所職。」子虚曰: 掖切偲,大抵皆師友之力也。 且吾往日授徒數千,交遊徧京師, 廊 而 本北朝,廟在梓 或 據要津者矣,躡,蹈也。 渴睡 「士患不明經術,經術苟明,取青紫如拾地芥耳!」於子何有哉? 朝真武觀及安山黄舍有祠,人多祈夢者。 漢狀元及第矣!」胡曰: 佩 儒 「先生踐歷華要,華要,乃榮華清要之職。 紳 潼縣。 ,帶之有垂者曰 「决如此,則某之前程窮達,先生必識之矣!」曰:「若子之詞章才 廟中有降筆亭,以金索懸金花俴(牋),筆墨皆具, 「然則先生所職 岩 誘, 廊,峻 志 紳。 慤,謹也,誠也。 「待我明年及第,輸君一籌耳! 故天晚其 前道也; 氣 即 (廊也; 乃大不然: 驕 世以 盈,輕變所守。 何事?」曰: 「凡天下士人應舉文章,科名次第 掖,旁扶也,與輔翼義同。 後, 成 昨陪 殿下外屋 扦,音千,葬也。 但少時以詞藻驕人,藻,音早,藻横陳水中,若自澡 聞 挫其驕誇之志。 靈 往往 有曳朱紫而登顯宦者矣,曳, 駕,陪,助也,隨也。 爲廊、岩者廡 | 變姓| 視窮 當途用事,某之生死壽天,可得 此吾所以拳拳於吾子 」次果中選。 而從師, 師 爲 下宫 「朋友切切偲偲。」切 不然,奪蒙正之先籌,吕蒙 每降 此古今論士,必先德行, 可 墙 恥,捨賤 易名而 上 筆 疊 籌,投壺矢也。 訖 謁 歰 天宫,與子 也。 則 應舉。 有 友 銅 未 引 而 鐘 見 也 切 不親 自 持 纔見黜 拾夏侯之 懸倒 鳴, 相 數 也。 不 逢 本 盃 也 官 宦 知 則 聞 薄 良 蓋 即

人之師;

不善人者,善人之資。

某居典禮,而禮多所缺;

子虚因

·舉當時居官者,一一問之曰:

「某居清要,

而貪濁無厭;

某職師資,而表儀不足;

善人者

某居牧民,而民受其殃;

某居校文,而私所舉之

九〇

耳! 也。八極,八方極遠至盡之國也。 必苞苴之,或以葦,或以茅也。」子其勉之,勿種來生業報也。」子虚曰:「禍福之言,既聞其略; 音包,與包通; 巷,不改其樂,年三十二卒。 世,而名已簡於帝庭; 尊榮乎?」湛笑曰:「酆都之設,正爲是人。 『種瓜得瓜,種豆得豆; 延齡之欺君。延齡,唐德宗時臣,奸邪用事,每至上前,應對多用譎詐。 失,蒙然張口,如坐雲霧。」甚者不循名撿實,不忠君上,大則爲劉豫之賣國,豫爲宋臣,降元,元人立爲帝 然如坐雲霧。 意,遂謂誠然,甚可嗤也。]曰: 每就帝君祠,占夢將來事業,前期顯報,此事果信然否乎?」湛笑曰: 公而私。 囚,身具桎梏,立庭下,血污地,乃王雱也。非若世人,可因勢而得官,可緣財而免禍; 一心,齋,潔也; 校,考也,量也。 今爲吾子言之: 王雱,荆公之子。 俛眉承睫,睫,音婕,目旁之毛也。 苴,音疽,藉也,包也。苞苴,囊貨也。《孔叢子》云:「吾子木瓜,見苞苴之禮行。」《詩箋》: 《顔氏家訓‧戒子弟不學文》云:「或因家世餘緒,得一階半級,便自矜夸,全忘修學; 某居理獄,而入不辜之罪。 祓,音拂,亦潔也。 後晉蘇韶既死而甦,弟節問地下事,韶云:「顏回與卜商今爲地下修文郎。」王雱平日驕 天地間報應輪迴,善惡兩科而已。 荆公在金陵時,白日見一人來拜,乃故吏,死已久矣。 厚於積惡者,不待亡時,而獄已成於地府。 日閱箋書,夜朝帝所,豈暇隨人曉喻,爲此屑屑哉? 「然則天門放榜之事,亦傳訛乎?」仲淹判陳州時,郡守母病,召道士立壇祈禳,道 言洗濯塵穢,使之潔净也。 雖猥冗而必甄; 平居議論,唇舌如流,及籌國家之大策,决國家之大計 輪,轉也; 甄,音堅,收用也。 清净無雜,恍惚之間,若有 此曹殁後,固可以擬議之乎? 故顔回生前陋巷而死後修文,顏回居陋 因問雱安在? 迴,反也。 「帝君吞吐元氣,周 天網恢恢,疏而不漏」,直 財吏奸夫,以苞苴 釋家語。 吏因引荆公至一所,見獄卒枷 屑屑,動作切切也。 刑辟不中而濫,爵賞不 勉於爲善者,雖 所 及有吉凶大事,議論得 覩 「以果實相遺者 覽八極,覽,視 但今之士子, 而 抑終 世 幸 人不曉此 但其· 脱 須 頑 可 小 時 以 則 而 死 在 至 爲

狀。 閱 途,以 拱 士奏章(三] 前 付天 辰 恒 到 故稽 望 \Box 何 如 門 追 留 難 終 我 填 隨 之有 液不動 守 寫 此 亦 飇 問 希 填 則 御 狀 奇有幸 不 元姓 至五更,起謂守 音 暫 但 誣 名 田 時 當 也 塞也。 · 答 曰: 申 觀 也。」子虚曰 因 禀帝 遊, 出 以子 飇, Ė 文書 君 姓王,二字名,下一字 音 來, 以 標 夫人壽有六年。 姓名填 束,緘 扶 故遲遲未 摇 塵 風 容俗 入耳 封 也 甚密, 即 狀 臌 黑塗,傍注 |守因問: 去 御 何 乃以 耳 謂 階 即 子 及此? 風 朱書 虚 車 且言天曹之樂,絶 不 曰 : 伏奏何久? 也 口 紙 辨。 猶 階 尾, 御 陛 既 此 約 風 也 而 來 意。 答 + 母 梯 年 餘字, 愈 未料 也。 春 勝 榜, 明 北 適遇 仍 凡 凡間 年 我 Щ 命 狀 踪, 天門 方 移 兀 撤 文 》: 乃 受 亦 子 席 放 Ξ 可 能 命 拱 明 夤 勉 帝 年 壽 抗 緣 身 君 御 塵 榜 勵 否 容 筆 備 乎 行, 改 Iffi 者 爲 走 俗 寒 王

牒 雖 記。 識 後, 言翠色冷光相 非 所 此 視 城 」賀遂卒。 香風 良久始 上女垣 傾貲 塵 乎 扁 寰 浮 施予 Ш 世 動 也; 如 射 《翼聖傳》: 御 積 撲 左 極 所 以 然能 累 蘇 俄 欄 驂 寒 白 德 聞 謂 累 示 直上, 銜 垔 之門 隨 天 塊 可 城 檻 留 故曰 (上白 時 上 \pm 也。 賙 喧 周 帝 驂,音參,車 撲 銀 穆 所 业, 玉京 給 中 呼 羅 拂拭 \pm 居 有 公遠侍唐玄宗 執化 既 又曰 常 最中 Ŧ 也。 無恡心,恡,音吝, 有 餘 人之袪 明 中 粉 紅 銜 年 MA 人,花冠 堞。 雲 馬 冠 以 擁之, 朵 日 飛 П 貝 榜, 玩 服 紅 含物 月 们 闕 已 蕙 雖 雲, 构 上. 請 雙 真 也。 者 得 佩 馬 同 乃 峙 鄙也, 仙 范狀 驂 中 登,行數里, 或坐 不得見 軒 紫微 其 夫 窗下 兩 外 慳 元矣! 愐 邊 小 或立。 也。 帝 止 其 退日 爲 皆 座。 面 化 清 櫺日 珠 又 人宫 驂; 光奪 字 樓 乃 無 子 李 欄 引子 玉 賀夢人持板告之曰: 下, 德 虚 可 Ħ, 以版 左 殿 色。 吅 於 視若累塊 寒氣侵 驂 虚 問 城 日 通 即 檻 歷 自 門 車之左 明 則 矜 諸 人,遠曰 候立, 積 有恩 如 但 曹 蘇。 白 覺 省 邊 日 晝 清 也 吾 采 德 此 草 光 省 色。 一天上白 當 此 見 天 \Box 奪 仙 , 奏 月宫 蘇 銀 河 帝 目 衆 景 請 切 堞 星 皆 録 也。 \pm 湛 高 樓成 渚 層 其 生 禁署 出 乃 寒 層 前 捧 逼 類 惠 命 堞, 抱 使 章 君 子 至 前 而 爲 音

位,詣 帝嘉 清 冷然 者爲卿、 朝,秋曰請; 位,信任群小, 李朝蘇 玦,褒衣博帶,以見暴勝之。 如在,肯 命大臣,今貪賂而改命,何面目見先帝於地下乎?」乃不聽。 古 品,故得居此。」蓋,覆也,今之雨油蓋其一也。 而 士望岩岩仰泰山。 其志,使隸雲宫,故得居此。」又至一所,題曰: 入覲 上陳家四輔圖。」陳朝朱文安也。文安,清潭縣人,爲人清修苦節。 子虚又問 憲誠、憲誠、號飛鳶,爲人忠誠。英宗臨崩時,輔高宗即位,太后欲立故太子龍昶,賂憲誠妻吕氏。 爲相,次者不失爲士夫、爲校尹〔四〕。 ,又求還至靈山終老。 文安上疏乞斬佞臣七人,號《七斬疏》。 又大臣退位不落職曰奉朝請。 至北門,百官已趨朝 則 曰 : 」其餘皆漢、唐名臣,無官位 亦不下千人。 「此仙衆皆生前孝友,或於 謚文貞,許從祀文廟。 矣。 每至五百年,復許降生,孟子言: 中有二人,着緑袍紗帽。紗,輕繒也,暑所服也。 又至一所,題曰: 不報,乃告老歸。 」其他諸曹署尚百餘所, 、無職掌,但 脱軒詠詩云: 脱軒詠詩云: 「儒臣之門」,皆褒衣博帶,不疑冠、進賢冠 流離相保,或以土地相移,或數世 朔 愛至靈山 「《七斬》章成便掛冠,至靈終老有餘閑; 望參謁帝君, 「順行之門」,中有千餘人,雲衣 「大節堂堂可托孤,百端利誘寂 明宗時,爲國子監博士,授太子□經。 ,往居之。 但天色向曙,不暇徧觀, 「五百年必有王者興,其間必有名世。」高 如今世散官之奉 裕宗每 有費與, 指 謂子 如無; 悉以 憲 同 虚 誠 居 朝 ,帶儡貝 與 日 急 不忍 請 雨 Ψ. 清修苦節高 御 也 及裕 蓋, 生疾惡心 長 藝宗 分異 我爲 剱佩環 或歌 此 春日 風 即 即 顧 即

子 何 寓 傷乎? 言,莊周,楚人,著書名《南華》,所言皆荒唐之辭。 虚 解歸。 呼 今《子虚傳》,一篇之中,有篤於從師者,既足以爲之勸, 明年 諧 應舉,果領進士第。 》好 誕,《莊子• 逍 遥 》篇: 士應舉見録者曰第。 「《齊諧》者,志怪也。」 誠 非 君子所尚; 凡子虚家内吉凶禍福,其 注: 設 或 「《齊 事 薄於事師者,亦足以爲之戒,其 關 谐》, 書 彜 倫 名, 所 辭 師 寓 記 亦 皆 勸 時 怪 戒, 時 異 之 顯 事。」莊 報 而 焉 傳 之, 居

有關於民彝也大矣! 若夫天曹之遊,其有其無[五],何必深辨?

校勘記

- [一]「范子虚遊天曹録」,丙本作「范子虚遊天曹傳」。
- 〔二〕「一酹新阡墳上」,「一」字原無,「阡」原作「扦」,據甲、丙本加改。
- [三]「道士奏章」、「奏」字原作「奉」、據文意改。
- 〔四〕「爲校尹」,「校尹」原作「尹校」,據甲、丙本改。
- [五]「其有其無」,下「其」字原無,據甲、丙本加。



卷之三

昌江妖怪録

女; 因 既數月,興妖作幻,幻,熒絹切,妖術也。 其妻揣知其意,揣,所委切,捫而察之也;,又度也,量也。托以他故,痛笞至死,瘞在村居之側。瘞,於計切,埋 行早泊,以色爲戒。久之,鄉人覺得,以骸散在江次,妖亦稍息焉。 而 病故,其妻貧不能歸葬,鬻其小女氏宜于富商范氏。 峯州人有姓胡名期望,峯州,今白鶴縣。 有頭目者則爲淫殺,有財貨者則被潛攘。攘,竊也,引手取物也; 變態百出: 胡 朝末,販泊昌江城,泊,音薄,止息也,流寓也。 或托形於賣漿之姝,妹,音樞,美色也。 女既長成,頗有姿色,范氏悦而私焉。 又因其自來而取曰攘。 或假體於沽酒之 沿途十里,皆晏 昌江,屬 私,奸淫也 安勇 、壽昌。 也。

擾也。 茵,褥也,藉也。 問之曰:「夜深如許,許,力舉切,助辭也。何故悲啼? 令人攪碎鐵石心腸也。」攪,古巧切,撓也 寂,忽聞東南沙觜,觜,遵威切,角也。 黎朝混一,有諒江一員姓黄,赴長安領職,舟次江側。次,止也。 細破也。 鐵石,喻心之堅貞也。 女歛容收淚曰:「妾峯州人,父母以販繒爲業,群盗利財,一時見害, 一哭聲轉哀。 移船就之,見一女年可十七八,擁紅羅袖, 時月 明星淡,淡,星之光彩也。 茵草而坐。 萬 俱

散 Т, 半 謔 雖 上官 伸 魂 死 ---冤 埋 骨 房 而 餉 失 挑 謂陞 志貌。 魚 質 肉 間 返 惟 他 腹 故 兒 彫 願 餘 官 也[]]。 切 鄉, 既 《李密: 骨 風 糜 賤 赴 顛連 任 戲 葬江 帆 身以 亦 質 也。 弄 傳》: 力也 惸 邂 孤苦, 也。 心; 報 宋 逅 惸, 直 祖 趨白 細 幸 零丁 解 | 餉,行饋也。 黄 因 無 觀 昔吴十二有赴鎮江之行,被家人汪 石守信等 免 卽 緣 所依 鶴 其意, 孤苦。」所恨者, 虎 募善、 也 江 П 一。」解,音蟹; 投,今我有長安之遊, П 兵權 汆者[三] 女拒之甚 ,於江邊安葬 投 其女又泣曰: ,守信等謝 身沿 , 於 先人骸骨 岸, 近,音 確 亂 寄 黄 波 食村 候。 尤嬖 「隻影零丁,誠 中 所 不 行 吉利 謂 能 縱 民。 適 淘 而 生 還 欲 相 畏之。 沙 宛 婦 值 昨 葬 歸 而 用 收 也。 耳 爲 骨 來, 謀 歛 肉 主 乘 嬖, 女喜日 미 淘 不 也。」注: 婦 醉 黄 足 於 音 推 音 採 閉, E 惜 船 落 陶 桑, 間 寵 江 盪 也。 隻,烏 心 寄 偶 謂 也 我誠 天也 足; 使死者後 經 屍 至 骨 挈 故 京 不愛捐 枚也; 葬 載 處, 况 魚 遂 南 生, 腹 君 由 不 不 行 後見出 而 誠 京 凡 數 覺 即 白 或 能 物 金之費 悲 時 骨 不 如 直 哀 再 ·兩皆 乞故 或 官 此 抵 生 至 以 兒 肉 即 \Box 此 所 爲 微 也 鄉 隻。 韓 兒 就 謂 辭 滿 纔 黄 妾 收 挑 生 零 爲

榮切 主饋 親 墓也。 族, 他 又進食於尊曰 日 稱之者 兆 女謂 如 黄 也。 出 饋 故 蘋 П 殷 妾 藻之供, 勤 與 見拒,今事 卿 初 妾請當其 非 相 既圓 期 任矣! 妾稱夫曰 成 願 侍 卿 既 巾 以 成夫妻,情愛加 櫛; 親愛 意 况君 偶 江 有 湖 良 密。 遠 會, 宦, 女又能動 但 主 昔 饋 \exists 無 以 必以 先 人 饋 禮 塋 餉也 兆 口 必 未 擇 安 稱 人妻曰 誉,于 僚

則 妖祟, 不 受; 居 官 祟 閱 診, 須鋭 月, 視 切 閱 也 謂 察脈 歷 孽鬼爲 也。 日 診。 黄 厲 因 也。 有 感 以 疾, 然 符 無可 顛 呪來者, 狂 奈何, 恍惚, 輙 但 香香 遭 相 侮 環 不省,女亦旦夕涕 黑。 視 愐 呪, Ę 職 救 繼有 切, 梵書妙 人,破 泣,不 語 日 離 巾 呪 穿 在 即 側 履 真 言意。 襤 但 褸 藥 步 路 之則 進 I 術 襤 不 飲 廬 咸 切;

朋

也。 色也。 荄未剪,向非天兵將吏,猛鋤力剔,鋤與鉏同,墾土器; 遂使人至白鶴江掘塚,止有數丸鮮血,而殘骸亡矣。方欲收取,倏然已不見。 刀圭。」坡詩云: 乃妖祟根原。 跡,皆不省也。 驀然仆地,驀,莫白切,超越也。 室!」按析,音昔,破木也,折也; 朱元晦《感興》詩: 兼多市酒殺,禱神禳鬼,自然無恙矣!」乃罄所需藥,罄,盡也。 則附子、陳皮。 黄即笑以手示之,使診其脉,其人曰:「無傷也,但臟腑不調,生此迷惑。 宜飲以 懵然如夢。 雨 凡汲水器、酒器,皆曰瓶。 切。 敝服也。 「促膝問道要,遂蒙分刀圭。」《本草》云:「刀圭者,十分方寸匕之一。」蓋量藥器也。 使彼尋常吾語,始得以施吾巧; 衆人争叩所以,叩,音扣,問也,以因也。 懵,音夢,暗也。 「刀圭一入口,白日生羽翰。」又羽化,言生羽翼而化,以登仙境也。 一坐大笑。其人曰: 劑,齊也,藥料曰劑。 仆,音付,偃也。乃一堆白骨。仍急以七香湯灌黄胸臆, 柝,音托,兩木相擊行夜者; 女大怒,以杖碎磁瓶, 「卿輩皆孱工,我神醫也,非徒能療疾,兼能使人翰生羽 不然,其能進刀圭之餌乎?」古云: 啜而盡,啜,朱劣切,飲也。 又誅也。 其人曰: 罵曰: 折,音哲,断也; 剔,他歷切,解骨也。 甚處幻人,甚,何也。 需,音須,資也。 「吾適覩其貌,妖氣 拆, 音册, 開也。 問其術,則醫風、治氣; 嘔涎數斗,嘔,吐也。 其人嘆曰: 只恐更遭毒手,公其危哉!」 以粉磁 其人以符投之,女應 離間我夫妻,分析 甚 「盛丹須竹節(五),量藥必 餌,藥餌 瓶 有頃 濃,濃,厚 調 劑,粉 「枝蔓雖除,而根 甦 也。 涎,音全,口 醒,問 也。 磁,即 衆皆驚服 進食湯, 探其囊 化四。」 從 忻 ± 此 前 我家 中 鉢 符 女 事 白 液

弊傾圯。 之求,罪狀弗彰,非敢聞命。」言未畢,已見女從左廊步出 令左右授以筆紙, 旬餘,黄於白晝閑臥,見兩卒牽提令去。 圯,晉綨切,覆也,毀也。 逼使供狀。 黄曰: 上有一人垂冕,垂冕,謂冕前有垂旒也。 「僕本寒流,幸登仕 至 處,垣 墙周繞,殿宇嚴邃,邃,須棁切; 版, 黄大悟,即援筆供曰 仕版, 官籍也。 厲聲言曰: 處己絶險邪之態,居官無賄 「閻王有旨,命予追勘 深遠也。 但左 廊 賂 頹

恭 聞 春 1秋》紀 異,雖 石 言、 神 降 而 必 書 ; 《左 傳》: 石 言於晉,晉 侯問 於 師 曠 日 石石 何 故 日

降之,顧其德政而布福焉, 祁之宫[七],故云然。《左傳》: 日 石不能言,或憑焉。 ,於松林酒肆傍舍,見一美人,淡粧素服。 而 亦 野史,野人之記事也。 抑臣聞曰[六]: 國之將亡,其君貪淫暴虐,民神怨憤,故神往焉,觀其苛慝而降之禍。」野 神降于幸,王問于内史,對曰: 「作事不時,則有非言之物 摭,之石切,拾也。 師 雄與語,言極清 檠,渠京切,燈架也。 麗,芳香襲人,因與至酒家 「國之將興,其君齋明精潔,神享而民聽,民神無怨,故神 而言。一今宫室崇侈、石言、不亦宜乎?」時晉平公方 隋開 皇中,趙 飲。 師雄 醉 而 遊羅浮山。 就 史摭 寢,東方已 遺,凡梅 日,天寒 魄 築虒 起

嶠遂燃犀角照之,須臾見水族奇形異狀,或乘車馬、著赤衣者。 使人得 趙恍惚,諸生具告其父〔九〕,潛往觀焉,因大呼遽入,以手抱之,甚細。 心傷 亦苦。 備神奸? ……」遂滅燈,趨趙就寢,曰" 備 防也。 故太真燃照水之犀,龍宫請 「妾本東方人,鬻身於彭城郡。 其夜夢人曰: 命, 視之,乃一 今郎觀光上國,孤眠暗室,故來相 晉 温 「與君幽明道别,何意相及也?」犀,獸名,頭 嶠,字太真,過牛渚磯,世傳其下多水怪 燈檠,遂焚之。 豈自 古唱 伴。」明 爲 怪説,欲 夜又來。 物

視,在梅花樹下,方知梅之精也。

宋潛爲甘陵巡檢[八],故人趙當訓其子弟,忽見美婦人立燈下,唱曰:

郎行久不歸,

妾

至,公以筆濡雄黄水大書草字,窗外大呼云: 「速爲我滌去,不然禍將及女!」公不聽 而寢。 將 曉哀號 ,手不 能 縮,且 日:

少保馬公亮,少時臨窗,燭下閱書,忽有大手如扇,自窗前伸入。

次夜又

馬

亮寫入窗之手,鬼物祈哀。

公將大貴,我戲爾,何忍致我極地耶? 也。 《管輅傳》: 「有一小物如獸,手持火,以口吹之。 公獨不見温嶠燃犀事乎?」公乃滌之,遜謝而去。 生舉刀斫斷腰,視之,乃狐精 也。 自此無火災焉。」或 或 袪吹火之精,袪,丘 却 移床 之

元 忠爲 人公正 寬厚,不 信邪鬼。 未達時,家中嘗有鬼作祟,如老猿看火、犬代人言,及羣鼠 拱 前 鴉 鳴 種 種 作

移於堂中乎?」乃復移至舊所,公又曰: 妖,公未嘗少惑。 又 一夕夜半,有婦女數人立於床前,公曰: 一能 徙吾 床 至街市乎?」羣女皆 能徙吾床於堂下乎?」婦人竟擡舁於堂下,公又曰: 再拜 而 去, 日: 此 寬厚 長 者,可 同 常 人玩 可可 之

之塵。 拙 哉?」是歷代剛方之士,不怕 什三四 音大,畫眉墨也。 ,仕幸逢辰。 《孟子》。 五 經》。 半衾寂寞,翻含失偶之悲。 匪遇上醫之手,趙文子問醫和曰: 朱,丹也,即朱唇也。 辰,猶時節也。 蠱惑臣以妖姿非態,粉黛朱鉛, 漁,誰其信者? 邪妖; 宦蕭條,忝 鉛,音沿,錫類,以其易沿流,故謂之鉛,今化爲粉是也。 怕,普駕切,畏也。 誰知月下奇逢,便是生前業報? 而行其罰,伏願矜之! 竊代耕之録; 「醫及國家乎?」曰: 盛,音古,亂也。 况百年香火之祠,更 蕭條,寂寥貌。 「上醫醫國,其次救人。」《國語》。 姿,色也。 下士與庶人在官者同禄,禄足以代其 丰,音封,美也。 業亦禄也; 容醜 類。 耗 損臣 業 如某者 報者,言皆 粉,傅 之 元 幾成泉下 1,性 面 真 隨 業受 守

供已進呈,王大怒曰: 「不圖幻質,遽爾生心,既逞淫風,又懷妄訴,可 押赴犂舌獄 」仍大書判 判

断也。

入江

而

日

非

以

德

遂絶。 性。」二十四司之關掌,各有分曹, 食,先誑之曰: 是妖精耳!」因戒宫人以劍斫之; 故道家以三尺盪 之精,晉朝再見。 生惟事於龜淫,貪婪殆甚; 蓋聞: 婪,音藍,貪也。 猿鶴 「與若芋,朝三而暮四,足乎?」衆狙皆起而怒, 氛,盪同蕩,推盪也。 見《沱江》。 蟲沙之化,周代曾聞; 再死 猶懷於狙詐,假冒何多 世運寢乎愈降,三十年爲一世,亦爲一運。 若中枯骨,落床而走,官人逐之,入池而没。 隋開皇中,掖庭宫每夜有人來挑宫女,宫司以聞,帝曰: 百千萬狀之鬼妖,舉皆遁跡。 氛,音分,氣穢也。 周 穆王南征,一軍盡化: 宋有狙公,善養猿猴,故號。 而地 又曰: 獄 以尺 「與若芋,朝四而暮三,足乎?」衆狙皆笑。 君子爲猿爲鶴,小人爲蟲爲沙。 符禰 夫何穢濁,敢肆 明日,帝令涸池,得 邪魔概 召。 不 摘,音帖, 狙公愛狙,養 勝妖。 門 衛 猖 一龜,介有刀迹。 俗字。 邪 甚嚴,人何從入? 狂 魔,狂 ! 而成羣 法 猖 鬼能迷 家云: 在, 狐 將欲限其 狸 殺之, 人也。 華 物之 表 擟

中。」婦 嗣 婺婦亦獨處於室。 至 以 至 孝義館,見一婦,頭枕虎皮而熟睡,韜 能鄙相 如黄某, 惑花月之妖。 取 以 籠 被 皆由 亦有可言: 他,後 氏,妖狐也,色絶美,有鄭生者,得之爲婦。 此 一夜,暴風雨至,婺婦室壞,趨而投之。 化爲 也。 解見《西垣》。 猛虎, 故人之顛倒 志溺少剛,心牽多欲。 咆哮而去。 罪不 者,必日 取虎皮投井中,婦驚覺,失皮不能復變,韜納爲 能無,薄云乎耳 劍 狙 爲 詐。 樹、 請 刀 罪 不能 爲 數月,生携出郊,任氏忽墜馬,化爲狐,爲犬所咬而死。 名 顏叔子納之,使秉燭達旦,燭盡,以 山, ! 可 效顔叔子,却鄰家之女, 以 吾言止此,主者奉行 條 力逃,謂 章 載 舉。 冥 南漢劉 府不 妻。 能 鋹 作 顯 後婦問 燒 責。 魯人顔叔子,獨處於室,鄰 束薪繼之。 堵、 剥 任 皮安在? 之 狐、崔 刀 顧 Ш 乃 轁 劍 之 崔韜 日 攘 樹 等 行 一井 刑。 承 變

年爲 又顧謂黄曰: 紀。 血氣方剛(少之時,血氣未定),戒之在色。」仍以筆批曰: 復命兩卒送之還家。欠伸一覺,心疲則欠,體疲則伸。 「子少業儒,讀聖賢書傳,記古今事跡,豈不知在色之戒,而躬自 批,音披,手舉也,示也。「去剛即 汗流浹背 蹈之? 」夫子: 欲, 减壽一紀。」十二 「君子有三

像形也。 數年後,因幹事至三岐江,憇峯州祠下,幹,能事也。 如夢中所覩,乃知向 日追勘者此處也。 遂策馬疾驅 憇,音契,息也。 ,不敢回顧。 見垣 墙殿宇, 時 紹平二年八月丁巳日 頹 廊 塑 像 塑,音素, 埏 $\hat{\pm}$

今夢黄熊入於寢門,其何厲鬼也?」子産曰 日 鬼》文云: 作《春秋傳》以釋經。 非也! 鳴 有嘯于梁,從而燭之,無見也,「斯鬼乎?」曰: 瞰于室、嘯于梁,不已怪乎? 無形。」蓋無聲與無形者,鬼神是也。」」羽 昭公七年: 鄭子産聘於晉,晉侯有疾,韓宣子逆客[一○],私焉,曰: 「昔堯殛鯀於羽山,其神化爲黄熊,以入於羽淵,實爲夏郊,三代祀之, 日: 淵之熊、貝丘之豕,不已怪乎? 非 未 也! 也。 《楊雄傳》云: 鬼無聲。」有立於堂,從 「高明之家,鬼瞰其室。」韓昌黎 而 「寡君寢疾,於今三月矣! 視 Ż, 日: 無見也,「斯鬼乎?」 未也。」左 作《原 晉爲

戒; 謂 詩出盧仝、孟郊之右。後韓愈有金數斤、劉叉持去、曰: 也; 也。」公怒曰: 盟主,其或者未之祀乎?」遂使祀之,晉侯有間。 昌黎原鬼,丘明釋經,此怪所以 作碑褒死人。 步 覽叢祠之判事,則當起遠神之敬。 進 「彭生敢見!」乃射之。 步,則劉叉、干寶。 晉干寶死而復甦,見天地間鬼神事,遂撰集古今神祇靈異,名《搜神記》,以示劉惔,惔曰: 爲常 豕因立而啼,公懼,墜于車,傷足,喪屢,乃還。 劉叉少任俠,晚折節讀書,聞韓愈接天下士,徒步歸之。 莊公八年: 然則昌江之録,非怪也。 叢,聚也; 「此諛墓中人所得耳! 齊侯遊姑梦,遂畋于貝丘,見大豕。 叢祠亦如叢臺,取 况觀妖女之惑人,則當謹在 連聚非一之義。 不若與劉君爲壽。」愈不能止。 遇賊于門,賊遂殺之,而立 作《雪車》、《冰柱》二詩, 疑以 從者曰: 傳疑,未足過 「公子彭生 無知。 卿可謂鬼 諛 色之 蓋

校勘記

之董狐。」

- [一] 「昌江妖怪録」,丙本作「昌江妖怪傳」。
- 〔二〕「所謂生死 而肉骨也」,「肉骨」原作「骨肉」,據甲、丙本與《左傳》襄公二十二年改。
- [三]「黄即募善氽者」,「氽」原作「水」,據諸本改,「入水」二字之合。
- (四]「兼能使人翰生羽化」、「使人」二字原無,據諸本加。
- [五] 「盛丹須竹節」,「須」原作「雖」,據文意改。
- [六]「抑臣聞曰」、「臣」原作「人」、據《左傳》改。
- [七] 「時晉平公子築虒祁之官」,「虒祁」原作「虎祈」,據《左傳》改。

[八] 「宋潛爲甘陵巡檢」,「陵」原作「瘦」。

〔一〇〕「韓宣子逆客」,「逆」原作「送」,據《左傳》改。〔九〕「諸生具告其父」,「諸生」二字原無,據文意補。

卷之三 那山樵對録

那山樵對録

也。 也。 塵埃也。人迹之所罕到。日有樵夫負薪,從洞中出,换魚易酒,换,貿易也。 人謂之楚狂。《論語》。又《列仙傳》云:「楚有接興,好養生,食木實,在蜀蛾眉山,世世見之,數百年矣。」采和以下不足論 從洞中去。時人以晨門、接輿許之,晨門,掌晨啓門,蓋賢而隱於抱關者。《孟子》。接輿,姓陸名通,昭王時隱居不仕,時 翁野竪, 輙欣然話桑麻事, 問其姓名庄册, 則笑而不答。 有洞焉,阻而脩、湫而杳,洞,空谷也。阻,險也。脩,長也。湫,音剿,沮洳也。 亘,延袤也。 唐末有逸士,一足靴、一足跣,夏服絮衫,冬臥冰雪,自號藍采和。 清化路,其地皆山也,周遭盤亘,周, 直數千里。 其中崒然而峻拔者,名曰那山。 匝也; 遭亦猶匝也。 庄同莊,田舍也。 後至濠州飛昇,遺下靴,世傳爲登仙 崒,七醉切。 劉禹錫《石頭城》詩云: 杳,伊鳥切,深寂也。 危,峻貌。 册通作栅,藩落也。 纔取醉飽,一錢不問也。 拔,挺也。 山圍 故國周遭在。」盤 塵囂之所不接,囂, 那山,在農貢縣。 及西日 銜 每遇村 Щ 屈 復 Ш 曲

後胡開大中,漢蒼出獵,適遇諸途,行且歌曰:

那之山,有石巑岏。 巑,齊桓切, 岏,吾桓切。 山上鋭竦列貌。 樹蒼蒼、煙漠漠、水潺潺。 蒼,深遠 一青色

屏,音 香 兩 算 王 不 黑 謝 往 到 竿,音干,竹梃也。 風 平,蔽也,即 此 也。 (楚詞》: 流、蕭 江 之菱,三四 黑 茅簷長 今 山 宋朝号劍,古丘 相, 任 屏封 潺, 掃浄無苔,花木成蹊手自栽, 事 製芰荷以 角而 縱 鉏 石 業 也 意 Ш 篆苔 日出三竿,言其晏也。 ,《漢書》: 小者謂之芡; 也。 切,水 嶂 爲 朝 漫。 與 衣, 流聲也。 市 障 紉 同 晉代衣 篆 即 秋 列其風 цí ·引 所 蘭 菱花開背日 峯 謂 以 朝 書 列如 一争 也 冠。 爲 流,區 分 佩。 又《南齊志》云: 名 吾 屏障 李 者 石 水 出 而載之。」 篆 闥 於 白題 護田 灰花開 也。 , 暮 朝, 排 即 金 將緑遶[二] 護, 青 分 争 石 陵鳳 向 注: 利 分 碑 吾 衛 日,故菱寒芡暖。 者 刻 也。 屏 還。 凰 於 日 字 言 臺詩 曉 出三竿,謂 市」也。 也。 緑,水色也。 高 兩 嶂 有 士 云: 漫, 山排闡送青來。」任 清 衣 田 分 潔之風,各 水 車 護 晉 朱黄赤色暈也。」 製芰, 馬,言 廣 緑 紉,音 代 大 灘,他丹切,瀬 分 衣 貌。 爲 冠 枕 刄,繟 有 有 名 成古丘,吴宫 争 條 佩 晴 利 流 如 他 分 者 灘 繩 也。 我 也 朝 奔 紉 也。 市、 走 排 蘭。 掉 于 又 王介甫《書 日 列 花 車 任 頭 以 芰,音 也。 草 他 線 風 埋 馬 串 覺, 青 流 幽 忌,菱 足之下也。 馬 湖 紅 山 名 也 陰 緇 色 價 H 先 也。 蘭 也。 Ξ 塵

鷄聲 轉 木末也。 也 歌 錢 也。 盼 竟, 間 動 携 拂衣長往。 雜 貌。 知 緲 忽不 以 笻 非常 於 碧 忙呼 獨 孤 知 桃 Ŀ. 篁 所 紅 人,尾其踪 不 笻,音窮 杏, 絶 適。 漢蒼意其有道隱者, 應,只見乘雲劈霧,踐 頂 桃 前 縹 仙 竹 進 而追之,披茆 桃也, 名 兀 也。 沼 可 盼 切, 其色青, 爲 杖。 邪 色 視。 輕 見 故 也 遂命侍臣 取 躡 仰 云碧桃。 徑,約 於松梢竹 草 緲 見 庵 斜 音 陽 藐 杏,花色微紅, 庵 張公追請 在 微 草舍也, 杪間 嶺, 里, 也。 茆 Щ 篁, 焉。 頭 編茅爲之。 與 劈,披昔 故云紅 音 \Box 茅同 黄, 嶺。 比至 杏。 竹 切, 煙 但 苗 則 割 左右 草 見 皆扶 也。 也, 向 Ш 已趨 植 嶺, 裂 暝, 疎 程 也。 金 可 Ш 蹌 艱 徬徨 錢 嶺 愛。 甚 梢 入洞矣。 也。 數 **轉** 欲 所交切, 陶 本, 返,已 喜曰: 潛 У 金錢, 《讀 深 木 比 峻, Ш 無及矣。 枝 及也。 花 海經 「人家 也。 步不 》詩: 言形 杪, 蹌, 能 音 俄 不 干羊 似 前 孟 遠 聞

卷之三 那山樵對録

塗,長曰抹。 爲之,高一尺許,以綿花粧實縫之完,置于跟上,兩肘倚坐,自覺安逸。 夏草木長,遶屋樹扶疎。」注: 題 歌 兩 闋 闋,丘月切, 疎通作疏,枝葉盛貌。」内設藤床一具,解見《木綿》。 止也; 樂終日 闋。 兩闋猶兩章也。 東西壁面,各以粉膏塗抹,抹,音末, 曰《愛眠》,二曰《愛棋》。 床上置絲竹 隱囊。 其 隱 摩 也; 青 白 亂 日 布

居 樂在其中矣!」白石,言處士遠離世俗,結草廬于白石雲邊以自處也。 便。 蘿 臾客去,予亦就 即得「池 颯至,自 不起,嘗 安便也。 玄鶴指道士言。 南陽 陰合也。 居,隱居也。 一名竹夫人,蓋竹冬夏長青,奴以伴君子,故名几曰 甜, 非子也耶?」道士顧笑,予亦驚寤[一〇]。」一説昔有人夜得一玄鶴,遊於黄州。 吾何愛? 作睡 結草 謂 塘生春草」之句,以爲有神助。 徒燕切; 羲皇上人。 見《唐詩》。 掩耳,紅 歌云: 廬 睡。 閑 言隱者所居,有林泉之勝,殊爲幽 黄川,地名,在赤壁。 臥 愛惟 夢 北 號 臣 人以 吟 塵世上; 臥 矮藤床結舊因 眠。 愛睡,臣愛睡; 道士,羽衣蹁躚[九],揖予言曰: 魂, 龍先生。 晝 詩 寢爲黑甜,故東坡《發廣 愛爲安舒適性天[四]。 思 也。 紅 欠 東坡遊赤壁賦云: 塵,喻名利也。 伸 西 書 緣。 堂 雲 不覆氈,不蓋被。」北窗吟 樓 觀, 春 初 矮, 夢 一絕也。 趙 捲 鴉 常 夕, 宋窄 楷切, 州》詩云[五]: 員 小 青奴。 青奴 酒 曲肽, Ш 短也。 淺墨帳添 店 夜將半,四 靈運與惠連爲刎頸 川 赤壁之遊樂乎?」 欲晴 擁後,陳師道《書堂》詩云: 紅 白石 藤、 窄,音 友羅 天。 魂易促,陶淵明夏月虚閑[七] 雲邊。 藤通用。 顧 「三盃軟飽後, 新富貴,淺,薄也。 寄傲草廬,南陽 寂寥; 責,狹也。 前 店,肆 問其姓名,不 夫子曰: 交,嘗於西堂思詩不就,怠而 梅之軒、竹之園, 紅 也,旅舍也。 適 友,酒也。 陳 有孤鶴 二説未知孰是? 摶 枕黑甜餘。」思,音 隱 閑 「飯疏食飲水[六] 横 華 墨與默通,陰也。 答。 日 來、玄裳編 Ш 媒 玄 醉 月, 雲 鶴 引 臥擁青奴。」按青奴,竹几 日 臺 黄 黑 幽 高臥 觀, 傲,踞 州 甜 居 此 每 衣, 遶樹長 我 四。 夜夜[八], 勝 趣 兩存之。 寢 寢, 處 窗之下, 味 言帳 便, 忽夢 多 肱 有林 諸 涼 而枕之, 百 連 葛 美人 思 昔夜 亮 雲 切, 須 隱 而 H

湘水年 洞房昨 年。 夜春風 説 美人指賢人言。 起,遥憶美人湘江水; 六國 二説亦未知孰是? 時 張 枕上片時春夢中,行盡江南數千里。」一説 敏與高惠二人爲友,每憶不得 有時 向 醉 鄉 打 臥 見,便 唐 王勣 於夢 有人得 作《醉 中 往 尋,半 鄉 一枕 記》 道 每夜枕見與美 云: 迷 路 「乞取 遂 南 人遊 袁 作 詩

云: 日 水,岑參作《春夢》詩云云,如前詩。 有酒輙設,若先醉,語客 氈,毛席也。 「醉鄉之宜十有二。」見《文苑》。 彭 澤 夜深,半簾殘 Ħ: 「我醉欲眠,卿且去!」濂溪院静, 月, 草 鋪 茵、花 陶潛親老家貧、執事聞之、起爲彭澤令、後 鋪 握、地 鋪 氈。 枕 啼 鋪 鵑。 陳設 也。 周子 茵 知 南 解 褥 印綬 康軍 也。 而 時,築室於 幄 去。 · 帳 也, 貴 賤 上下四 蓮花峯 旁 朋 造 悉 周

去。 前 吕 蒙正 ,字孝先,教授數百,嘗畫臥,弟子嘲曰: 有溪,合于溢 ,杜宇也,名怨鳥,三四月間苦啼,自 薄遊 年,吕中甲科,寄 縣,胡旦隨父宰是邑,遇吕甚薄,客有誦吕詩: 江,公因取 書曰: 替道所居 「渴睡漢狀元及第矣!」胡曰: 濂溪以名之,學者稱爲 夜達旦,田 「邊孝先,腹便便, 家候之以興農事。 濂 溪先生。 挑盡寒燈夢不成。」胡笑曰: 「待我明年及第、輸君一籌耳!」次年,果中首 懒讀書,只愛眠。」後桓帝徵爲太中大夫。 任 邵子行至洛陽 人 道 爲 懶夫士、 聞 杜鵑聲,嘆之,後其言果 爲 乃是渴 渴 睡 漢、 睡 漢耳!」吕 爲 漢,乃男子之稱。 隱 選。 神 驗。 仙 含恨 野 而 邊

右《愛眠歌》

居不仕,好彈琴詩賦,宋太宗召,不至。

一日,方教鶴舞,俄報使至,踰牆

而

走。

有詩云:

有名閑富貴,無事小

北 渡 河 南 相 吾 界 卒 何 愛? 靠 形 重 勢 韋 相 愛惟 依 雙馳 棋。 ; 如 默 愛爲風 行車 運 方圓 出兩 雲 邊 動 變 之類。 静,妙算 態奇。 雙 飛, 無 劣 遺。 如 處 駕 類 鴦 李 龍 馬 泌召見時,玄宗方與張説 上攻之類。 蛇 失勢, 勝 見《 邊 萬 如 事 熊 虎揚 圍 靠 棋 口 ,因使説試 威。 到 切, 車 理 其 相 馳、 能 達 説 馬 請

碎玉聲; 風徐來, 爲棋子。見《合璧》[一一]。 若材藝、静若得意。」説賀曰: 醒 掃,簾許小童窺。 永天留客久,仲夏日永,留客閑敲棋局。 此言春畫圍棋,棋子聲乾驚睡夢也。 動静」,泌曰: 風仙苑也,在崑崙闆園之中。 時。 天向夕,月斜窗、烟斜篆、竹斜枝。篆通作瑑,鏤木爲篆文以受香也。 天壤之間,復有何樂可以代此? 王元之於黄州西北隅,以竹代瓦,作小樓一間,因爲記説樓之景物,有云: 宜圍棋子,聲丁丁然, 「願聞其略。」説曰: 贏輸賭江山半局,贏輸,勝負也。「乾坤勝負一棋枰。」《圓機》。 獨樂園中,賓朋初定候, 「帝得奇童矣!」時泌年方七歲。 度,音渡,過也。 宜投壺矢,聲錚錚然。 見《圓機》。 「方若棋局,圓若棋子,動若棋生,静若棋死。」泌即答曰: 因名曰獨樂園。 《圓機》。 手摇摇,擺碎香泥。香,即紫檀心也。 長安公子,醉裡忘歸。 庵高子落聲遲。 皆竹樓之所勝也。」酩,音茗, 爲記有日: 温公居洛,營地創園,以其逍遥徜徉,惟意所適 春寂寂,乍敲殘夢; 「樽酒樂餘春,棋局消長夏。」黄州樓曉,酩酊半 山上對局時,聞下子聲遲。 相對處兼些琴、兼些畫、兼些壁題詩。 覧 「夏宜急雨,有瀑布聲; 苑 神仙,閑中度日; 功名消得失閑 音洛,非。 乍,助駕切,忽也 泥,塵也。 「方若行義 《合璧》。 酊,音頂。 開中 機。渾不覺 貴家以紫檀心 ,圓若用智,動 明月時至,清 冬宜密雪,有 敲,横擊也。 院教慵妾 醉貌。晝 閬,音浪;

右《愛棋歌》

些,蘇箇切,語辭也。

言鳥。 苦臭切,傾入聲,静也。 時樵夫方踞石軒,踞,箕踞,傲坐,伸兩足,以手據膝,形如箕也; 唐元微之《寄薛淑》詩云: 林深地遠,山鳥之嚶其鳴,嚶,音英,鳥聲和也。 「言語巧調鸚鵡舌(一三)。」傍有兒童對局,見張至,驚曰: 又據物坐亦曰踞。 岩獸之交其迹[一三],子奚爲遠涉吾境,曾 調鸚鵡語,調,和也。鸚鵡,能 此間寥閒,間,本闃字,

奇漫録

類。 門,横一木爲門楣也。 菱□□□□□□黑□也。 雕胡之飯,薦錦帶之羹,菰之有米者謂之雕胡,九月開花如葦,結實長寸許,霜後采之如茅針,皮黑米白而滑,可 食,汲泉而飲。 衣皮毛,夏衣絺葛。 《古文》: 鄉之遊, 眠,因就問 生涯於月斧風斤。 逸乃俊逸之義,非隱逸也。 駕曰鑾輿,蓋車有鑾鈴以正威儀、行舒疾。 以君高蹈,辱奉弓旌之命,高蹈,幽隱也。 不憚勞乎? 從者曰: 兼 更。 但知 有澗 闌, 夏葛而冬裘,葛,草名,蔓生可爲絺綌,盛夏時葛成,治以爲布服之。 樵與漁者, 侣魚鰕而友麋鹿。」 牽我者雪月風花。 殘也。 「郢人堊污其鼻端,若蠅翼。 毛 無俗客之到。 |涉,徒行也。 其 數 入曰: 味。 斸,之六切,鋤,去穢助苗也。 逍遥於天地之間,而心意自得。」《莊子》。 皆歷歷可聽,但無一言及時事者。 《詩·陳風》: 生涯,猶産業也。 錯,七約切 「君知月乃七寳合成乎? 又荆、湖間有錦帶, 出《〔□〕史》。 曰 : 友我者魚鰕 「僕當朝之供奉臣也, 雜也,交也。 「衡門之下,可以棲遲。」此言樂其園林之趣,不貪榮利,自養天真於衡門茅屋之下也。足 太和中,鄭仁本表弟與王秀才遊嵩山,迷歸路,忽聞叢中鼾 使匠石斵之,匠石運斤成風,斵之,盡堊而鼻不傷,郢人立不失容。」《莊子》。 又有德而隱者曰逸民。 樵夫笑曰: 春末開花, 麋 《禮記》: 引水於井曰汲。 《詩》註: 鹿,鰕, 常有八萬二千户以玉斧修之,予其一也。」言已不見。 紅白如錦, 虚 「招士以弓,招大夫以旌。」鑾輿在此, 「我乃遯世逸民,避塵老叟。遯,逃也。 加切, 澗溪沼沚之毛,可薦於鬼神。」毛,草也,指蘋藻也。 霞棲 自稱爲僕,卑辭也。 見《論語》。 寧知 醉 可以爲茹,故杜詩云: 水蟲,可食,溪澤江海皆有之,磔鬚鐵 鄉之宜,有雪月風花,如雪宜夜、月宜樓、風 而雲臥; 外間是 頤性命於衡門茅 何朝代? 此言愛山水之深,慕煙霞以口 裘,合衆皮而成之,取其温也。 唐制: 滑憶雕 是何君相 未命以官,則令居通 願 屋,頤,養也。 胡 睡聲,見一人枕 飯, 少回 鼻,背 也? 逸民, 香聞錦 莊子送葬 顧。」變, 因留 有節 謂節 隱也。 帶羹 宜 更闌對話,漏 衡 事 窗 行超逸也; 鈴也; 多足好躍。 過惠子墓, 横也; 衡 之宿,設 舍人供奉。 」錯雜登 花宜畫之 一幞物,方 斸山而 日有醉

之山水。 目,將有適,餓於道,狐父之盜人丘也,見而下壺飱以哺之,爰旌目三啜而後能視。 來弔,見之,曰:「斜其被則歛矣!」妻曰:「斜之有餘,不若正之不足。 先生生而不斜,死而斜之,非意也。」謚曰 於富春山中,釣於桐江瀨。按富春山在桐廬縣,前臨大江,故江曰桐江,江上有子陵釣臺。姜伯淮不以天子畫圖,涴彭城 以東都諫議,易桐江之煙波;嚴光,字子陵,少與光武同遊學。及即位,訪得於齊國,累徵不至,拜諫議大夫 也。」謝安居山東,累徵不起,人言:「謝安不出,其如蒼生何?」樵夫曰:「士各有志,何必乃爾? 當役胥靡築之,説賢而隱,代築以供食。投渭水之竿,吕望避紂,居東海之濱,坐于渭河磻溪,垂竿以釣。 「及其鳴騶入谷,鶴書赴隴,焚芰製而裂荷衣。」願早脱傅岩之築,傅岩,地名,在虞、虢間,傅説隱傅岩時,虞、虢界,瀾水壞道: 樵之樂,迹泯山澗,名聞九重,裂芰焚荷,今其時也。君門九重,言天子有九門,如關門、郊門之類。《北山移文》云: 袖經綸之手,《易》:「君子以經綸時節。」注: 後牧野之功成。文王出獵,得吕望載後車以歸。 後商霖之澤溥; 天理也。 宜乎!」《高士傳》。 **涴**,於卷切,泥著物也。 「先生食不充飢,衣不蓋形,何爲謚康?」妻曰:「君欲用爲相國而不爲,是有餘貴; 明 日,張又請曰:「古之君子,非不欲濟時行道,所以深藏不市,待價者也。價,物直也; 待價,謂循乎 言士之待禮,猶玉之待價,如伊尹、太公不遇,則終焉而已,必不枉道以從人,衒玉以求售也。 姜肱,字伯准〔一四〕,彭城人,漢桓帝屢徵不至,詔圖其形狀。肱臥于闇室,以被韜面,言感眩疾畏風,工竟畫不得。 壽於顏回、顏回三十二歲卒。健於衛玠、衛玠,晉時人,二十七歲卒。飽於爰旌目、東方有士曰爰旌 高宗夢上帝齊良弼,乃以形旁求,説惟肖,遂立爲相,命曰:「若歲大旱,汝作霖雨。」必有後 吾才雖薄,視古有間,幸而富於黔婁、黔婁家貧,臨終有一衣,覆頭則足見,覆足則頭見。時曾西 「經、綸,皆治絲之事,言有爲時也。」逃聲名於榮利之場,蕴致澤於漁 後吕望涼武王師牧野伐商紂,不崇朝,天下清明。今夫子以金玉之軀, 티 : 「子何爲者也?」曰: 「我 賜粟而不受,是有餘富 故必有肖象之求,而 所以嚴子陵不 無徒渴蒼生望 車之載,而 不受,去,耕 狐父之人丘 康。西又問 謚康,不亦

耳! 之世, 款,誠 亡,傅 曰:『吾生天地間,才與行不逮於古人遠矣! 也。」爰旌目曰: 安孫洞,築城鑿池, 们 桀,就光而謀,光曰: 撾,蠻名。 今聖人端拱,四海仰治,占人獻地 何求哉? 城之色,未可謂之易遇。」痛悼不已,歲餘亦卒。 歸 菲 赧,乃版切, 也 吾不忍久見。」乃負石自沈于江。 常以婦人才智不足,論宜色爲主。 往弔, 荀不哭而傷神。 惟愧於前賢,仰亦負故山猿鶴。 於安孫之地耶?」肚, 』若分外求嬴,更規仕進, 可際遇也。」際,會也。 明 由雲南經老撾直至占城。 遣 君若終焉鏟彩,鏟,音產,韜也。 韓觀等領兵來,假送添平還國。 面慚 禧! 以徙都焉。 「非吾事也!」及得天下,又讓與光,光曰:「廢上非義,殺民非仁; 而赤也。 汝非盜耶? 嘏曰: 時御史阮汝説諫,以爲昔周、魏遷都,並見不祥; 怍,疾各切,愧也。 音渡,腹也。 樵夫變色曰: 大理, 何爲食我?」兩手據地,而嘔吐不出,喀喀然遂死。 「子之娶也,遺才而好色,此自易遇,今何哀之甚?」荀曰: 涓子,齊人,餌木實,隱于宕山。 聘曹洪女爲妻,寵之專房。 而稱 馬援兄子少游曰: 府名,今屬雲南。 藩,漢蒼伐占城,占人懼,遣布田進白象及獻占洞之地。 龍 解見《快州》。 漢蒼命胡射等截支棱關,明師 而富於黔婁、壽於顏回、飽於伯夷、樂於榮啓期、健於衛叔寶、幸甚! 静算所以得於天地亦多矣! 《寶威贊》: 肚 且當今臨御,非胡氏耶?」曰:「然。」曰: 即 「若子之言,無乃鋪張過甚,鋪張,陳設也。 昇龍城。 「埋光鏟彩。」效務光、涓子,遠引不妨; 所乏者林壑逸人爲之輔佐,使主上勳德遠輩 子往矣! 「士生一世, 安孫,即今永福 妻常冬月病熱,荀乃出臥庭中, 如少有意於斯民,捨今不出,吾恐與 幸勿復言。」張曰: 但取衣食僅足,鄉里稱 乃退,將添平來獻。 縣安孫社 今龍肚之地、傘圓之山、瀘珥之河,高深平闊、 白居易《醉吟先生傳》云: 出《列子》。 人犯其難,我享其利,非 陳順 宗時, 「佳人 老撾、大理,臣妾 爲善 自 達於荀奉倩,魏荀粲,字 君以時不足有爲耶? 取冷還,以身熨 季犛使杜省. 「此非捨龍 聽之令人面赧而心 人可矣。 明 難再得 師納款以求退, 務光,夏時人,湯伐 仰 致求盈餘,苦 面 廉 顧逝者有傾 幸甚! 予 肚之區, (草木俱 恐後,老 度清化府 也。無道 長呼太息

刑。 矣 況可褰裳而就之哉?」褰,握衣也,作蹇非。 辟地。」注: 而自 俘歸金陵,不食而死。 哈海口,自刎。 音海,肉醬也。 花街,今永福縣花街社,胡立庸於此。庸當作舖,賈肆也。 云: 言多詭譎,性多貪欲,殫力役而興金甌之宫, Щ 州縣不能制。 自古帝王開基立國,皆以爲深源固祗。 有度而遲」,漢劉曄稱玄德語。 、禄州之地。 ,以起其生者。 築城鑿池,開街巷,立廟社。 逸, 崑山 宜遜位,退居金甌。」季犛乃傳位漢蒼,築金甌宫以居之。 心摇則疲底江之師,底江,在立石縣。季犛篡位,阮汝蓋竄鐵山,招誘良民,得衆萬餘,往來立石、底 則 一去亂國, 以勢位 在荆山 胡命阮鵬舉討平之。 漢蒼命黄晦卿爲割地使,以古樓凡五十九村還之。 黎景奇善謀焉而不斷, 用金如草芥,使錢如泥沙。 ,其地産玉。 匕,補委切,匙也。 而相傾,未有奇計深謀,爲斯民慮者。 劉叔儉君子焉而未仁。 適治邦也。」豈可褰裳而就之乎? 黄晦卿雖學而蔽,卿,中陳朝大學生第二名,胡末以侍郎兼領節度,後爲明所俘歸金陵,至丹 日 : 《書》: 邊釁啓則喪古樓之地。 安孫境界狹僻,水尾山頭不可以立都。季犛不聽。 「然。」曰: 「火炎崑崗,玉石俱焚。」張曰: 劑,藥劑也。 景奇,初名仁統,仕陳,又仕胡。 子幸歸來,煩爲居士謝之,我不能以崑山之玉,併烈於 獄因賄 儉,中陳朝大學生第一名。 「吾雖足不城市,身不軒墀,殿階曰軒墀。 殫,盡也。 惟阮鵬舉有度而遲,舉,北江東岸人,仕陳爲東路安撫 而成,官以財而敍。 糞壤繒帛,糞,穢也。壤,土也。 晉韋忠,張華辟不起,謂人曰: 窮侈靡而厰花街之庸。 思明土官黄廣成告謂: 金甌,今永福縣金甌社,胡立宫於此。按士人阮 而在廷之臣,上下波隨,先後旅 吾方泯跡山林,避地不暇,夫子云: 爲人適己自便,竊取禄位,不能 「賢人出處固如是其執乎?」樵夫曰: 「吾 其餘非溺於財,則耽 獻忠者未言而已戮,進諂 後季犛逼順宗傳位於太子,遷都安孫 禄州係本府故地。 「我常恐其溺於深淵 醯 厰, 幽 醢 珠玉,醯、音希、醋也。醢, 兩 切,高也, 然嘗聞其爲人也: 於酒; 進,無能出一匕强 死 節 明乃 「賢者辟世,其次 江 者有賞而無 後爲明所執 而餘波及我: 使,又仕胡。 崑山之火 非以宴安 , 恣行侵掠 也,與敞同。 遣使求割諒 禀上書前胡

膩,肥澤也。

題詩兩句云:

非執也,直惡夫侫者失身於濁亂之朝,而援人以偕溺也。」

也。 使輪與地不相抗,老人居中得安穩也。 蔓草叢條,已斷來時路矣。 張默然無對,力求反命,具以其言白主。 蔓,莫半切,草延也。 强,抑人使從我也。 漢蒼心不能平,然猶欲以安車强致,安車,安穩之車,以 命張再往,至則苔漫洞口,漫,水廣大貌。 條,枝也。 但見石壁間有垂膏削膩,垂,放下也。 荆棘彌 削, 山,彌,滿 亂也。

奇羅海口吟魂斷,高望山頭客思愁。奇羅、高望,在奇華縣。

隸書。 中作篆,始皇出之,使定書,世人以邈徒隸,故謂之隸書,即今之楷書字也,如宣字作宣之類。一云以其簡易,便通於民 Ш 如宣作 宣之類; 宣王時太史籀所作; 其語意類元、白嘲放,唐元微之、白居易二人俱善詩詞,多嘲怨放蕩。其字體倣籀、斯篆隸,書有「八體」:一曰 風,不得渡,怒伐湘樹,赭其山。 若樵夫者,真得道之士歟? 簡定帝丁亥年五月五日,明犯奇羅海口,十一日獲季犛於止止灘,十二日獲漢蒼於高望 散見《漢書》、《正字》、《群書》。然竟不曉所謂。 篆書即今之印款識字,如宣作 @之類; 二曰小篆,秦時李斯所作; 山窮而無所覩,只見玄鶴翔空,婆娑而舞。 八曰隸書,秦時程邈所作。又漢明帝命蔡邕爲古文篆隸。 漢蒼大怒,命赭其山,赭,音者,赤土也。 隸書,篆之捷也,秦時官獄繁多,欲趨簡易,程邈爲獄吏,得罪 婆娑,舞者之容。 後二胡得禍 按秦皇巡遊、至 按籀 書 字 皆如詩 繋獄,獄 ·畫煩密, 隸,故謂 大篆,周 湘山,值

見 聰 也。 明叡知神武而不殺者矣。」樵夫雖賢,何足與此? 嗚呼! 按著、蒿屬、生少室山。 神以知來,知以藏往,聖人事也, 七十年益一莖,莖可以筮,千歲則一本百莖。 然言胡氏喪敗,殆若蓍龜,蓍 《易・繋解》: 「神以知來,知以藏往,其孰能與於此哉? 古之 下有神龜守之,上有青雲覆之。 所以筮,够所以卜,皆理之先 論 衡》曰:

校勘記 [七]「陶淵明夏月虚閑」,「月」原作「日」,據文意改。 [五]「故東坡《發廣州》詩云」,「州」原作「川」,據原詩改。 [三] 「吴宫花草埋幽徑」,「草」原作「中」,據原詩改。 [一]「那山樵對録」,乙、丙本作「《那山樵對記》」。 [九] 「羽衣蹁躚」,「蹁躚」原作「翩遷」,據《赤壁賦》原文改。 [六]「飯疏食飲水」,「疏」原作「蔬」,據《論語·述而》改。 [四]「愛爲安舒適性天」,諸本「天」作「然」。 [二] 「一水護田將緑遶」,「將」原作「相」,據王安石原詩改。 八〕玄鶴黄州夜夜 是不過徵於天理,卜諸人心,多言或中,理固然也。 一〇〕「予亦驚寤」,「寤」原作「悟」,據《赤壁賦》原文改。 先驅 °」 之本,董子對策語。 「蓍之爲言耆也,明狐疑之事,當問耆碩也。」龜不一,第一曰神龜,第二曰靈龜,皆可以卜,卜時以明火灼高骨 「黄州」原作「黄川」,舊編注云: 無使處士之橫議,斯善矣! 川, 東漢申屠蟠曰: 下引詩「軟飽」原乙作「飽軟」,並改之。 爲人主者,願正心以爲正朝廷、正百 作州。」今據諸本改。 「戰國之世,處士横議,列國之 君,至爲擁籍 處,以占其兆。 官、正萬民

[一一]「見《合璧》」,「合」原作「金」,據文意改,下同。

[一二] 「言語巧調鸚鵡舌」,「調」原作「偷」,據原詩改。

〔一三〕岩獸之交其迹 丙本「岩」作「野」。

[一四]姜伯淮不以天子畫圖 「姜伯淮」原作「姜伯維」,據諸本與《後漢書》卷五十三《姜肱傳》改。

東潮廢寺傳门

也。 聯,相繼不絕也。 敢慢也。 幡,符山切,幟也,今浮屠所豎是也。神佛亦依憑得妥,妥,他果切,安也。 齊民,猶言平民也。東潮一縣,崇尚尤甚,創立院宇,大社多至十餘,小社不下五六,皆插之以叢篁,篁,白竹 繚之以金碧。繚,音了,纏也。 陳 朝舊俗尚鬼,神祠佛舍,無處無有,如黄江、銅鼓、安生、安子、普明之寺,玉清之觀,皆蟬聯絡繹,蟬 絡繹,連屬不絕也。 僧尼祝髮,與齊民半。從浮屠教曰僧。女僧曰尼。僧削髮曰祝髮。 凡有疾病、舉皆聽命於虚無、歲時朔望、牲醴之奠、幡幢之供、靡靡不絕; 輒祈輒應,靈答如響,故敬信有加,而不 民無貴賤,故曰

也。 茆,俗茅字。 民始復業,土官文斯立適尹其縣,尹,治也。閔其荒穢摧倒,約丁夫葺茆編葦,稍稍修復。葺,修補也,覆蓋也。 南北撑拄,拄,之與切,支也。粉軀胎骨,胎,音移,大胎也。 後陳簡定帝時,連年兵火,煨焚幾盡,見存者不能什一,然亦風撞 編,列也。 葦,蘆屬,大葭也。 居一歲,縣之傍苦盜,鷄、豚、鵝、鴨及池魚、園菓,原果,俗作菓。 縈没於烟蘿蔓草間。縈,于平切,繞也。 雨撼,撞,音床,擊也。 撼,户敢切,摇動 吴兵既退, 凡 可以

服 民 佛 乃 是 陰 達 之,可禦寒。 城 村 充 日 也 厲 燹。 鬼以移 燃 王 物 顧 物 魔 而 氓 口 是衣、持是器者 瓦,木堪用 愐 先生 腹者 咸 恬 摟 也。」於是徧 香歷祝曰: 香火弗歆, 憑 詩 然 鬼,大珠和 人之妻,急就攻 賊。」 加 陵 坐. 善《易》, 夜警, 悉爲 召 」按泰厲, 愈 日材。 視 南》: 切 肆 無 有 攘 尚云 故妖孽横行[三],而佛不之救。 訪名師,廣求法手,安鎮符錄,假舟筏 旬日 「我衆 取 情 乃 其 箭 往筮之,筮 去 斯 乃古帝王之無後者; 誰 辨全無, 慈悲 均 ,櫜,音高,弓衣也。 立大懼 斯立 人決能除 間 其尸之?」又與屍同 圍,隨失所 有酬恩之念。 生瞻仰 雖 起心是天魔,不 過 | 嘆日: 無 甚 聚村 音 須來時 所 乎? 害, 誓, 蓍卜 覩 諸 在 天 宜强招力請, 愐 富 吾 伏 謀曰 公厲, 恍 起心是陰魔 的 財 也。 皈 有 但 幸備員 望 身居 如 物 是 依有日 搶 垂哀憫 始 曰 : 捕 傷 古諸侯之無後者; 神 位 攘 風 耗 師 īfij 邑 甫 而 新 無 捉影,了 猶 或起或不起是 之心, 宰,不能明 雖牢 輩 盍往 定,賈誼 所望 殿 功 有 П. 昨 平 미 宇, 馬 也。 戒之曰: 紀,與 愬乎? 日 辭勿許也。」遂與父老如期往候, 而遣之,編竹木,大曰筏。 於佛切矣! 而 假鞭除之力, 報此 無 事 Ē 騎 既 屍 佛 族厲, 以 煩惱 久,益 何異 獲。 騎 功 甚 盍,何 破 或 德 謹 魔 音 制 奸 公欲了 古大夫之無後者。 斯 岐 。」是夕愈 無所憚, 我 然猶 搶攘。]注: 而 不也。 跨 今者妖祟並興, 立笑曰:「久矣,盗之被 剛 使神人 ΪĒ 汝 馬 法中, 以 也。 意其 也。 此, 愬 威 至有越厨 加 與 惡,仁 無[如]是事。 昨 不揉, 次早 有褐 奸 訴 但 昌 因 搶 人草 同。 禳 熾 攘 兵 呼 當 而 柔 送愈加 揉, □ 燹, 縣 披 斯 亂貌。」生 扇 朋 亦 竊 致 爨 權宜 作 未 動 文 燹, 唐 咎,我實尸之。」戶, 裼 南來北 而 也 祟, 平. 左 無 蘇 張 發 音曷 足 柔 之 民 可 典切, 巡 凡 深 理 人之釀 投 木 禳 誣也。 奈何 \Box 昔 未復 也 慮 毛 愐 去,道路 禍 南 助 音 布 屈 及六 紛 但 而 禳 也。 伸 銑 死當 除 擾 之也 蓋 單 厲 毛 兵 材 如 火 殃

無人肖

似

邀弗置(三)。置,赦也。 告以本來之故。 幄帟裀褥,皆極鮮楚,帝,音奕,小幕置上以承塵也。 鬼,爲何等事哉?」斯立意謂必法壇老手,不欲以符籙顯名,爲人所禍,故優游山 多肥塵狡兔,塵,音章,似小鹿而美。狡,古巧切,黠也。 日 旋有恪,殆若神明 向 捕,晡 ,音逋,申時也。 其人笑曰: 其人度不得脱,勉强聽從。 沉吟將退,忽一人自山中披褐掛弓,策鞭而至。 「諸公過聽矣! 吾少時以從禽爲業,身不離鞍馬,手不釋弓箭。 裀通作茵,音因,褥也。 乃館之縣度,館,客舍也[四]。 偶出遊獵。 豈解結方丈之壇 褥,音肉,藉也。 虞,字義未詳,一作寞,寂寞處也。 衆争前羅拜,其 ,解,音戒,曉也。 澗 鮮,色艷也; 泯 跡於弓箭之間,固 人驚 繳 昨 無形之 聞 問 安阜 則

味也。 哉 ? 來。」即竄來屏處,竄,藏匿也。潛覬其所爲。 月未出,見數人形貌充碩,碩,大也。 猶父母不得其所,乃子之責也。」夜既半,乘衆人熟寢,輕裝徑出。 不問小大,皆横吞直 功之意乎? 缾之罄矣,維罍之耻。」註: 較晚耳!」一人笑曰: 絕勝伊蒲淡供,佛語謂齋供食爲伊蒲塞。 、人私計曰: 龠 爲合,十合爲升。 食,音寺,以食食也; 「凡彼所以恭迎優接者,爲能驅鬼也; 啖,啖,徒覽切 「缾小罍大,皆酒器也。言缾資於罍,而罍資於缾,猶父母與子相依爲命也。 蒸,炊也。 「我曹頭目虚大,久被世人欺誑,安有以升合蒸米實干鈞之腹,爲彼守門 言有功者,則當食之。 鈞,三十斤也。 ,并吞貌。 施施然來從野外,施施,矜夸自得貌。《孟子》: 乃相顧笑曰: 良久,見攔手入洿池,攔,遮也。 按楚王英上紈縑贖罪,詔報云: 不有今日,幾爲長齋所誤,浪度一生也。」梁武帝用 見《孟子》。不去,將有缾罍之耻。」《詩 「子魚風味甚佳,只宜細 顧我辟除無狀,而彼供給有加(六),豈古人食 行至版橋西, 「其還贖,以助伊蒲塞桑門之盛饌。」但 洿,窳下之地,水所聚也。 時天色朦朧 「齊人有一妻一妾,……施 嚼,嚼,疾約切 朦 ・小雅・蓼莪》篇 故缾罄矣,乃罍之耻, 朧 月不 咀 截 也 釋 崩 捕 氏法,長 施從外 鮮 咀,含 恨 淡

夜切 肉味。 渴 也; 嚥 齋 曰〔八〕:「日辰不利,固已却之,不聽吾言,今何如矣!」 斷 啜 喉 魚肉。 又注意也。 甘蔗也,其汁爲糖。 蜜漿,嚥,俗咽字, 饞腹,饞,音讒,貪饕也。 然今夕天寒冰冽,冽,音列,寒氣也。 人 曰 : 連 中 之, 吞也。 顧愷之,號虎頭將軍,每食蔗,自尾至中,或問之,曰: 「我平生血食」固 喑 啜,音拙,嘗也。 飢 啞 不可忍,弗知肉味,若干年矣! 讙 譁, 盤 與諸公異饌,但當日民 跚 誠難久駐,駐,音住,立馬也。 如吸茶之狀。 走脱, 盤跚, 解 其人彎弓注矢,乘 見 《茶 童》。 豈但 貧物瘠,無 將數 居齊三月哉? 漸入佳境。」乃相携而上(七), 少可寄步蔗園 + 人許賽, 高 步, 暗 冉 射,彎 冉 賽, 夫子在家 ,效虎頭 始 先代 持弓開矢也。 滅; 切 齊 聞 將 、禱祈 然 軍 韶 曳倒銜之, 猶 也, 》,三月 也。」蔗,之 注,水流 大 報 聲 祭也 不知 駡

下 靛, 殃, 腹, (側)格切,争言貌。 散走也。 藍 終至 誠 其人始喧呼遠近,村人驚覺,争傳以燭,各分途追躡,見血 , 覽平 口 糜 嗤 聲 也。 及半里餘,入從廢寺,見護法敗軀,腰間各著一 身,我則已矣! 染草也,其色青。 嗤 以爲古今奇事,遂踣壞其像 笑也。 乃使人之江瀆神廟〔九〕,見塑泥神像,塑,音素,埏土像物也。 彼瀆神者, 瀆, 音讀, 江、淮、河、濟爲四瀆。 靛,音電,藍草青汁染繒帛也。 , 踣與仆同, 仆尸于市曰踣。 魚鱗數片,宛然在口,宛,於權切,宛然猶 箭,幾飲羽矣。 痕 首造此謀, 點 點,迸地 土木傾殘,猶 飲猶隱也。 竟能脱 侕 西。 開作語 禍,我從之爾 忽勃 痕 衆人嘖 亨 人切, 然 日: 變 嘖 依 然也 色, 吐 瘢 也。 舌, 反 本 面 嘖,倒 圖 进 當 仍 如 併 藍 其 實 音

斯立罄其所有厚謝,其人重載而去,妖邪自此竟絕影響云

其像碎

之,至有 呼 破 産 而 甚 充施 矣! 者。 佛氏之説 今其頹 無 廊 餘 益 孽 而 猶 有 害 且 也 張 皇 聽 其 張 言 如如 則 張弓之張。 慈悲 廣 大 皇,大也。 求 其 報 況 則 平 茫 時 然 崇 捉 奉 · 其 害 民 敬 可 信 勝

卷之三 東潮廢寺傳

大抵皆是。 録》,夕與佛印禪師名了元遊。 道哉? 然英君誼辟,每欲去而不能去者,以高明君子佐之者衆,如宋朝之蘇學士、蘇東坡嘗讀《傳燈 安得百昌黎者出,群而攻之,火其書、廬其居而後可! 黎朝之梁狀元、梁世榮、天本高香人、中狀元、性好詼諧、異端其道、釋佛教多所撰作。 韓愈之説曰: 「人其人,火其書,廬

(校勘記)

其居。」

- [一]「東潮廢寺傳」,甲本作「東潮廢寺録」,乙、丙本作「東潮廢寺記」。
- [二]「故妖孽横行」,「行」原作「衡」,據諸本改。
- [三]「固邀弗置」,「固」原作「因」,據諸本改。
- [四]「客舍也」,「客」原作「宫」。
- 〔五〕「鮮楚」,原作「楚鮮」,據正文改。
- 〔六〕「而彼供給有加」,「彼」字原無,據諸本加。
- [七] 「乃相携而上」,「乃」字原無,據諸本加。
- [八] 「然猶大聲罵曰」,「猶」字原無,據諸本加。
- [九] 「江瀆神廟」,諸本無「神」字, 舊編原作「江瀆神」,注云: 「一有廟字」,今據之加。

翠綃傳

移官去未曾開; 質錢,俗謂之當。 有詩云: 宗朝甲辰十二年中黄甲,時年十六。至裕宗朝紹豐乙未十五年,授諒 吕,故後世樂工稱伶人。 騷壇爲之增價。騒,詩· 堂,出歌姬十數,其中有名翠綃,尤爲纖麗。公戲謂余生曰: 其來,倒履迎接,倒履,急遽顛倒其履也。漢蔡邕見王粲,奇之,嘗賓客盈坐,聞粲至門,倒屣迎之。屣同履。 建興余潤之,名造新,有詩聲,以歌詞鳴京國,每篇成,伶人携金厚贈,伶,音令,樂工也。 黄帝時,伶倫造律 「介軒先生廊廟器,妙齡已有吞牛志。 年年長有別離恨,已託東風幹當來。」介因鬻以惠公。 范文正公守鄱陽郡 ,創慶朔堂,妓籍中有小鬟尚幼,公頗屬意; 年方十二大學士,纔登十八充廷試。二十有四入諫官,二十有六燕京使。」公聞 人也。 壇猶場也。 江鎮 陳紹豐末,因事謁諒江鎮元帥阮公忠彦,公陳英 已而樂作,生吟曰: 經略使。 「此曹任卿撿點,可意者,屬東風幹當。」出 既去,以詩寄魏 後歷宥省,入政府。 介曰: 壽八十餘,號介軒 「慶朔堂前花自 乃設宴泛碧 先生。 栽 便

隨 之,視塵所往,以麈尾所揮爲準, 花朵朵倚紅酣,朵朵,花垂貌。 古之談者揮焉。」永叔《送李留後知鄭州》詩云: 荷花落沼日 紅酣。 曾對 仙 家玉 麈 談 「玉麈高談四座傾。」又晉王衍妙善 陸 佃 E. 「鹿之大日麈(一) ,群 玄 鹿

言 老、莊 每執 玉 柄 麈 尾,而與手同 色。 醉挽綃衣呼得起,數聲好唱《望江 南》。 《望江 南》,曲 名,朱崖 李太尉

鎮關西,爲亡姬謝秋娘而作,後入教坊。

吟罷,公笑謂翠綃曰: 拜謝,公曰: 「此子風流不惡,卿善視之。」即携歸建興。 「秀才屬汝矣!」生因 暢飲沉醉, 夜間始覺, 已見翠綃在側,感恩殊 甚。 明 生

曲,歌 悲惻也。 軋,乙札切,勢相傾也。 偕往,乃於江口坊綵庸安頓焉。 諸國之别,故什篇爲一卷,猶軍法十人爲什也。」埒,音劣,平等也。 也。 翠綃性聰慧,每生讀書,暗記之,輒能成誦,因授《古今詩話》及詞山曲海,《古今詩話》, 遂不果入省 山、海,稱詞曲之富贍也。 拈,尼占切,指取物也。 諸司省院,皆避權豪,閣筆無敢伸理。 《文苑》。 時 適元日,正月初一日也。 有申 柱國,潛 未期年,長篇短什,與生相埒。 行寓目 戊戌歲,有大比之舉,生治裝赴省,不忍暫捨, 翠綃拉女伴數人,拉,音臘,邀人同行也。 見 而悦之,掩爲己有。 上下相乘曰閣,言置不行也。 什,篇什也。 生將訴于朝, 朱子曰: 生懷悽愴 「《詩》《雅》、《頌 有全書。 則 ,悽愴,音妻創 就報天塔拈 隨 方勢軋, 詞 與之 章

兜,車 雜亂 髠竊樂此,可飲八斗; 生指之曰: 日 也。 狼藉,言其多也; 寄 日,生於天衢散步,見看花回騎,前呼後擁,插 肺 從柳 腑于 陰過,借崔郊立柳陰事,詳見後。 戚 畹。 「汝微物尚得終日相隨,不如我孤眠獨宿。 日暮 唐, 又狼性貪,聚物不整,故曰狼藉。 觸 酒闌,杯盤狼藉,主人留髠而送客,此時能飲一石。二繼見翠綃乘綵棚 也 突亦觸也,不遜貌。 欲 含情 一敍舊情,然其間皆主家戚畹,不敢唐突,戚畹,國 司馬遷《滑稽傳》: 遥睇, 紅張白,遺簪墮珥,遠近狼藉。 淚下. 如雨, 安得翻雲兩翅, 「淳于髠對齊威 弗 能以一 辭 爲我達書娘子哉?」鸚鵡 相達。 Ξ 曰 : 珥,耳 兜子(三), 一前 時 翠 · 璫也。 有墮 綃 珥, 有 朝,音彭; 草不 畜 後 戚 有 也。 遺 鵡 離披 《漢 鳴

躍,如請行之狀,生乃裁書繫其足,裁猶製也。書曰:

名,淄 雲愁 之彈,見後。 之如秋。 及返,生凝思不食[四]。 挾柳氏 足下立致之。」乃衣縵胡、佩雙鞬,從一騎,造沙吒利之第。 日 有含情不語,掩卷 廢 暝 衣青衣偷入歌妓院内, 使君來豈堪折?」後爲番將沙吒利所刼,寵之專房。 青青今在否? 色。」注: 者,其父爲顯僚,與勳臣一品熟[三]。 壁寒螿,螿 則寒糊紙之衾。 青節 秦 昨者,柳陰 而 度使侯希逸奏爲從事。 剛 而 暝 「秦雲如行人。」 色。 歸。 强断也。 辱荷紫雲之惠。 ,音將,蟬屬, 縱使長條似舊垂,也應攀折他人手。]柳氏答云: 時 一過,道達無由。 李白送友人王炎入蜀,賦《劍閣 沙吒 長 但貪綉幕之歡,豈念書樓之苦? 好,對日 時 備述舊由,倍增深感。 利思寵殊等,栩懼禍,訴 家有崑崙族奴磨勒[五],問生何事? 遂 負生與妓飛出峻牆十餘重[七]。 則 景 日 見後。 暖 以世方擾,不敢以柳自隨,置之都下,三歲不果迓。 關 1小蟬。 流蘇 懐,不 時父使生往省 寄雙眸於片時,曾咫尺於千里。 笑未酬於繾綣,繾綣,不相離之貌。 韓詩: 之帳,流蘇,乃帳四 能已已。 於希逸,逸以事 「悲歌互答有寒螿。」長天霜鴈之征 賦》云: 憶昔,我陪詩 翃隨希逸入覲,見柳氏在輜軿中,殆不勝情。 一品疾, 噫 ! 何其出,排聞大呼曰: 「送佳人兮此去,復何時兮歸來?」、「鴻别燕兮秋聲,雲 歸學院匿之。 許虞候之不作,韓翃少負才名,娶妻柳妓名色。 田弘正造 角所繫,盤線繪繡之毬,五色同心,而下垂若流 生具告。 品使紅綃妓以甘酪 開于 「楊柳枝、芳菲節、可恨年年贈離 席,陪 朝, 韶 樓聚書萬餘卷,號「書 奴乃爲生摘殺一 助也。 還韓 應 始信侯門之似 翃。 無 恨已早於分飛。 「將軍急召夫人!」僕侍辟易,俊 反 金甌與生食。 子侑歌筵。 韓乃寄詩云: 崑崙奴之 璧 之 離,寂宵風笛之唱 品守院門犬〔六〕,夜至三更,與 期 晉 樓」。 已 海 至 侑,配 重 别。 虞候許俊曰: 非 辭歸,命 見 「章臺柳、章 耳奔至 每 鴻 也。 後。 聽 别 葉 唐 短 紅綃 隨 燕 曹,僖負羈 大曆中 剛 不勞緑 墻 然, 而 嫌 送出 忽 臺 秘秦 遂 滯 秋 來 故名。 報 客 當爲 歲成 升 有 雨, 院。 秋 思 每 崔 堂 而 妻

饋盤飱,置壁。 重耳受飱反璧。 空負尋芳之約。 杜牧詩: 「自恨尋芳去較遲。」爰憑寸楮,楮木皮可爲紙。 用 寫 離

懷。寫時也

出貌。 鵡 王勃《滕王閣記》云: 時飛去,止 翠 綃 帳 中。 「鄴水朱華, 娘既得書, 光照臨川之筆。]按王羲之善書, 復 伸 . 薛 濤之箋,解見《龍 庭》。 常 爲臨 泚 臨 Ш 川之筆,泚 内史,故 號 臨 此 JII 禮 筆。 切 水清 修 書 以 又汗

書曰[八]:

好 牧乃自飲三爵,朗吟而起,曰: 席 客,女妓百餘人,皆殊色。 高唐〔九〕,而齊右善歌。 可以爲縄。天台客逢客,未洽深歡; 繡紋不如倚市門。 江 陵,過襄陽,召名妓劇飲。 便是良媒? 年過三十,擇對不嫁,父母問其故,曰: 華堂詩句,酷憐杜牧之才。 妾翠綃,少 自喜針芥之有緣[一一],醫書: 作惡緣。 倚市門,長投樂籍。 此言末業貧者之資也。 緑綺琴心,不假長卿之調, 恥 忍棲鴉,鴉,於加切[一二],鳥名。 出《孟子》。 牧瞪目注視[|○]。 將別,作詩云: 「華堂今日綺筵開,誰唤分司御史來? 舉案齊眉,未識孟光之態度。 杜牧爲御史,久之,分司洛陽。 調歌按曲,謾誇河右之風 古文: 磁石引針,琥珀拾芥,同氣相感也。 天台,解見《快州》。 「欲節操如梁鴻者。」鴻遂娶之。 「花枝臨水復臨堤,也照清江也照泥, 問李日: 富而可求,則 相如,字長卿,臨邛時卓文君新寡,乃以緑綺琴心挑之,文君夜奔相 「聞有紫雲者孰是? 純黑色,反哺謂之鳥, 章臺人送人,載將離恨。見上。 市門可得而倚矣! 時 忽發狂言驚四座,兩行紅粉一時 李 流; 漢梁鴻妻孟光,狀 聽罷鎮閑居,聲妓豪華, 常荆釵布裙, 深慶苧蘿之得托。 宜以見惠。」李俯而笑,諸妓皆回首破 昔王豹處於淇,而河西善 小而腹白,不反哺者謂之 寄語東風好擡舉, 夫由貧求富,農不如工,工 每進食,舉案齊眉。 肥醜 而黑, 爲當 夜來曾 佳 回。」李聰乃以紫雲 力舉石 苧,直吕切,草也, 時 偶 謳 第 翻 有 不 白,德行 成 鳳 綿 元 如商, 怨偶, 駒 凰 微 知 嘗 棲。」 之貶 處 宴 好 刺 į. 於

其

後 謝 師 作 襄陽 令, 此妓乞書扇子,遂改下句云: 夜來應有老鴉棲。」一云梁元帝《晚 棲 鴉)詩曰: 日 暮 連 翻 起; 俱

向 闊 F 之懷,不勝 感舊 借 問娼樓妾,何如蕩子啼? 惟 餘 翠 蛾 倦 掃, 古 詩: 懼 頻 翠 打 鸭。 蛾 紅 粉嬋 解見《木綿 娟月。」 注: 出 X 翠 起 蛾, 居之 眉 也。」 際 緑 未 免 慵 從 梳 粉 别 燈 離

殘 傷 春 腸 斷 香奩 綉 倦 别 淚 痕 多。 奩,音 廉, 匣 也。 痕, 胡 恩切,瘡瘢 也。 昨 承 寄 鴈之書 世 傳 蘇 武 使 匈

奴,居北 海 ,以帛書 繫鴈足,傳報于漢,後 得 還。 按 孔 孫 H 憑鴈寄書,真浪語]注 **鴈無傳書** 之理。 蓋秋 來 春 去,

如

往來之義。」又云: 鴈乃陰陽鳥,春北秋南,先傳寒熱之信,故人有傳書者謂 鴈 書。」趙 化成夢與友人張 某坐 庭

中,忽 一鴈 自 天 而下,徘 徊 于庭,共 掩得 之。 明 H 詣 張 果有 一鴈下于庭,因共逐 而得之, 相 與驚 駭,乃以 帛爲 書 繁其 足 而 放

之。 稼,海 切 珠、民採以易米。 離 之想。 解 見《麗 先守貪污,採珠自入,珠皆去,民飢死盈 娘》。 雖 韓 翃 之柳, 暫折 長 條; 路。 然 合浦之珠,當還故 珠 復還。 郡。 孟 悠悠心 嘗守合 緒, 浦 無

嘗

到郡,悉革

前

弊,

不

盡 言

出

甘 此 娘 睽,違也。 喳 遂 晚召余郎, 昔人所以 環歲嘗問之曰: 樓之死。」緑珠事,解見《金華》。 因 「感疾。 近日離 薄 續子 柱 眼 遠曰别。 或 前 因緣 謂 富 汝復憶賣餅 貴, 曰 : 舊 同穴之盟未寒,偕老之約已負。 債 而懷賣餅之師; 卿 何至輕生,草草爲無名之死乎?」苟簡曰草草。 師否? 復 即 憶賣詩奴否?]曰: 」妻默然不 欲以 羅巾 唐寧王猷宅左畔 對 自 縊 Ξ 召餅 柱 或 師 紿之曰: 今則 使相見,妻注視,淚下 有賣餅 然! 燕 者, 誠 晴 以 妻甚美,王 楚 予方思之,子但 情 雨 深伉儷, 柳 티 : 如 慘 雨 見屬 桃 「審如此, 王乃歸之。 伉 舒 意 健, 頤神 離 因厚遺其夫,取之, 配偶 别 悠悠, 就 也。 輕分 庶幾從命; 養, 念 外 强 切 恨 力 睽 千古。 加 華 寵 離; 飱 愛 不 而 踰

然

命盡於今日矣!

房, 譬如樹花競發,遇風雨之撩,故古人問疾曰:「風花有恙乎?」未即相見,卿第遲之,可徐徐議也。」娘聞生至,亦欲 攻書之所,糞,音奮,掃除也。 臣食玉炊桂,因鬼見帝。」王曰: 生方欲啓齒,則拒之曰: 擬情見訪,然姬妾衆多,彼又防閑過密, 秦之楚,三日乃得見王,辭去,王曰:「曾不少留?」秦對曰: 日費千鍾。 值生他出,見壁上題詩二絶云: 柱 或 不得已,使人督召余生,諭以還珠之意,且謂之曰:「吾位致上公[四],權尊禄 鍾,量名,釜十爲鍾,六斗四升也。今日見招,欲相厚,非相薄也; 「繾綣之私,誰無是心? 攻,治也。 「聞命矣! 日命小鬟侍側。 」卿勿以聲跡爲嫌,宜於此安泊,少舒薪米之費〔三五〕。」遂糞除小閣爲 未嘗於半餉間 「楚國之食貴於玉,薪貴於桂,謁者難見如鬼,王難見如天; 想彼念卿,亦猶卿念彼。 每宴見,必温辭款接; 但翠綃之事,絶口未嘗道及。 得乘便也。 日早朝未退, 況長安堵珠炊桂,難 但風花有恙,人生感霜露之疾. 伺群 姬 重 睡 着, 於自給。 館 賓 間 餽 書 蘇 令

其 一

小堦 破履落苔衣,客舍淒涼獨 掩 扉; 青鳥不來春信晚,青鳥,漢武宴王母事。 莎 庭漠漠又 斜

其 二

莎,音梭,草名。

月 殿 長寒鎖翠眉 仙 娥 何 H 是歸 期 ? 仙 娥, 指 姮 娥也、解見《金華》。 相 思豈直 無 佳 句 ? 不 把文章

怨别離。

薦枕,遂有

娠,生長沙王發。

生許之。

自此信息稍通,而閨闥之情得達

鶯 方欲 。」故云 屬 和 玉 娘意也。 珂。 聞 光羲詩: 玉珂 娘子以郎 聲將及門矣,按《説文》: 「五陵貴公子,雙雙鳴玉 君無伴,使妾代薦枕席,如娘子之在 珂。」遂不果酬答。 「珂,石次玉者。」《爾雅翼》: 又日, 左右 遣所 「貝大者謂之珂,黄黑色、 也。 厚 」景帝幸賈姬,是 婢 嬌 鶯就生房覓 夜 值 其骨白 浣濯 生 乃使唐 拒 可 飾 兒 馬

蹀 耳目之娱,達者也 是路人。」或有疾郊者,寫詩于座,公見詩,令召崔生,左右莫測。 食來,值郊立於柳陰 崔郊寓居漢上,其姑有婢端麗,曉音律,郊嘗私之。 無著帽也。 愈《寄盧仝》詩: 頃,於花前 吾當放昌黎之柳枝(一六),解見《木綿》。 歲又云暮,還珠之事 言之紿,棲遲忍辱,倉卒投人。安有於杯勺之前,杯勺,飲器。 聞 時 曳履 將及除夕,生乘閒言於柱 夜半將末,竟絕音耗,大失所望。 剥 聲 宜城請老,許琴客出嫁。 躞, 啄, 玉川 ,馬上漣泣,誓若山河。 有叩門聲, 蘇叶反; | 卿姑少待, 先生洛陽裏,破屋數間 非 敢復言。 蹀, 剥,裂也。 勿嫌晚 他叶反。 國日 顧況爲作歌,乃曰:「琴客,宜城之愛妾也。 但望簾前 也!」生唯 崔贈以詩曰: 啄,竹角反,鳥食也。褰裳就之,則赤脚蒼頭; 行步聲也。 縱宜城之琴客; 而已矣; 「僕以恩情之故,遠來爲客,而咫尺巫峯, 姑貧, 明旦, 見,得片時敍别耳。」柱國 唯 鬻婢於連帥 開 奴長鬚不裹頭, 而退。 「公子王孫逐後塵,緑珠垂淚濕 謂嬌鶯曰: 門迓之,則青衣婢子〔一七〕; 及見郊,握手曰: 至其夕,燃燈不寢, 斷不禁人情所欲,而 于 頔 伸 家,給錢四十萬, 情敍話, 婢赤脚老 爲我語翠綃: 「侯門云云,便是公作耶? 尚不可 宜城請 額之曰: 無齒。」注: 懸 龍愛彌 羅 私耳 巾 ; 望移 老,愛妾出嫁。 得; 問 我 問 深。 其來 目之娱。 「更前數 牽 時 侯門 赤脚, 其來也, 況 於欲界之私 郊思 信不到, 也 望 無穿鞋 入深如 慕 更許, 能 不禁人之歡 則 刻 柳 不已。 遂命 則 歸 便 饋之茶。 宜 日月 饋之酒。 海 崔 於竹 城有愛妾名 婢 是 樂於甘 其 郊之婢, 同 從 蒼 良 逾 歸 此 婢 頭,奴 邊 而 大 邁 少 躞 韓 至 寒

候。 儷 聲, 鐵鎖開。」按火樹乃燈樹也,其樹高十丈,燃五萬盞,盛如花樹,乃唐時元夕飾以玩遊者〔二一〕。 兄如未忍遐棄,當 妾聞本朝舊制,每於元夕在東津水次,盛張火樹,傾城士女,觀者壁立。 奚珠之有哉?』今宋國之深,非直九重之淵也; 宋王之猛,非直驪龍也。子能得車者,必遭其睡也; 淵得千金之珠。 其父謂其子曰: 故,而處於驪龍之頷下哉?」人有見宋王者,得車千乘,以驕莊子,莊子曰: 惡念易萌於芥蔕,芥蔕猶鯁刺也。 於帷幔奩匣,悉贈遺之〔一八〕。 每行步,必顧其後,故謂狼忌。」龜淫見妬; 曰段。靳, 吝也 餽贈也。 覘,職謙反,窺視也。 」翠綃更使嬌鶯謂曰: 「玉人若也憐高節,莫爲狂枝贈斧斤。」在我爲失圖,而彼爲得算矣。 金錢匹段,曾不靳費。 如此甚易。」乃開後閣,驅諸婢妾數十人出路,任其所之,時人嘆服。 鸞分鳳合,在此一舉,妾姑忍死以待。」生意遂決。 開處仲之閣乎? 『取石來鍛之! 夫珠必在驪龍頷下,子能得者,遭其睡也; 「妾所以淹留曠日,欠緑珠一死者,第以郎君尚在。 狂柯見贈於斧斤; 匹,偶也,合也,布帛長四丈爲匹; 龜性妬而與蛇通,採溺時,取雄龜置水盤中,以鑑照之,見鏡中龜,即 王處仲,名敦,以高名自許。 韓公鎮中山,有門客夜踰牆宿娼家(一九),公作詩以警之,門生自 段,片段也。 「河上有家貧恃緯蕭而食者(二〇),其子没于 嘗荒恣於色,體爲之弊,左右諫之,敦曰: 萬一 唐人《元夕》詩云: 歸 柱國幸其去也, 帛二曰緉,分而未儷曰匹(二三) 狼忌生心,舊註: 歟 ! 使驪龍而寤,子當爲虀粉耳,尚 歸 今朝言歸, 歟 使宋王而寤,子亦爲虀粉 「火樹銀花合,星橋 厚加資遺,遺、仄 豈可以求珠之 何以爲約? 狼性多猜忌 淫發而失溺。 如 期 覘 既

約。 袖鐵 椎,椎碎左右,椎,音錘,擊物具也,俗作槌。 奴曰: 生滿載 而 此 歸,道逢老奴,謂曰: 事易耳! 當爲郎君致力。」及元夕,偕往東津,果見翠綃從數車兩,於水次縱觀。 郎 君得無憂乎? 傘夫轎子,一時散走,傘,音散,禦雨蔽日,可以舒卷者。 何痩 削不類疇昔?」生語其故,且告以 轎,古吊切,竹 翠綃之 奴以所

興也。 唐王伾,言: 棟,屋正中上衡 密於萬衆中 彼以孱瑣之資,孱,銀 「當其盛,門如沸羹。」謂黨惡之門,勢如沸羹也。 也; · 掠 去。 棟 充,謂貯屋 彼此 山切 相視, 儒 而充其棟也。 弱 也。 悲喜交集,然猶慮爲彼所覺,横 瑣,蘇果反, 箱,廩也,篋也,凡可藏物、有底蓋者,皆曰箱。 細小也。 寶貝金銀之積,棟充而箱露, 當衛、霍之選、誅求請 遭掩 捕。 横,户 託, 貝, 向 孟 非 介 誅 切,不 屬,種 , 責 鬼 爐煤火,只 也。 順 類不一,古以 理 也。 如 沸羹。 翠綃 恐横 爲

畏。 貨。 財 無 熏,火煙上也。 曲 爍破 也。 煤,初洽切,湯渫也。 灼, 爇也, 灸也。 莫若韜踪遁跡, 燥,燒 也。 罪 盈惡貫,勢必不長; 屣脱鄉村,使無耳目之虞,庶免門庭之禍。」生然其策,密 但火勢尚烘, 烘,呼公切,燎也。 熏 灼 미

大治七年,大治, 陳裕宗年 號。 柱 國以侈汰伏罪,汰與汰同,自矜大也。 生 始 至 京 擢 進士第, 遂夫 妻偕

老焉

就天長依友人何某。

季日: 年,至今未許 短 願王勿與出入後官。]王以登徒子之言問玉,玉對曰: 以 真性。」李季好遠出,其妻有士。 非令德,潤之果何所 其 嗚呼! 粉太白,着朱太赤; 「是何人也?」家室皆曰 耶 也 則 不忠之人,中君羞以 陽 登徒子則不然,其妻蓬頭學耳、齞 城 下 取,而 蔡。 眉如翠 季還,士在内,妻患之,妾曰: 戀 宋玉《好色賦》云 戀若 「無有!」季曰: 羽,肌如白雪,腰如束素,齒如含貝。 爲臣; 是? 以 其 不正之女,中士羞以 唇歷 賢 「天下之佳人,莫若臣東家之子: 「大夫登徒子侍楚襄王,短 吾見鬼,爲之奈何?」婦曰: 齒,又疥而痔,登徒悦之,使有五子。 耶 ? 「今令裸而解髮直出門,吾屬佯不見也。」士從之,疾走出門。 則 張 婦、 嫣然一笑,惑陽城,迷下蔡。 李 爲婦。 妻 宋 玉 愛卿自 二句温公語。 「取 日 增之一分則 五姓之水浴之。」季曰: 敍云: 玉 王熟察之,誰爲好色?」注: 爲 人 翠綃 張 體貌閑 太長, 然此 之婦、李之妻,本 出自倡流,本 減之一 女登 麗 文 性 分 闚 好 諾 臣三 則 太

子•盜跖》篇云: 虎口!」若潤之者,誠可謂愚矣[二三]! 陽城、下蔡、皆地名。惑、迷、即傾國傾城意。 夫子見盜跖後,歸見柳下惠,下惠問以故,夫子曰: 顧乃輕於去就,忍辱投人,編虎頭、摩虎鬚,幾不免於虎口。 「丘所謂無疾而自灸,疾走料虎頭、編虎鬚,幾不免 《莊

校勘記

- [一] 「鹿之大者曰麈」,「鹿」原作「麈」,據下句「群鹿隨之」改。
- [二] 「乘綵棚兜子」,「棚」原作「輣」,據甲、丙本改。
- (二)一季糸材の二)一村」原作一事。 村里 アスロ

[三]「與勳臣一品熟」,「品」原作「臨」,據《崑崙奴》改。

- [四] 「生凝思不食」,「凝」原作「疑」,據《崑崙奴》改。
- [五] 「時家有崑崙族奴磨勒」,「族」原作「姨」,據《崑崙奴》改。
- [六]「奴乃爲生摘殺一品守院門犬」,「品」原作「臨」,「犬」原作「吏」,據《崑崙奴》改。
- [七] 「遂負生與妓飛出峻墻十餘重」,「重」原作「里」,據《崑崙奴》改。
- [八]「書曰」,原作「其略曰」,據諸本改。
- 〔九〕 「綿駒處於高唐」,「高」字原無,據《孟子》補。
- 〔一○〕「牧瞪目注視」,「瞪」原作「澄」,據文意改。
- [一一]「自喜針芥之有緣」,「喜」原作「言」,據諸本改。
- [一二]「於加切」,「加」原作「和」,據「鴉」音改。

- [一三]「俱向上林棲」、「俱」原作「阻」、據原詩改。
- [一四] 「吾位致上公」,「位致」原作「致位」,據諸本改。
- [一五]「少舒薪米之費」,「薪米」原作「珠桂」,據諸本改。
- [一六] 「吾當放昌黎之柳枝」,「枝」原作「妓」,據諸本改。
- 〔一七〕「則青衣婢子」,「則」原作「見」,據諸本改。
- 〔一八〕 「悉贈遺之」,「遺」原作「遣」,據文意改。
- [一九] 「有門客夜踰墻宿娼家」,「宿」原作「出」,據文意改。
- [二一] 「乃唐時元夕飾以玩遊者」,「飾」原作「飭」,據文意改,下同不注。

[二〇] 「河上有家貧恃緯蕭而食者」,「恃」原作「特」,「蕭」原作「簫」,據《莊子》改。

- [二二]「分而未儷曰匹」,「儷」原作「麗」,據文意改,下同。
- [二三]「誠可謂愚矣」,「可」原作「所」,據諸本改。



沱江夜飲記

之禍。 夜開帳飲。 老猿曰: 致犂庭掃穴。犂,耕具也。漢武帝征匈奴,窮兵黷武,犂庭掃穴。吾欲挺身徑往,以一言止之,子獨不樂從乎?」 日未明,風雪大作竟日,蕭果不出。 若非掉尾乞憐,韓愈《應科目時與人書》:「若俛首帖耳,摇尾而乞憐者,非我志也。」必 獸從行,樵者覘之,至深岩有茅堂,黄冠一人,老麋哀請,黄冠曰: 滕六,雪神。異二,風神。蕭至忠爲晉州刺史,欲獵。 余九冥使者,奉北帝命: 梁杜弼見梁主納侯景,乃作檄移梁曰: 寅歲,陳廢帝出獵,廢帝,藝宗之孫,睿宗之子。睿宗南征占城不返,藝宗因立爲嗣。 飛潛之命,懸於羅繳。繳,音酌,生絲繫箭以射飛鳥也。 「吾子能持詞鋒説刃(二),以言語解圍,誠爲快舉; 有一狐由山脚投南而往,道逢老猿,謂曰:「昌符君將有事山間,昌符,廢帝年號。 蕭君畋,汝輩若干合鷹死,若干合箭死。」有老麋屈膝求救,使者曰:「東谷嚴四善課,試爲求計。」群 「楚國亡猿,禍延林木; 有樵者於崔山見一長人,俄有虎、兕、鹿、豕、狐、兔雜駢而至,長人曰: 「若令滕六降雪,巽二起風,即蕭使君不出矣!」群獸散去,翌 縱滕六之雪未降,異二之風緩來,子其危矣! 城門失火,殃及池魚。」言侯景凶狡,納之必後生亂也。 只恐言辭不應,彼以生疑,將預林木池 止沱江北岸,岸,水涯高 屬意於吾曹

豈有此. 野 得? 老狐精 云 羅; 獵 呼獵犬試之? 云 按《風》 迎申公。 丈夫而去,一 后方懋厥德,鳥 入, 其 ,多武人也,胸中欠張華 Ш 俗通》云: 必 凡乘 年少? 世 有隱 宋城門失火,因汲池水以沃灌之,池中空竭, 當沐 及華表柱 飯三吐 遇 才可用。 一臣聞. 傳昭 按 辱 浦 者 而 非 輪 侯 者,尊居 Ξ 」華命犬試之,全無憚色, 哺 獸 若非鬼魅 稱袁秀才,一 握 墓 嬴 狐精 但喪子干歲之質, 以蒲草裹車輪,使與地不相 魚鼈咸若。 以厚幣卑 髮,伯禽受封於魯,周公戒之曰: 起以待士,猶恐失天下之賢人; 前華表木、已經千年。 城門失火, 年 聖人在御, 左; 七十,家貧,爲夷門監者, 日欲變作書生詣 ,則是狐狸。」使人防禦甚嚴。 虚左者,謂空左方一 禍及 辭而弋冥鴻之士,繳射日 今主上當亨泰之時,爲民物之主,因 稱胡處士,夜叩行宫。 博物 乾 池 亦當誤及老表。」狐 中 坤 華, 魚。」舊 清寧; 華怒曰:「此真妖也! 」乃遣人伐華 張華聽講 晉時 抗,示其安也; 説 人 位,蓋尊之也。 公子置酒大會 《莊子》:「天得一以清, 魚悉露死。」二 著 因 爾之魯,戒無以國驕人。」登車而 「我文王之子,武王之弟,成王之叔父,我於天下亦不賤矣! 表木, 池 問華表曰: 《博物志》。 時豐城令雷焕,博物士也,適來訪華,華以書生白之,焕曰: 不從,乃謁華。 中 to 魚 凡天子臨幸之所曰行在,此云行宫 燃以照書 駟馬, 人 賓客, 以 冥鴻,言鴻飛冥冥, 惟得千年枯木,照之,則形立見。」焕曰: 説未知孰是? 姓,家居 目 蒲 駕以四 以我才貌,可 坐定, 下 輪駟 生(二),書生因化 論及文章, 無 近城,城門 馬也(三)。 地 温 公子從車 宜 馬 得 嶠 而獵兔罝之賢,漢武帝以 布 蒐賢之網, 商略三史,探赜 獨不見華表狐精之事 高見,解見《昌江》。 得見張華否?」華表曰: 以寧。」明王 如高士之肥 騎 失火,延 虚左; 《詩》: 虚 爲斑狐 左 「肅 自 及 即 魏公子無忌愛人下 蒐,音搜, 懋 遯 迎 百家, 其 命烹之。 行所之宫也。 肅 侯生 也。 德 家, 兔罝 鳥 華 中 范公《題嚴光釣 保 無以 魚燒 侯生至,引 ,求索也。 , 核之丁丁。」言兔罝之 獸 無 狐 浦輪迎 「千年 乎? 咸 應 張 他 日 死。 公智 若。 嘆曰: 因 也 」燕昭 一人百 神 夜 士,食客三千 然我一 坐上 張 内 若 度, 生,以 《書》 侍 遂 禮 從 臺》詩. 疑 家 何 Ē 恐 各 士之 沐三 \pm 天下 難 墓 由 何不 附 化 愐 夏 籠 則 有 注 口

職乎? 個冥鴻惜羽毛。」使羽儀朝著, |格,以杙閣獸也。 而歸仁壽之域。 虞,官名,掌山林之政令者。 西域有一國,不寒不暑,無風 羽儀,即羽翼儀表意。《漢五行志》: 時帝方醉欲寢,命首相季犛延入,席于西階之下,《曲禮》: 無雨,其人逍遥快樂,故云壽域。 「朝内列位有定處,所謂表著也。」潤澤生民,一切 何至格熊伐兔,侵山虞之

待有禮, 若高材疾足,豈不能遐舉於南山之南、北山之北?「秦失其鹿,天下共逐之,高材疾足者先得焉。」蒯 服,蓋取統御四海之義。 Щ 陽長之氣,非其時也。 載以檻車,輸長楊。 高卿,嘗幅巾見扶風守,守曰: 不以火田」。 名, 宫門曰射熊觀, 秦、漢遊獵之所也。 公八年: 濱,文王將獵,卜之,曰:「所獲非虎非熊,乃霸王之輔。」果遇太公,立以爲師。 張耀 戎卒,於是有于紅之蒐, 主人就東階,客就西階。」且諭以遊畋古制,何可廢也 而火,又非其禮矣。《禮記‧月令》: ,皆於農隙,以講武事。 胡 故四時朝覲; 秋,大蒐于紅,革車千乘。」誇示胡人,於是有長楊之射。 公何不上啓聖明, 「夫犀象之驅以除害也,周公相武王,誅紂伐奄,驅虎豹犀象而遠之。 今則不然,當夏而興勞民之役,非其時矣; 故兵法: 君若欲臣僕之,正將在北山之北、南山之南。」守遂不敢。 又蕭大圜曰: 使人物咸安其性哉!」季犛曰:: 春振旅以蒐,夏爰舍以苗,秋治兵以獮,冬大閱以狩。 「哀公雖不尚,猶臣仲尼; 夏不興師。 暫還 成帝行幸長楊宫,從胡客大校獵(五)。 龍 「毋竭川澤」、「毋焚山林」。又《王制》: 御, 蹂穀而逞從禽之欲,非其所矣; 啓,開白也。史: 柳下惠不去父母之邦。 「不可!」胡生曰:: 《山公啓事》。 盛夏之時,草木方長,若舉 長楊宫,本秦舊宫,漢修飾之,以備行幸,有垂楊 上將誇胡人以禽獸,命張羅網置置,捕 御、凡天子所用之物皆謂之御、 渭陽之田爲非熊之叟也。 欲相屈 「天子不合圍,諸侯不掩羣」、「昆蟲未 蹂,音柔,往來蹙踐也。 爲功曹,如何? 蒐苗之閱以講武 吾哀微禽孱獸,爲之請 「北山之北, 棄絶人間 田 獵,則 正日: 翦 掩澤 通 揉於禾穀, 也, 語。 吕 日 熊羆豪 而 《左傳》昭 古者 以 尚隱於 法 御 明 韋 正,字 書、御 命; 因以 四 府 且 南 盤 窮 見 害 渭 Ш 時

鏑也。 患也。 犬也。 犛曰: 南; 傳》襄公十四年: 籠。」厲弧矢以威不服之邦,《易·繫辭》: 跋扈爲義 差捕之,陛衆逃散,後又聚衆僭位。 非 之南,超 足。」檻送兇渠, 信,櫓,音魯,大盾也。 象,遞送。 無所容,妖不妄作,其他非所預也。」袁目胡微笑,季犛問故,胡卒然應曰:「豺狼當道,安問 後人凡言人守拙無能,必曰守株待兔。 縱禽荒,大禹訓曰: 爪牙之以豪傑; 賈誼云: 蓬峩,占城主名,數爲邊患,陳睿宗身征遇害。 狺,音銀,犬吠聲。 踰世網。 也。」唐郎之鼠竊猶存。 「何謂也?」曰: 事 按,正也。 在陳廢帝昌符十年。 」寧能效守株之兔乎?」宋人耕者,田 楹,圈也, 戎子曰: 秦無遺簇。」隻輪不返〔八〕! 《儒行》篇云: 仁爲羈絆,羈絆,音鷄半,檢制馬器,繋首曰羈,繋足曰絆。 「外作禽荒,未或不亡。」第聞此處有干歲狐精,故欲一舉勦除,勦: 李瑛餓虎,咆哮於西北。 古有檻車,以陷送凶徒者。 「譬如捕鹿,晉人角之,諸戎掎之。」注: 謹絛籠以御難制之將,像, 「方今聖化未敷,疆場未静, 咆哮,虎豹怒號聲也。 本路官俘獲、檻送京師、斬之。《吕刑》: 北江路人阮 「儒有忠信以爲甲胄,禮義以爲干櫓。」言忠信、禮義所以禦人之欺侮,猶甲胄、干櫓所以 季犛曰: 「弦木爲弧,剡木爲矢,弧矢之利,以威天下, 補, 宋,契丹侵澶淵,寇準欲擊之,使隻輪不返,真宗厭兵許和。 後陳順宗時,與陳渴真戰于海潮, 稱爲唐郎紫衣,以法術僭號稱王,作亂伏誅。 注 : 「君王此舉,非淫原 瑛,明將。 吴陛之鴟張雖殄,吴陛,茶鄉人,陳裕宗時,聚衆於安阜山 中有株,兔走觸株,折 音叨,組紃之通名。 「車爲檻形,以板四周 疆場,邊境也; 《史記》: 「角謂『禦其上』,猶執鹿之角; 「罔不寇賊,鴟義姦宄〔六〕。」注: 明太祖遣錦衣衛舍人李瑛等來,假道往 撰、《史記》: 籠, 頸 無 疆大界,場小界。 而死, 因釋 鳥檻也。 羈與羇别。 所通見也。 蓬峩被銃射貫于船板而死。 蓋取諸 權翼曰[七]: 耕守株, 「后羿淫于原獸。 」渠,大也。 義爲干櫓; ,子小切 何不挽聖人之弓,按天 《暌》。」使角 蓬峩 掎謂 「抗其下」,猶執鹿之 復冀得之,爲 同剿 狂 彼猶鷹也, 「鴟義者,以鴟 猘 簇不遺, 舍此弗爲,顧 甲胄之以忠 掎 淫 狐 絶也。 猘,音季,狂 狺 國 好 窮 狸 噬 占城, 原 爲 宜 盗 所 使奸 野 於 ·, 全 謹 後 笑 東 也

得請 乃區 君已設令,令不行可乎?」文侯曰:「善!」因飲畢,遂以公乘爲上客。舉白,言飲酒必滿觴而飲,飲訖,則舉觴告白 品 一於矰繳之末,矰,音曾,又去聲,弋射矢也。 鍾,壺屬,酒巵也。言飲不盡,則罰以別鍾也。 」因舉白浮鍾,魏文侯使公乘爲觴政,曰: 雖 「飲不盡者,浮以大白。」文侯飲不盡,公乘舉白浮之,不應,公乘云: 高談致理,言如湧泉,湧,音勇,泉上溢也。 獲獸如丘 山,僕不取也。」季犛許之。二人暗喜曰: 唐戴胄爲大理少卿,犯 盡否也。 吾

顔執法,言如湧泉。

終莫能

屈

簿,吾忘年之友。髯,如占切,在頰耳旁曰髯; 寓居南陽,徐庶見劉備而謂曰: 改容致謝,且勞之曰: 鹿群吾遊。 則草鋪茵簟,茵,俗作裀,褥也。 名垂後世 何其談鋒犀鋭,乃爾有力也?」古有「詞鋒」、「説鋒」之語,謂言詞如刀鋒齊起,鋭而難犯也。犀,堅也。一人怒曰: 公爲首相,當薦引人物,以爲國家之器用,而乃妒賢嫉能,豈《書》所謂『人之有技,若己有之』乎?」季犛 季犛愠色曰: 「焦遂五斗方卓然,高談雄辨驚四筵〔九〕。」未少挫屻; 士初入任曰釋褐。 山中 魯肅遺備書曰: 何至槁死岩穴,誰復知之?」二人笑曰:: 赤吏,吾耐久之朋; 吾嘗面折明人,口伐占寇,驚筵雄辨,古文: 「吾籌當代,籌,算也。 楊雄《解嘲》:「或釋褐而相。」按褐,毛布也,織毛爲之,可禦寒; 「士元非百里才也,使處治中、別駕之任,始當展其驥足。」脱跡 諸葛孔明,臥龍也。」備乃枉駕顧之,三顧方起。展士元之驥足; 簟,音電,竹席也; 赤吏,羊也。 長髯,羊也。 簟者,布之覃然平也(一○)。 無卿等人物,何不焚荷芰,謝魚鰕; 唐魏玄同與裴炎締交[一一],能保始終, 屻,女六切,戰敗北也。 禰衡有逸才(一二),少與孔融交,時衡未二十,而融已五十,爲忘 「我等寄跡烟梢,棲踪雲窟; 「譚氏議論風 渴則泉供酒醴; 而今卒困於子。 生, 驚四筵之雄辨。」又杜甫 一云賤者所服。 而卿 時 起南陽之臥龍,諸葛亮 劉備以龐統守耒陽令,在 號 相, 窟,苦骨切、穴也 子非山妖野魅, 耐久朋」。 烟 釋褐 霞絆吾脚, 功加 愐 長髯 軒裳; 當 《八仙 睡 主 麋

鳴

有聲岩穴。今夕陪飲,可無一言以記其實乎?」胡即

吟曰

一三六

落塵 年交,不計長幼。 網 豈能 爲當 但 知 時拔一 雅松 毛哉? 而茹 栢, 」墨氏爲我,拔 飱同餐, 食也。 嘯 毛而利天下,不爲。 핅 而 吟 風,古詩: 因 щ 相 謂 中最樂是玄猿 吾曹放浪,本自不 嘯 風吟 月雪霽天。」庶 羈, 舊以 幾 不

著脚 始 合,要 難。 飲了清泉又碧灘,悠悠名利不相干; 須 狐行; 著,音灼,置也。 此物善聽,堅冰下無水聲,然後 日落眠 残山 塚迴, 過河。 迎,户 干,預 頂切,遼遠也。 煙霞此去無踪跡,子我相期久遠 也。 雲邊 石 更深聽倦夜冰寒 窟 跳 身易 跳, 音 迢, 輕 看。 述 身獨 征 記》: 走 也。 北 世 風 E 動 塵 河 籠 冰

袁亦吟曰:

題云: 挈家過 則 由 長 射 嘯 端州、袁欲遊峽山寺、云: 霧 不 壑千溪 始納弓, 雨 如逐 昏 暗則 伴歸山去,長嘯一聲煙霧深。」擲筆,化猿而去。 有逕 而猿已擁樹號哭。 無聲,人當其昏暗之時而捕獲之,則亦不復生矣。 通,逕,步道也。 舊袁。」門徒既至,熟其道,因 我投林木君岩穴,堪笑求 悠然拂袖 任 西東; 持碧玉環獻 愁去分携别 興 來 安計 楚天有淚 逐伴春 不 僧。 同 浦 Ш 齋 泣 風 罷, 雨 彎 ,世説孫恪娶袁氏女,後從 马, 有 湘 野 嶺 猿 無 數十,聯 彎, 聲 持弓開矢也。 啼 落 臂 而 日 下。 猿 天氣 楚王使 袁 南 氏 惻 清 辟, 明 然 養

吟罷辭去,季犛密令人踵後,將及林腰,各化爲狐猿而去。

魏元忠、 之論,胡以 ,婢外出汲 呼 盡 水,回 忠 人 如 而 天地生物 張 見 屈 於物? 茂先 老猿 則 而獨厚於人,故人爲萬物之靈 爲之守火,婢 噫! 彼將聽 有由矣。 講守火之不暇,又何争辨之敢? 鷩 以 白 忠, 蓋季犛心術 忠日 猿 不 恐我乏,爲 正 雖 故物中 鳳 凰 之 我守爨, 靈 妖怪 元忠素强 鳥, 不 得 麒 亦 以 麟 正 善 微時 肆 之 乎? 仁 其 侮 獸 家貧,止 張 弄 華, 亦 字 物 茂 婢, 使 先,見 正 厨中 直 沱 前 如 江 方

吁 滄浪之水,清兮濯吾纓,濁兮濯吾足,君子無自取也[一三]。

校勘記

- [一] 「吾子能持詞鋒説刃」,諸本無「詞鋒」二字。
- [二] 「燃以照書生」,「生」字原無,據文意補。
- 〔三〕「駕以四馬也」,「四」原爲「駟」,據上句「駟馬」改。
- [四]「一切有生」,諸本作「一世蒼生」。
- [五]「從胡客大校獵」,「校獵」原乙作「獵校」,據文意改。
- [六] 「鴟義姦宄」,「姦宄」二字原無,據《尚書》補。
- [七]「權翼曰」,「權翼」原作「慕容」,據《晉書》改。
- [八] 狺噬於東南 諸本作「狺吠於南方」。
- [九]「高談雄辨驚四筵」,「驚四筵」原乙作「四筵驚」,據原詩改。
- [一〇]「布之覃然平也」,「覃」原作「簟」,據上句改。
- [一一]「唐魏玄同與裴炎締交」,「玄」原作「元」,據《舊唐書》卷八十七《魏玄同傳》改。
- [一二]「禰衡有逸才」、「禰」原作「儞」,據史實改,下同。
- [一三]「滄浪之水,清兮濯吾纓,濁兮濯吾足,君子無自取也」,諸本作「滄浪之水,清兮斯濯纓,濁兮斯濯足,皆自取

之也」。



卷之四

南昌女子録

誤,違戾也 少有癡病,多猜忌,防閑妻妾過爲苛酷,而有散灰扃户之譚,時謂妒癡。 邑張生,慕其容行,請諸母氏,用百兩 武氏設,南昌女子也,幽閑 貞淑,兼 黄 金 有殊姿。 一納聘。 幽閑,言 然生性自多疑(三),防閑太過; 幽深而閑静也,即窈窕意。 娘亦動循禮法,未曾以耳目見忤。 淑 善 李益與 也。 姿, 李 賀 態 齊 忤,音 然 同

者,書其名于一尺之版也。次在前發。 **覔封侯之印,王昌齡《閨怨》詩:** 必有懸魚。」穹官厚 爲大。」但當知難而退,度力而攻; 無貪芳餌之投,自取懸魚之禍。 古語云:「重禄之下,必有死士; 芳餌之下, 民涕泣,辭以不欲遠離膝下。雖功名之會,自古罕逢; 然兵革之間,守身爲大。孟子云:「守孰爲大〔三〕? 居無何,有占城之役,大發士卒。 爵,讓他少年,庶免爲老母所憂也。」生長跪受教。 「閨中少婦不知愁,春日凝妝上翠樓; 臨行,其母戒曰: 張雖豪族,但不業詩書,未離行伍,名編尺籍,漢制 「今汝暫寄軍中,遠離膝下。 忽見陌頭楊柳色,悔教夫婿覔封侯。」蓋托爲征婦言 娘且浮觴謂曰: 唐高祖使世民出居洛陽,世 郎 有尺籍 君此去,妾不願 Ŧi. 符。 守身 尺

也。 不返,秋至試擣砧。 砧遠塞之寒衣; 戍葵丘,瓜時而往,曰: 所至,勢如破竹。」言其易也。 筵乍散,征袂纔分,袂,音決,衣袖也。 書信,只恐無計得鱗鴻便也。」言訖,左右無不欷歔泣下。 未可乘; 凱還之日,凱和樂也。 衣還鄉之錦; 狂獠逋誅,獠,音老,西南夷名也。 已近苦寒月,況經長别心。寧辭擣衣倦,一寄寒垣深。」見廢陌垂楊,則動戍樓之遐 砧,音斟,擣繒石也。李詩(四): 柳慶遠,字文和,爲雍州刺史,高祖餞於亭,曰: 「及瓜而代。」期戍,公問不至。 帶得『平安』兩字歸· 《六月》詩: 「以奏膚公。」膚,大也。 舉目依然,已是别關山意思 逋, 來耳 逃也。 「長安一片月,萬户擣衣聲。 請代,弗許。 王師 第所恐者,兵難遥度,遥,遠也。 公與功同。 欷歔, 曠日; 謀作亂。 「卿衣錦還鄉,朕無西顧之憂。」又朱買臣 音希虚, 曠,費也。 使幼妾關懷,慈闈掛慮。 及瓜淹代戍之期。齊侯襄公使連稱、 悲泣氣咽 秋風吹不盡,總是玉關情。」杜詩: 破竹晚膚公之奏,古語 而喘息也; 度,料也。 又泣餘聲。 望長安片月, 想。 趙 充國 事 縱有千行 亦 「亦知 語。 同。 管至父 Ξ 機 只 離 則

以思生故,纏綿致病; 覡,在女曰巫; 爲榮華,夕爲憔悴。」我 淹 歲何時妾憶君? 往月邁,倏已半載,每見園 也 時娘既有孕,别後浹旬而育,浹,涵澤周遍也; 精氣閉藏也。 魏田豫,年老遜位,曰: 《廣韻》、《玉篇》皆云: 西山白雲暗秦雲。 羸 非 音雷, 不欲樂待佳兒,强進 纏綿,綢繆也。 痩也。 飛蝴蝶,嶺暗秦雲,《古文》: 玉關此去三千里,欲寄相思那得聞?」此成婦思夫而作。」徒增海角天涯之恨。 囑娘 「男日巫,女日覡。」且以好語百方開説; 漏 盡鍾鳴, 娘爲迎醫禮佛,祈巫禱鬼,巫,祝也。 曰:「榮瘁天也! 혪粥; 而夜行不休,是爲罪人。」殘軀衰謝,危在旦夕,不免以 十日幹一周曰浹日,十二日辰一 饘,諸延 「《思邊》詩: 切,厚粥也。 脩短命也! 『去歲何時君别妾? 然貪心 囑,之六切,託也,付也。 然奄奄羸疾,勢必不起,奄,衣炎切 民之精爽不携貳者,則神明降之,在男曰 周曰浹辰。 無厭 厄運 南園緑草飛蝴蝶(五)。 以誕命名其子。 難 逃。 瘁與悴 死 漏 生相 盡 同; 鍾 母 朝 日 亦 今

憊失意貌。

《禮記》:

「喪容纍纍。」瘠,前

歷反,

痩也。

凡

葬祭儀式,一如所生父母

吾兒契闊 願 彼蒼不負新 ,死生何 婚, 處, 如新婚之不負老親也 無地可酬恩也。 異 ! 」彼蒼,天也,天色蒼蒼,故名。 日天相其 誠,相,息亮切,助也。 言終而 綏以福I 逝。 履,宗枝茂盛,子 娘 纍 然哀瘠 子 孫

미 以爲上賓。」未知是否? 請 兒言不道,但以他辭實之[一〇],祗辱多方,祗,典禮切,大言而怒也。 名曰小玉,嫁于李益 미 已勞鞍馬之征。 有 來,母行亦行,母坐亦坐,然未嘗向誕兒携抱也。」生性本猜忌,及聞兒言, 君自能言,殊不若曩時父泯然緘默也。」緘默,不語也。 有倖心薄態,如君之所言哉? 余傾切 相類〔八〕,事有 於亡肉家,曰: 解矣。 墓也。 锏 曰玄妻。 通 組同 年, 日 携兒獨 藴 頑占就縛, 適可。 后夔取之,生封,實 臣 昨暮夜,犬得肉,争移,請火治之。」亡肉家遽呼追其婦。 亂 隔 里 麻 後益結婚大族,不復過門。 别三年,周 往,兒輒 臣請乞火於曹相國〔九〕。]]廼見曰: 婦 也。 歸 即宣言泄怒,娘泣曰: 與里諸母 師 舊註引《蒯 旅始 悲號不肯,生止之曰: 旋一節。 有豕心, 貪淫無厭 相善。 解。 願白此心,以釋疑惑。 通傳》云: 生 里婦家夜亡肉,姑以爲盜而逐之。 至家,則老母辭堂,稚兒學語矣。 香奩粉匣,久已灰心; 小 玉病久, 曹參請 謂之封豕。 妾猥以寒門, 聞生至,起責, 『東郭先生、梁石君,齊之俊士也,隱居不仕,願足下禮之。』相國 通爲客,有謂通 生怪問其詳,兒曰:「君不在時,常有丈夫, 「兒無苦啼,父心亦大傷感。」兒曰: 勿以玄妻見視,舊注:「昔有仍氏生女,黰黑而 后羿滅之,夔是以不祀。」未詳。 猥,烏 大慟而絶。 故里母非談説之士,束緼乞火非還婦之道 奩,音廉, 婦過所善諸母〔七〕,語以事而謝之。 曰 時時斥遺,雖村鄰之保、親族之言不入 晦 切,鄙也。 『先生知梁石君、東郭 粧匣· 生終不信,然叩 稚,音治,幼小也。 則束緼之惑,根 也。 幸歸 柳 陌 終教 華 族。 花 其 小 街,未曾著 詢 説 先 著 玉 未足衾裯之樂, 母 生,何 彌 所 含冤。」霍 君亦 坐 從 深 里 所 甚美, 不 母 膠 每 脚。 父 在,登 進 即 則 夜 耶 愐 其光 於 然物 女氏 束 輒 皆 不 相 緼

苦; 間; 瑩。 告曰: E 穢之物也。」江神有知,乞賜照鑒。 春 雨散 武 武帝子名仲始。 美人草行》云: 西風墮楊柳。 婦 m. 立 流 發兵攻王,王不知弩機已换,不爲備,遂敗走,坐媚珠於馬上 望其夫而死,化爲石,故後人名其山 爲人所 水上,蚌蛤含入心,化成明 著地 娘不得已,請曰: 水 便是孤 馬後者,賊也! 白居易《淫婦見棄》詩: 枉受 終蘿 遠 棄, 願 帆 無根之誚,誚,在笑切,以辭相責也。 帆從此去,不堪 」按芙蓉有二,生於水者日水芙蓉,即荷也; 而自叙其 爲 願托喬木。」乃與俱適太原。 孤,不堪重上望夫山 見後。 虞姬 初,王有龜爪神弩,媚珠有鵝毛衣; 香魂夜逐劍光飛,青 事 之 草 ; 落寒沼之芙蓉,墮西風之楊 盍殺之?」王拔劍欲斬媚珠,媚珠祝曰: 以, 「妾所以托於良人,以其有宜家之樂,有喬木之安; 悔 重 恨也。 珠。 上望夫山。」遂如初。 「井底引銀瓶、欲上 虞姬自刎垓下,於墓上生草二株,晝夜綢繆, 仲始追及之,抱尸歸葬螺城,仲始自投于井。 \Box 血化爲原上草(一二)。」倘 貞 矣! 妾若起居 望 黷 豈期 夫山。 靡 」嚴灌夫娶慎氏,十年無嗣,出之,妻别詩曰: 常,《北山移文》: 謗訕. 絲 乃齋戒沐浴 惟謹,純一 繩絶; 武昌北山有石(一一),狀如人,俗傳貞婦之夫從役遠征,婦 翻蒙不潔之名。 後,仲 如 柳; Щ 生於木者日 始潛换得弩機 石上 謗,補 顧況棄《婦 南奔,仲 1、就黄 「忠信 無他, 或二三其德,《詩衛 磨 曠 「豈期終始參差,蒼黄翻覆? 玉簪, 切; 木芙蓉,即 始認鵝 江 入水 孟子云: 詞》云: 節,爲 欲成中央折。 而歸,謂媚珠曰: 仰 訕 人以爲異, 天訴 願爲媚娘之珠,安陽王有女名媚 所宴切, 毛追。 人所詐, 秋 世傳明 空林 花 티 : 西子蒙不潔。」注: 也。 至 風》云: 號日 讒毀也。 對 瓶沈簪折 珠 楊素家妓紅拂,夜奔李靖 願 海 虚牖 花辭 化爲 有 濱, 「當時心事已相關 虞 薄 暗 「後有變,當以鵝毛爲 ~ 姬草。 途 翳,則 命妾,家室 珠 ,不覺塵埃厚; 」、「乍迴迹以心染(一三), 枝 士也 恩 窮 知奈何,似妾今朝 玉 侕 情 忽 以螺 雪此 曾 罔極, 二三其 泣 似 見 子 露 蒙,冒 葉 金龜 宣 城 售 緣 夫人 井 耻 燕 雨 湧 携子 水 也。 單 寒水落芙蓉 Ĭ 散 ,靖驚問之, 離 魏氏 珠、嫁 Ш 洗之,復光 與君 記。」及趙 雲 德。」蓋 則 水 夫 送 幕 不 竟斬之 收 上,叱 - 潔, 污 兒恨 至 作《虞 瓶 而 别。 與 此 沈 啼 趙 餉 或

于

水

日

獨

居

思夫,

常戲指示兒。

生方悟其冤,終無可奈何

先

元

貞 作 而 ~河 後 間 傳 下 ž 則 充 河 魚鼈之腸 間 淫 婦 人也 H 戚里 則 飽 聞 鷹 河 鳶 間 之飼 之名 則 餇 掩 音 鼻 寺, 蹙 額 以 食 皆 食 不 人也 欲 道 不 無 願 徒 言 使 其 傍 姓 人以 故 以 河 邑 稱 間 名。 見 笑矣 柳 投 宗

他彫 切 生 撥 雖 也。 恨 其 寢不 失節 成 寐。 然 幽 兒忽言曰 明 頓 隔 頓 遽 「誕父又來矣! 也。 亦 動 哀情, 百 生問 計 搜 何 求, 在 終 ? 莫 即 能 指 得 壁 間 獨 燈影曰: 處 空房 夜 夜 是 挑 矣 點 寒 蓋 燈 娘 挑

也。 支稜 遽 宫 憶 利 見之,曰: 胡氏篡 頃復活,見錦 丟。 夢 爾 矣。 五 中 蒙 時 奪 大 愈《南 娘 恩; 妃方 所 先是, 其 倣 投 感 司 故 奔。 而 海 廟 御 依之。 里有潘郎 添平 宮瑶 神 此 乃 今日 錦 潘 廟碑》云: 活 生放之。 艿 而 雲 與 今王亦 閣 我 相 陳 新 碎 鄉 但 元輝 逢, 之。 主人也 者 玉 人 一, 前 爵 之袍, 覺神鬼 豈 常 航 家奴,名阮康,後從 胡 南海 也, 以立 非天假手於吾, 海 此 開大末, !」命拭之以紅 避 愐 爲 神 夏氣 曳 禮 目澒,嵬,音瑰,爲狂險之行者謂 難 在北、東 黄江渡長,常 海嶽 散 至, 爲 霞 僞陳添 平還 命 飄 蘂 廣 之 西三神河伯之上,號 賊 風 金之履 州 而 ,尚循公侯之事, 所 有 刺 綾 詔 報君之德乎 破 史 夢 行事祠 暖 捕 或 緑 司 扇[一四] 之。 笑 袍 時 犯 謂 下。 康 女子 溺 支 潘 北 死 虚王 記 稜 爲祝 走 ? 郎 拭 明 之嵬。 哀 弱 爲 」乃設、 日 屍 儀 融。 或 兒 施 號 沉 而 胡 職 詐 時 請 不 海 開 澒 天 切 宴朝 用非 稱 八寶中, 妾 命 大四 島 嘗 陳氏子 胡 以 乃 遊 孔 巾 海 陽 致 年, 迨 天子以 龜 切, 中 刷 江 崇 閣 明 曉 孫,改名 洞 有 垢 渚 流 極之意。 人 也。 Ш 靈 姬 轉 有 韓 爲古爵 口 爲 貌 妃 嬪 觀 漁 依 灌 漁 添 等 咸 子 日 平 南 之以 由 不 莫貴 假 在 島 以 是 知 僞 海 所 送 册 緑 於 偏 稱 廣 身 拖 火 獲 適 尊 殼 公侯, 安 陳 利 世 籙 輕 龜 封 南 添 龜 偶 \pm E 裙 南 神 洞 或 平. 馳 然 故 海 之 在 丹 而 E 還 海 獻 托 神 夫 水 子 垂 靈 或 嶽 爲 晶 嶞 俄 妃 潘 之 爲 侵 廣

陰矣! 髻 時 子肖切 出 以路人相視,漠然無情?」潘方省悟真是武娘,因究問來由,曰:「妾前不幸,辱被重誣,遂投 然,流涕貌。 念不忘君,託婦人思其君子而譬之,物在 女遊於東海,溺死,化爲冤禽,名曰精衛,常銜西山木石以填海。 水曹仙 娘子義不曹娥,怨非精衛,而有赴海投江之恨; 水。 嘶 時 音伏,包袱也[一九]。 」、「舊穀既没,新穀既升,鑽燧改火,期已久矣!」言期年則天運一 北 竊視[一七],而不敢認也。 娥年十四,沿江號哭,七晝夜不絶聲。旬有七日,遂投江而死。 「妾既爲夫兒所不容,寧終老於水雲鄉,不願與良人相見也。」潘曰: 拖,音陀,引 衆,哀妾無辜,激開水路,因得無死; 娘乃 風,越鳥巢南枝,嘶,音西,馬聲。古詩: 娘子之先人墳塚,松楸滿目矣! 幡然改容幡,孚難切,心變動貌。 同 奉金鈿爲 醮。 也,曳也。 燃照 緘明珠十顆,顆,苦果切,小頭也,今言物一顆猶 寄,金鈿,金花飾也。 水 髻,古屑切,音結,又音計,綰髮也。 神燈 ,妾當自詣矣!」 宴罷,其人謂潘曰: 異域,不能不念舊也。 且 曰 : 티 : 縱子不憐,如先人之念子何?」娘泫然 「道路阻且遠,會面安可知? 「妾不能竟泯踪跡, 不然已葬黿鼉之腹,安得與君會遇于兹 「爲妾道張郎,如少有舊情, 漢曹娥,父盱能絃歌(一八),爲巫祝,於五月迎神,江上溺死,不 「妾與君本同里閈,開, 今則舊穀既没,新穀又登,宰我問:「二年之喪期已久 我感此情,言歸有日矣!」明日,妃以 不 知 三日後,抱父屍俱浮。 周,時物皆變,喪可止也。 其數。 一頭也。 久罹污衊; 中 胡馬依北風,越鳥巢南枝。」蓋 有一人, 遣赤鯶使者,鯶,音混,魚名。 侯幹切,鄉里也。 「娘子之先人廬屋,桑柘 鄉人以爲神,立廟祀之。 可就江邊設解冤 薄 寧無懷土之心乎?」 衊, 施 彌 垂涕,泫,胡犬切; 泫 朱粉 列切 , 污 乎? 甫 酷 香 爾 類 血 清 忠臣 羅 也。 隔 武 身江水。 潘曰: 樵,樵 紫袱 娘,潘 炎帝之 面 送潘 去 且. 胡 成 娘 何

潘 既歸 詣張 家道意,張初不信,及出金鈿, 駭曰: 「此的吾妻去時物也! 」遂如言設樵黄江 水滸,

竟 冉

冉而没

鳥 滸,火五 生急唤之,但於水中遥謂 羽 注 旄 切 首 水涯 所以進士卒 也。 凡三 也。 一晝夜。 旖, 日 昔 娘果乘 衣,又音倚。 妾感靈妃之德,業以死許之; 綵輿,凝立水波間,從之者, 旎,乃里切; 又年題切。 車子 旖 已然日 旎 可 旂 業。 五十 從 風 多謝良人,不能更住 舒揚 餘 兩 貌 雲 照 旌 耀 旖 江 旎,旌 渚 隨 車 人間 見 旛 隨 没。 析

若。 也。 香 茂 此 之,及還,欲以 復見鄰之子,動作、態度,無似竊鈇者。 磨刀聲,操潛 日 骸 始 又一人告之,其母投杼 玉 知 人有亡鈇者,意其鄰之子。 彼 「人有 骨 呼 欲 縛殺 已 ! 刺董草,其事覺,遂逃走。 爲種 與曾參同姓名者殺 葬 豬 入後堂,聞 甚 江 遂 · 矣 ! 載之以 魚 走 去。 之 人語 腹, 疑似之嫌 歸。 踰 遇 垣 伯 日 安 後 而 奢沽 人,人告其母,母 視其行,竊鈇也, 有 能 走。」孟子 Ł 縛 重 難 酒 行 書 薏苡之車,光武頓疑老將, 而 而殺之!」操疑以 通 至吕伯奢家,原伯奢與操父有思,乃入宿。 譖之者,以 明 還,又刺 消 母 而 息, 事 易惑 亦 日: 殺之。 使 同。 爲 言語,竊鈇也; 貞 也。 前 [吾子不殺人!]織自若。 純之 竊鈇之惑,雖 爲殺己,遂拔劍直入,盡殺男女八人。 氏 所 載 故投杼之疑,雖 設 還 節 之 皆 事 明 動作、態度、無爲而不竊鈇 珠 亦 暴白 鄰 漢馬援在烏蠻時,以薏苡 文犀,光 類 人之子其奚解 是 而 大賢之母 也。 明乎? 武 有頃,人又曰: 伯 怒 奢往 向 之。 非 西村沽 且 天 爲 縛 不 ? 鑒 搜至厨下,見一豬 丈夫者, 殺 也。 免; 酒,操坐 其 釱, 實 之 曾 能輕 俄 誠, 語 音 參殺人!¹J又 而,得 孚, 戰 水不 家中, 毋使佳 曹 國 莝 勝瘴,嘗 其 策》: 公 斫 爲 忽聞 鉄。 至 刀 縛 人 也, 負 織 莊 他 而 至 則 思 自 甘 置 後 食 H 斧

是

哉

校勘記

- [一] 「南昌女子録」,諸本作「南昌女子傳」。
- [二] 「然生性自多疑」,「生」字原無,據諸本加。
- 〔三〕「守孰爲大」,「守」原爲「事」,據《孟子》改。
- 四]「李詩」,「李」原作「韓」,據下詩句改。
- 〔五〕「南園緑草飛蝴蝶」,「草」原作「水」,據原詩改。
- [六]「何不進於相國」,「進」原作「通」,據文意改。
- [七] 「婦過所善諸母」,「過」原作「遇」,據文意改。
- 〔八〕 「然物有相類」,「然」字原無,據文意改。
- [九] 「臣請乞火於曹相國」,「國」字原無,據文意補。
- 〔一○〕「但以他辭實之」,「實」原作「貴」,據諸本改。
- (一一]「武昌北山有石」、「北」字原無。
- 〔一二〕「青血化爲原上草」,「青」原作「清」,據原詩改。
- [一三] 「乍迴迹以心染」,「迴」原作「逈」,據《北山移文》改。
- [一四]命拭之以紅綾暖扇 「紅綾」原作「綾紅」,據諸本改。
- [一五] 「故海嶽之祝」,「祝」原作「祀」,據韓愈原文改。
- [一六]「而禮海嶽」,「禮」原作「祀」,據韓愈原文改。

[一七] 「酷類武娘,潘時時竊視」,二句原倒置,據諸本改。

〔一九〕「包袱也」,「包」原作「袍」,據文意改。〔一八〕「父盱能絃歌」,「盱」原作「旰」,據史實改。



卷之四 李將軍傳

李將軍傳

也。 也。 奪〔一〕。又多置田園,高起樓榭,榭,音謝,屋無室也; 權位既盛,遂行不法,倚刼徒爲心腹,視儒士如仇敵。 性甚驚悍,鷙,擊殺鳥也,凡人好殺者,以鷙比之。悍,勇急也。 方豪傑,遠近響應,各招集徒侣,爲勤王之師。 斥村閭以廣其地,斥,除也。村,聚落也。閭,侣也,二十五家相群侣曰閭。 其州人服役,兄歸則弟往,夫還則妻代,皆肩穿手裂,不勝其勞,而彼心悠然自得。 後陳簡定帝之即位謨渡也,胡爲明滅,俘歸金陵,陳簡定帝即位於長安州謨渡,建元興慶。 東城李友之,亦以田父崛起,崛,平地拔起貌; 又臺上之屋四達亦曰榭。 嗜財好色,貪欲無厭,凡人妻妾,頗有顔色,一切攘 但有力善戰,國公鄧悉保爲將軍,使領鄉兵擊賊。 名花怪石,搬及傍縣。 裒原野而開 謨渡,即今安謨 其池,裒,蒲侯反,减 又勃起曰崛 搬,音盤,移運 起。 四

納,使僕盡言; 人曰:「善惡之著,必積而成; 時有術士入丐其門,頗能言禍福。 勿令苦口見憎,終使轉喉觸諱,則可矣!」轉喉觸諱,韓昌黎《送窮文》。 報應之來,其機不爽。故論數必先論理,而相面不如相心。今將軍暴 李命相之,其人曰: 「利行莫如忠言,愈疾不如苦藥。 李 曰 : 何害!」其 但 公容

改。 依投福 道 心 躬 沸 天雖 時未必之禍 討 有 稠 被 乎?」牖,穿壁以木爲交窗也。 鼎 而 悛,音佺,止也。 枷 其 猛 行 德 沸 天道 鎖 力 何 健,亦將趨避不暇,安能禍及我耶?」術士曰:「將軍自是倔强,未可以言 地 無 ,音怫,泉湧 倔强」。 人輕 昭 士日 就鼎 雖罪 以避天殃哉?」李笑曰: 明, 而 邊浦 愐 輕 僕有叢珠徑寸,照之洞知吉凶,將軍願見之乎? 汝胡 未能即滅,亦可萬分減一。」李沉思良久,曰: 出 貨重 棄數 年四十,以壽終于家,道路驩然相謂曰: 也。 伏,伏,步黑切; 惡本既深,禍機將發。 可 載垂成之功哉?」此後愈肆 强獨殺,不意吾年衰 傍皆鬼頭異相,或持絙 假威權 古者一室,一户一牖. 而 蒲伏, 虐衆,逞奢欲以宣驕。 「吾自有兵徒,自有營壘。 膝行也。 爲今急計[三],莫若 老, 室暗 索,據《正字》,絙當作絕,音桓、音艮,大索也。 睢 復見 故設牖以開明也; 盱 淫狂,斬伐隨意。 駭汗。 壯 兒 被刑戮也!」其子 詩》云: 「爲善者或困兵間, 睢 盱, 遣 」因出諸 手,吾不釋矛戟; 先生且休矣! 諸 音 不 揮 今言牖下,猶言室中 姬 其母輒恨曰: 吁, 知我 妾, 袖中。 仰 者 遣,縱也。 日望 謂 叔款, 視 我 李引目 作惡 也; 我不能此 宣 解 「騙。」既 破 亦 者全死 力,吾可追電 曉 又視周 「好生 好生 却 隨 或 視之,見中 譬。 袁 事 執 逆人心, 池 惡殺, 諫 牖 刀鋸 章 倔 安有逆 貌。 捄 釋 梗 去 戾 問 必干天 終 有 誰 兵 貌。 以救 不 料 烘 無 悛 是 來 爐 隋

胄,各執斧鉞戈鋋之屬, 至期 欲也。 汝之先人,將有鞫訊, 叔 先是,本州人阮 後夕我遣人迎迓 款 就 小 齋 注 逵, 望 鞫 當 鋋, 注 慷 與鞠 有 慨 小矛也。 意 同 在 所 尚 也。 訊獄 覩; 節, 夜 排 素 必窮其情也。 衙 既 但 與 半, 拱 既 叔 扈, 覩之,慎宜緘默,或出一言, 果有 款 契厚, 排 訊,音信,問也。 馱 列 也。 卒 逵死 數 衙 人,邀至大宫殿 已 官 ·解也。 以子相知之熟,故預 一歲矣。 扈, 後從也。 他 禍將 日 殿 晨 移於 Ŀ 陛 Щ, 有 衛 適 來 我矣[四]!」言終不見 嚴 Ξ 遇 報 者,傍立人皆鐵 肅 道。 諸 途 俄見判官四 子若要見,要 謂 叔 款

年, 改寫囑 欲使托生福門,享禄三世,以報全生之恩。」一人曰: 年籍。」一人曰: 未經判斷,王庭請命,今當至矣! 具 Ü 也。 滔 是非之謂愚。 之來, 古 有緋衣者,緋,絳色也。 '書,盡奪其田,使無立錐之地。欲使托生餓隸,輾轉溝壑,以償攘奪之慘。」王皆可其奏。 滔皆是, 塹,七豔切, 闕土爲坑也。 可枚 迴 伏 因緣果報,佛家語。 能無性或昏 交時 之獄 枚。 聞 癘鬼。 ,欲戒 凡數物,個 競起怒嗔,妄生物我,嗔,於真切,怒氣也。 覆 「某州何某,努力爲善,日不暇給,頃因兵燹之後,疾疫大作,攽方施藥,蒙活者千餘 玄黄肇判,分陽清陰濁之形; 雨 翻 明。 往 視文學,實同 而 曰枚,故先儒有「枚舉」之言。 故 必 懲 自右廡趨過,亦前來跪奏曰: 有倚 爾 來, 杜詩: 而 過 形 而不中, 枘 而 幽 聲 」因唱誦彈文曰: 翻手作雲覆手雨,紛紜輕薄何須數, 鑿; 弗 影 沉 悛, 響。 至此,隕越堪憐。 有流而爲惡,吉凶之動,判然而牝牡 枘木耑以入鑿也。 刑之必至。 顧此理本來顯著,奈夫人一是頑 蓋天 民物稟生,有惡業善緣之異。」如 「某村丁某,不睦兄弟,不和 能 堙 今李某,蟲 以 河 鑿,穴木器也。 此九 理賦 「臣所理司, 落井,汩 天垂拔度之科,將警 人,不能 沙之質,蟻 汩 君不見管鮑貧時交,此道 何深; 《史·孟荀傳》: 有姓某名某,頑愚不法, 使 人 皆 愚,心不則德義之 驪 蝨 堙,音 黄; 之 賢 宗族,欺其 斯 聖 軀。 因,塞 種 迷 ; 驪 持方枘欲 種 而 馬純黑 也。 而 覺 音瑟,衣 種種猶 經 諸 暗 塞 能 爲 塹 孫 繋獄期 以 物 頑, 鑿,其能

填坑

襦中蟲

十地

爵位

愈崇

謙

抑

愈

至,又能忘身徇國,爲邦家之光。

又以禄秩驕人,輕蔑有德,未曾獎拔賢士,爲有國之助。

臣請

移

報

南

曹

削落

孤

物

也。

身

率

因

非

是

衙

某

姓

爲

而

臣請奏知帝庭,超授仙品。」一人曰:「某

由

左

即阮逵也,皆持簡向至朱案前跪讀。

一 人 曰 :

「某職某名,在世剛方,不避權貴,然

人貪

、濁,賄賂填門,填,滿也。

素。 戕 重貨 人 扇 財, 禍 殆 較 若 豺 丘 狼 Щ 猛 獸 占 而 人 有 田 加 ; 類 漢 極 紅 欲 陽; 窮 奢 漢 雖 成 溪 帝舅 壑 丘 紅 陽 Ш 侯王 而 不 立,占 足。 墾 畢 草 竟 田 數 貪 萬頃。 i's 所 使, 縱 虐 真 殺 是 奸 邁 隋 之 楊

雄。盍真嚴條,盍,何不也。用懲來者!

不能行貌 宣畢,見吏人驅友之至,跧伏門下,跧,音佺,屈 也。 痛加 鞭楚,流血淋灕,躑 躅 呻 吟, 酷 不 可忍。 躑躅, 音 逐

王曰: 也,與 腑流 出 破古人之墳墓,喪同胞之叙倫,又如何議決?」王默然久之,徐曰: 撑腸,ヒ,補米切,匙也; 間復作人形。又曰: 輕 鐵杖,未足爲快,但當押 期。」鬼吏再牽之去 議,今來奏閱,始正 (啄同。 布,復以楊枝輕拂,俄頃際又具全體。 忽聞殿上言曰:「分曹對局,卿等之職,何至稽滯,須一年耶?」緋衣者曰: 「此爲愛河所溺,當以濃湯滌胃,使情欲不生。」左右即曳投沸鼎,肢體糜爛 蝮蛇齧其腹 章刑。」因陳奏數其罪曰:「凡摟人之妻,淫人之女,摟,郎斗 ·, 蝮 此言上,乃匕首,劍屬,形似匕,短 「凡彼占人之田,破人之産,如何議決?」王曰: 赴 九 音 幽 福 獄, 黄頷身短 押,檢束也。 而白 石勒愛子暴病卒,圖澄取楊枝沾水(六),灑而呪之,復甦。 斑 以皮索纏其頭,以火錐 首尾相似。 而便用也。 齧, 加「口」,贅。 撑,拄也。 釘其 「此乃無厭虐厲,雖 使貪心不起。」左右即剖開 沉 「此爲貪泉所汩汩(五),當以 淪 足, **刧刼,**梵書以 飢 鷹 切, 喙 牽取也。 此囚罪 仍以神冰微 其 胸 刀山 世 又曰: 喙, 呼 盈 如 爲 劍 惡積,未 何 刼 貴 樹 點, 胸 議 切 決? 腹, 强 須 銅 至 永 漿 於 臟 臾 敢 無 食

哭,言死已二日矣,但胸間氣息微温,未敢收葬。 時 叔款於墻隙 間 窺見,失聲幾哭,數鬼卒急以拳掩口,復送歸家,於空中 叔款屏去妻孥,破貲焚券,馮驩爲客於孟嘗君,後 擲下 始大驚覺。 君使驩 見家 人環 收債

驩既至,悉呼負債人以券焚之。入山中採藥。其事秘之不泄,惟叔款及蒼頭數人知之,故罕傳也。

某既見知之,又從而肆之,此又一等不移人,聖人云: 人既不見,刑於死人又不知,此世所以多亂臣賊子, 天之道,至公而無私; 天之網,雖疏而不漏。 「唯上智與下愚不移。」駁乎無以議爲也! 縱使見之、知之,雖使爲惡,亦惡乎敢? 故或生前免禍,而死後被刑。 但禍 然李 於生

校勘記

- [一] 「凡人妻妾,頗有顏色,一切攘奪」,諸本無此三句。
- [二]「手,吾不釋矛戟, 力,吾可追電風」,諸本作「吾手不釋矛戟,吾力可追電風」。
- [三]「爲今急計」,「爲今」原作「今爲」,據諸本改。
- [四]「禍將移於我矣」,「於」字原無,據諸本加。
- [五]「此爲貪泉所汩」,「泉」原作「源」,據諸本改。
- 〔六〕「圖澄取楊枝沾水」,「圖」原作「周」,據《晉書》改。

麗娘傳

止如是也 多邀錢幣,人謂賣婚,命高士廉刊正其姓氏。 緣,必以相配,平户議婚,何必崔、盧、李、鄭。 唐太宗以山東崔、盧、李、鄭,世家衰微,已無冠蓋,猶負世望,婚姻之間 有吟詠。 城外,鄰比交接,比,密也。 而, 阮果生女曰麗娘, 李果生男曰佛 公洞,在永福縣天域社。 阮 氏琰,東山大姓,陳渴真之從表妹也。 必相 唱和,和,胡臥切,應和也。 乞靈祈嗣,李氏謂阮氏曰: 《周禮司徒》: 生。 山神在彼,吾不食言。」食言,謂言已出而變易之,猶食已吐 「五家爲比。」今同里相聚爲比鄰。 雖聘 年及長成,二十日成。 期未定,而兩情私許,不啻夫妻焉。 琰,以淺切,璧上起美色也。 我等於城市間 俱好紙筆,以父母相厚之故, 情 相識,今日之事,不約而同, 好轉密; 與錦 江商婦李氏,對 啻與翅同音; 然俱未有子。 開 而復吞之也。 往來無間 不啻〔一〕,言不 粉 庸于 倘 \Box 香火有 西 就 每 已 都 壺

真與陳沆等謀誅之[二],不克被殺,盡没其家。 胡 建 興己卯 · 建 興,胡年 號 原建新、始改。 女遂入宫,生大失所望。 遭渴真之禍,陳渴真,永寧河朗人,三世爲上將 後值除夕,除,消易也, 軍。 新歲舊歲相交易,故曰 陳末,季犛弑 順 宗、渴

出 亦曰 十二月三十日 排 蓋取 急遽直推義。 [夜也。 五更歇, 見百餘綵轎, 生尚寢, 轎,古吊切 忽聞 喑啞聲,排 儋輿 也。 門一起,喑啞 浬 迤前過, 選迤, 音里 ,發怒聲。 夷,相 排,按 連 《正字》: 接也。 已有 直 入日 帛書 排 著 突兹 欄 楯 直

間

楯

音闌盾,階除木勾欄也,王逸云:

縱曰欄,

横曰楯。」乃麗娘手跡也,書曰:

之思, 浪 腸 形 江 詩 切 公問晏子曰: 别 時; ,還 云: 夏,姜使君之館有小青衣曰玉 而悲鳴, ,甚愛之,欲其鳴而不能致,乃饗以珍羞,三年不鳴,夫人曰: 魂言: 食東風御柳斜; 率 離 妾聞 而 帝城不禁東流水,葉上題詩寄與誰?」但 逾八年不至, 簫絕食而殞。 誤 入深宫去,年年不見春, 古 度,過 奮而絶。 百年之計。 「今不與君並 詩: 《詩》云: 吾何脩而 天有陰陽,天道以之而備, 「上絃驚《别鶴》,下絃離《孤鸞》。」春城 琴 柳氏 日 操《 暮漢宫傳蠟燭,輕烟散入五侯家。」流水御溝 可以比先王觀也?」脩,飭也。 會,待一紀當復夫婦。」故曰他 悠悠心緒,悠悠,思之長也。 有女仳離。」竟落 重歸之約,好會難期; 别 簫,年七歲,常令侍奉, 鶴 後十年,章理蜀,作 聊題 商陵牧子娶妻,五年無子,父母欲爲改妻,其 一片葉,寄與有情人。」況復題詩泛波中,詩 樓前之影,長緘 有幽 人有夫婦,人道以之而成。」 嗟我何脩? 生日,東川 愁種 昔時 年長 生。 書 柳氏,解見《翠綃》。 日 有情。 不 未卜,未可知 暮,柳斜寒食東 種, 心事,久已相 盡言 院裏之春。 「嘗聞鳥見其類而後鳴,何不懸鏡以映?」王從之,鸞覩 盧送 清 韋去,與 淚 ,未得鈎 腸 波波。 歌姬 也。 斷上陽宫女。 玉 一簫約 玉 關 來,亦號玉簫,觀之,乃真玉 每 願 旨,先此申 風 簫再合之緣,他生未卜。 悵 怕 君自愛, 妻聞 日 宿 云: 鏡 今日 韓翃 願 舞 之,終夜悲嘯,牧子感之,援琴作 「後七年再來。」遺 「花落深宫驚 之多 離 仳 《寒食詩》: 覆 别 唐 灣,罽賓王結置 離,翻 顧況 締 違, 良 於 笑此生之 成 媒 與君 御 亦悲,上 永 溝 「春城無處不繁 簫 玉 得 不 簫 無 一峻卯 韋皐 偶 陽宫女 以 紅 以 化,普 唐 浪 玉 葉,有 Щ, 貴妃 少遊 環 度。 日 景 并 獲 弭

生見書,大加傷感,寢食俱廢; 然亦以婚事不成,竟遄東徙,遇,重員切, 速也。 感娘此情,未忍他

來; 其略曰: 援,心知麗 亥年冬十月初二日即位于長安州謨渡。 女數百,據天長府,呂毅,明裨將,都司職。 丁亥年五月,漢倉敗。 胡氏末,明將張輔 娘 在此; 但徒手人鄉,無以爲計。 分兵入寇,侵掠京 意麗娘必在驅中,乃辭母之南,冀可相見。 以衆寡不敵,欲退還義安[五],生欲藉其兵勢襲取 張輔、沐晟擒胡乃班師,留吕毅、黄福鎮守。 城。 張輔, 會簡定帝起兵長安州, 號右副 將軍 新 城侯[四]。 旬日始達神符海 帝,陳藝宗次子,胡末起兵,興 生 後敗於逋姑,爲鄧悉所殺。 聞 漢 首失 麗 娘, 守, 聞 乃 丙戌年九 賊 就 將吕 復 馬 陳 前 毅 孤 月 室 獻 軍 領 明 以 策 無 婦 將 Ţ

蟲 公 屍 出 日 又 行毒 有 養蜂别 治也, 庭》。 壯馬,其吉 則 臣 也。 所 逐北旬 聞 理也。 置 謂蝸者,君知之乎?」曰: 蝸争遠徼; 首尾 江》。 一室 致令百餘年安樂之區 可 有五日而後反。」君曰: 俱能 ,賊破户,忽有蜜蜂數萬頭從衣簏出,同時噬螫,群賊身首腫 吴子生心。 知。 拯涣成功,固 蜂 螫郊畿。 藏 禦 入殼中,本名蝸 魏惠王與齊威王約、威王背之、惠王怒、將使人刺之。 戎得策 黄、 元嘉元年,建安郡 因 實本 觀乘虎托之威,黄中、韓觀二人,皆明將,先來, 興 「然!」日 轉 蟲,以 運; 噫! 廟 作 有兩 謨。」故攻人必審於致 數十 《易涣卦》: 其虚言與?」曰: 角,故以牛名。 「有國於蝸之左角曰觸氏,有國於蝸之右角曰 山賊百餘人,掩破郡治,抄掠百姓資産子女,遂 合紛拏之地。 初 六 徼,音效,邊境也,西 臣 用 拏, 請爲君實之。」見《南華經》。 拯馬 人, 乃遐切, 痛,兩眼盲合,先諸所掠,皆 壯。 而破 惠子聞之而見戴晉人[六]。 古。」言 敵 攫 執也。 當 南謂 明 值涣散之始而 之徼。 沐晟亦明將,後 於料 《去 蠻 病 敵。 入府庫 沭 氏 傳 蝸牛, 時相 晟 拯 棄 昨 逞 掠 之, 而走。 者 頭 來。 與 財寶。 鴟 匈 戴晉人謂 有兩 争地 胡 則 張 奴 虎托,解見 朝 爲 螫,音 相 之 力 先是,郡 而 紛拏。」 失 戰、伏 既 惠王 行 御 易, 則 鴟

卷之四 麗娘傳

抵,至 洛陽 趙 聞 共 奔 必 注: 車 氏 後 陟 相 則 以 竄 宗 !」今大王憤陳家之不造, 禹之迹。」陟 電 長 燃 撞 應 波。 須 炊 爲長 室以 直入武庫? 簡 也。 撥 江 古弄之城。 掣,從天之勢力張; 從 定帝即位,乃殺明 亂 音 椿, 之 相 亂 歸 相 ,故曰 合 平 粉 浮 宏才, 險。 接,燃 音 ,簡定帝竄行至謨渡, 縛 灘, 則 擊 骨 莊,撅 也。 , 升 長 衡 在北 《三國》: 爲 穀。 鼓 也。 方建 ,俗然字, 析 孤 諸 槌 糧。 撞,擊也。 杙 侯聞之,以爲將軍從天而下也。」霧 江 也。 骸 也。 徑 如 ,簡定帝進兵下洪,駐營於此。 蘇 直 官 扶 供 粉,研 何 秦説 田 「張 燒也。 幔 ,領衆來會,帝封爲 顛 爨、《左 也。 遇 單 厨 偉 米 昭謂 鯁 攻 敵 六國抗 漢 津,古名拖模 鹹子,屬 基率衆立之。 爲細 奮 績。 狄 賊 周亞夫攻七國時,發兵榮陽,至覇上,趙涉遊說 以 蒭,俗芻字,草 傳》 孫權 夏旅 牙於 援 班 末 秦日 季 枹鼓之,狄 師 日 也。 山 氏 以 白 ? 從,張儀説 敝邑易子而 南,重光帝嘗命鄧容守此。 欲 圖 洲。 鶴 國 沿 伐顓 將軍 海道 古 公。 囘。 也。 灣 河 宜 人乃下。 陸 之 頭 臾, 大勢可以拒操者,長江也。 後帝信 招 夏少康 犀 張 六國 勿容方軌之車,左車曰: 步軍 億 冉 食,析 無 鄧 朗 齊賢伐契丹,列幟燃藝,賊疑援兵至而走,遂 舟勁棹,直 萬 求不能諫止, 事 令轉 悉於演州,悉,演州東城人,仕胡爲化州大知 雲清,復土之功可必。 長穀 讒殺之。 有衆一 生 西 秦 骸 都 靈 日 以 食; 衡。 高 之 , 誰 爨。」謂 旅。 鋒,徑 形 抵平 留 我 無 或 夫子貴之曰: 勢既 鯁,骨不下咽也。 肇 持三千不滿之兵,當 軍 轉 切 命將 灘; 基於 中乏食之慘。 趨 戰 齒 張 鹹子。 今操 ? 以 日 而 謨 東土之藩 犀,音西,堅 無 扼 得 據 渡。 井陘之道(七),車不 前 木 荆州 將軍何不右去,走 方 郡 穀,車 丸之口 危而不 望 析, 植 之 陳肇基, 師 長 椿 還 四 行 音 輻所 也。 江之 籬 樹 都 昔 持, 方 席 ,扼,把 五 自 棹,直 天長人,時 凑 豪 於 克捷。 上 險與我共之矣!」」夜 而 破 顛 道 古 也 木 傑 幔 陟 而 莫 教 藍 州。 不 捉 迹 厨 得 將 强 咸 彼 晝 切, 田 兵 扶 折 ,《書》: 方軌。」 津 車 明 出 之寇。 扶 胡 見 有 則 也。 進 將 尾 滅 之穀比 人榜收 戰 傷 韓 枹 或 武 船 焉 水 降 爨, 攻 鼓 用 分 13 而 用 也。 明。 莫 則 相 遏 大 以 雷 不 兵 音 ! 抵 彼

暇 敗 在 眼 中。 縱 猶 豫 而 狐 疑,猶 豫 獸 名 性多疑 毎 聞 人聲 輒登木,久之無人然 後下,須臾又上, 如 此 非 一,故 處

不 日 猶 豫。 狐 性 多 疑, 故 世 有 狐 疑」之説。 恐 鼠 噍 而 雉 竄 時 難 再 得 王 請 勿 疑 伏 望 竪 漢 之 旗 反 唐

之 音 佩 繼 旐 日 斾 旐 是 旂 身 斾 是 旅 尾 即 旂 旒 也 唐 肅宗 收 兵 靈 武 反 斾 而 東。 吾 軍 雲 合 倘 同 時

協

力

以

併 攻 彼 虜 天 亡,將 兀 馬 隻輪之 不返

出 班 進 策 塞,因 師 進,簡定 詔 毅 書至者,費, 果 與將校揮 拔 帝 壘 讀 宵 愐 奇之, 遁 手爲別 俗 齎字, 北 給兵五 住 晚 持遺也。 昌 投 江 北 百八八, 又連 張 峩驛 輔 破 督 使分擊天 之, 諸 軍 退保 還 Ŀ 諒 長。 道 Ш 有日矣。 北 生慷 峩 驛。 慨 誓衆, 生本爲 生又 諭 按 求妻而 以 據 興 鬼 復 門 來, 陳 扬 祚 初 調 無立 1: 度 皆 兵 功之志,及聞 踴 糧 躍 會 因 有 燕 乘 潮 北 兵 夜

輩 齒 曷若委填 Ш 頂日 質輕 軍 如郎 時 椒。 殺 泣 驛 蒲 君 氣 丘 柳 舍蕭: 乃 甚 所 壑, 携 命薄 道, 嚴 條 生至其所, 我爲汝遠來,獨 密 不幸銜冤死矣! 日又暮矣,郎 朱鉛 邇 無 鄉 鉛, 弱 訪 歷指之曰: 問 免作 音延 適 錫 何從 不能 北朝 見 類 村嫗 問 於 孤 至,未向 夢 其詳,則曰: 鬼矣!』 又鉛 問 貞純剛 中 之,嫗, 粉 以 人家投宿? 胡 因皆自 烈,只此數人,其餘不勝污辱矣!」 粉 言相 余 也。 據 前 勞耶? 切 盡 或 Ŧi. 母 破 」生慘然備言來意 日 也; 家亡, 將 |夜既半, 軍 北 今 憫其 軍方欲旋駕 流 俗 離 稱 有 見麗 老 至. 操, 婦 此。 日 娘 操,七到 嫗。 冉 嫗 若 阮氏謂朱、鄭二夫人曰: 冉 更從 嫗 们 切,節也。 生不覺 顰 至, 出 眉 噫 塞 泣 告 大慟。 叙 Ħ 便 以禮 É 果 是 有 他 葬 是夕, 是 此 在 鄉 姓 處 Ш 風 名 常 大 椒 景; 我 宿 駐

朱 樓 有 恨 出 自凡 對 流[九] 斜 暉 過 青 蒙 鳥 厚 無媒, 遇。 緣 誰將 未 諧 來 信? 於 錦 帳, 悵 容 分 光之減舊, 已 薄 於 春 冰。 度 歲月以 時 與 志 偷 生。 而 俱 違, 誰 料 妾 赤 辭 觜 君 歌 而 遠 ,陳藝 逝

運 也。 樂 深思之, 宗爲上皇,時夢見睿宗誦詩曰: 13 其 之 而 如三秋兮。」涉水踰)其字曰 不馴 所自生; 零 愧 遭。 而勢不 良 燈 人之 馴 前 ,從也,善 始 可爲 禮 遠 不 魂 ,不忘其本。 觜猴 也。 能 訪 隨 · 婦 也。 全節以從夫,終又忍甘心於降 戰 山 季犛也、蓋季犛 紅 鼓 人稱夫曰良 顔 備 欲 禍 古之人有言 艱 出 中 起。 嘗險[□○]。 蒼黄客 塞 間 而 人。 惟 燕 丙 遥 有 裏,香 申 日: 兵 征 撫 赤 胡 歲 則 往 觜猴, 也。 狐 騎 同 將 事 狐 死 莫遏 倉; 白鷄,上皇也,蓋上皇辛酉 以 随 慇懃譖上 丘 正 長 丘 緣 易 蒼黄, 首。 侵陵; 嗟。 而 感。 虜。 苟 白 仁也。」是 急遽失措貌。 敢 合, 太 鷄 寄 述 公封於 樓; 隻身於萬 則 禁 幽 狼 柳 懷,幸 以 口 營丘 子 宫 王 不 難 花 歲 已定興亡事,不 命寄羅 貪生 死,度 垂 也。 比 馴 幾 知 及五 ; 愁 活, 口 悉。 巾。 王 世,皆 攀 狼 性 不 日 折。 國也。 多食, 怕 今 如 反 在 拘 則 Ξ 葬 恨 前 其 於 囚 秋。 靈 殘 頭 興亡在後見之。」上 周。 孩 在 性 軀 孺 後 怕 《詩 雖 之多誤 如 君 頭。」 存 普 豺 子 狼 日 Ł 殘 之子,野 切 嗟 皇 骸 日 畏 自 樂, 非 厄 不 懼 皇 折

也。 穴中卒出 意不報? 三人來謝,方再欲叙話,已失所在矣。 遂夫妻講 不必 也。 重 歡論 但妾與二美人相從日久,交情親熟,不忍一朝捨去; 煩 按相 移葬也。」及鷄三號,急起 書, 如 賦: 如平 生。 勃容。」注云:「行緩貌。」今言雲烟勃窣,意 生 E: 「汝既不幸,我將携 竟惆 爲 别。 悵 歸 明 來, Η, 後不再娶。 生以 銀 殯歸. 數 兩 來,免使空行空返。」 買 況此地 亦取寬緩 棺 材 香湯, 溪山 義 明媚 神安魄妥,妥, 併二美人改葬之。 娘 雲烟 日 勃 突, 窣, 蘇骨切 土火切 感君 後夜, 深 · 安 情 也 從 見 厚

及黎太祖起兵藍 Щ 鄉,生以宿恨未償,宿猶素也。 將兵應募, 凡遇明朝將校〔一〕, 無不剪減, 故盪平 旲

寇, 生多有力焉

嗚 呼 信 近 於 義, 言 可復 也; 義 或 未安, 何 其 言之復? 彼 李 生 者, 以 思 情 之故, 堅守 前

冒死以求之猶不可,況不娶而絶先人之嗣其可乎? 是故君子有權焉,未嘗執一也。「所存者小,所 患難流離,不忘信約,其情可哀,於義則未安也。 何則? 感情而求之則可,冒死以求之則不可,

失者大。」其李生之謂歟?

校勘記

〔一〕「啻與翅同音; 不啻」、「音不啻」三字原無,據文意補。案此注文「同」有「同音」義,下一篇有「翅同啻」句,今徑

改爲「翅、音同啻」,不贅注。

[二] 「渴真與陳沆等謀誅之」,「沅」原作「阮」,據《大越史記全書》改。

[三] 「遺玉簫以玉環并詩」,「遺玉簫以」四字原作「玉簫遺以」,據文意改。

[四] 「號右副將軍新城侯」,「城」原作「成」,據文意改。

[五] 「欲退還義安」,「義安」原作「長安」,據諸本改。

[六] 「惠子聞之而見戴晉人」,「子」原作「王」,據《莊子》改。

〔七〕 「井陘之道」,「陘」原作「徑」,據《史記》改。

〔八〕 「給兵五百」,「五百」原作「五千」,據前「持三千不滿之兵」句與諸本改。

〔九〕 「妾出自凡流」,「凡」原作「風」,據諸本改。

[一〇]「備艱嘗險」,原作「備嘗艱險」,據諸本改,以與「涉水踰山」相對。

[一一] 「凡遇明朝將校」,「朝」字原無,據諸本加。

坡上。

卷之四 金華詩話記

金華詩話記

輒 祖大會賓客,有獻鸚鵡者,祖舉巵於禰衡曰:「願先生賦之,以娱賓客。」禰衡攬筆而作,文不加點。 或八面皆可書,以有圭角,故謂之觚。 能誦《詩》《書》屬文稱於郡中[二]。」注:「屬謂綴輯也。」歌詞尤妙。 操 觚侍側; 金華女人名蘭之〔〕,姓吴氏,乃符先生之賢内助也。 觚,音姑,竹木簡也。 或以觚爲筆,非也。 按陸機《文賦》云:「或操觚以率爾。」注: 凡有擬作,必應命而就,文不加點。 黎朝淳皇帝愛其辭博,使教授宫中。 工於詩,善屬文,屬,之六切。《漢‧賈誼傳》: 觚者,學書之牘,或以記事,削木爲之,六面 年四十餘而卒,葬西原 擬,像也,揣度以待也。 每遊宴, 以 黄

所阻。 四 以几偃臥而睡,故名胡床。 面竹木森然。子編窘甚求宿,窘,迫也,困也。閽者不納。望見老人據胡床而中坐,按胡床,即今交椅也,胡人 端慶末,士子毛子編負笈京師,漢李固負笈從師。 村墟既遠,日又暮黑,忽引目南注,注,意所向也。 傍有美人,履珠簪玉,如妃嬪之狀,遥謂把門人曰:「更闌夜寂,天氣甚惡,人來借 日久思家,歸于太原之洞喜縣,途經金華,偶 見火光隱約,隱約,微小也。 急趨就之,乃茅屋數間, 爲 風 雨

也; 歇,歇,休息也。 凡官治所曰廳事 汝又深拒,使彼安所歸乎?」子編遂攝衣步入,假憩前廳南畔。 憩,音契,息也。 廳,他經 切 中 庭

涉。 也。 老先生。 六尺可爲屛風者,故有雲母之名。 屏,音平,蔽也。 差下一等。公見夫人所製雲母屏《四時詞》,讀之,方臺山出雲母土,人候雲所出之處,于下掘取, 先生良苦矣!」曰:: 乘紫騾徑造。 將及二鼓,有一人鬚眉半白,鳶肩峭聳,《相經》云: 即東西命席,對坐論文,夫人預焉,《曲禮》:「天子有后、有夫人。」注:「夫,扶也,言扶持於夫也。」但席次 騾,郎何切,驢父馬母所生。 「業已成約,不忍孤負; 造,七到切,至也。老人下階延揖 其辭 但恨滿城風雨,不能圓邠老吟魂耳[三]!]宋孫覺,號 「火色鳶肩,馬周三十 百 : 逢唐帝。」峭, 「跋涉遠訪,草行爲跋, 七妙切, 無不大獲,有長五 Щ 峻 也。 ,水行爲 聳,高

苦 量日影,冬至後,日添長一 不斷,故人呼爲鶯梭。 傾 絮度鶯梭,柳蕊中細黑子落,出 初 身含笑過牙床。 熏人天似 繞檻 醉, 線。 舊解: 艷 花鬚穿蝶翅。 陽 線、先見切、絲縷也。 樓臺浮暖 「含笑,無聲之笑。 如白絨 日 氣; 檻,窗版也。 絮; 世以爲 杜詩: 粉汗微微沁 牙床,齒兩腭 花,非 翅,音同啻,翼也。 競將明媚色, 也。 緑裳; 也。 梭, 桑柯切, 照眼艷陽天。」言花草光彩艷映於日 沁,七禁切,以物探水也。 階 前 織 具所以 紅 線 日 行 添長 緯 也 晉 黄 魏間, 鶯穿 小子不知 飛 宫中以 花 間 春 往 隔 紅 思 簾

右第一幅春詞

打鞦 轣 風 院 吹榴 花 鞦 紅片片,吹,平聲爲 韆,音秋千,繩戲 也,乃北方山戎戲以習 風 聲, 仄聲爲 輕趫 石榴 者, 五 月開 唐宫中立之爲樂,呼爲半仙 花,花有 黄、 赤二色, 實 戲。 有 酸、 傷 春 背立 苦三味。 黄鶯,背 佳 人開

與 簾人唤起,香魂終不 (俏通,反面也。 《禮投壺》: 到 遼 西。 「毋借立。」惜景哀啼雙紫燕。 蓋嘉運《伊州歌》云: 「打起黄鶯兒,莫教啼上枝, 停針無語翠眉低,倦倚紗 啼 時 驚妾夢,不得到 窗夢 欲迷; 遼 西 却怪 捲

右第二幅夏詞

冷。 丈蓮 事 音今,力所勝也。 立」、「主人阼階東疑立」。 也。 飛螢夜度碧闌干,螢,腐草所化,腹下有火,夜飛有光。 殘 清 按 玉 商 簫有大有小,其大者二十四 井 一作清商,秋也。 香 ,韓詩: 公《詠春寒》詩: 瑶臺何處覔驂鸞? 「太液峯頭玉井蓮,開 浮空澄霽景[四],霜信遥將孤 管無 「側側輕寒剪剪風。」聲斷 底,謂 之洞 花十丈藕如 **驂鸞,**仙 簫。 凝立,正 人所乘車也,言以鸞服車,猶 船。二三更 洞簫凝立久,古詩: 闡板之間,横曰闡,縱曰 鴈影; 立自定貌,與疑立同[五]、鄉 楓 落吴 北方白鴈、秋深乃來、來則霜 江 冷。 以馬驂乘也。 干。 「洞簫聲斷鳳 崔 信 衣 明《咏 射 薄 禮 難 景》詩: 臺空。」指蕭史、 禁剪 降,謂 賓升 剪 之霜 「楓落吴江 寒 西階 信。 弄玉 Ŀ 十 疑

右第三幅秋詞

名。 信 流 蘇 也。 于 雪將冷意透疏簾, 帳,四 林 和靖好: 爐撥火銀瓶 角安純 梅。嘗 金龍 結廬于西湖之孤山 小,一 頭,衡五 風 遞 盃羅 輕冰落寒沼。 色流蘇。 浮 破 種 清曉; 紙户雲窗片片糊; 焉。 《瓊苑中梅花》詩云: 美人金帳掩 羅 浮,酒 名。 流蘇, 按 暗 酒乃羅 裡 流蘇,義見前。 西湖景致小山 挽 浮 囘 春先生所造,因 春世界,一 孤。 石虎御床, 株芳信小山孤。 以 得 辟方三丈,冬月施熟 名; 云 以 羅 芳信 浮 Ш 錦 梅 得

右第四幅冬詞

見張 讀訖 之能。 赤鸚鵡 已半年;]人見之曰: 」遂隱其賦。 銯舊畫曰: 詔 群臣爲賦。 南 古人云: 「名下定無虚士! 州 時有袁淑、文冠當時、作賦畢,以示謝莊; 誰謂: 無我,安知夫人之絶唱? 此虜亦能詩?」及見「人歸落鴈後,思在發花前。」之句,乃大嘆曰: 『名下無虚』,誠確論 我若無夫人,亦安知一時之傑作(六)? 也! 」陳薛道衡,有詩名,聘齊,作《人日》詩云: 及見莊賦, · 嘆 曰: 「江東無我,卿當獨 「名下固 秀; 宋文帝時,南平王 無虚士! 立春纔七日, 我若 無卿, 又閻 亦 樂獻 立 離 時

Ξ̈́ 升故處,雄王時, 藝〔八〕,如拆襪線,無一條長。」安敢望名公之萬一! 劍,君無憂也!」王賜之,即躍 武寧,即今武江。 白居易詩云: 夫人曰: 扶董鄉有富家生一 「每被元老偷格律。」綴,音贅,聯也。 我才襪線,自謙才短日 衛靈 Ш 馬按劍而 在金華。 男,三歲餘不能言。 前, 漫 破 然題 賊于武寧 襪線,僞蜀吏部 Щ 《禮内則》: 適有賊,王令人求能却敵,忽能言,告其母邀天使來: 幸而遭際先朝,日承筆硯,故稍通 遂 躍馬, 尚書韓昭,多能而皆不精,朝士李台瑕云(七): 至衛靈山 請補綴 成文曰章。」一日,妾遊衛靈山 騰空而去。 王命立廟時 裕律, 祀焉。 補綴 李朝 成章。 乃董天王 願 封 得 韓 爲冲 鐵 八 格, 天神 座 飛 鐵 式 事

允 也,今呼爲一副。」又一日,上 數月,流傳宫中,上大加稱賞,賜女衣一襲。 許諾曰允。 顧謂妾曰: 春 樹白雲寒〔九〕,萬紫千紅艷世間 御青陽門,命阮侍書製《鴛鴦詞》,《鴛鴦》,曲名, 『汝亦佳作綺詞藻句,豈有限禁耶?』 妾遂一揮立就,末聯有曰 衣單複具曰 鐵 馬在天名在史,英靈 . 襲。 《漢[書]叔孫通 ~。 傳》: [厢》有 凛 凛 滿 《鴛 「賜衣一襲。」注: 江 為 Ш 煞 詞 曲 成, 凝碧 「上下皆 玉 陶 音 成 未 具

之力也。 之。錠通作餅,碩金銀形似餅者。 亡之作曰挽詩,亦作輓 俗通》云天子『新崩,未有定謚,故總其名曰大行皇帝(一〇)。』」按聖宗淳皇帝在位三十八年,壽五十六歲。 金殿瓦,皺紅織就錦江羅。』皺,側救、俱右二切,革文蹙也。 及淳皇帝大行之日,李善《文選注》云: 《通雅》曰:「鉼亦謂之笏,猶今之謂錠也。」自是顯名當時,取重墨客,大抵皆先皇 「《周書》曰: 上獎嘆移時,賜黄金五錠,又以『符家女學士』呼 『謚者,行之跡; 是以大行受大名,細行受細名。』又《風 嘗作挽詞云: 悼

速報 擁 不知人,及寤,語大夫曰: 所,恍隔真遊。」又隋煬江都建宫成,幸之曰: 帝崩,葬 坡,食苟簡之田,立不貨之圃,古者謂是采真之遊。」 花催上苑爲 也?」公孫卿對曰: ,真遊無處勇,真遊,真仙之遊。 三十餘年拱紫宸,帝王所居之宫曰紫宸。 知 橋 Щ 花須連夜發,莫待曉風吹。」侵晨,名花皆開。 空棺 無尸,唯劍舄在。 「黄帝已升仙上天,群臣葬其衣冠[一三]。」 「我夢之帝所,游於鈞天,廣樂九奏萬舞〔一一〕,其聲動人。」悵望橋山拭淚巾。」《史記》: 按《挽寧宗》詩: 漢武帝因巡 「使真仙遊此,亦當自迷,目之曰迷樓。」又《莊子》云: 九州 朔方,還祭黄帝於橋山。 「寶輦扶蒼鶴,雲韶擁玉班。」又孝宗登遐,群臣表云: 四海囿同仁; 又羯鼓催花,明皇事。 誰春? 東 唐 上曰: 西地 武后將遊上苑,宣韶曰: 夜來猶作 拓輿圖 「吾聞黄帝不死,今有塚[一二],何 大,皇帝天恢 - 鉤《韶 「古之至人,遊 》夢 ,趙簡子疾,五 明朝遊上苑,火 事 乘白雲于帝 業 逍遥之 黄 雲 日

 \bar{z} 然,非失之輕浮,則傷於嘲怨,賦《高唐》者致疵神女,解見《徐式》。歌《七夕》者貽誚天孫,張文潛作《七夕歌》 意致。 蓋古昔之詩,以雄渾爲本,以平淡爲工,語雖 「河東美人天帝女,機杼年年勞玉指。 「若此作者,雖尖新不足,而哀慕有餘,「爲文章必擺落尖新,期到古人。」見《韻府》。 帝憐獨居無與娱,河西嫁與牛郎夫。 短 而 意則長,辭雖近而旨則遠; 自從嫁後廢織絍,玉鬢雲鬟朝暮梳。」構謗造 尖,末鋭也。 今之作 者乃大不 深得古人

誣,莫斯爲甚。 此我所以傷時而憫景也! 」

中石鼎 見而 頴含譏。 謂之蕭家公主。 殿之仙也,而詠之者乃曰: 微作蒼蠅聲。 致死君前。」因自投樓下而死。 之,善吹笛。 郎見沈郎 妻竊之,奔入月宫,是爲蟾蜍。 是爲非,輕以文字見戲哉?」公曰: 君子於名教中自 六更留得曉 《翠綃》。 安道見后 土夫人相召, 不之嫌 夫人傾聽,不覺墮淚,公叩之,則曰: 索 詩 斥 毛頴 阿 劉 孫秀使人求之,崇不許, 皆 眠]弄玉,解見《徐式》。 武 筆也。 隨 喜詩 不久,公主遂卒。 脱潁含譏 遲。』《開 則 往 有樂地,晉吏部畢卓 成 謗 來 遂與俱往。 彌 貽 彌明笑之。 而 朔 元遺事》: 后 無所 韓文。 夜宿劉 故 士, 崔郊詩曰: 唐李義 間; 故詩者乃曰: 又云: 『姮娥應悔偷靈藥,碧海青天夜夜心。』姮娥,后羿妻也。 阿, 安能挽瀘江之水,爲前 沈亞之《秦臺夢》記亞之出長安城,過高泉,宿邸舍。 師服家, 因 秀怒,勸趙王 音 高 宫漏有六更,君王得晏起。」有曰: Щ 遏 吟 豈意淺夫薄子,言多不遜,每每播之篇什,有曰: 盗飲比舍郎酒,爲掌酒所縛,樂廣笑曰: 作詩。 EI: 「公子王孫逐後塵,緑珠垂淚濕 有 冥數 發 「豈獨夫人然耶? 侯喜 語 「如何……。」入侯門則言托緑珠,梁氏女緑珠,有容貌,石崇以真 公當與 誅之。 辭。 弄 龍 新 「妾久侍淳皇, 玉,飛升之女也,而賦之者乃曰: 頭 在。 (爲夫婦,交拜留 唐 縮 武 崇在樓上,甲士到門,崇謂 菌 新有詩聲,夜與 后 益 臨 人洗惡詩哉?」夫人收淚曰: ,
豕腹 朝 春 古來貞烈,困 漲彭亨。」有似譏二子; 歷 宿。 風 事 屢 (劉詩 此 動 憲 羅 唐 『君王要欲消 壁 廟, ф ; 人述奇遇, 彌 衣塵, 明 雖結君臣之義, 緑 「名教内自有樂地。」何 在 侯門一入深如海,從此 於嘲謔之筆者何 唐臣 珠曰: 側 夢秦穆公召見,以女妻之,即 猶 貌 不敢揚 極 有避諱 閑 又高 「我爲爾得罪。」緑 醜 如何 恨, 君之惡, 喜新視若 羿得不死之藥於西 踞大 也。 應 實同 非 後 『宴罷: 唤 唱 無 日 公知悉 乃移 限 金華學士來。 Ē 蕭 必 父子之親 秦臺 無 不 ! 郎 掩 龍 肆 謗 是路 珠泣 樓詩 於 夢 無 情 且 時 彌 則 弄玉 生 姮 爲 妄 珠三斛 明 日 不 Ξ 妾幾爲 蚯 力 娥 有 忽 議 母, 詳 見 也 蚂 倦 宴 竅 月 指 脱 蕭 當 買 猶 其 見

玷 圭 一人物,奚有 磨光刮垢? 刮,古滑切,削也,磨切也。 但良宵易邁,勝席靡常,良人在坐,公亦偕會,不必

閑談他事,徒增傷感。」

才木也。 詩 事 士,有 之有餘師 楚。子編不知所謂,從傍趨出,直前羅拜 遜。」如此者四五千言,子編不能 甫〔一五〕,字子美,號少陵,善爲歌詩,傷時僥弱, 號抑齋先生,上福蘗溪人。 夫人笑曰:: 帥 生,清華東山人。又《臞翁詩評》云: 非 經 御詩。 天 《四六備覽集》。 君親在念寸心丹。」又云: 見,似有别 論 寮,小窗也。 歸 本朝詩手(一四) 玉 求餘師 「後來秉筆儒生,不過指我輩 塞之陳、翁墨之譚 人窺闖 孟 非 松川之詩如健兒赴敵, 不横騖遠駕,然求其言融理到,上該《風雅》,惟阮抑齋諸篇之忠愛,念不 子語。 阮抑齋《謾興》詩: ,公曰: ,闖、丑禁切 不必 國 、譚慎徽 别 盡 春少游詩如時女步春,終傷婉弱。」他如金華之杜、杜閏,金華縣金華社 恩未報 尋他 記; () 窺也。 拙齋之詩奇 老堪憐。」其忠愛之念發於詩多類此。 「何曾一飯忍忘君?」又《謾成》詩: 集 東岸縣翁墨社 情不忘君,人憐其忠云。 但 也! 且詢以詩法。 爲荒 頗涉麄豪; 風 辆 流 聽 唐 話本,恐被他 於墻 而 鳴也 騒, 人。 壁間,躞蹀 齋,燕居室也。 菊坡之詩如時女步春, 唐安之武,武瓊,唐安縣慕澤社 公即 其奚害?」韓愈《送孟東野序》: 招 出懷中一卷,紙約百張, 若夫語變雲烟,辭關 起,先生獨不知之乎? 有聲, 騒, 偶爲公所覺。 「仲尼三月無君念。」又《海口 真 樗寮之詩 可 終傷 遡 少陵門户 風 婉 人,著《通 教,則 公曰: 弱。 峻 授之曰: 招 「莊周以荒唐之辭鳴於 而 阮夢 音橋,舉也,揭也 激。 亦老夫所不多 鑑 「今夕之會, 遡 》, 子 忘 荀 夜泊 君 騷 號 歸 武 音 菊坡 也。 壇 樞,不 沅 幹, 愐 有 副 感》 求 杜 進 元

沾衣 而欲濕,郊原莽漠, 而 樽 罍告罄, 相 惟 揖 東西 爲 别。 兩 公既 塚在焉。 出 門,子 開卷觀之,皆白紙空張,只有「《吕塘詩集》」四字,淋灕 編 亦 睡 著。 及紅 日 東出, 攬衣急起,則 身 臥 草 而 尚 醉 墨淋 寒,

世。 灕,濕貌。 愐 其處即符教授及夫人墓也。 花暈未乾,暈,音運,日月旁氣也。 遂親之吕塘,訪求遺藁,則蟲侵蠹嚙,俗齧字。 方悟公即吕塘蔡先生,公姓蔡,名順,號吕塘先生,超類柳林人,有詩: 存者不能什九, 乃遠近

咨訪,極力編緝,片言隻字,採摭無遺。 故自黎朝啟運,言詩者無慮百餘家,總計曰無慮。 《廣雅》云: 「無慮

都凡也。」然惟蔡集盛行,大抵皆毛子編之力也。

校勘記

[一] 「金華女子名蘭之」,「名蘭之」,諸本作「名芝蘭」。

〔二〕「以能誦《詩》《書》屬文稱於郡中」,「中」字原無,據《漢書》改。 其下注文中「輯」原作「緝」,一并據改。

[三] 「不能圓邠老吟魂耳」,「邠老」原作「莘老」,據諸本改。

[四] 「清商浮空澄霽景」,「清商」原作「清滴」,今據諸本改。

〔五〕「與疑立同」,「立」字原無,據文意補。

〔六〕「南州無我,安知夫人之絶唱? 我若無夫人,亦安知一時之傑作」,兩「安知」與上「之」字原無,據諸本加

〔七〕「朝士李台瑕云」,「台暇」原作「白」,據《北夢瑣言》改。

[八]「韓八座事藝」、「藝」原作「業」、據《北夢瑣言》改。

[九]「衛靈春樹白雲寒」,諸本「寒」作「閑」。

[一〇]「總其名曰大行皇帝」,「總其名」三字原無,據《風俗通》補。

一一〕「廣樂九奏萬舞」,「奏」原作「騫」,據《史記》改。

- [一二]「今有塚」,「今」字原無,據《史記》改。
- [一三]「群臣葬其衣冠」,「葬」原作「喪」,據文意改。
- [一四] 「因論本朝詩手」,諸本「手」作「詞」。
- [一五]「杜甫」,「甫」原作「弱」,據下文「字子美,號少陵」等改,下同。



夜叉部帥録

疴; 告。」往往聚爲黨與。 鋪,音逋,食也。 欲,則溪壑不足填; 兵,争損人生何? 拜上坐。 時星散,急呼之曰: 陳 或 疴[三],音阿,疾也。 禳之者,師無驗法。 作褚,似非。 一威奇士文以誠, 恣情任俠, 不惑邪祟, 凡花妖月怪及淫祠厲鬼, 不經祀典者, 蔑視之, 一切不憚。 重光末,重光,簡定帝姪,在位五年。 以誠曉之曰: 啜,朱劣切,飲也。 苟可 而,汝也。而兵益,則仰食不敷; 或扣茶店,以覔半餉之醉; 決其暴,則虎狼未爲猛。 充腸, 「汝曹壯士,不幸罹此! 「凡汝等幸人之災,樂人之死,志欲何爲?」曰: 雖 興災扇禍,而竊造化之權; 漏 甕破 盆 人多死喪,冤魂無告,告,音菊; 而 不恥。 横行原野(四),不復相忌。 縱能利己,雖片衣寸楮而不辭; 扣,微擊也。 我來相訪,欲以利害相聞,勿苦迴避。」各稍 汲汲焉, 人生損,則祈禳者寡。 瞰室嘯梁,而惑斯民之聽。 或邀妓女,以結暫時之歡。 壶樽之覔; 以誠乘醉騎馬徑造焉,群妖波駭 無告[二],窮民也。 栖 「欲益吾兵耳 於汝何利而甘心喜爲? 栖 焉,餔啜之求。 楮,音杵,錢幣也,古 汝曹所樂,吾心自 遇之者,疾有 《書》云: in the second 稍 栖 栖 復集,延 「欲益 「不虐」 有 猶 逞其 皇 楮 皇 沈 而 無

子《皇》 冷對 以避 「言所遭之時不善· 極經世 況 風 天 用 書》分元、 李白《戰城 德 衆鬼愀 而 不 也。」其死 會、運、世,三百六十辰爲一運,十二 南 用 詩 然 威, 日 人好 也非 古 來惟 生 命; 吾徒不得已耳 愐 見白骨黄沙田。」故不免嘯 不好殺, 饑無可給之食,退 愐 73 一運爲一 自 非 爲 所 世。 禍 願 無可托之人。 福 也。 侣 行將 呼朋,營求 過逞 其生也 革 易; 驕淫,帝 白骨叢 示 辰, 飽。 用 家 辰 漸 不 中, 誉 時 臧, 耗, 愁 也。 謀爲也。 會見 刑 纏 《大雅 宿草; 之必 消 況 磨。 至。 世 黄沙 運 以 我生不 汝 就 將 原上 衰,邵 何 走

不禁,吾輩有辭;

只恐來年愈勝今年耳

後 難 武 命 見屈也。」肩,涓熒切,外閉之關 明束約, 吞 股慄。 也。 悔。 兼 ! 既 因 而 無於淫宵結黨 於是部分校卒, 而 乃出令曰: 使君 日 雖 劇 請第三夜就某處立 庖 則 駑 風 厨 分區 惠 亦 N 進 可 然肯來,《詩·終風》云: 散處, 將 衆鬼喜 也; 羅 凡汝衆無 列樽 部,分布也。 無於清 夜則差員申稟, 相 也。 俎 壇 謂 馬 晝假 頓劣也。 以誠 輕 問 依 校者,營壘之稱, 我 其殺, 期 形 命 曰: 「如不得已用吾,吾以六條從事 畢 「惠然肯來。 ! 但 ! 官 集, 吾帥 則某 數曰 幽 聽吾命, 無狃 明 也 老鬼 員。 村之牛; 路 故軍之一 淫 注: 隔 申,以書告上也。 風 後 吾爲汝將; 因 如 至,生 「惠,順也。」是天以使君將吾曹 請 老 部 無爲民崇而致 問 爲 母 其酒 斬之,衆皆 何? 校 ; 吾輩 違吾令,吾加汝刑。 稟,受命也; 」衆鬼曰: 則某里之釀 隸人給事者方言曰 烏合,自 殘民之生 股 慄 慄, 盟 今俗以 相 否 列 而 生 雄 七 後 啜 白 卒。 長, 切 也。」 無 可 願 事 啖 尚審 掠民 栗同 既 爲稟。 使 凡 耳 如 以誠 無 ! 君 有 流 聽言(五), 財 統 重養 利 皆曰: 非 啖, 懼 愐 率 病 敢以 不 而 徒 威 枘 勢 度民 輒 覽 嚴 股 必不 切,并 泉 勿 摇 貽 唯 申

居月餘, 日閑 坐,見一人自稱冥司使者,致辭請往。 以誠將趨避〔六〕,其人曰: 「王命 也。 以 君 剛

不見。 言耳 毅,欲以顯秩見邀,非有所苦,願勿深拒; 即檄諸鬼校問之,以木簡爲書,長尺二寸,以號召曰檄。 因日 「曩者閻王以時方不靖,置夜叉四部,部 只可少寬程限,程,期也。 皆日: 帥臣,夜叉,鬼名。 「 噫 ! 須君自詣,僕於途中 有甚事,甚猶此也。 唐監察御史李全交專以酷虐爲 預 但吾輩未及先 候耳 !」言已

臺中號爲鬼面夜叉。 假以弑伐之權,寄以生靈之命,任隆責重,非他官比。 使君威望素著,閻 王 聞名久矣,而

我曹極力薦保,故荐臻顯 職爾!」薦與薦同,屢也, 重也。 以誠 曰: 「如子言,福我耶? 禍 我耶?」衆曰

閻 客曰[八]: 羅選人,不異選佛,丹霞天然禪師 初習儒學,將應舉,道遇一 禪 客曰: 選官何 如選佛! 目 選佛 當 往何 處[七]?

正,雖微賤而必揚; 「江西馬太師出世,此選佛場也。」師往見馬祖,乃令參南岳。 處已奸回,雖顯榮而不録。 訓齊之寄,非公其誰? 非可以 賄賂求,非可 倘或顧戀妻孥,遲以歲 以 僥 倖 得。 月,必 持 心 爲 剛

他 人所獲(九) 愐 吾徒 亦觖望也。」觖,居月切,怨望也。 以誠幡然改容曰: 死 殊 可 憎,名亦 難 買 況筆 以

利故天,《古文》: 「筆最鋭而能動,故天。」松因枝而伐; 俗傳歲早則伐松枝,爲龍骨,以祈雨,意其樹必有靈也。 雉非 羽

不能以自禍,雉, 一名錦雉,一名錦雞,其色鮮明,五采炫耀,自愛其毛,終日影水,目眩而溺。 象非齒不能以焚 身。 **全**

之,竪子請曰: 其一 能鳴,其一不能鳴,請奚殺?」主人曰: 樗,音 音

傳》:

象有齒以焚其軀。」

」鴻鴈之死,爲不鳴

也;

大曰鴻

小日

鴈。

莊子出遊山

舍於故人之家,故人喜,命堅子殺

鴈

愐

惠子謂莊子曰:: 吾有大樹,人謂之樗。 其大本擁腫而不中繩墨, 殺不能鳴者。」樗櫟之壽,爲不材也。 其小枝卷曲 而不中規矩,立之塗,匠者不顧。」又匠石之齊,至

乎曲轅,見櫟社樹。 地下,三十二之顔回; 其大蔽數千牛[一〇]。 解見《子虚》。 召記玉樓,二十餘之長吉。 觀者如市,匠伯不顧。 弟子問之, 匠 李賀,字長吉, 伯曰: 是不材之木也,故能若是之壽 將死時,忽晝見一 緋衣人,駕一赤虬

七〇

繼。 同。 也。 窮亦 或 名,但浮躁淺露, 墨已具; Ł 成人而死。 風,一夕抵南 秩,以君有舊, 持一板書,告曰: 僕平生處世,有 故人知君,君不知故人,何也?」因叙鄉井通姓名,八家爲一井。 謁,自言: 啼寒,妻常苦饑; 屑較彭 學則 僕從亦盛,主 有命 方以才藝,碌碌均等; 時 鄉 極力研 殤 又《莊子 人黎遇 夕,雷擊碎其碑。 昌,作《滕 故 平生未嘗飽,天下飢寒無如某者。」時盛 非 德行 銅 故來訪 一天上白 享爵禄之器 窮 與以 ·齊物論》: 意陰 Щ 屑屑 翁 崱 王閣記》。 餓 寒 顔 問 淵 鄧, 功,曾無肥己之私,曷至迫人于險 入欠蔽風之廬,出無避雨之篛。 研,夷然切,窮究也。 動 簾 玉樓成,命君爲記。 誠 耳 作 、閔子 迎 書生到底當受貧。 素 車子困周; 切 接。 「天下莫大於秋毫之末,而泰山 無分則雷 相 切也。 焉。 裴行儉嘗譏之。 然前程所及,自相 」因解所服裘, 知 青 寒與 者, 《蘭亭記》云: 雲, 搴 漂泊 轟 登 置遂卒。 同 有 仕 薦 不萌分外之求,不爲已甚之事。 時人語! 摳 桂 緣 路 福 後盧赴水死、 典酒爲樂。 衣也。 也。 陽, 則風送馬 稱 丈夫處世,不能腰金珮玉,會當留名萬代; 轟 歐陽率 干 固知一 Eļ 寓 盧 喜。 群車 黎遇怪其 於 駱 高小; 旅 賓王反誅 有客打碑來薦福, 死生爲虚誕,齊彭殤爲妄作。」彭者,彭祖也,壽 更字,薦福寺碑墨本直千金,文公欲爲打千本,使售于京 聲也; 何榮 詞 當,王勃隨父宦遊江左[一二],舟次馬當,見中元 東馳 舍。 飲 ! 章, 數巡, 瘁 教則 聲 西騖,日甚一日; 莫壽於殤子,而彭祖爲天。」遂經紀家事 終 雷 皆如儉言。 乃爾懸絶耶? 類 擊聲 更後,見一人乘 不 且言 巡, 隨 以 淹 亦似 遍也。 才誘 誠, 無人騎 於 車 黄 而貌微 掖,誘, 黄馘, 一已職 聲, 古詩: 馘 然而 鶴 故曰 上楊州。」不然顏、閔德行 義見《茶童》。 以 唐 前導 四方餬 不 青 隸冥司 雷 「亭不親 愐 盧 誠 当,出 轟。 驄 照 親 也; 日 鄰 馬, 朋 范文正公守 疏飲不巡。」黎 口,隻影投 駱 故舊[一],仕者 掖,旁扶 隸 門將避, 聰, 賓 蓋莫之爲而 、附著 富 八百歲 Ξ 音 何 貴 聰,馬 73 ,皆以文 也。 也。 饒 非 低 水 其 H 州 可 頭 府 與 因 官 而 殤者,未 有 輔 君 白 濁 日 自 爲 有 助 翼 雑 者 相 貧 미 紙 義

毛

南

生

哉?」酒既罄,遂剪燈對話

,亹亹不倦。

亹,

音尾,不倦

天,莫之致 而致者命。 所貴於士者,貧 而 無諂, 窮 且 益 堅,素位 安行, 順 受 而 窮 通 利 鈍,吾 如 彼 何

亦僥 齒凋 失位、 食具。」彼千里遠來,勢必饑渴,見則飲食之無疑矣! 但吾領黑衣吏卒,猶有慈心; 疫,役也,有鬼行,役役不住也。」分行郡國間, 托於君有餘力矣! 非 倖中 耗, 日 每 齒,數也。 深遠,只恐玉石俱焚也。 時所致; 助也。 别 帥司,夜差人千餘,分州散疫。 《周禮》: 誠屏人言曰: 遂揮 而愚民以爲鬼神所作,懸符厭之,亦可笑也。」又云: 」以誠曰: 淚爲 「司民掌登萬民之數,自生齒以上,皆書於版。」注: 别 彼所領白衣疫兵,率多虐鬼。 「分界不同,非敢逾越。長江以北,吾主之; 吾新 卿 家福 承帝 加之以饑饉,穀不熟曰饑, 卿但厚市酒殽,中 薄,似亦不免,宜早還鄉 命,兼掌疫兵,屏,音 卿於暗間竊候,俟盃盤欲散,但趨前 庭設具, 殺, 音肴, 食物錯雜也。 君不可不爲之慮。」黎曰: 丙,除斥 「疫,厲也,病氣流 蔬不熟曰饉。 「人生齒 里, 也。 無久滯 疫、民皆疾也。 而體 重之以兵革 長江以西(二三,丁帥掌之。 備 於他州客舍也。」黎曰: 行,中人如磨厲 ,故以齒名年。」什 曹 羅 詩 : 植 軍 拜, 奈何 旅 傷 慎 日 旨 物 兵革。 勿 存 酒 疫 也。」又: 致 嘉 四 乃 生

十餘輩 飲將 人當· 盡 黎遇 此 騰空而 黎趨 歸 必設具主人,其家病亟,願賜斟 坐,餘皆拱 至 至,連拜不止。 一鄉間 至,相顧曰: 疫癘大作,妻子臥 立,兩手合抱日 紫衣者曰: 吾等饑甚,舍此奚適? 拱。 或持 病,幾乎不識。 酌 刀斧,或執 取口 我方暢飲,此子何 愐 行日 簿 即 書。 斟 未聞 盛 酌。 辨 簿, 以 壶 爲至是耶 其人怒取簿書投地,曰: 也, 數 樽,辨,致力也,具也。 盃 古□以簡: 酒出人罪也。 ? 」暢,丑亮切[一四],長也,充 策記 事 ,後代用 遂相 如言 向 夜 薄□,即 安有以 環 設。 果 今手 有紫衣 見 盤 衆鬼 鬼卒 版

卷之四 夜叉部帥録

以此得責,甘心瞑目矣!」紫衣者沈吟既久,《六書故》云: 餘字而去。 具,易五口 生人耶? 改易文字曰塗竄。 」麓,物不精也,略也,與粗同。 隋制: 凡百官奏鈔,侍中既審,則駁正違失; 衆鬼曰: 「喜爲吟咏,痛爲呻吟,疑爲沈吟。」乃以朱筆塗竄 既食人財,豈容恝若? 詔敕有不便者,塗竄奏還 恝,古刹切, 無憂愁 約 脱

後數日,黎家同獲痊解。 黎德以誠之救,感恩者曰德之。 即其家立祠。 鄉人祈請,嘗有顯應焉

誠 爲交,酒盡則交絶。 死 生之交而友人,取友之端,不以存亡而改所守,不以患難 呼! 朋友,五倫之一,其可輕乎哉? 見《唐詩》註。 顛倒肺腑,少臨利害,若不相識,聞其風者,寧不愧心乎! 彼《夜叉》一録,其事 而忘相 有 救; 無, 不暇辨 世之盃酒論交,世人以盃 論。 所喜論 者 以 酒

(校勘記)

1

- 一〕「夜叉部帥録」,丙本作「夜叉部帥傳」。
- [二] 「無告」,此二字原無,據文意補。
- 〔三〕 「疴」,此字原無,據文意補。
- [四] 「横行原野」,「行」原作「衡」,據諸本改。
- [五]「尚審聽言」,「尚」原作「當」,據諸本改。
- [六]「以誠將趨避」,「將」字原無,據諸本加。
- [七] 「選佛當往何處」,「往」原作「住」,據文意改。

[八]「禪客曰」,「客」原作「師」,據文意改。

[九] 「必爲他人所獲」,「所」原作「之」,據諸本改。

[一〇]「其大蔽數千牛」,「數千」二字原無,據《莊子》改。

[一一]「而親朋故舊」、「而」字原無,據諸本加。

[一二] 「王勃隨父宦游江左」,「宦」原作「官」,據文意改。

[一三]「長江以西」,「江」原作「河」,據上文與諸本改。

[一四] 「丑亮切」,「丑」原作「八」,據「暢」字音改。

段氏點令撰 傳奇新譜

孫京榮◎校點



	Nema - Nema - Nema - Nema - Ne		ra ma ma ma ma ma ma ma ma Hori Hori Hori Hori Hori Hori Hori Hama ma ma ma ma ma ma ma ma			
	ja mija mija mija mija mija mija mija Nemo Nemo Nemo Nemo Nemo Nemo Nemo Nemo					
	lari-lari-lari-lari-lari-l Stori Stori Stori Stori Stori Lari-lari-lari-lari-lari-lari-l					
733 - (1733 - (1733 - 1734 - (1733 - (1733 - 1733 - (1733 - (1733 -						
			echechechechechechechech wirden der der der der der echechechechechechechechechech	ecilectect ecilectes (1917) ecilectes des des des des des des ecilectes ecilectes (1917)		
	Carras - Car					
			echechechechechechechech with the treit entretterit	acilacilacilacilacilacilacila Propertieroperoperoperoperope acilacilacilacilacilacilacilacila		
	Antara - Antara - Antara - Antara - Jamas - Antara - Anta					
	Arriva Arriva Arriva Arriva Arriva Arriva Arriva Arriva Arriva Arriva Arriva Arriva Arriva Arriva Arriva Arriva					
	han daa dhan dhan dhan d han dhan dhan dhan dhan d					getgetgetgetgetgetg
	New Meet Meet Meet Meet Meet Meet Meet Me				azazakanakanakan Cacacacanak	gdgdgdgdgdgdgd cdcdcdcdcdcdcdc
						2 42 42 42 42 42 42 2 42 42 42 42 42 42
					9.45.45.45.45.45.45.45.45.45.45.45.45.45.	
						adadadadadada adadadadadada
					1-23-23-23-23-23-23-23 1-23-23-23-23-23-23-23-23-23-23-23-23-23-	ariariariariariaria Ariariariariariaria
						kitaitaitaitaitaitaita kitaitaitaitaitaitaita
						artartartartarta. Artartartartartaria
				era	terenenenenenenen	grigrigrigrigrigrig Kristisciscisciscis
			ententententententententente Mit Mit det det ententententen			a ja janananana. Arararararahana

提要

孫京榮 撰

《傳奇新譜》,段氏點著。今知見刻本一種,抄本一種

方有「一作某」字樣,末有「廣采皇華集」字樣。《雲葛神女傳》後空兩字直接正文,末有「終畢」二字,還有 庵」、「淡如甫批評」字樣,末有「終畢」二字。有一本藏於漢喃研究院圖書館,編號爲VHv. 265 。 録》下有「樂善堂藏稿」、「文江段」、「紅霞女子著」、「家兄雪庵」、「淡如甫批評」,有圈點,也有改動,有的地 海口 海 段「總評」,是一首《右調皂羅袍》,下標「文江段」三字。《安邑烈女録》下標「紅霞女子著」,並有「家兄雪 Й 刻本名作《傳奇新譜》,題「嘉隆拾年辛未春月日鐫」,題「紅霞段夫人著」、「芳上閑雲亭藏」,回首作 靈祠(阮碧珠)》、《雲葛神女(柳杏公主)》、《安邑烈女(丁完亞室阮氏)》三篇,正文於標題《海 靈祠録》、《雲葛神女録》、《安邑烈女録》,題號作「閑雲亭」,並有「閑雲亭藏」篆字印章一方。 目 П 靈 録 祠

仲春」,第二列爲「傳奇新譜」、「紅霞段夫人著」,第三列爲「海口靈祠録」、「雲葛聖跡録」、「松柏説話」,第 抄本亦藏於漢喃研究院圖書館,編號VHv. 1487,名作《傳奇新譜》,首頁右起第一列爲「嗣德拾柒年

四 列 祠 録 爲「附記」、「安邑烈女録」、「龍虎鬥奇」、「碧溝奇遇録」,第五列爲「丹安集文堂藏板」。 」標題下有「樂善堂藏稿」字樣,第二列 有「紅霞女子著」、「家兄雪庵」、「淡如 甫 批 評 正文於 字樣 似 海 屬 過 口

録本。 篇,抄寫者水準不高,終篇有「向上共13張」字樣。 篇有雙行小字注,並於篇終有「碧溝奇遇」、「終畢」四字。 字樣,第二列有「家兄雪庵」 已。篇終亦抄録「總評」詞,並有「右調皂羅袍」、「文江段」字樣。 第二篇將「廣采皇華集」與標題《雲葛聖跡》放在同 」、「淡如甫批評」字樣,未及抄至終篇, 可見,此抄本的底本是樂善堂本。 後接「附《龍虎鬥奇記》」。 一列,可見抄寫者並不内行,而 第三篇《安邑烈女録》下有「紅霞女子著」 即抄第四篇《碧溝奇 遇記》,與前 另有《松柏説 是簡 單 不同,此 抄 話》 録 愐

強段氏 賴氏 誌 嘉 獲允爲繼 遂入宮。 御嬪,婉拒之。 範(今海興省文江縣憲範鄉)人。少以才學聞,年十六時,尚書黎英俊以其爲門生女,欲召爲養女以進 藝文 點養育。 段氏點(1705—1748),小字紅霞,故稱紅霞女子、紅霞女史、紅霞夫人,因夫家姓 同 室。 誌》有著 往 後遷至章陽講學,從遊者甚眾。 ()途中 婚後月余,阮翹 氏點乃以行醫及代人撰述爲業。 日與父兄論學唱和,以此爲樂。 [録,稱] 裑 病, 爲 八 《續 月 初 傳 奉命北使,三年乃返。 П 奇 就 鎮 至九月十一日病卒,享年四十四歲。 富舍進士左侍郎阮翹妻爲氏點閨 後唐豪蕊莊有女入宮得寵,迎氏點教授,氏 年廿五歲時,父死,後兄亦卒,遺下老母及一 戊辰年(1748)夏月,翹 奉公差赴鎮 友,阮妻死, 本書潘輝 阮, 注《歷 南 翹 多次 藩 點 又 門 管領 因 稱 朝 求 孤 避 阮 憲章 婚,終 寡,皆 事 權 氏 類

本書包括以 下 内容

海 П 靈祠 绿 》 敘陳朝 後宮阮 姬隨睿宗南 征上疏 助 朝廷取得勝 利

生 相 雲葛神女傳 後 飛 升。 桃 》敘 生及父母 仙 主瓊 娘降 俱 逝 生黎家 仙 主周 與 遊天下, (鄰居桃 郎成 西 湖 聯 親後無病 句, 後 又與一 而亡, 少年 被 上天封 書生結 爲 柳 姻 生子 杏公主, 並 助 下 生 凡 連 與桃

緣

盡

而

去,後

庇

護

鄉民

卒北 地,夫人守節自縊。 安邑烈女傳 》描述永盛年間義安安邑人丁完與妻阮氏相敬 數年 後,何生於旁村酒店 一夢中相 遇,得 封烈女, 如賓, 享祭祀。 酬 唱 贈答。 後 T 奉 命赴北 朝, 病

茶飯 常聞 是 度。 則 景 親 飯菜以待, 長詩歌。 句 專 寫 的 酷 詣 因 懷,哀 肖所 密禱 不思 心 麗 葺 碧溝 日, 科舉,嬌 人,遂與 爲 甲辰年,陳淵 遇之仙 於白馬 生大 辭 此後日 疏於學業。 祠,香火奉事。 奇遇記 人以 怨 娘以 調 成 醉 為神、 祠,並 不可 而歸, 親,夫 日 》敘書 求仙 如此 陳淵買圖 其友何生來省,淵以 祈 儒 於是夜求夢於 勝記。 嬌娘勸 婦 生陳淵,天性 導之, 禱 冠士服,逐伴遊玉 永祐 詩 後淵詐 輒 酒 應。 元年, 生欲 初不肯,後終於乘白 愐 唱 歸懸於壁間 不 和, 作 自縊 聽, 早 祠所。 日,有大鳥自西南飛至,於屋上墮下 有南州秀才以舉子夜來求夢 幸 聰慧,爲父母 山中 鞭 福 嬌 打 美 壺寺無遮大會,遇一 實相告, 娘 而怒逐 坐側, 得夢 滿。 途歸 至,二人和 中道人指 三年後, 家, 每於月夕風 嬌娘。 鍾愛。 鶴與子共 何生安慰 得 知 好 醒 陳 年十五,父母雙亡, 畫中 點, 如 嬌 後 淵 勉 初, 晨 晨,題詩抒 悔 勵, 絶豔麗人,對吟至晚。 娘 大 人 往 , 夢中陳淵對 情 而 恨不已, 生 乃南 聞 求之, 去,不 愛愈 性 後 嗜 嶽 強 篤。 酒, 懷。 仙 遇 知所 起 廢寢彌月。 紙, 姝 就 沉 家計 老叟持美 學,然 之。 霞 有紅 秀才述及因 湎 年 H 絳 聲 後 貧 歸 陳宅 嬌, 漆 色 生子 寒,然手不釋卷 神魂依然不舍。 來, 每於 麗 題 Œ 勸之, 人圖 香 詩 人離 陳珍。 是在 見床上 果報 氣 燈 首,坊 滿 前 而 去, 益 玉 應之事 月下, 來, 室, 壺 有 淵自 蕩 陳 視之 寺 淵 飲 精 夜 間 自 美 此 無 聯

秀才覺而以事叩諸寺僧,皆暗合。遂記之。

禮隔 與阮 淚。 應試 業, 許 思家欲 間已富,其妻認爲他爲農事會受人取笑,何某反以爲農爲榮答之。 頭 嫁。 至松柏間 姓 與先生 何官· 阮 中 生髮完 」爲由,薄待阮生。 松柏説 歸 魁 書生,亦於松下乘涼,因戲出對句以鄙何某,何某應聲而答, 年二十多猶未顯達,念自己非 ,至家妻不納, 人招阮生來會,小娘子亦來。 首,又往京城應試, 相 邀書生來會,待以飯菜酒席,又使二人竟夕論道,天明後贈錢餞行。 松柏士農之論後,阮生即 話》敘 對,深得先 東 州 阮生實 生器 返 人何 而 某 中 重。 益苦學,成名儒 而 第 少 歸, 自是學業日進,應對文章如鬼吟 時 名。 作《松詩》一首, 何某使小娘贈 讀書之輩,而甘 遊 何生 學裏 臚傳至家時, 説 中 明原委,兩 至 長 秋 有 閳 金逆旅,並 何某亦依韻作 青 心爲農事, 小 時,庭試 雲之志。 娘 人俱爲顯官,親愛如同生兄弟 還 歸 勸 中 何 以 其進 他 第三甲。 神 家。 明日 其 阮 《柏詩》 鄉 助,堪 富 生 業勉· Ξ 生 耕 而 誠 氏 歸 畢 後 服 稱斯 阮 富 力,後阮 鄉 首。 貴。 率 · 並 有 生亦來相賀, 文領 見 美 眾於松柏 勸 常在 小 翌日,何某 時已天晚, 姝 何某 娘不 袖 生奮身翰 勞作 愛 出 其 知 仕 間 何 中 才 年 所 亦 何 棄 少 某以「 墨,於 吟 器 往 至. 某 憩。 欣 長 愀 何 妻 官 安受 使蒼 秋 某 時 數 然 何 然 闡 膧 因 民 某 有 年 而

龍 言論 人之短 與 龍 白虎互做 無慮 虎鬥奇記》敘至 數千 人言 言。 挑 道士略記 靈鳳凰 戰 以 決 Щ 其 雌 右麟 詞, 雄 二獸 來 洞 吅 中 問 往 有 子, 復 對言, 道士 且 懇第其 號元龜,一 援引 證 高 據 下, 日 索 於是作者借 呼 瘢 僕命驢出 洗 垢, 吹 此發 毛 遊, 求 表 逍 疵 T 遙 或 Щ 護己之長, 番 間 優 龍 忽見 劣 虎 或 黄 的

年4月,臺灣學生書局 曾對本書加以標點排印,名爲 《傳 奇新譜》, 郭長城校點, 刊在 越 南 漢 文

校以VHv. 1487 本。《碧溝奇遇記》、《龍虎鬥奇記》與《松柏説話》三篇則以VHv. 1487 本爲底本,根據文 理相校。在整理過程中,池潔、孫菊園先後審讀了校樣。 小説叢刊》第一輯。此次校點,《海口靈祠録》、《雲葛神女録》、《安邑烈女録》三篇以VHv. 265 本爲底本,

目録

松柏説話	龍虎鬥奇記	附:	碧溝奇遇記	安邑烈女録(三)	雲葛神女傳[]]	海口靈祠録[二]	
二四五					一九三	一八四	



- [一]「海口靈祠録」、「録」字原脱,原目下並有小註「阮碧珠」三字,今爲與正文保持一致,據正文删改。
- [二]「雲葛神女傳」、「傳」字原脱、原目下並有小註「柳杏公主」四字、據正文删改。
- [三]「安邑烈女録」,「録」字原脱,原目下並有「丁完亞室阮氏」六字,據正文删改。

海口靈祠録樂善堂藏稿

文江段紅霞女子著 家兄雪庵淡如甫批評

龍金珥 彩玲瓏 聞名,隸入宫籍。 汝能 陳 ,與月色相奪。 朝後宫阮姬者,官家女也,小字碧珠。 和乎? 對,因以芙蓉名焉。 其略者: 姬 一日,值中秋佳節,會宴諸 輕 移蓮步,微啓桃唇,徐應聲曰: 酒勾詩興,偶得 自此恩冠上陽,寵隆金屋。 聯 $\dot{\Xi}$ 嬪。 生得性格軒昂,姿容嬌艷,通梨園音律,躐藝圃 帝閒 秋 天畫閣 倚朱欄,引目四 春色妝檯開寶鏡,水底芙蓉。」 姬見國政承昏德之弊,日益舛駁,乃草《雞 挂銀 燈,月中丹桂」; 望,見樓臺簇簇, 吟 一帝嘆獎移 哦 盡 半 張 晌 舞影紗燈,光 文詞。 顧 時, 姬 鳴十 賜 玉

漸 后之衣裳,敢擬 於平治。 實非 惟 違衆以 是以 曲突徙 進 鬚眉男子; 鳴 新制 無怠無荒之戒,皋陶 奇。 治 臣 賤 須 從 妾碧珠,以出蓬門,長 脱姜妃之簪珥,願 未 亂 先自曰 徹 桑 綢 都; 户,居安要審 先冠 陪椒 當 帶 不血 室,賞 廷 臣。 不 思 賜 刃之時,賈 謹 危。 屢蒙於燕幸,眷 具十條, 蓋 人 傅 情 謬 預 易 陳 爲太息。 溺 憐疊 得。 於 宴 荷 安, 是乃 於 日 而 龍 扶國 愛 世 知 君 道 本, 難 而 補 苛 盧 防 常

暴去, 調 民。 而 左 身才。 夫惟數 五 則 願 人心自安。 振 事 儒 甚切時 風 選 使烟 將 二日 宜 宜。 後世家 火 守舊 與 冒 日 規 投芹曝之孤忠,伏冀蒭蕘之廣 而 光 先 煩 而 轁 擾 盡 略。 革, 照 則 九、 六、 朝 器械貴其堅鋭,不必文華。 綱 願 不 求直 紊。 諫, 三、 令城門 扼 納。 權 臣, 與 善 言路 必 以 行 防 而 而弊必去, + 蠹 並 政。 陣 開 法 四、 七、 教 帝 以 汰 揀 其 止 冗 兵 齊,何 念哉 濫 當 右 以 省 勇 舞 漁 力 或

以

治

而

民

以安,妾之

願

也

爲讎 言, 積瘡未痊,主不可以 之恥乎?」羣臣知帝將鳴劒於扶南,皆以薄伐爲 默 疏 會龍慶四年,滇將杜子平宣言有南陲之急,帝慨慕秦皇漢武之功,召廷臣 昏迷不恭,是用猖 默不悦,退朝 上,帝欣然擊筑曰: 猶有伐國之色。 私怒而興師,將不可以要功 獗。 以我堂堂全越, 何物女子,乃爾通活,不意朕宫中更一徐妃也!」然終皆苟且,未即 姬 心 知 拒 地廣 諫 輕敵,是兵家之所忌,遂作表文,使傅 而妄戰。 請,惟御史中贊黎錫廷争之曰: 兵强, 豈不能犁闍槃之氊庭, 掃 量彼彈丸一小寇,何必勞聖駕 謂 「當今始平 蓬 日 峨 母 之蟻 進 遠征 蠢 爾 穴,以雪紹 乎 内 林邑,大 難,勢 一帝 聞 或 如 慶

祇 用 且 治 兵 患不來苗 非王者之本心。 道 民 聞 貴 S 本先末後, 初 足。 玁狁之憑陵孔熾,從古已然, 藏琴 故 敢 願 瑟於夏宫,春月自應 蕞爾占城,僻 逞 且 蠅 休貔虎以息民。 羣 之舞草 居海 自 不 島。 能 理灼 知 服扈。 螳 匈奴之桀驁不臣,近來愈甚。 戎馬昔年 明 臂 柔 之 允也策稱爲上,伏惟宸斷 可 當 制 車 嘶 剛 珥 然 水,本知 言繹 聖 人 采德 當 我國 垢 惟 納 届 有 汙 蓋 遠。 自 疵 藏 爲 衷 寇 舞 無 固 干 戰 可 鼙 蠻 羽 與 夷之 當 于 犬 羊 日 盧 陛 動 而 態, 較 邊 勢。 塵 旬 而

表上,帝不報,下詔大閱, 臘月發兵,姬見言不聽[一], 揆我量 敵, 憂國 思 君 ,形於顔色, 嘆日 「義 則 君

無

寢食

皆

廢

堅

請

扈

從,

帝許之。

臣 一恩則 美 婦。 既 不能 忠諫以致太平之治,又不能柔辭以止無名之師,誠虚生於天地間矣!」自 此粉黛

以軍 鄉矣。 颶風 乾方 矣, 也。 食, 夜至此,必有高談。」其人曰: 星,身穿細 仁,仁窮而 夜將半,仰觀天象,見一道黑 寒梅之影,歸 何謂 迷復,凶。 擁岸奏曰: 大作 飄 務 甚處妖氛,敢來干犯, 至日 起後天一 也? 帝 叢 去。 慰 冗 鱗大錦 鰌 發兵二 旁行。 」姬曰: 有告災。 姬 而 浪 鳥棲古樹之陰。 行色 曰 : 遣之,遂宿三軍 課,得「復」之「 亂 一十萬 曲 前 翻 匆忙,竟未 今時在未, 「妾自幼 面 異哉 用行師終有大敗。」意者此行其有繻葛之恥乎?」翌日, 行 帝命急停戰 廟 旌旗蔽日 愐 神 爾 闊 謂 讀書,頗 氣,從東方來,侵入北極四 步 得 而 極 姬 風也 頤」 於白 「某乃南滇都督也。 我 其 顯 日 風 捲 俛 無包老之劒乎?」因 隙。 靈 從 賓洲 船、以 起繡簾,憑舟獨坐, ! 首 私自判曰: 舸 驗。 辰 知 而 艦 其聲則 來, 風 日 畔。 傾身, 滿 避 凡客往 照 角。 只 江 蓬 時 蓬勃 時 恐 擺 窗, 夫水窮於辰位,木極 正殘冬天氣,雨雪初 有 風勢。 來, 軍 擺 軍 卦 而不 刑害淫賊之事矣。 摇 順 江湖 有謁, 中 達 摇 掩 酌 流 海 定,其色則寒慘 用黨多而 徑向 星 遠宦, 窗就 而 蘭陵美酒,焚博山 更末,見一 口 甚急。 進, 自然水順 寢, 帝前 直 忽 蘋藻乏人, 聞王女謁甚盛, 然 展 抵奇華地 體黨少,外 姬驚指之曰: 晴(三) 多禮。 旋 於未鄉。 轉 人鬚牙 風 不安。 願急整 風 輕, 而 無光, ,月色微茫, 陣 界。 好 否 帝詰之曰: 獠亂, 氣 六軍 欲面 俄 則 水性 , 捲 香,將江 父老聞 旺 隻 毋 聞 「此星乃我 而 櫓 智,智 面 以 乃 奏筮占,别 前 御 内 寸帆 姦邪 貌 待之。」言未 後 天景致,目 舟 風 氣 Ξ 戰 狰 子 極 聲 衰, 師 偶 躐 船, 獰 風 俱 蕭 愐 至 躐 乎 爾 何 兼 曹妃嬪之分 沉 鼈 啚 頭 爲 颯 相 旌 皆 碎 鼓 戴 爻 勝 姦。 竟 逢, 下 也? 旗 於 辭 帝 E 玄 絳 算 遊 收 故 木性 水 黄 果 都 敲 魚 幘 日: 云: 盡 鯸 第 吸 雲 簞 流 向

之計。 苟非夙 流 恐變起非常, 見玉人踪迹,只得作一道招 雄淚滿襟』,徒有遺憾耳! 衾,三生有幸。 殺淫人之蜃。 永訣,不能復侍左右矣。」帝及嬪妃愴惶失措! 扇狂波,聊 吉凶有命,禍福在天。 計耳。」帝聞言,倍加 ,曾通經訓,豈不知魑魅魍魎之不爲患乎? 帶 然驚 世 則冥冥之中,亦可 雨之梨花(三),愁容似籠煙之芍藥,跪請上前曰: 冤愆,定是今生業障。 醒。 代華堂麗 更慘於楚澤之膠舟矣。 況朕乃萬 舍生取 急召妃嬪,語以夢中之事。 句耳。 義, 悽慘,終不忍釋。 靈若黔羸,豈能自管? 乘之主,詎可失其主張, 以慰賤妾之幽魂矣。」言罷,望水一 魂文以奠之曰: 妾死之後, 誠 死何 肯以紫雲見惠,敢忘結草相 妾誠不敢汨繁花之欲海,惜蒲柳之殘容,以了 辭 ! 且軍旅之際,以將士爲重,以恩愛爲輕。 願陛下修文而偃武 既非 時 諸 風聲捲地,浪勢滔天, 垓帳含冤,亦豈嵬亭幽 舉皆號慟 姬 夫以滅明一壯士,獨能斬奪璧之鮫; 争奈事既到 默然失色, 信此 , 蠱惑, 俄 節用 酬 但 靈 跳。 以累及夫人乎? ITI 頭,勢非得已。 ? 相 應之祠, 雲 視 苟 風 收 而愛人。 龍舟 而已。 狂 風静, 私耳 恨。 浪捲,尚聞 曾 幾覆者再。 目之娱,予亦 但 稽 中 海 法帝王仁義之行, 以出 倘若遲延不決,少待片時,只 衆 不揚波, 有 論。 姬 此 姬再懇曰: 「妾雖一介女 古之殺妾擲兒,亦窮 目 汪汪含淚 師 聲: 前 姬拜泣曰: 風 急 未捷身先死,長 不 波之險,足應 債也。」帝蹙然曰: 敬之一文人,尚 命水 「多謝」 能 咽 相捨 軍 建國 咽 撈尋,已不 君 「陪枕 矣 吞 王 家 一,從 前 中之 長 使 帝 英 侍 病 頟

轉 韋 依 ; 依 爲 嗟魂兮,玉質瓊姿。 君 而 睹 其 喪 文 兮,魂 翰 兮, 沉 水 淚 濟。 洒 能 霏 格君心兮,楚國 霏。 滄 海 茫 其 茫兮, 所致兮,實天之爲; 他 樊 生 姬 何 ţ 時 善 ? 執 玉 婦 容沓沓兮, 道 其 兮, 所然兮,是朕之非。 盧 汭 再 湘 合 妃。 難 期 思 君 不 想 嗚 其 忘 呼 兮, 慎 痛 淑 哉 身 兮, 别 N'S 香

魂 何之? 如在 天 兮, 天 有 比 翼 飛 ; 如 在 地 兮, 地 有 連 理 枝。 魂 獨 孤 子 兮, 魂 何 所 歸 ? 魂 如 有

歸 與 朕 追 隨 魂 如 有 靈 分 保 朕 邊 陲 哀哉 魂 兮, 歆 此 玄 巵

畢 武 軍 皆欷歔泣 下。 提 軍 愐 往, 深 入倚忙 洞 П 墜婆摩 詭 計, \pm 師 遂 陷 焉

乎? 浪; 城 德 昏 年 間 主 遂 其 夾岸 後黄塵污衣 刻 林邑 侮 日 慢 黄 鶯 發 自賢,肆 復起邊亭之釁。 調 兵。 畫 帝親率 角 狐 淫 狸 横 亂 當 江 愐 舟 道, 鷗 麀 帝聞 師 鷺 聚其 陰 陸 聽 剥 之,謂左右 續 陽復 征 天倫[四] 而 笳 進。 否 帝 極 縱 時 逞 泰 春 目 苛 來,天眷我朝, 光 遠 暴 葛伯 明 眺 而 媚 魴 仇 慨 天 赬 然 銄, 其 氣 有 毫 民 已判 暄 吞 邑 庶。 和 吐宇 徂 征; 苟 錦 天 宙 不 帆 新 大興 包 迎 密 世 括 楊 人不 界矣。 乾 吊 柳 坤 伐 之 恭 之志矣, 傳 風 將 岐 至. 龍 何 計 聖 舟 以 整 遂 駕 救 旅 Ш 朗 此 桃 今占 吟 花 方 洪

虎 旅 親 提 出 珥 河 滿 天 春 色 護 征 舸。 朱 旗 拂 盡 長空翳 粉 棹 揮 澄 萬 頃 波

律

村 邑 雉 罹 多 我 徯 闍 槃 魚 息 敢 誰 何 ? 鸞 弓高 挂 扶 桑 外, 直 把 遐 陬 作 家

當敏 章 ; 歌 蔽 聞 於小 地 爾 改 不浹月間 所 江 港 舊 行 邊古 氣 柳 過 連天 陰間 久多 樹 克 早已 蓋 醜 移 挂 前 帝 行客之紙 行。 船近之,乃 到 愆。 盤 奇 今朕 桓不 華 如 彼 或不 寐, 經 錢 處 過 静 矣。 悛, 古廟 猶 坐觀 祠 則 自 畔 驟 也。 一片遺 猖 然 書。 西 狂 厢 晦 只 將 冥 見檀石 架鄉 灰, 雖 近 風 幽 雞 踏 雨 香 人之畫 顯 馥馥 鳴 爲 振 不通, 平 假 動 地矣。 一芳草 艇。 憩 波 然 濤 龍 刑 帝 案。 帝 言 茸 法 詢 茸 畢, 下 在 問 見一 令諸 吾掌握 鄉 潮聲 狐 道, 少年女子, 兔 軍 越 · 贵 備 依 出没於蔓 急, 知 次 不見木妖 細 兔見 而 從水中 末, 住 叢 鳥 乃 歸 遥 鳥 鼓 指 望 Ш 怪 時 廟 雀 來, 隔 鬧 聞 之 宣 岸 拜 聲 漁 事 喧 木 Н. 於 子 乎 \equiv 泣 狂 ? 蘆 陰

暑 修書 明。 聞 手。 年, 誠 爾 臣 能 之,亦莫不傷心 絶(六)。 恨不能化精衛之魂 飄 龍尚 倘 今日獻之,聊代太真牛渚 投以咫尺之書,責以防 陛下信義充溢 落於妖蛟之手耳。 封 妾是陳朝 書 重瞻天日(五), ,射於海外 適 拆 有 (讀(七)。 鯨 官女,睿 而 校 न् ग् 切 尉 懸 一齒矣。 徒 其辭 巡 明珠以照之。 及豚魚; 永脱 廟 校 有《離 自 閒之咎, 宫人,不逢 日 而 沉 第以 犀 口 委身水國 淪, 騷 也。」言訖不見。 拾 彼之罪惡貫盈 陰陽勢隔,水陸路 》之賦 此陛下再造之洪福 得御 彼自不容不 果見朱樓寶殿,金城湯 妬 耳。 書 婦之濱, 泯 迹 封 何幸適 腥 緘甚密,忙 加 海 氊, 非 帝伸手拾之而 刑 遇 愧 逢聖上,冒恥登聞 波難洗。 懸, 矣。 漸臺之水。 也。」帝憫 爲僕婦之心,反累楚囚之苦。 雖 走 因 有 入奏聞 池, 出 劒樹 此南溟之外,有廣 明 然 覺 龍 珠 只 刀山, 日 子 則 徑 因 龍 時 籌 寸, 曰: ,但願垂入井之仁心,展 命途多舛 廣 未審計將安出 孫, 「夫人冤同 鯨 利 已催 金鞍 王正正 曉 轎 利王,乃彼之統攝, 此 時 在 馬, 矣。 柳氏, 珠 靈 運 唤名 含愁自 不 德 往 ? 遽 殿 齊 來 義 命侍 對 勝曹 前 城 徹 以 目 海 下者, 海 視 臣 翻 致 娥 事 照 度 阮 隻 江 之 影 繹 乃 仲 陛 日 見 易 事 載 妙 命 絡 懿 7 如 惸 幺

梁 之水路開 臣 政 甚 矣, 理。 阻 聞 朕 何 行 福 肆 王 鷹 予 其 之尸 揚之衆。 善 黄 小 鉞 子,承 而 位 禍 揮 仍 而 其 興 祖 然 淫, 魚 宗 妖 介驚 天道 作 基 倘 幻 緒 沉 明 若 之 曾 以 物 鼓 正 燭 脅 亦 一样之 傳 冤 姦 知 ; 陳 束 捷; 豈 伐 帝之宫人; 約 敢 彼 混 賞 占 珍之 白 者 城 旄 善 魚 乃 指 而 目。 天 索 而 罰 賂 地 風 者惡, 如 求 神 雲 財, 勇 變 王 之共 於 色,誰 又 政 斷 擾 忿。 事 如 害 不 金 兆 盍 畏 百 石 嚴 民 簡 之 萬 之 懲 書。 堅。 之 性 恶 舟 之 胡 上下 師 象 乃 大 王 刑 諒 發,三 同 彼 熱 符,古 謹 之 害 Ŧ 之 强 下

蠟

書

翹

俟

旦

復

畏也。 從事 世 快傍人耳目。 也, 寡人否德,委任匪人。 榮拾之,乃是蛟絹尺素。 以枝葉之親,受方面之寄。 ,帶甲胄數千,前 宜速 利 \pm 寘諸鼎 聽完,龍 莫若修書回答,遣將 鑊,以徇貪饕。」傍有鯤丞相欠身奏曰: 顔變色曰: 去剿 汝等具臣 捕。 帝 展 復遣 專 開 一肆爲 此 事 捕 一看,只見上 鯉翰林修詞、龍閣 遊俠, 擒, 處地方,何人掌管?」鰲御史班 阿 與衆棄之,以 黨。 自任剛 卒使侮 面 强 寫 着: 頗 弄條 臣 明我之憲網 有 潤 帷 貫,貽笑塵寰。 色、 此 薄 龜 不修、 員 督郵充爲江使,賚上沙 不 穢德,水 疏 簠 中躍出, 也。」廣利王然之,乃 簋 始信同惡四 陸彰聞。 不飾之行。 奏曰: 苟私 凶,連株 廣利 此 頭。 以 乃 王大 命 刑 海 帝 鰐 法治之,未 Ŧi. 命 口 總 狗 怒 蛟 學士梁 兵、鼈 誠 日: 都 督 可

若 毫; 似 賴 有 不齊。 佞 非 可 私 膨 蓋 嗟 於 聞 之良佐。 乎 姦之 醜 某 陽 Ţ 類 猥 春 壅 以 有脚,未必先寒谷之中, 重 蔽 門 駑 漸 然三尺之公平具在,尚容致於深刑。 滔 オ 被 未開,覺 滔。 擬 慚 同於四 致令遐 非 堂上 龍 德 海,澤 遠 壤之分符,尚 同 兢 於千里。 仁思普於羣生。 惕 震 謹 耀 淵 臨 無 縱 知 冰履, 私 强 過 豈 臣 幸 之 承 自 啓 能 潦草 寄 跋 知 沃 照 扈。 鯉, 無 求 覆 濤 黨 箋,仰 作 盆 堲 已矣! 無 之下。 雨 讒 偏, 之 彌 祈 真 王 切 青 賢 蓋 四 道 命 照 天 龍 聰 之周 地 不 玄 默 達, 猶 雖 流 多 存 蕩 兩 信 高 所 荡; 間 輿 拱 憾 之 薪 幽 深 細 詎 而 居 顯 甚 意 造 各 於 似 輔 化 秋 忠 翼 亦

帝 看 罷, 遍 亦 羣 臣,皆注目以侍。 只見鰐總兵前去, 衆鱗甲後 隨, 如雷 如霆,蹈 λ 蛟 神 深 宅。 鼈 從 事

厲

聲

宣

旨日

加 以肉 蛟 魚 某 之重 以 瑣 尾 律 之庸 用正 才,當 百 刑 雄 藩 姑念其汗馬之微勞, 之重任,不 思 介直 惟 且寬八 逞 龜 議。 淫。 竄諸 便 非 陸 水 地 而 任 自越, 自 逃 生。 不 波 欽 而易 此 本

海口靈祠録

催之, 時 蛟 蛟神 波濤帖碧,崆屼撑青,前日明珠,不知從何處去。 《神聽罷,目光如電,鬚竪如戟,曰〔八〕: 遂奮身一 躍,泝水而上〔九〕。 正是蛟龍失勢,與蚯 「忍壞汝萬里長城!」遂入後堂,半嚮 但見玻瓈晻映,浮出香骸,艷麗宛然,不改生時玉 蚓 同。三軍齊力驅之,須臾低尾 方出。 衆皆 而 逝 以 矣 軍 霎 法

本是熙陵宫裹人, 臨 危爲 或 獨忘身。 妖風 一陣桃 花浪,春夢三更杜 若 濱

帝命以皇后之禮遷葬之,權制草祠,親行蒭奠。

御製一

律,題於壁左曰:

寒 水 無 端埋 楚婦,香魂 何 處 吊 湘 君? 吁嗟 百萬熊 羆旅,不及書生 檄文。

洪 或 降塵寰,得專司一方禍 真是女中文岳,當爲夫人改之。」挽筆欲寫 夫人淡妝素服,前致禮曰: 處,因駐宿于祠下。 恩 家將亡,必有妖孽。 也。 題畢整軍前往。 祠下雎鳩 但壁間 戲水文。」 玉律,最後 是夕,月明星稀,水天一色,帝想起當時之事,喟然嘆曰: 所到之處,恰如秋風之摧枯,泰山之厭卵,獲其酋長,全師 福。 禎祥妖孽,實關於君德之賢否矣。」徘徊者久之。 妾常歷披仙藉,陛下是霄殿仙童,他日相逢,容銜環 聯, 深蒙聖德,超出羈魂,余則羽化翰生,已瀟灑於白雲矣。 則 於君臣夫婦之間,妾心有所未安也。」帝 而醒,乃華胥一夢(二〇)。 明日 已而 即 點 塗改日 銀 面謝, 而返。 頭 「國家將興,必有禎 燭 É 斜 以報此山 明, 日正 上帝憐念忠耿, 夫人念不忘君 銅 綱常萬古應 龍 黄昏,復經故 半咽, 高海闊之 復見 祥; 無

回京後,帝遂命大起嚴祠, 給加皂隸,敕封「 制勝二字。 至今香火不絶,大有靈應云。

《廣採皇華集》)

校勘記

- [一] 「姬見言不聽」,「聽」原作「咱」,爲越南俗體,今改回正字,下同不注。
- [二] 「雨雪初晴」,「晴」原作「睛」,據Vhv. 1487 本改。
- [三] 「病態如帶雨之梨花」,「梨」原作「犁」,據文意改。

〔四〕「肆淫亂而麀聚其天倫」,「麀」原作「塵」,據Vhv. 1487 本改。

- 〔五〕「倘得重瞻天日」,「瞻」原作「占」,據Vhv. 1487 本改。
- 〔六〕「繹絡不絶」,「絡」原本作「路」,據Vhv. 1487 本改。
- 〔七〕 「乃命閣臣龍尚書拆讀」,「拆」原作「折」,據文意改。
- 〔八〕「鬚竪如戟」,「竪」原作「笠」,「戟」原作「戰」,據Vhv. 1487 本改。
- [九] 「泝水而上」,「泝」原作「沂」,據文意改。
- [一〇] 「乃華胥一夢」,「華」原作「花」,爲越南避諱字,今改回正字。



雲葛神女傳

雲葛神女傳

間,太婆懷妊逾期,遽攖一 然病轉劇,茫然不應。 善,旦夕焚香,以事上帝。 安泰雲葛,天本之名鄉也。 雖事 疾,淹淹獨卧,惟愛香嗜花而已。家人疑其花妖月祟,延師設醮,殆無虚日。 冗雑 其地 ,未嘗以缺,至於周旋一心,尤所樂願。 平,其水秀。 木樹、 疏 而茂, 風俗質而 年登不惑,甫育一子。 厚[二]。 内有黎太公, 果於 逮天祐 行

倒(三)。 笏執版者以百數。 大開,力士换衣與公,歷九重門而 有伏龍降虎之奇,出幽入明之妙,聞爾 入,探其袖,則法全無,但玉斧一柄而已。 後中 果見數員力士,引公前去,路上一層高 秋夜,月色如 初奏鈞、韶之音,繼舞《霓裳》之曲。 書。 門外一 入。 人, 葛巾緼袍, 以拜章之術求進。 竚立廡下,偷見 邁於種德,特從相助,何乃當面錯過也[二]?」太公聞之,遽 道人披髮登壇,密念通天咒語,將斧向地一擲,太公應 層。 天色朦朧,有同 紅雲 琉璃盤内,供王母之蟠桃; 一朵,捧著冕旒王者,兩班披霞衣著六殊,持 莊客不納,其人拂衣笑曰: 淡月。 忽至一所,金城屹立。 瑪瑙壺中,獻老君之 拜 玉 手 請 我 門 而 自 延

丹藥。 缺 其 閻羅 角 貢 左班 寶樹 中閃出 河洞 庭 進 員,手: 驪 珠。 披玉簿, 玩好珍奇, 約書數十字,良久雷霆振聲曰: 非 人間之所 有者。 俄 見一 位紅衣娘子, 爾薄文明之地 捧 玉 耶? 杯上 壽 繼 失手 後 使

望遥,字澀不能 者兩員,侍女數輩,擁這紅衣從南門而出。 悉辨。 太公問力士曰: 「此何爲者也?」力士曰: 前引一金字牌,上是「敕降」字,中有兩「南」字,下乃缺字,其餘 「此乃第二仙 主瓊娘,此行必被 滴

公漸 矣[四]。]廡中一人出來,叱曰: 家靈其術,感其德,稱嘆不已。 漸覺醒,則太婆神舒體快,已生一位女子矣。是夕,異香滿室,祥光照窗,喧喜間道人忽然不見。 公想出神之見,必仙人降生,因以降 「何等職 司,在此嘈雜?」力士曰:「我等是五雷神兵候旨。」因曳公返。 仙 名焉

其美也。 每見春花明媚,鶯 及長,膚白凝脂,髮光可鑑,眉彎新月,目湛秋波。 嘗静居一室,學字觀書。 燕争啼,夏景清凉,榴荷 尤善簫彈,精音律。 澍艷, 秋夜姮 古云: 竊湘妃之妙技,占弄玉之高才。 娥開寶鏡,冬天玉女撒銀花, 「比花花解語,比玉玉生香。」亦足以形容 則 凡閒 對 景生 居無事之時 情, 拈弄筆

其一《春詞》:

墨

嘗作《四序詞》各

闋,被于管彈以自娱

春光似 畫 暖 氣 微 愛 H 遲。 桃 花含笑柳 舒 眉 蝶 亂 飛。 叢 黄 睍 睆, 梁 頭 紫 燕 喃 呢 浩 春

其二《夏詞》:

閨不自持,掇

新

詞

右《春

光調

如 何 好。 坤 增 這 般景色, |燠[五] 草裏 添起 番 蛙 撩撩。 鬧。 枝 幸 頭 祝 寒 融 蟬 君 噪 鼓 , 聲 聲 曲 社 南 宇 薰 惱。 操, 親 啞 送 啞 荷 黄 香 鸝 到 咾, 類 前 相 番 告。 傷 心, 春 隨 主 風 盡 歸 掃

右調《隔浦蓮》

其三《秋詞》:

水面 浮藍 Ш 削 玉,金風剪剪敲寒竹。 蘆花 萬里白依依,樹色霜 凝紅染緑。

瑩撤蟾 宫娥 獨 宿,瑶階獨 步秋懷促。 不如徑來籬下菊,花香閒 坐,撫 瓠彈 曲 右調《步步蟾

其四《冬詞》:

玄冥播令滿 累 山,鴻 已南還,鴈 已南還。 朔風 凛 冽雪漫漫,遍倚欄杆,倦倚 欄杆

爐尚爾 青顔,坐怎能安,卧怎能安。 起觀姑射落 塵間,花不知寒,人不知寒。 右調《一 剪梅

義父。 凡,遂有附喬之願。二公亦喜其同鄉,欣然許諾,六禮既成,女歸於夫家,事公姑以孝,處良人以順,頗 年無子,步月花街,得一嬰兒於碧桃樹下,因收養之,唤名桃郎,至是已日成矣。 陳公爲陳朝遠派,以母鄉寓籍于此。 日,太公偶 過庭 前 聞 彈 聲 嚮亮, 調 曲 太公因構樓於陳之花園,移女居焉。 清新, 傾耳聽之。不以爲喜,反以爲憂,遂與志友陳 見女言行有法,姿質不 不意隔 壁有 官家, 公拜 有 晚 爲

、關雎》之風。

霄則 病 而 愁攢春眉,會瑶池則淚彈玉臉。 殂,青年纔二十有一。 明年,遽得熊羆吉夢。 三家不勝哀慘,從厚而葬。女自身歸帝鄉之後,以塵緣未滿,不能 後年,復有門楣佳慶。光陰迅速,斗柄已三東指矣。時三月初三日,女忽 羣仙見而憐之,訴於上帝。 帝封爲柳杏公主,仍許下塵 忘 情 侍 靈 無

玉官蠹生。 仙 主 奉 命 壁上 歸鄉,則已二祥矣。 詩歌, 盡被烏龍捲字; 時老婆正苦思兒,徑來主舊房,見其晚風捲簾,斜陽入户,牙彈 桌前器皿(六), 惟餘老鼠欺人。 老婆睹物思人, 慟挹於地。 仙主

但 魂消,今既來之,則安之,何乃言别,若是其急乎?」仙主曰:: 庶少減孩兒之罪耳。」復顧其兄,囑以奉親之事,便欲辭去。 遽入,抱母 加 流 戲 淚 舞庭前,獻由米而承歡膝下; 而已。 太公、陳公及其兄一來,驚喜交集。 孩兒在此,母親不必傷悲。」老婆 争奈玄機莫測,天數難逃,願三大人割夷甫之深情,收卜商之哀淚, 仙主拜泣曰: 睁 目 日 陳公泣止之曰: 「兒是第二仙宫,有事被 吾兒何處得 「孩兒失孝,累及雙親 來, 「自從吾兒棄世,我等心喪 母 乃不 死 謫 非 乎? 今 不 二仙 辭 願 塵 主 著采衣 劫, 摇 復 首

夕初 秋時 且説 節 桃 生自斷弦之後,挈子隨父赴京。 景色凄凉。 雨滴空階,偏入愁人之耳; 僻處孤 齋, 風 舉業皆廢。 敲 蕉葉,易驚旅客之魂。 行住坐卧, 無 生抱子而坐,偶吟《感 而 非 懷 愁 惹 恨 也。 得入仙簿籍,異日必當完聚。

保無虞也。」言訖不見。

雖三魂具在,然九魄已非,更不能常住人間矣。

爺娘

曾

有

陰

功,

侍帝庭。但以念切劬勞,暫來候問。

其一

懷》二絶云:

塵 劫 嗟予 浪此生,前緣 暗想不勝情。 當年司馬求凰曲 變 作離 别

其二

孤 愁客邸不成 眠, 況是 凄 風苦 1雨天。 天若 有情 應 念我,莫教 風 雨 過 窗 前

豈 扉外,叩 吟完,子已熟睡。 意 半 生契闊 聲甚急。 中 道 生叫 生啓而視之,乃仙主也。 化離。 乳母: 抱子安眠,復盤 返鳳侣於雲中,折鸞羣於雪夜。 生挽 膝 而坐,愈覺無聊。 衣泣曰: 「卑人多福,得配瑶姿, 孤衾隻影,落莫何堪 卒然冷氣 倏 來,寒燈 ? 産子育兒,家庭 惟願相從,以慰寸心 半 明 半滅。 俄 有慶。 聞 柴

馬

,從者數十,前有旄節一

柄,乃應聲曰:

「重山出路,

走來使者吏人。」其人下馬曰:

娘子何方人物,

兀

約

座

殘

撫

塵渴

也。仙

主以袖

掩面

曰 :

「良人差矣。

鍾情之極,從古有之。

但不可徒牽紅粉之私

自

墜青雲

任子之悲

·, 挂

申

歡

無

況上有

雲萬神女傅

九 七

莊父老,留行銀以爲重整祗園之費,題詩壹絶句於左廊而去。 公主加於木者,柳杏公主也。 木横倒當道,細認之,有「卯口公主」四字。木傍立一硃標云:: 美才? 文子帶長巾,必是學生侍 」仙主遥 指 Ш 中 記冰馬已走者,是待 帳。」其人聽罷,忙深深作揖,擡頭已無人矣。 此 處 人也。」其人復唱曰: 我馮 姓起動· 其詩曰: 也。」衆人聞其言,各吐舌稱異。 「冰馬已走。」從者請其故,公曰: Щ 人憑 几 莫 遍尋寺中,不見踪 非 仙 女 臨 凡。」仙 迹 公遂召 主 卯 只 復 見 應 \Box

蕞林寂莫弗人家,忽聽有人山外歌。 歌罷遶雲人不見,滿前 山 色碧嵯 峨

復起 繁花之想,返駕東京,常往來長安間,如槐街、報天、横亭、東津,無日不至,常人莫之測 此 後,仙主浪行踪於駕霧乘雲,肆逸興於吟風弄月,凡四 方名山大川 、城省寺刹, 無不 留 題 紀 勝 後

登黄鶴 望西 侯(七)。」不如且向忙 湖 時 散步 馮侍講還自北使,充入鄉曹,吏事紛拏,簿書叢脞終日,甚覺不耐,因想起四牡所經之處,泛洞 、飲岳陽 題 赤 中覓 壁,前日何等瀟洒,如今何等煩冗。 閒遊也。 因帶詩囊,携酒壺, 招二個少年朋友,一是吴舉人,一是李秀才 岑樓子云: 「蓑笠西湖榮佩印 桑麻 翳 野勝 直 封

而 興乎?」馮即 來,舉目 此 日 Œ 值 間 初夏,天色晴 吟曰 已抵西湖岸 矣。 明 一人轉 李喜謂 過 馮 帶 Ŀ 林, 老 臺 復 學 歷 許多孤 富 五車 亭水榭 ,才高七步,今逢此良辰好景,能不 時 聞 熏 風 車 陣 將 荷 香 勃 撲

利奔 波 片 塵 一,西 湖寸步忽閒 身。 蓬萊 方丈皆虚幻 始 信 仙 凡 總是

吴繼吟曰:

然 方 寸 俗塵 無 包 括 乾 坤 畫 啚 霽月光 風 隨 洒 落 月 中 何 處 不 西

李亦吟曰:

花迎客

店柳迎

船,

縱目

西湖

盡

醉

眠。

醒起詩談驚四

座,此

身應是

謪

神

仙

粉壁盡 閒 是何所在? 中閒日月,城下小乾坤。」門内紗簾晻映,有一少年紅衣美人,托窗 酒樓,屈曲 桂枝甚近,姮娥未必不見愛也。」三人相顧大笑,復沿著湖堤而進,縱目 馮公聽罷,欣然曰: 此 玩。 名柳娘新 果然樓中景物,幽雅不凡。 老臺沈鬱,自是大家風範。 新詩,數幅錦屏皆古畫。 花欄,盡是湘江斑竹。 某等足隨興使,誤入蓬瀛,欲借貴莊[八],暫作蘭庭勝會,未審仙家肯容塵俗否?」美人曰: 店也,諸公既是詩酒韻 吴兄清奇, 李生引目觀看不已,俄見東壁有一絶云 樓前朱區, 李兄放逸,二公氣象,大概不同。 簷前 晚輩效颦,徒取賣水江頭之笑,何敢當仙才過譽乎 士,一座 鸚鵡 聲聲,戲金鬟之女使,瓶 何妨。」因 寫著「西湖 命捲 風 月四 起紗窗,三人整衣 個 而立,李生前 大字,門旁草書 要之,各極 内蓮花朵朵, 遊觀。 而 忽見槐陰 向打恭 其 入,對 至, 紅紙 和 寶鼎之香煙。 坐於 真 Ė: 兩 深處, 仙 雖 對 南 然 才 聯云: 窗下 廣 此處樓臺 也。」吴、李 露出 素云賒 飲酒 壺 座

店 方門 内 照明 月, 時正 人旁立 土 圭。 客有三星鈎月帶, 惠 然 一木兩 人堤。

顧 馮 公識此意乎? 」馮佯爲沉吟不曉之狀,李遂將四 句語折 成十二字云

店方閒,時正佳。客有心,惠然來。

侍女捧 折罷 乘 著酒興, 幅 花箋曰: 向 屏 内大聲 主人風 Ė 味 酸寒, 主人既有惠 無以 爲 贈, 來之願,今高 敬將菲題 奉 朋滿 聊 坐, 爲侑酒 豈 無 之需。 物 見 惠 儻諸公不吝 乎? 言未 畢 揮 已見

遭逢 堅。 影 手相 淺 桂棹手 夏來 涓。 尾 旨酒之興,早見紅衣美人娉 **云** 大 眠 李曰 馮 猶 魚,望斜 中 抱 生 莫非此 醉後等 雲 涯 膝 戲 中 西 既 愛日」, 芡錢 蕩 湖 佳 外 徐 承 何 閒 别 吾 處 雅 話 吴曰: · 筲 抛 桃源 觀 四 馮 數 占 也。」李 看 意 人,有挾 言 行 顧 蚌 間 好 笠 率 當 且 壺天。」李卒然吟 懸 結 勢」, 放 微 屋 好 性 水 即 歌 魚于 訪 蓮 為 茫迭後先。 面 生 連 \boxminus 君平之術 , 吴 曰: 武 長安冬盡 李 間 短 忙 吟, 好 短簑衣 陵緣。 樓 幾 藏菜嫩」,吴曰: 馮 接 娉婷 結 但 曲 外 看 我 巴下 愐 滄 Ź, 婷 正 舟 否? 聞 未 活 探 歌 欸乃 身上穿。 去。 而 中 「浴餘校 里人, 知年。 稱 鐘 聞 計 日 乃 頷笑彼没 出 壺酉兮, 侍 乍覺 賞 水 往 誰 馮 西 間 或 女接 向 家 來 心下未定,不意樓中 曲 湖 三公肯把煙 縱目 仿佛 西 心爲佛」, 紅蓼 初 忽見 单. 觀 李曰: 龍 籃 隻 壁 入樓 爾 曝 調 魚 淵 沉梢 船 乾 間 洞 畔 店中星罶 樓 風 鄙 坤 内, 庭 倚於坐下, 排 外 前。 馮 網 底 遊范蠡」,吴曰: 隔 盡 願 馮 不半 律, 霞换 養魚 竹 豁 得 吟 疏 個 安華牧子新 雙白 疏 然。 陽 連 每 尚未絶聲, 兮, 嚮 漁 避 鮮。 春 籬 聲 間 徐啓朱唇曰: 李 : 古樹 轉 誰 眼 聞 勢途險」, 應 嘔 犬 或 唱 出 傲 知 赤 \exists 啞 吠」, 透莊. 將 塵 排 青 占 脚 出 以 樓 朋 淡 喧 1 焦 下 衣侍女, 入白蘆 引之何如?」侍 中 依 李 半 結(七)」,吴曰: 青寞寞」,馮曰: 道兮。 馮 酒花叢酌」,李曰: 季 頭 敢 應聲 日: 稀碧 點寧 交頭 膺 不 弊 鮮 從 「文人辱臨菰 邊。 携酒 目 襦 對 漢 容俗 鱠 馮 命, 烹茶敗 鈎直 泛張 短 話 矣[九] 静 沙 葛 慮 依 敢 聽, 得月 中 壺 騫。 荷 牽 羞 不 女反 手 狎 莫 蓋 辟 來 將 從 金 提 上 戲 干 應 解 室, 渭 透 遞 利 步 命 竹 苑 亡 尋 牛 其 知 時 馮 厨 與 水 餌 几 機鷺, 取 居 Œ 意。 我 任 樵 枕 浩 煙 漁 懸。 席 夫 馮 符 出 是 長 蕩 水 内 適 生 舊 接 有三 緑 仙 輕 文伯 寒 伸 漁 生 渚 約 柳 輕 涓 起

奉使山· 信 馮 知 智之趣 李生曰: 慧性,高 教大方。」三人聽之,乃是: 三千塵敻隔,望之想已幸三生。 味 先對,技癢才情, 其 羅什、僧孺之事,果非 忽見樹間有兩行篆字云 薄 我罶 説 意 殺 中所見之事,説與二生。 月重訪舊遊,至則湖水茫茫,樓臺不 公看完,正倚窗索興, 出尋常 更 仙主既 權 元 中 遇 作 無 可 表 仲 衣 此詩意,氣格不凡。 魚也。 得 乃爾也。」美人曰: 嘉 春 裳 離 聞 魚厚 風 西湖,復駕乂安朔鄉焉。 復 樹樹 乎?」美人曰: 作車,朝 向美 意 至占ト之言, 虚傳也。」各快快 桃 爾。」吴生曰: 人朗 花,發得精 「三魚鱻 遥見湖上湧出一輪明月,因應曰: 遊 吴生喟然曰[[〇]: 誦曰: 兜 」説罷,向三人打 率暮 我等前日之遊, 無非寓易意爾。]三人聞言嘆曰: 鱠, 諸 這 神可 _ 煙 公胸 樓前食 此狂歌, 而 搪 霞。 去。 愛。 在。 月色澄明, 突華 朔鄉之東, 藏 會众款三人。」 世 錦 仙主 但 人欲 門,無任惶愧。」李生曰:「 有 繡, 必 聞 萬福,轉身屏後去了。 何難解? 與天仙日 遂 П 識 晚 老臺 有 於 噴珠 興此只 吾名姓,壹 蟬 樹 前日詩句,以 相遇, 帶桃林。 璣, 陰 部,噪於槐樹上而已。 言。壺 堪 足可 拂 「兩个竹筵,湖上延朋 成一對。」仙 真 大 酉」者,增彼壺中 塊 驚 可 Ш 碧山 白 人 幸也。」馮 動鬼神矣。 娘子無乃天上人乎? 神仙爲虚 三人乘著月色,收 玉 石閑坐。 一襟其 曩 夐 主 者 南 見他 漁 公連 幻之事。 人 頃因 左顧 清溪帶 三人依槐 乾 歌 狂 連 酒 看兩月。」 曲 放, 構得 右 點 也 其 頭, 甚 盼 今番此遇, 莞 北 爾 而 陰 因 爾 見 言 何 對, 蹺 П 席 李 星罶 溪 答 其 絶

草

而

生見

蹊,不

靈心

復

花依水,水緑花紅

,蕩漾相映,不減桃

源

勝

景,

所

欠者漁郎問

津

耳。

大

步

至溪邊,

撲

花

而

戲,不

覺

鳥

落

鳥

中

落

有

始

年

故 往。 雙謝,棠棣孤 惟效和聖人之自信,則妾不勝頂戴也。」這少年疑是懷春遊女,佯爲不聞,趨而去之。 啼,已將晚矣。 日之配偶也,只因亡於愁鬱,復托生於此。 確然見拒耳。 仙 主 暗喜,遥謂 開,家室未諧,貧寒撤骨。 忽見 他日復出, 生日: Ш 脚 少年 見當道桃樹 妾因 書 踏青看花,遠來迷路,君家何處? 生,神凝體 此日肄業席散 幅華箋,有詩一律曰: 年纔弱冠,志邁常人。 秀,玉潤 冰 而歸,恰與 清,袖藏墳典之書 仙 有倚馬之才,有擲 主相 借宿 遇。 一宵, 胸滿 但 生嚴於女戒,不省生前, 願 經 綸之學,直投 勿執魯男子之所 原來此生乃仙主 菓之貌。 不幸 西 村 前 侕

艷 質天 然 不 假栽,芳心 貞守幾 年 來。 豈容 塵 俗等閒見,直待· 春 君 次 弟

素女相 知 長 我照,風姨 傳信爲 誰媒? 早知 流水無情戀,莫遣 飛 紅 逐 客杯

看畢 ,復起憐才之念,慨然嘆曰: 「筆力停匀, 詩辭香艷,不意世間有如此才女! 雖易安復生, 淑

真再世,亦未知其優劣也。」遂於詩左,復賡一律曰:

見瑶池 殿外栽,如何 仙 種 落 塵來? 滿前 凡草閒 無語,獨傍幽 蘭 空 自 開。

玄管風 光應取笑,朱門 狂 浪 敢 通 媒? 相逢林下增 憫 悵,欲 醉 羅 浮 酒 杯

題 罷 身如 夢境, 心似 懸旌,欲往林裏相尋,又恐失於造次,只 得坐 在 樹 下, 傍 徨 顧 望。 直 至 天 色傍

方勉强言歸。 時 春 雨淋漓, 連 數日,生愈增帳恨,因綴成一 詞 以寫 幽懷云:

里 雨 オ 何佳 伯 風 情 姨 太 何好,一片才情撩客惱。 薄 情 春愁寥寂 户 常局。 客惱 幾 旦 幾時消,相尋不 夢 遶 桃 源 裏,欲把千金買 怕遥。 風忽起, 晴。 兩 右調《風 忽至,深 雨 恨 嗟 咫尺 成千

次日 和 風飛柳絮, 暖 氣拂遊絲,果開得 天曙色。 生行且想曰: 我之前詩,必爲 風 雨所敗,不知 曾得

其萬 美人一 感盛 得重逢,不知何修至此也。」仙主於石上請生就坐,曰:「妾縣傍之官家女也。 修爲哉?」復吟曰: 愛才,而後世不疵其越禮。 思[一],自冒投桃之恥。倘君子不嫌聲迹,許結絲蘿,安知不是三生香火姻緣也?」生大喜 效十年之待字,深虞多露之見欺。 垂憐,容求作伐。」仙主笑曰:「丈夫行事,何必若是其執也? 夫文君識貨,而談者皆羨其行權 生日: 心,自念荒疏,不堪 題完,遥聞 也。 賞鑒否?」比至,則 ,再題一首云: 千樹桃花後度栽,劉 藍 萬 誰 是以不慚形穢,妄自續貂,抱春悶以空回,悵芳塵之末挹,自念寒儒福薄,貧士緣慳。 壁何緣敢 種 顧 「『天庭玉杯』是何説話 相 林中有聲曰: 繩 思慎 蒙君有意,牽 徒 浪 種栽,喜逢佳偶自天 日 仰附。 語 栽,尋 應 桃花依舊, 妾之與君,上無父母之可告,下無親戚之可懷,知已相逢, 知 芳忍. 郎何幸又重 期惜恨我無媒。 「君子復至此乎?」生見是仙主,喜出望外,向 詎意諄諄不棄,辱 紅 葉是户 負此 昨 ?仙 者泯 墨迹宛新,惟玉人不知 番 來? 來。 媒。 主 來。 迹繁花,移居林内,見君翻 曰: 昔年秋夜銀橋隔,今日 藁 數行 吁嗟奇遇成烏有,愁海 百年緣債還收拾,萬斛 砧 練 後日便知,不必問 錦 自古多前定,莫怨天 鍾情,雖曹子之遇江妃,鄭生之逢溪女,亦足 字 人 如 在 何處耳。 陣 春 茫 也。」生遂續 春 翻吉士, 幽 復將前詩 置 庭 茫 風 愁 玉 墮 陬 花 鎖 玉 渡 正 前 擺 洒 杯 開 怙恃雙亡,門庭冷落 杯 施 開 讀 洒 禮曰: 過 真儒 遍 故 言爲禮,奚求蹇)對詩 E. 前蒙青眼,深 動 起 快悒,若

標

梅之

欲

多謝

紅拂

以

仿

佛

今日

幸

昌世已符飛 鳳卜,語冰不假令狐媒。寒儒遥報將何以,願把新詩當謝 杯。

酒言曰: 之時多,遊雪門之日少。一夕,仙主夜織未罷,見生帶月而歸,因設坐庭前,焚香對飲。 詩成,二人緩步而歸。 「秋色澄明,月輪瑩徹,二十八宿分明,子兮子兮,如此良夜何?」仙主見生放蕩,常欲勉正,因 至家望月訂盟,朝天拜謝,遂成琴瑟之樂。起居出入,相敬如賓。生自此在春閨 生四顧良久,帶

「女」顔誰「謂」遠書「房」,「畢」把「危」「心」定主「張」。 鄰「軫」「室」「虚」分「壁」焰,月「低」「昴」 「柳」文「星」炳須「參」究,「箕」傳「牛」毛要「井」詳。「觜」吐「奎」翰争「鬼」「斗」,禹門

生之言,遂以二十八宿疊成一律曰:

翼」「尾」趨陽「亢」。

角」借「樓」光。

生見詩,知有諷己勤學之意,即倒和曰:

動「星」光。「角」才誰「謂」「低」唐「柳」,「翼」卯多「心」「尾」漢「張」。素「女」清「虚」應「軫」我,桂枝月 吞「牛」掘「井」志方「亢」,「箕」授「參」傳已「畢」詳。「斗」「室」「壁」題鸞「鬼」膽 「危」「樓」「奎」咏

觜」送文「房」。

斗斜,方纔就 争奇鬥艷以爲才,尋章摘句以爲能,而欲竊儒之名,不亦遠乎?」生再三致謝,曰:「小生少負微才,失 於狂放,今承金誨,銘刻在心,不敢更蹈前非矣。」仙主聞生之言,歡慰不勝。 夫妻再閒談往事,直至月落 仙 主得詩,謂生曰: 寢 歲餘生得一子,穎悟非常。 「夫所謂儒者,窮經致用,學古入官,始雖文翰而進身,終則經綸 生喜其萬事已足,學業日增。明年,一舉連捷,官居翰苑,衙 愐 濟 世。

静吏稀,終日與仙主唱酬,曲盡人間之樂。

愁

波

悵

海

應

難

涸

思

愛已

隨

霜

葉

薄

錦

帳

香

銷

重

慘

悽

柱

臺

影

去長

在矣。 之狀 事 今謫 蕭 諒 愁 女,乃上界之仙 弱 出 生白髮,亦何益乎?」生愕然失色曰: ,忍寒同穴之盟 無奈耳 期已滿, 妾非貪縈微之樂,而忘荆布之恩; 俄而 生昏悶 夕殘冬,寒威 强起憑欄 紅路 復命 車 移 」生聞言悽愴可 時 Ė ? ,寄情紙筆,哀怨之辭,不能 只因 霄 佩之聲,漸逼門外, 自是公務荒疏 相 庭,念君子之枕席 桂 誤 逼。 落中天,花殘上苑, 堕玉杯 二人擁 掬,淚眼交流。 暫遭 ,形容銷 爐 倚 復勸解 誰 謪 火, 譴 「仙凡 供, 憐妾兒之幼沖 非 痩。 何其締合易而 仙 三更末,仙主迎兒與 重 虚 數語而 與君作合 主 蓬 但有月照 見,惟留 懸隔,幸得 潸 閬之遊, 然下 去。 誠 數 淚。 生急欲挽之,只 疏 分散不 行, 而 匪 一聯姻, 簾, 何 輕 偶 生 恃 糟 風吹 然。 驚 篇 ? 夫 糠 難 生 問 也? 寒 之誼 婦 前 悲歡 曾 其故 綱 諧 帳 拜 常 見香風 爲 常 宿 仙 遊燕雙飛巢舊壘, 仙 但 世 别, 事 贵 主 恨 之芥 主 日 堪 執生之手,似 離 颦 歸 頻來,祥雲四合, 渺 合 眉 針 期已促, 忽 由 日 : 事 天。 再 君有年, 執 今甫契尋芳之 難可 此 雖 妾非 征 有不忍 淚 生之箕 鴻 少留 洒 豈不相 已 獨 凡 紅 失所 間 相 띠 冰 渡 亦

慇 誰 寒 同 收 儒 13 知 並 林 自 盡 雨 古 蔕 下 見 日 散 多 矢 對 蒙 掩柴扉 巫 憂 無 花 相 Ш 愛,萍 談 患 瘦, 他 落 獨 · 嚇 橋 掩柴扉 旦 魄 斷 囑 水 分 嗟予 庭 鳥 藍 飛 離 前 橋 將 朝 更 暗 銀 如 可 漢 奈 月 有 淚 拜。 何? 悲。 斜。 待。 垂。 垂 愛 願 反 徒 炊臼 海 壁 爲 淚 側 無 年 龍 + 何 徘 端 年 行 須 鍾 徊 成 並 夢 斑 何 鸞 葉連, 似 好 所 悵 客 竹, 海 逑 倚 夢 哀腸 思 願 出 專 鼓盆 波 爲 門 員 劫 何 想 潦 百 慷 劫 到 結 事 慨 起 酬 誰 亂 吐 愁波 緣 S 相 如 莊 債 絲。 知 歌

水 流 别 南 澗 鶴 藻 何 悽 空生, 凉,永 風 念伊 動 西 垣 人杠 花 斷 自 落。 腸 安得 桃 水 自 琴 深 弦 再續 情 自 淺 鶯 柳 焉 得 條 華 偏 表 短 恨 重 偏 來 長 鶴

長 卿 渴 病 應 難 瘳 奉 倩癡 Ü 祗 自 傷。 昔日 庭 前 祈 禱 處 而 今 惟 有 月 茫 茫。

茫 茫 月 色 如 前 度, 月色不 知 人 思 苦。 早 識 仙 易别 離 當 初莫 λ 天 台

天 台路 隔 幾千 重 一,前 度劉 郎 那 得 通? 何 日 再伸平日 約,今生已 負死 生同

齊 眉 行 義 高 Ш 仰, 結 髮 思 情 逝 水 東。 海 誓 山 盟 無 覓 處 可 憐 好 事 頭 空

轉 頭 不 光 陰 换, 緑 暗 紅 稀 春 又 晚。 燕 子傷 Ü 舞不 成 鶯 兒惜 景 歌 如 怨。

誰 家 梅 笛 弄 黄昏 何 處 玉 簫吹夜半。 況 複 深 秋 滯 雨 時 隔 岸 寒 砧 聲 續

砧 隔 岸 搗 深 秋 不 搗 秋 深 搗 客 愁。 獨 坐 殘 燈 常作 伴 失 眠 長 漏 久 爲 仇

氊 冷 淡 紅 塵 一鎖,孤 枕悽 凉白雪浮。 已 矣佳 人 難 再得 北 堂 惟 有 樹 忘 憂

以 仰 本,謝事 事 此 俯育爲圖,今我既乏經濟之才,又無親眷之累,豈能爲 後,生纏身病骨,懶於宦情。 歸 鄉,築居桃林舊處,終身不娶,教子成名,惟托興煙 嘗自嘆曰: 「凡人之求仕者,或爲 身哺 霞,放情詩 啜,久縻於名利之場 國則以 酒 而已。 輔 世 長民爲志, 乎?」遂上乞骸 或 家 則

草 得 清 覓 幽 塵 寰 説仙主對天帝曰: 玉 井 遊 鍾 也。」帝許之。 靈 湧 出 陰陽之水; 五紀之期,已完公案。三生之想,獨絆私 仙主乃帶桂、柿二娘, 雲 衢 有蕩 通 來南 直指清華庸葛 北之人。 仙主每於此處,大 地 方,騰 心 空而 惟 願 下。 陟 降 顯福 這 無常, 地 善 方 禍 遨 Ш 嶺 遊 淫手段, 自 秀麗 在 花 庶

民

震

懼

相

率

祠

而

奉之。

致禱。 矣。 護之功, 異其事 新我廟,我當除災降福,轉禍爲祥,否則使汝一方,終無噍類矣!」鄉人如神降所言,詣闕叩 弓,有發炮,聲似雷霆。 誰知王威誠大,仙法更神。 景治年間,朝廷聞知,遽命羽林衛士,方外法人,大爲勦除之舉。 忽然衆人叢裏躍出一人,跳坐三層壇上,厲聲曰: ,即命重創廟宇於庯葛山中,敕封碼黄公主。 加贈 「制勝和妙大王」,榮列祀典。至今家家畫像,處處構祠, 或擲印,或飛符,勢如風雨。 數月之後,疫染一方,殃遺六畜,比前日十分猖獗。 霎時間,山川變色,鳥獸驚惶,竟將 方民祈禳者,輒 「我乃上天仙女,顯聖凡間,汝能請命朝廷,重 以介景福云。 報 此時象馬喧阗,鼓鐘 應 如響。 後來王師平寇, 鄉民愈不能 一座靈祠,成灰燼 振 訴。 動 堪 大有默 朝廷 結 有張 靈 壇

校勘記

- 〔一〕「風俗質而厚」,「厚」原作「龎」,據Vhv. 1487 本改。
- [二]「當面錯過」,「錯」原作「措」,據Vhv. 1487 本改。
- [三] 「太公應手而倒」,「倒」本作「到」,據Vhv. 1487本改。
- 四〕「此行必被謫矣」、「謫」原作「滴」、據Vhv. 1487本改。
- 五〕「乾坤增鬱燠」、「增」下原有一「著」字,據Vhv. 1487 本删。
- 〔六〕「桌前器皿」,「桌」原作「卓」,據Vhv. 1487 本改。
- 〔七〕「桑麻翳野勝封侯」,「侯」原作「候」,據Vhv. 1487 本改。

〔八〕「欲借貴莊」,「莊」原作「床」,據文意改。 Vhv. 1487 本作「粧」。

[九]「已排下季膺鮮鱠」,「季」原作「李」,據文意改。

[一〇]「吴生喟然曰」,「喟」原作「謂」,據文意改。

[一一]「故動起標梅之思」,「梅」原作「枚」,據文意改。

[一二]「今日春闌玉鎖開」,「闌」原作「圍」,據文意改。

安邑烈女録

文江段紅霞女子著

家兄雪庵

淡

如甫批

評

輒 弟。 精針線,長翰墨,技藝之多,一時獨步。 與夫人閑論忠臣烈女,聯吟白雪陽春。 幾冠而議桃天,争奈蛇虺屢徵,熊羆欠夢,復納守相家女阮氏亞室焉。 皇朝 永盛年間,有一少年進士,丁其姓,完其名,自號默齋,乃乂安安邑人也。 暨于歸,果能以正處已,以禮事夫。公愛而敬之,每遇退食之暇 酬唱之閒,備見於《關雅和鳴集》,不暇贅引記 這阮氏姿容閒雅,舉 公幼失怙恃,終鮮兄 止端莊

日,公春睡宴起,夫人吟《脱簪》一律以正之。其詞曰:

日 出 端非月出光,良人獨自倚仙牀。 周公未遇關心切,湘水何方去路長。

燕逸倘忘今職業,難鳴忍聽古詩章。 阿 誰 添 滴 銅龍水,免使三晨悔管 郎

公覽詩嘆曰: 「措詞柔婉,寓意深長,古稱姜后、 徐妃,當避出一 頭地矣。」遽召夫人,改容致 謝 自

此握髮吐哺,旰食宵衣,在官僚者,咸以勤幹稱

至乙未年,朝廷選使臣,結好鄰國,羣臣以公應命焉。 公謝旨回院,謂夫人曰: 「我生黎朝, 受黎朝

安邑烈女録

病。 倦, 塵勞頓,此時天各一方,寧能使妾鐵 夫人聞言,良久掩淚曰: 房,守貞心於雪枕 爵, ,夫人持曲水杯, 緑慘紅愁,妾之此身亦何足算。 公亦爲之慘然,第以 食黎朝 廪 禄 東西 霜衾,寄幽悵於春花秋 南 王事在身, 首云 北,惟上所 原隰勤勞,桑蓬氣概,此大丈夫本 所慮者以金玉之姿,冒嚴凝之地, 每 石 使。 其 懷靡及, 月,想此 肝 倘 腸乎!」言罷,淚 能 不辱君命, 終付之無 時 節,何 能爲 可 亦不負我 奈 事 如 情 何。 雨下。 妾非 ? 初來志 至 此我之以眷眷於汝 登山涉水,沐 期, 惟 公再三安慰, 不 百 也。 短 官撤 亦不 獨 祖,全家送至吕 憐 敢 雨 汝 竟憂心 櫛 言 羸 風, 也 而 羸 不 慢慢, 弱質, 旅 忍釋 至 次 如 蕭 染成 懷 黛 寂 條,行 也。 殘 寂 仍 粉 孤

北 或 長亭 觀 光 萬 酬 里心 志大, 南 青春 天 易 陟 擲 嶺 隔 擁 分陰。 愁 深。 皇 如 何 華 賦 覓 就楊 得 迷 丹 鞭 藥 去 折 柳 醒 悠 詩 然 成 掩 聽 淚 好

贈詩

公見其 惋 戚,復 賡原韻 ,以慰之云

仳 離 事 勿 關 Ú 月有清光亦 有 陰。 怯 病牽 情 須强 食,含情 觸 景 莫 悲吟。

士 德 糟 糠 薄 重 感 君 思 滄 海 深。 此 去 粗 酬 身 事 了,三 秋 琴 瑟 整 同

其 漣 邁 Ŀ 漣 去如雲,後擁 時 楚雨 詩 至家 成 , 芳艷爲之暗消; 幾不起。 公解 新, 每 前 羅 遇 呼,其從如水。 衣 附 、贈之。 夫人姐 打杏花, 明 妹及公之親屬 傷心 日 烟含橘柚 家人伫立以送,皆曰: 「壯 整頓登程,舉家含淚 而落落秦雲,豐度爲之頓改。 是 都來慰 斷 腸 時 解, 也。 方 拜 或 始 别。 聽 勉 草 哉 强 公欣然上 蟲 加 ! 對月 晚 餐, 此 噪, 則 行 偷 馬, Ę 春 也。」獨夫人翻 閒 吁 鳥 消 若不以 短嘆, 遣。 晨 啼 但 閨 臨 是消 所 聞 風 不 然 介 則 魂 如 能 意 愁唱 候 醉 堪 也 侍 輕 者, 悲吟。 裘 女扶之 年 觸 肥 景 光 馬 愐 迅

所作詩章,無 慮三十餘首,姑述詩一 律、歌 闋,行一 篇,略 見志 爾

《感懷詩》曰:

漫 捕難 題 錦 字 復 陟 情 高崗,獨處幽房斷 誰 訴 ,特把羅 衣意倍傷。 盡腸。 四 嗟我孤衿惟對月,憐他隻雁 牡 如 今何 處 《住,洞 庭 秋 色接 自 山 鳴

光。

霜。

《北風歌》曰:

桃柳之芳菲; 扲姑射之低迷。 今君之家鄉兮,風 北 風 何凄凄,君子于役兮,不知其期, 夏日思君兮,傷燕子之喃呢。 無 景依依。 物不思兮,由砧藁之睽離 昔我之送君兮,飲 ; 睹 餞 我心之憂兮,怒如調 秋 吟 何 詩 月而 日 不憂兮,如 思君兮,念姮娥 今我之思君兮,遵 絺綌之凄其。 飢。 之孤栖; 昔君之行色兮,車 墳伐枚。 嗚呼! 見冬梅 春 日 何 日 思君兮,感 而思君兮, 觀止兮, 騑 騑

《征車行》曰:

我

心

則夷。

可 冉 幾 起 新 征車何日大刀 曲 來 冉 憐 愁舊 征 胡 風 姮 笳 恨 娥夜夜 人 雨 車 心 λ 憑 欄 不 故國,數 誰 歇, 杆, 心,可憐昌 訴 頭,不敢凝妝上翠樓。 孤 想起 惟 愁萬 聲羌笛客間 有 幽 夢 里 黎 州 魂 專 行 五 得 專 人 月 相 絶。 寒。 關。 月。 遇。 楊 專 我 間 别 五 專 憂 舅 月 後 柳垂絲 惟 明 天 猶 尋 月伴客程,不見桃 有 碧黄沙滿,多少征 然寒剪剪,三冬無 思不是真,冷侵綃 明 牽舊恨,黄鶯抛抒織 月知,我心堪 袁 與 人 那 帳 鐵 無 雪 T 何 作肝。 恨 漫 新 香 良 漫。 苦。

情 中 尚 憶 離 揌 驛 别 復 猶 唱 鳳 城。 既 出 鳳 城 嘽 駱馬 更思舊 室 耀 宵

别 來 日三 秋 想 ,真是三 秋百 感生。 百 感攻 1 何 日 盡 征, 人聿至 舒 吾恨

舒吾恨者征人還,非是喜得封侯印。

者(二) 留 幾年?」又曰: 鬱,彷佛少陵; 咏。 Ħ. ,多至百餘篇。 説 時或分韻, 心有感焉,漫 公自過 「握手 豐采清奇 關之後,與 而 知郊、 然 凡 面談 題 駰 駱 頡頏 獨 島之飢 同 所經之處,一 恨 幹官遇水泛桃花之浪,登程 衛玠。 少 寒; 懷君君亦且懷吾。」如此之類,不能盡記。 一 空谷之思,至形於篇什。 時或品題,而 切翰宛名公, Щ 辨賀、白之仙鬼。 林詞客,索詩求文者,往來不絶。 垂楊柳之鞭。 有曰: 所 他 歌 歷 時 詩 城 海 日,公至杭州,見山伯、英 省 詞 國揚帆去, 曲, 郡 縣, 見於《皇華 寶刹名 見公文翰沉 重睹豐姿有 Ш 詩 無不

手拂新 苔 認 舊 碑,吁 嗟大義 世 間 希。 雪門受業 堅交契,花下 締 盟 約 唱

任 歷 風 波心不轉,若開 名教死奚辭。 香魂 對 今何在? 時 見 雙雙 燕 子

兼以夙行晚歇 幹官與司賓官衿歛成禮。 柬道官欲求少歇,奈彼慮牽使命,催促行程。 必不起。 公露過 近 燕 京 一宿,不勝苦楚。 車 時 我生於科甲,死 驟 值冬令告至, 馬 馳,觸此栗冽之天,不覺 北 於使命 朔 朝 至京,病轉 康熙皇帝,諭祭以少牢之禮。 風 凛凛, 生 瑞雪 死俱 沉 重。 飄 風花抱恙,門子隨 無恨,但 行至荒林,但見紅日 飄。 時 臘 寒色怯 月晦 不能 日,公謂 終 霸 橋之驢 事畢 王事 人亦 爲 一 隨 靈車 沉西,碧煙四 冷 歉 相繼 入曰: 耳。」是: 南 氣 奄 擁 返。 忽。 藍 夕,公卒於燕京之公館 馤 朝廷憐其終於國 我夢上帝召我草一 合,欲急尋驛 公大加 之馬。 傷 公氣 感病 館,已 事 勢增 ', 加 大 無

贈刑曹左侍郎。

聞 計 音日 夫人迷而醒 者數次。 欲尋自盡, 親 屬 防之加 密,没奈何, 始戚服 禮葬, 撰 道祭文以挽

呼 夫子,邦 之桀 兮, 人 間 瑞 氣, 天 上 麟 兒。 謹 行慎 言兮,德 音 不 爽。 薰 香 摘 艷 分 文 字 出

旄 擢 而 危 北 指 科 望 途 魏 闕 歷 以 踐。 南 思。 欽將 成 抑齋忠貞兮今何讓, 命,周 道 倭遲。 獨 行 毅 曠 齋 野兮,不日 勳 績兮古 可追。 不月。 孤 奈之何! 身 異域 兮, 昊天 載 渴 不 載 吊 飢 哲 人 仗 其 蘇

萎。 忍使 埋 玉 樹於地 中 我 腸披 裂; 折 鴛 羣 於 雪 夜, 我 i's 傷 悲。 噫 嘻 ! 噫 嘻 ! 故 鄉 迢 遞 詩 魂

飄 飛 此 我之不能忘情 乎 ! 而 昔 君之往矣兮贈 我衣,今君之來斯兮不我 知。 昔君 之 與 我 兮, 旦 夕

不 離 今君之與我兮, 會合 無 期 吁嗟乎 ! 百年長夜,天實爲之。 尤可 痛 恨者, 伏 侍 無 舉 目

奄 忽乎 無歸。 安得 斷 絃 再續,落月重輝, 使我平生之約兮不違。 已 矣乎 水流 莫返, 花落 難 移。

悠悠

燕

客

湯

藥

誰

主

滿

前

咻

咻

吴

姬

萬

里

長

途

兮車

檻

檻

單

衿

孤

館

兮雪

霏

霏。

致

淹

淹

而

不

起,

蕉 葉 雨 和兮,夢 殘三峽 ; 長天 雲瑣兮, 望 斷 九疑。 絳 帳 凄凉兮無琴 瑟, 洞 房 寂 滅 分 有 伊 威 極

杳茫 君今何往 ? 青松 黯淡 若 將 疇 依。 想 君 之 生 前 ĬĔ. 直 死 後 有 知, 何 不 叩 我 以 半 面 接 我 以

倘若 陰陽 路隔, 難 稱 我 私 請攘微 命,庶 得 相 隨。 寸 in 無 盡,君其鑑之!

大道 祭畢, 而 陰陽 家人見辭頗不 實 係 殊 途。 故 諱、特來勸 雖甘墜樓之節 解 未必 「夫人平昔素 相從,深懷 以 成 聰 石之思 慧 稱, 愐 祇 今 爲 何 無 苦 益 執 爾 迷 乃 況 使 耳 君 ! 志 蓋 酬 夫 婦 革 雖 職 云

盡 匪 躬, 夫人奚必 瘦柳 殘 梅 沉珠碎 玉, 恐非使君平昔之意也。」夫人墜淚 未死. 人非 敢 沽 斷 剔

之美名,市投 井磨簪之高節。 但以春歸花謝,心死形存,不復知有 人間矣!」家 人見言不解, 無 刻 敢

哀感, 罷, 環。 此更切遺世之想,然未得其便。 昔是而今非乎?」夫人請 忙欲迴避,熟視之,乃公也。 日,想君於妾,殊覺薄情。」公蹙然曰: 無處不尋君也, 淚,感心觸目 韋玉蕭有再合之緣,楊太真有他生之約。 陣清 備禮合葬。 鄉人祈禱者,稔有靈 風,竟失公所在。 夫人燃燈 ,無處不牽愁也。 而君乃戛然莫我肯顧。 事聞 而 朝廷,特 坐。 公就席,披豁 應 時 夫人喜迎 夫人慟哭而覺,使侍女觀天。 正深秋, 夫人倍加悽慘,伏几而哭,迷然沉困。 命創立祠宇,旌表其門,門額寫「貞烈夫人祠」五個金字, 至練祭,家 而 泣 曰 : 積懷,公撫慰之曰: 「我自身歸帝鄉, 金風大起,琤琤 若謂人間天上, 人事忙,夫人於房中 汝不必絃悲别鶴,鏡泣孤鸞,聚首之期, 「自隔蕭 鐵 兩 日視筆硯,天曹事冗,不遑相訪。 關,動淹四 馬,唧唧 地 但見霧色朦朧,月光暗淡,已將曙矣。 相懸,何舜妃有相見之期,而祝女有來迎之 「旦暮死生,古今常理。 裂所贈 壁蛩,寒砧 載,悲哀血淚,别枕幾浮。 見一人方巾 衣 自 縊。 搗梁婦之心,明月 及覺, 博帶,自 悲歡 已無 目前可ト矣。」言 惠 繾綣之心, 豈有 遠 聚散,世 給祭田 氣 漸 零落 照玉 矣。 近 夫人 生之 四 事 自 時 家

備 金字輝 唤 知 原 小 數年後,有 煌。 童 脚, ,携酒散步 雄逞詩才,遂援筆題 生心知爲烈女祠,蹇裳直入,竟向 姓 ,領略秋光。 何者,季 秋 赴省,停鞭於旁村之酒 律 不覺行過數里,將抵祠外,見樹木不甚 于壁云: 祠 廡 間碑前坐下。 店。 時 金 且酌 風 薦 且 爽, 讀,酌乾一 陰森,景致十分幽 晚菊 吐 香,生 壺酒, 動 讀盡 T 爽, Ш 朱 幾行文,方 水 豪 晻映, 興,因

年有幸仕逢時,滿腹文章可致君。 玉綍 銜來馳北駱,羅衣遺下質南身。

題 竟導之而 生。」生茫笑曰: 罷 乘 酒 往 回寓。 俄 至所,珠樓碧户,畫棟飛甍。 「他鄉旅次,素昧平生,不知卿家夫人唤我做甚?」女使曰: 月色玄暮矣,和衣就寢。 鎖香閨 墜翠巾。 寒風: 生惶遽鞠躬而入,歷三四 平昔勳名何處見,忠魂落得配 倏來,見一緑衣女使前致辭 重門,見琉璃殿,内鋪著七寶床, 佳人。 云:「奉夫人鈞 「先生休怪,隨 我便知 旨 辱 請

使驛迷金節,

春

齊致者 在北 嗃 可齊。 御,刑于寡妻。 選,始之生也才幹,終之死也忠義,始終一節,生死 生。』夫以異域之士,而 人之道,有惠 啓而啜之,忽聞夫人宣聲言曰: 有個香火前程,爾豈以我之死,而伴享爲耀乎? 床上端坐一位夫人,頭戴金鳳釵,身披 平昔勳名何處見,忠魂落得配佳人。』得無以少年孟浪而 賜坐 也,使君之旅識 嘻嘻,閨 是以盧 ,尚論君子,何嘗以内嬖取笑哉! 早見 有 園自己 汭陟方,而湘竹淚痕留芳萬古; 前緑衣使引生,殿 故三百之有《關雎》,二典之美釐降,良有以也。蓋以心先正則人始可化,身既 恩。 者 故 無法,將欲以貞節望人,其奚能乎? 凡 猶 有奠之曰: 聞使君之訃音者,莫不停西路之行, 爲使君一太息如此,況國人乎! 左右設 「先生壁前 『人孰不生? 錦龍襖。 錦 若其 墩 詩句, 、溺情 襲。 徐州 請 生瞢. 生於科 俱 生整衣 豐 爲先生談之(三): 奄没, 笑,而畫京兆之眉; 榮。 韻 知來歷,拱立殿外,但俯 不凡。 想使君之在平昔時,治己之方,以禮以敬; Ħ 然其故 唐突前輩乎? 而燕樓清節佳話千秋。 就坐,初供清茶琥 墮峴山之淚,奚獨一 及其靈 其生 頷 或 頸 一也榮; 鹿 數聯,鋪叙 輕還南也, 夫君子之道,端乎夫婦, 隍,他鄉蟻夢者,緣是使 夫使君以科甲之身,應 人孰 受敬四畏,而 珀 首而 盃 略當。 不死,死 使君之契友者,有挽之 妾乃爾 凡此未有不 繼 已。 獻 遥聞 至 芙蒥 於 落龍 哉 尾 或 殿上一聲: 琿 事 丘之杖 聯 修則 而 君 自身修 璖 方 其 皇 其 或 於 乃 匣。 尊 華之 家之 北 家 日 死 待 駕 則 家 後 地 生

教。」生恭身離席, 遠北時,思家一度九思君。」題完二句,忽聞殿外黄衣女子禀曰:: 深重矣。 其明之!」何生聞言,猛然有覺,忙欠身致謝曰:「小生山水閒遊,詩酒遣興,醉後信筆,冒瀆尊靈, 爲使君一 身覺醒,乃羅浮一夢。 人急趨下殿, 尚願復賡原韻,以雪妄言之咎,可乎?」夫人曰: 斷腸若是,矧家人乎? 「吁嗟 回 顧生曰: ! 連聲 吁嗟 唯 遂起身梳洗,復至祠所,續夢中未完之詩云: ! 唯。 「先生目下發達,須自慎言,口裏春秋,從今再不可妄矣。 天意如何,想尊公之致是。 已 而祥雲靄靄,瑞氣騰騰,夫人向門外去。 是則我之爲使君者,非獨重其恩情也,實感其忠義也。 將風土然耶? 「諾。」生遂换取袖中四寶題曰: 「上帝有旨宣召娘娘,法駕在外矣。」夫 抑氣數然耶?』夫以同意之人,尚 生急尾之,則店雞已頻唱矣。 重和佳章,容來日 妾之心迹,先生 北 路 負 馳 領 翻 過

騏 蹄半蹶皇 華 路, 狐首仍纏外闕身。 墜玉端非傷衽席, 贈 衣原是憶綦巾。 千秋忠義雙魂在, 愧

殺當時薄幸人。

總評

何? 誰 謂 雙忠義,名垂不磨,悠悠萬古長香火。 婦 人難化 $\bar{?}$ 嘆世 間 秉 德 薄 倖 何 多? 默 | 齋若匪 善齊家,夫人怠旨捐 生者。 半 生 契闊

右調《皂羅袍》

- 【校勘記】
- 〔二〕「請爲先生談之」,「先生」原作「先先」,據Vhv. 1487 本改。〔一〕「見於《皇華詩集》者」,「華」原作「花」,爲越南避諱字,今改回正字。
- [三]「有挽之曰」,「挽」原作「晚」,據文意改。



碧溝奇遇記

茂,素好詩禮。 單寒,取給於人。然手不釋卷,思以學成父志。 其碧溝坊今屬城都奉天府廣德縣。 愛,以爲奇童。 縈周,草木疏茂,曠歲彌年,未有人烟之迹。 城西 南碧溝坊,昇龍城乃我皇朝所都之地,此地 其父爲令,頗有陰德。 既十歲,受業於梁先生,始於堆間討茅結廬,爲僻居讀書之所。 有金龜 晚始生淵,天資秀異,神性聰明。 堆,在國子監之右。 洪德年間,黎聖宗年號。 尤長詩歌,下筆成篇,文不加點。 有濃 Щ 旁有一 頂,頂上作敬天樓。 池,形如鳳翼,人呼爲鳳池,今號爲秀淵 有一書生,姓陳名淵,字尤班,家世 周歲喜書,六歲曉詩律,父母 昔 有乘龍自 年十五,嚴慈雙逝,家 常有詩云: 此升天,故曰 湖 昇 龍 山 重 水

男兒胆氣更文章,要使才猷動帝王。 書劍功名驚地軸,茅苴事業破天荒

手提玉簡三千里,坐擁金錢十二行。 身到汾陽無礙處,百花叢裏醉 壺 觴

時 生年 少任俠,日常携 友散步,訪古尋幽, 題花咏月。 園亭寺觀,觸景便 吟; 短什長篇[二],不能盡

述。姑叙其所題金龜堆詩一律云:

脊茅籥宛水 Ш · 渾 敦 鑿 後幾千年[二]。 鳳池浮上文章 甲,碧水撑 回道學

堯 世 留 遊 沼 迹 , 洛 濱 如 在 負 書 間 青雲此是將來路,安向尋常七十鑽

咏珥河詩云:

汪 汪 四 滙 接 西 涯 派 A 龍 編 玉 抱 回。 晴月冰 天明翼 軫 微 風 波 影 動 樓 臺

利 名 帆 棹 千 年 會 朝 貢 舟 航 萬 里 來。 好 向 鯨 沉 戈 洗 日 滿 船 絲 竹 載 霞

杯

咏西湖詩云:

間 出 瀘 蘇 玉 鏡 浮、盈 眸 風 景似 杭州。 南 城 連帶 重 波帖,秋水長天 _ 色鋪

狐 迹 無間 水鷺,虎妖因 斷宛 金牛。 平章 分付騷 人筆 寫出 皇 都 第 洲

凡 經 過品 題,鮮能和者,人呼以爲詩將。 但神仙一事,素所不信。 嘗斥之以詩云:

流水浮雲兩 渺茫,不知何處是仙鄉。 虚傳蓬島乾坤别,浪說 桃 源日 月長

楚 館 祠 還 幻 夢,天台洛 浦 總荒 唐。 當年 秦漢成何事,孤冢 寒陵 只 夕

士服,逐伴作少年遊。 甲 辰年,玉壺寺尼姓吴者設無遮大會,時天下太平,又值賞春佳節,京城 直抵會間 ,間緑穿紅,經過一遍,停足於緑陰之樹。忽見飄 田 野,觀者四 下 紅葉,背有朱 H, 生亦 儒 冠 細

楷數行,生拾而觀之,乃一詩也。 但雲篆依稀,不能 盡曉,只於首尾念得四 句云

柳緑 桃 紅三月天,青鸞飛下梵花邊。 藍 橋路外人如蟻,誰 識 神 仙 在眼 前

T 辨。」仍發願 生看了驚異嘆曰: 如來有靈,還當主 「我素名詩將, 逢敵 張這事, 便戰。 把的 這詩制自何 紅 葉 倒作媒人可也。」方想 人,鳴 怪 在 我 前? 願間 恨 不 得 俄 與 聞 他 香 半 風 面 馥 郁 辨

蝶鬧 喜, 貌。 迎 誤罪人?」生見其怡色雅詞 言訖不見。 含羞,背寺 覺海慈悲,不渡癡迷之鬼。」生曰: 鼻 竟夕不寐。 年可十七八,眉分柳葉,臉 趨前揖曰: 而來。 自是色動 生日: 菩提樹,不知何處下栽?」女曰: 愐 生素重風情,又有膽氣,亦不甚訝。 生 Щ 神摇 擡 爰製《憶秦娥》詞 深深釋苑,定知今許鳳凰 「去打鞦韆,偶因失驟,誤觸芳顔,幸勿以 頭 生尾之,至廣文亭,行且吟曰: 顧, 點芳情,都 見 即 映 簇 應 桃 紅 \Box 在美人身上。 闋與《懷春 花, 衣五六人,從寺中 曰 : 無 顔色俱: 遮好會,更多人我輸王。」女曰:: 棲。」兩個 「祗園 「般若花,只在有緣上去。」女微笑曰: 住,服 咏》,以 但 女見生有 廣大,願開方便之門。」女見生語意! 個 曰: 月下 對話,不覺斜日含山,遊人各散。 裝 Ш 寄幽 絶 精神何處現?」女顧 妖耶? 逍遥 衝撞見罪。」女 飲容答曰: 整。 顧 思 戀之意, 於鞦 生纔 鬼 顧 韆樹下。 耶 亦以 盼 ? 則 「自在法身,豈 豈 秋 續日: 玉 波 其 韶 骨 夢耶 頻送,若 顔 「灼灼曇花 冰 穉 肌 ? 齒 頗傲,徐啓朱 女亦輕移蓮步,帶 眼 祗園 因 真 相 皆 前 作風花教 個 憐 或 於是夜 色 廣大, 豈 之狀 傾 色。 豈意更 相 或 本 唇曰: 點 來 主。」生 傾 中 遭 以 燈 城 生 有 之 獨 意 蝴

樣 妝,這 嬌 娘, 現是觀 音 幻 道 場 若教 鐵 石 挂肚 牽 腸, 書 房 好 伴 清 光, 間 萬 願 總 尋 何

時與會? 明月西厢。

其壹

楊 顔 貌 柳 也 隨 應 風 登 到 紫 上方 閣 風 天 間 流 吹下 只 合 配 粉 オ 脂 郎。 王 疏 何 當 疏 寂 山 寞 掃 書 青 窗 眉 夕, 淡 留 擾 伴 擾 清 光 收 四 寶房。

其 五

其二

其三

書 可 嗤 齋 歸 癡 月 去憶花 癡 花 客,更 神,百 遇 媚 傾 千 城 嬌 傾 記 或 未 真。 人。 没 袖 個 拂 絳 紅 娘 紗 吹 籠 信 雪 一腕,步 律 西 移 厢 苔 何 砌 處 再 露 逢 湘 春? 裙。

花 顔 怪 見 幻 毛 嫱,巧爲 青 年送 斷 腸。 無 故 乍逢 還 乍 别 教 人 如 醉 又 如 狂

尋 芳 路 阻 Ξ 春 樹 傷 遇 胸 填 百感漿。 夜静 更残 人獨 立,月 移 花 影 過 東 墻

其 四

黄 昏 深 癡 何 想紛 處銜 金蓮? 如縷,愁重剛 方丈空餘柳 腸軟似 綿。 鎖 煙。 月下歸來誰與語,孤 玉 佩 瑶 簪人去矣,鏡 燈挑 花 盡未成眠 冰月思茫然

癡 人 魂此 生難遇者 夜牽 襟畔,好愛何時並枕 嬋娟,安得黄金换夙緣? 邊。 風伯若知吟思苦,穿花吹到美人前。 净境無端空墮玉,塵心自信未能禪。

其 七 其 六

留 春 無 奈去匆 匆,回 看 遭 逢 夢 中。 怨景 有 懷 傷 懶 蝶,芳 N'S 無使 托

征

鴻。

良 霄寂 寞孤 燈月,秋夜凄涼半枕風。 默 默 幾 回 詩 想罷, 參 横 猶自倚 吟窗。

誰 知 月下遇 傾城 嬴 得慵 癡 别 後 情。 浮 世 縱 能 諧 夙 願 此 緣 誓 不 負 今生。

别 時 誨 未 詢 鄉 曲、去處疑 猶 嚮 佩 瓊。 月 落閑 愁霄不寐,暮 朝 況 復杜 · 鵑聲。

其八

人 間 便 有這妖嬈,月下花前影亦 嬌。 見 面從今成惱漢,遣懷 無 趣 度 良霄。

可 憐 五夜愁縈枕,不覺三分瘦到 腰。 何 日 姮娥偏愛我,登天一 路指 星

其九

惜 東 春 風 意欲 何 事故 無 人會,題 參差? 吹起 葉吟成只 雲來又放歸。 自 知。 何 日天門方便啓,此生緣 不管鶯忙 煙底樹,空留鵲 分付 怨月中枝。 紅 絲。

風 流 邂 逅古來多,底事 如 何又坎坷? 帶悶書懷容易懶,催愁春滿等閑 過。

塵 N' 慢 把 相 思燕,豪 氣空成 别恨 魔。 最是 關 懷 難 遣處,臨 時 轉 樣 秋

波。

何推席曰: 於低俛景俛柴,雖懢道侼渚虧悉馱(三)。]帝愛其才思,邀與賭詩。 自是行思坐想,廢寢忘飱,意懶神疲,力難運肢體矣。 「此必是仙人也! 十五年前,聖宗淳皇帝出遊,御輦過玉壺寺,見一美姝於鐘 月餘不就學舍,其友何郎來省。 美人請帝先做, 帝索題目,美 生具以實告, 樓 吟云: 人即以

噼 事塵緣窖隱唭,雖啞道停渚虧影。 耕鯨氽刻散念俗,魂眨匹更吝事花。 前所吟命題,御製云:

浟 修閉 尋 產蒙泮,瀧恩舒 丈易魁 潙。 **市市** 極 樂羅 兜些,極 樂 羅 低 尨 煌 世(四)。

奈何 聞 概謂荒唐,安知向賭詩者,不復來此爲開一障耶?」生沉吟曰:: 愐 爲『嫉仙』字〔六〕,『慘』字爲『苦』字,『瀧』字爲『源』字。上大嘉稱賞,屈致禁中,因與同輦,回 美人看了,於仍頷聯上句批云:: 白 去,始知其爲仙也。 馬 爲 「仙可遇 祠 無益之愁,徒以渺茫反笑我爲荒唐也。」生聞言强起就學, 最 靈, 而難求,瓊林杏苑,人世蓬萊,以兄仙才,必在第一峰矣。且書中有女,不減雲漢之飛瓊, 親詣密禱,且卜之,得第四吉讖,「借風行舟」之兆。 帝乃於殿門之外,起樓以望之。今殿前大興門望仙樓是也。 『欠景意。』爰將『梼鯨汆刻』四字,改爲『**遹**椿迻偈[五]』。又改『匹更』字 然悶悶 「葉上之詩,必此人也,然猶似疑。」何 盈 顔, 一片神魂,未嘗不在女側 原兄平日詆 至殿門,騰空 斥 仙

心勞力欲成 功, 只 待 花開 陣風。 多 謝 東 君 輕出 力,望 春 别 有 枝 紅

也。 肆, 郎 不 勝 來此 仔細 遐 是夜,因求夢於祠 明 想,仍藉 何爲? 日 接看, 於東津 此以消 百般丰采,一 知龍肚 畫 肆, 所。 愁, 俟 必 戲 我 三更末,見一老人,彩衣道冠,手執金簡, 題詩其上云: 肖所遇之人。 爲 我 汝送佳 耳 ! 惆 期 悵 也。」生 欲 生忻 歸 然懇買得之, 寤 傾 而 見老 覺, 叟,手持傳 晨 往求之,了 袖 歸 文房, 立 神 於庭 無所 挂 幅 於 中, 見, 璧間 匆 呼 匆 暗 自 坐 道: 而 側。 來, 問之, 每 餓 東津 色 於月夕 郎 則 古 美 來 風 無 人圖 餓 畫 色

月花 骨 骼 玉 精 神, 金 屋 朱 樓 異世 身。 臉 懶 曉 妝 仍 始 雪 鬢 羞 梳 整 自 抛 雲

大

不 輕 步 移 閨 踵, 肯爲 Ŧ 金 易 笑 頻。 何 日 秋 波 將 意 轉 眼 前 風 送 有 情

稍 寬 精 神留戀。 每 飯 則 置 箸 雙, 祝然後食, 日 以 爲 常。 居月 餘, 時 值 初 秋, 涼 風 乍 動,

新 雨 初 晴 ,黯然傷神 遂 П 占 律云:

金 風 吹 落井 邊 梧,残 暑 關 河 λ 素 秋。 怯老 山 容 呈 瘦 削 疏 歡 柳 色 減 嬌 柔

天 邊 寒 信 來 鴻 鴈,星 渚 佳 期 近 女牛。 借 問 此 時 砧 杵 夜 誰 憐 書 館 淚 瞍 瞍

狀; 畫 大 中 顧 ·美女粉臉隱紅, 啚 縱 中 娘子不念情 美 人 謂 日 似有含羞之狀。 人則已,如情人之念娘子 某少 歲 孤 貧, 生雖 寒至此 甚訝, 何 然心内喜以 書 藥 窗 何 勤 醫? 苦, 爲 内 胡 曠世 未 爲 主 冷 一奇逢, 饋, 眼 至 下乏 此 乃吟四 使 枉令人空 令。 |律云: 自 抱 煩 遇 惱 至 今, 也。」言訖 情 萬

其一

誰

知

檀樾

懷雲舊

默假丹青

變

態

新。

若是有情憐寂寞,

何妨

現作真身。

不言不語忽精神,一段風情易溺人。

葉底花猶含玉蕊,天間月欲放冰輪。

其 四

剛

嫌

花

事

空仍色,浪倩

鶯

魂喜

更猜。

若使來時

春放盡,量

紅

應

賞

枝梅。

桃

腮。

其三 無情 雖 誰 相 料 對 如千里,意已潜投到 有情憐,乍爲悲秋便 訴 九 雲。 分。 喜 未 處 發 若 真 聞 詞

低

説道

世

間

何

假

不成

真。

通笑語,先將

畫

軸

見

精

神。

蕭 疏 天 氣 逼 槐堦 吹吹 動 佳 人不 語 懷。 惱 爲 無 聲 含柳想,嬌 從 好 思 上

幾 含羞好好無言處,默想堪 回冷淡傍書齋,今日情 癡有感懷。 顏若半開。 此去三生緣路近,分明枕畔是天台。 色相疑從金闕降,精神覺自玉 壺 來。

日早往鱣堂,餉午而歸。 忽見牀· 上整置 盤, 啓而觀之, 珍膳嘉殺, 無所不具。 生怪曰: 門 鎖

歡喜。 膳,相 歲月 願留 此 隨姊 嬌笑曰: 因相 依然, 白 東厨 家 解所 食耶 焉。 既落 馬 意 於 肺 真君奏聞 妹 遇, 相 爲 討) 豈天 欲君 君 與行交拜 元真已换,更 但 腑 憐 遊 芬異 獻 個 因 屈 家,敢不 願 。」生見娘 玉 觀 頓 知 奉卮 風 勿使妾他日有遺恨也。」生即 致塵寰, 日 司 味 然。」生 飯 會遇之難,而 難 見君不信仙 偷 衾同 : 詐就 靈 酒曰: 酬 送到 齒舌俱 霄 領命。」生跪 生 紅 三: 枕, (待年 態度辭氣,喜自不勝,因 上帝, 憫君未室, 恐墮 事係夙緣,今復與君再結,以完未了之債。」生曰: 乘 生 此? 杏之歡 鱣堂,中途而返,潜匿 不 顧 胥 香 紀 意 陶 視絳嬌,不能定情 既然相愛, 教,欲以數言提醒。 細 使君 嚙 我爲芳卿斷 歲 偕老之鄉,勿勞娘子 即 下,女急扶起。 Ħ. 觀 月, 推門突入, 愛惜之至矣。 吟 厨 金璞易於 又再參 É 房, 何不一 杳無 腸 指天誓 差,故 塵緣,每欲使妾投胎,與君作合。 久矣,今復在此 具 隨 窗外。 踪 連忙 共罩 饘 問 欲以 風 生因叩 迹。 請 不料弄出 無 之日: 願 呼 終 君 也? 異 微 窺見美人從畫 過 惟璧 畫 Ė 把 勿 産 辭 啚 其 慮。」女即 青 訝。」生曰: 自 (姓名, 「欲早成 如 挑 送 E 口觜, 欲完真 梅之恨。 是 畫 動 有負約, 食 作躲影乎?」女曰: 娘 人,頭 每 有 , 女 曰 : 子 逞得 娘 招 聽講 天 (身,與 多 日 親 中 厨 所 荷 簪 蓋得之易,棄之亦 月斧雷斤。」女謝 胡 Щ, 口, 畫 蓬蒿 略 辱 君作 段才情 顧 花 乃 得 妾乃 臨 淡服清妝, 差 已見午飯整置。 君性太熱 啚 枝, 稽 凡 愐 對, 中 今日 第妾以 骨, 遲 非 南 己。 變 謂 嶽 至此?」娘 其 别 玉 成 獲 美 得 時 舊 昔 壺 來 仙 兩 配 不施朱粉,挽却 人曰 拜 生未 璇 \pm 匆 間 妹 E 姻 個 易, 瑶 謝 妾既、 宫 壺 也 相 匆,遺惱 侍女。 姿,干 號 矣 ! 故 寺 用 玉 與 生 曉之曰: 霞 定 姑 聞 亦半 早 建 小 今奉 質,一旦托 豈 絳 女 踐 載 待 生 飯 君金石之言 73 君子。 嬌 哀 疑半 功 酱 時 巾 聯 命整 低 遂 是 \pm 浮 果 烏雲 時 櫛 句 辰 聲 孫 取 也。 喜 耶 彼崔 岢 幸以 近 妾因 頓 不 生 遲 而 而 不不 ? 無 茶 勝 以 大 曩 往 嚙 進

花,未經 鋪席 也。」辭話既了,羣仙各各散去。 幻也。」生謝 水陸之珍; 身在金臺, 久離欲界, 豈意班中玉女, 今日有夫! 」絳嬌曰:: 容,閉月羞花之貌。 立赤幟矣。 黄梅紫李,自同天上之風光。 五百年這段姻緣,今夕殆與君訂矣。」明日, 意 廷 中, 曉 但妾昨 雨; 嬌整妝 但楮、徐二郎,今不在座。」各撫掌大笑。已而,開侈宴之筵,奏鈞天之樂[七]。 鵜舌鶯喉,盡聲歌之樂。 與 十分春色,總屬東風。 「凡間 與 仙 生玩 嬌整容迎揖,生亦並立叙禮。 侣 同 羸質,夢不到于青都。 遊, 月。 别 俄見仙容公主與魏絳香從雲中至,及羣仙 生忽於壁間 來未有謝 生與嬌餞送出門,回首間已失夕間所見。 宴罷,羣仙顧謂生曰:「今日夤緣,誠爲曠世一會,勿道神 誠仙府之奇逢,人間之至樂,不可以言語形容也。 辭, 生在絳嬌坐測, 今請 顧 今幸遭逢,始覺僧孺、文蕭之事,諒是天機難泄 則錦 開 坐定,嬌叙其 宫瑶閣,瓊室玉門, 賀筵,便辭 眼去眉來,不啻廣寒仙子、冰月觀音,大喜 「從來仙女,多嫁人間,兩貴 邂逅之緣,仙容、絳香齊聲 仙 侣。」生忻然從之。 踵後者百餘人, 紅杏碧桃,迥 生與嬌携酒入房,正是一朵名 異 至 皆沉 晚,安 塵 絳 一戲日 姐已於前 寰之景 嬌 脯 魚落 謂 排 鳫 非 生日: 仙 酒 鴈之 虚 爲 頭 我 傳 先 虚 極

仙 素 玉 潤 娥 源 冰 妝 調 盡 了 Ξ 出 出 艷 瑶 更月,凡 胎,虚 宫,銀 星 骨 燭 屈 清 光中接 降伴 來 書齋。 玉 夜 容。 風 從此 經目 謾言三島 平 新 嬌 生 神 花 N' 仙 願 影 足,不 弄 遠,今日 稱 勞 懷 丹 雲 遍 青 體 雨 雪 畫 夢 肌 裏 巫 來。

峰

豐。

世 逢 曠 世 緣 此 身 種 福 係 生前。 從 今抱看霞娘子,始信人寰 有 謪 仙

早 膳 罷 生 謂 嬌 玉壺相遇,一 日三秋。 今幸天從人願,喜出望外。 百歲之期, 於斯 爲 始 寧 可

之至再,嬌始黽勉從之,讓生先唱,

材墨 忘乎 菲 ? 婦 娘子 人之事,生曰: 艶解 藻句,吾不及也。 班姬、蔡女,古時曾已聞 前已見諸 詩 往, 自 聲 從 魚 道藴、 冰緣 諧 、易安,今世宛存記迹,抑 以 來,可無片言以記 實 亦 乎 非 歟 絳 ? 嬌 生 辭 强 以

夜若何其? 春 開 錦 繡 韋。 銀 河 横 鵲 渚,冰 鑑 照 娥 眉

而嬌始和,凡六十韻。

其詩云:

托 得 桃 花 H, 相 逢 梵苑 時。 芳 心 難 自 抑 倒 舌 慢 相 持。

才 稱 潘容 美,姿兼 謝思奇。 三生懷 既 别 + 咏 記 相 思。

情 重 神 能 感, 時 來 運 亦 隨。 千 年 締 好 會 Ę, 島 降 真 姬

似 昔 從 仙 侣 游 凡 到 地 趙。 只 緣 傷 色界,不覺 喳 Ü 機

塵 願 通 瓊 宇, 糊 窗 屈 玉 肌。 絳 星 辭 貝 闕 畫 軸 托 紅

歡 會 臨 芳 席, 仙 筵 作 好 期。 宓 妃 來 洛 浦 王 王 母 下 瑶 池

鴈 落 吹 簫 女,虬 登鼓 瑟 妃。 鈞 天 調 聖 樂, 雲 液 絶 靈

玉 笋 調 霜 藕, 金 盤 薦 寶縻。 珍饈 窮 水 陸 異器 托 珠 璣

量 大 杯 傳 急, 喉 清 曲 度 遲。 笑 妍 容 可 掬, 態 遠 意 難 窺

彩 曲 甘 歌 整,弓鞋 惱 容 移。 橋 登 辭 既 醉 珮 贈 于 歸

夜 静 風 吹 天 高 月 放 暉 瑶 臺 吟 未 罷 綉 縟 坐 相 攲

席 酒 Ŀ 肆 詩 黄 花 將倦,花中 酌 茶 呼 ·蕊欲 赤 脚 飛 司 良 撩 霄 金 難 香 浪 語 度, 活 好事 戀 玉 豈 渴 終 懷 違 癡

ニニハ

快 色 胆 携 雙 大如斗,芳情 玉 手, 歡 A 五 甘若粉。 花 帷。 無 留 力 燈 嬌 垂 繡幙 堪 畫 多 添 麝 情 熱 動 若 金猊[八]。 吹。

含 羞 低 貌 帶 赦 解 羅 衣。 七 寶 臺中 樣 千金 屋 裹

麗 容生不偶 俗 眼 見 應 希。 可蝶花 i's 窄, 宜 鶯 柳 骨

同 心 連 翡 翠 帶 血 吐 薔 薇 燕 舞 花枝 顫 蜂 銜 玉 串 遺

海 棠 風 骨 透,芍藥 露 珠 節。 興 思 推 鸞 簟 春 狂 拂翠

鳥 雲鬆鬢髩 青汗 濕 胭 脂。 楚館 低襄主, 秦 臺 陋 沈 兒

衾中 難 口 道, 枕上只 Ü 知。 天假 雙棲 翼 人 疑 並 理 枝

凉 憐 織 女,寂寞笑 瓊 姨。 鼃 鼓 休 頻 蹙, 雞 聲莫早啼。

願 is 歡 眉 際露,耳囑舌聲低。 吴尼真月老,白 馬 是 明 師

勿 相 違 忤, 長教免别 離。 永奉 閨 房托 相 從 紙 筆 嬉

篋 中 猶 暮 雨 窗外 欠 朝 曦。 輾 轉 眠 難 就 留 連 樂 不 支。

清 妝 猶 染體 曉態 可 醫 飢。 蘭湯 更粉黛,芝 隴 點 腰 肢

婷 嬝 添 新 Ė, 羞 慚 對 昨 非。 肌 膚 從 此 潤 頂 踵 任 郎 私

昔 夢 今真 矣,心 期 身 得 之。 蓮 嬌 看 不 厭 桃 穉 愛 年 衰

償了 流 傳 奇咏此詩。 辭 情 皆 懇 切 朝 夕 願

詩 成 嬌 展天絲雲錦 軸 按舞劔法, 運筆 揮, 龍 鳳 争 飛 星霞交映。 生奇之,以爲至寶,



人 挂

於

璧

喜

生亦

愈加品

愛

(重焉

奉 間 蘋藻之供, 無能 讀 者。 無不稱 蓋雲 錦 生意者。 神墨,變化 及賓朋宴會,不待分付,隨呼即 無 迹,不欲使 人知者。 絳嬌自花燭之後,奉先 出 精 美清奇, 非人間 思孝,治家 所有。 甚 遠近 勤 巾 多 爲 櫛 生

欲强 嬌娘共飲,娘每以兩斧孤樹爲戒,時時苦諫,如水投石。 光陰迅速,荏苒三年。 不覺如好事多磨, 佳期易誤。 只緣生性 娘乃作詩,以諷之云: 「嗜酒」 日 在 香粉 綺 羅 中, 沉 湎 爲 樂,常

勸 君 須 愛少年身,莫 向 酣 盃 浪 度 春。 志士 每 因 多飲 薄、富 翁曾 悔 買 歡 貧。

河 東罷去緣糟臭, 采 石 忘歸 爲 麵 神。 不 信 酒 爲 狂誤 藥, 醒 時 試 看 醉 時

生亦和,以拒之云:

知 他 誰是百年身, 酒 樂 須 當 及 早 春。 解 悶 Ξ 杯 能 作 氣, 迎 歡 斗 便 忘

秦蛇澤方知聖,翼 漢鴻 門始 覺 神。 自 古醉翁愁盡 釋 可 憐 誰 是 獨 醒

意其 矣。 圖苦口,累忤君心。 年少才高,青雲在邇,而日夜沉酣,不惜千金之體,樽前岐路,恐致醝酡。 欲去,被娘再三牽阻, 妾以金玉之姿,感君厚情,屈奉閨房之任。 躲避,必俟怒解 春 是後,蕩飲愈恣,海誓山 風支厲,幸自護持,願勿以妾爲念。」言訖,以袂揮淚,拜 妾不負君,君何負妾! 而復歸。 怒從 心起,遂以 盟 豈期娘已望空去了,遂剪燈就寢,然中心驚惶,寢不成寐。 都 被麯 皮鞭 魔忘了。 連打, 三年夫婦,無失唱隨。 放棄之婦,夫復 乘怒逐之。 一日,生自外來,醉得七顛 千祈 何言 辭 而 萬請, 去 只得 妾待 瀬盼間 亦不 品 對團 君 品 八 已失 有 口 悃 倒, 圓,不負月中之約。 年, 顔 誠, 所 娘 塵緣 敢效斷機之諫; 在。 娘 扶 慘 λ 已 及 那 叩 然 盡, 醒 時 諫。 吅 悟 生 當 頭 時 在 從 生 謝 呼 迷 拂意 此 況 日 問 不 君

侍女,始知過 不在娘。 點 燈 訪 。尋,並 無踪 迹,惟萬分傷感,然悔不及焉

及聞 祈 大 者數次,廢食彌月。 焉。」生乃如言,親詣 留之宿。 生來歷始終合離之事,且見生哀戚滿容,何 臾,侍女亦去。 何昔與 生談道仙 鄰朋爲之送饘粥,生又置美人圖前泣請,月餘閉門不出。 生於是時 廟所,撰文焚香而祝曰: 事, 迨後遭逢, 生秘不泄〔九〕, 故何往來遊宴, 但 魂如離殼,手足交墮。 亦爲之流涕。 來視畫人,則顏色冷淡。 因謂生曰: 知生 白白 其 馬 佳 故 生淚下如雨,死 尊 偶,不覺其爲 友何郎復來省 廟、既然 靈 應, 仙 而 生喜 婚 復 盍 也。 甦 再

連 分 龍 收,俾在後不勝 生 誤 銀 化 織女之橋; 落 漢之岐,水已隔 ,枉教鏡裏鸞 龍 醉 顏 如 在 易 叩 迷 於 换 塵 鰲戴。 果成 分。 輒 慮。 蓬萊 祈 因,三天 草 輒 月下 之路。 應之機 謹祝 堂 風 記 配 前 今者 逍遥,嗟未遂乘鸞之願; 上亢之 邂 蟻 近, 臍 悃 非 但 所求,仰 偶。 可 知 噬,心 艷 並 色 望 無 傾 幸見 舊 量 城 無 絃 原。 再 邊 之惠。 樽前岐 早 玉樹三山遂遠,恨空疑 伏 續, 望 路醝 庶 神 欲 重 副 明, 酡 蒙 凡 普 牽 巨奈狂 情之望,須 施 引 妙 之 濟。 鴻 N's 私 駕 被 憑 轉 鶴 酒。 聖 離 之愁。 尚 德 爲 其 致 合、七 之 覆 使 通 水 匣 再 夕 乍 中 小

之時 往形諸篇什。 , 事 祝 畢)已如: 而 回, 此 哀詞怨調,不可勝紀。 行且 且 奈何哉?」自詣 |嘆日: 「我今念及娘子所作『 詞 姑叙數章 回 越旬 日間 ,以遺識者 醒 咫尺 時 試 巫 看醉時人』之句, 覽: 峰, 信不到。 始 每於燈前 信 酒爲 狂 月下, 誤 藥 對景開懷, 矣。 今醒 往 悟

其

催 愁天外溶罡風,吹斷 情 緣 醉 中。 緑 野 未堪消俗慮,彩 鸞畢 竟負奇逢。

同 i'i 羅 帶 猶香味, 細 語 紗 厨 宛 玉 容。 桃 峝 蓬 窗今萬里,此生何 處 又相從。

其二

誤 把 浮 生 落 醉 鄉,傷 心 底 事 奈 何 娘。 橋 斜 銀 漢三 更 断,水隔 蓬 萊 路 長。

豈 謂 程 期 還 謪 絳 也 將 契 闊 療 顛 狂 重 從 縱 有開 湯 淚,不忍前筵 道 場。

紅 霞 深 處 盼青鸞,路隔 天台往 返 難。 照悶 燈 殘

其三

霄漏 永,蔽愁

念薄

午

風

寒。

可 憐 張 碩 仍 凡骨,堪笑襄主是夢 間。 萬 里 藍 橋 娘 去矣,相 親 何 日 復 相 還

嬝 嬝 婷 婷 絶代流,青燈 綉 帳 幾 旦 頭。 朱昌 劍 匣崇朝 墜,弄玉 蕭聲半夜收 其四

解 語花兮成幻色,無情酒不制 真愁。 何緣 借得遊仙枕,必到蓬瀛十二樓[一〇]。 其 八

其 五

瓊 百 年 臺 誰 舊 約 許望飛瓊,訴 言猶 在,一 片傷心畫不成。 與由來未了盟。 此 當日早知多别路,此生何用遇傾城。 處愁秋兜下債,十年九月悔多情。

其 六

其七

遊 緑 疏 陰 斷 偶 徑 日 望 多黄葉,步少閒庭半緑苔。 陽 臺 幕 雨 朝 雲去不 回。 玉 段 鶚 剛 春 腸 愁 無 柔淚汰 度著 西風 劉 晨 N'S 吹作碧 事 向 臺 誰

開?

雨 離 别 打 梨花半掩扉[一],相思盡 人懷當暮 影,凄凉春色又斜暉。 日抱 義 癡。 娘 縱不仇輕薄,飄盡 早窗病覺工夫少,閒院 殘 紅盍 愁增 再歸。 漏 鼓 遲。

金爐 三生忽覺巫峰夢,七夕思連織女橋。 香冷淚痕消 孤 館 風 聲 伴 寂寥。 哀訴 人 世 可 愁來泉 憐 孤 路近 燕在,樑間 神 仙 暮 興 暮更朝朝。 去玉京 遥。

其 九

睡 餘 風 發遍 棠梨, 悶 倚 雲 欄 却 懶 題。 上苑秋 旦 傷 鴈 過 武 陵 春 盡 恤

N'S 焦 不 待 醇 杯 熱 骨 痩 難 堪晚 氣 棲。 種 種 幽 愁 催未 盡 暮 鐘 聲 斷 又 晨 雞。

其 十

相 親 相愛莫相捐,曾已當年屬耳言。 往事 場皆夢裏、渴 懷 個 月 每 雲 邊。

兩 縱隔今生恨,百憶須締再世緣。 付與三清來鶴駕,燈 前 訴 此 斷 腸篇。

之志。」生曰: 五代唐時〔一二〕,有狐精姊妹,常誘少年男子,入叢穴中〔一三〕,肆其淫欲,以取精氣。 卧,夢見一老大狐,遶在兄側,吸取血髓。今兄果然卧病,此必妖狐所化,變幻惑人,欲以兄爲如意君也。 始信而好之,遂使妖祟乘風,今來作怪,若不早圖,必有非常之患。 莫能得,因誑之曰: 遊,狐妹與如意淫,不意露出本相,事不稱旨,恐露人知,遂噬殺如意。 房之任,當世所希。 娘子縱是天仙,今去已多時,其恩絶矣。兄以李、杜之才,豈無朱、謝之配? 每 詩成,吟咏再三,欷歔泣下。 「死生有命,夢寐無憑,我忝以聰明,君子豈肯無 自諧伉儷以來,神爽性輕,不啻翰生羽 「嗟呀! 其誤久矣!」生曰: 未幾病發,何郎 「何謂也?」何曰: 親爲送藥。 出《類聚》。 化。 縱然妖怪,豈得今日猶在此乎?」何曰: 意 恐 愐 生以思娘故,或致傷生,多方勸 且昨夜三鼓,某於書窗讀倦,倚枕而 生。 願兄自愛,勿惑花月之妖,而損平生 適意者留之,呼爲如意君。 「兄誤詆仙説, 迨後玉壺奇遇, 兄 且家娘態度殊常, 續斷之常,何自苦乃爾。 貞純 一日,狐姊出 出類,閨 解,終 況

先體 忘。 遺下,惟兄一身,豈以衽席之私,而傷箕喪之業?」生曰:: 萬 張公孤望,杜氏不回,某亦不忍他娶矣。」何言不入,拂衣而去。 「某非不念,然情之所鍾,志之所 適

娘曰: 所遺 耶 女擁 情之際,莫非鐵石之言,妾又何心,遽忍其逝!」生曰:「往者不可 ! 娘至矣。 香 生念及古詩:「寧甘死相見,不忍生别離。」嘆曰:「傷哉! 此句正 昔離别時,十步九回頭矣。但不去不足以感動君心,故勉一違藉以爲諫。 羅帶,懸于樑間欲自縊。 ·昔有何言於白馬祠,宜早還願。」生始悟,備禮而往。 生且悲且喜,抱而泣曰: 「今日不來,當相尋於九泉耳。」娘曰: 忽見香風一陣,震岸而來,窗前墜下穿花 遂爲夫婦 諫, 來者猶可 如初,爰作詩 中。 予今日事也。」因 . 「妾本在此,豈使君 追。 君誠 生急視之,已 相慰云: 今後當從娘子矣。 高義人也, 取 娘子 見 聞 道 至此 雙侍 舊 時

自 雲 階 阻 玉 顔,回頭不忍對 花看。 每傷化劔終難合,豈意移珠又 再

宿 恨 輕 隨 今 夜 雨 新盟 重指 舊 時 Щ 寄言 臺上司天客,莫把更

娘續慰云:

迢 迢 夜雨 悲歡,把舊 新 詞拭 淚 看。 千古從來情誼重,一朝 反作 别 離 難

覆 流 自古收 應罕,明鏡 如 今 破 復 還。 從此、 永諧鸞鳳 侣 任 將 好 思 關

自是情愛愈篤,事思如義,無不順從。

露,倏忽便無。 人生天地間,只是地、水、火、風四大假合而成,上不樹提,下 年,始生子珍。 君不見萬古以來,江山有何常住,富貴有何常規? 時生以科舉爲念,勤勞書案,不解晝夜,娘子曰: 無 根 著,光陰 榮瘁升沉,千 「芳名雖 催 過,生復 般萬狀, 重、塵 死 還 縱能身名蓋 俗 啻 可 如 輕。 水 泡 大抵

九天; 以脱 皮袋認: 籍 嬌 難 自 于今安在? 前 其逝之間 才 妾亦. 各 測 飛 路 氣 ,有妾變化, 身生墮了 神機 過 塵 閣 到此 前 籠 作是我 雲臺 興風 無親富貴之求,奈何以一人哺啜,而縻身於苦惱之場乎?」生 去,不 。」生 瞬 得 縮 雖 , 昔壯麗: 息 志 且 地 月於蓬 安車駟 固 塵 聞言,似 ,較長量短,分雌 快 知所之。 悲歡聚散,人事之常,君於青年,已曾身履之矣。 愐 騰 不 網 紅 心 雲, 難 今還 顔 Ш 也 然 高 馬,安可用於短影匆忙之景界乎? 妙 有難 白髪。 で生 者不 仙 洗塵埃於弱水; 施 假 可 法 色。 物 問 學乎? 過七十年,下 手。 雖在塵世 其 别雄,不覺焦思勞神,總是失身之捷徑。 娘止之曰: 術 境 」娘曰: 外 日, 因授以真秘訣。 銅 百 奇 Ш 乾坤 者 春秋之富貴, 雲 金穴,始 不過五 「凡人所以 「綉霧, 春不老,極 以道求 盤結 六十年。 盈 生 仙 餘 乃仙 深 爲 庭 終亦古 樂 倒不如削去七情,洗除六欲; 仙 中 求 難 何 鄉 者,仰 默 亦 雖 雲間 加 會 甚 功名罕逢之際, 長。 晝 偈云: ,遂能 易, 夜之清 事 日 要在 從 雙 猛 俯 月影 藏 懷樂耽 白 前 然省曰: 育 人生 往 人修 閒。 機 鶴 有繫 增 知 巧,到 銜 長, 來, 持 如 世 寵 須 戀 書 鳥 無非 臾 何 風 通 爾。 此 而 不 同 而 如 非 光 玄入 下。 成 知 黄 林 娘子 耳 無 空; 今君 銷 宿 限 馘 色身是 妙。 朝 生 命之烘 青 遊 指迷入覺, 與子 已 況君名在 大限來 雲, 願 三島,暮 向 降 無親眷 昔 夢 龍 君 珍及 然 英 伏虎 時 把 歲 仙 幾 乏 返 各 眼 肉 月

神 既 無 捐 不 輒 嘖 故 後 祈 嘖 何 宅之後 輒 稱 郎 應。 自 遠 E 後有坊· 宣來 經 日 歲 訪 有大鳥自西 月 人泛舟西湖 至. 柳 則 墻 沿 花 階 南 徑 苔掩 來,止 ,夜遇之,因 風 古樹 物 依 於屋上。 然。 鶯 啼 得 人 遊 須臾, 其 問 其 詳 其鄰 中 與 復望雲飛去, 何 皆 則 郎言合。 香 曰閉門已 氣 滿 室, 堕下 由是京 夜 年 間 紙, 常 矣。 城 常 有 傳 意 有 紅 聞 天 其 添 樂聲 得 題云 皆 道 知 始 者 人皆 與 白 生

碧溝奇遇記

離 合 人 家 大 塊,靈 芝已 换 俗 盺 骸。 玉 京 風 月 常 春 色 貝 闕 煙 花 外 望 堆。

得 道 同 居 花 峝 ,今生身 作 玉 皇 魁 紛 紛 浮 世 無 識 旦 E 朝 亢 鶴 又 來

章 珍, 蓋 衽 是 遺 報 下 胎 塵 風 早 (波,好 水晶 復 在 與 迹 慮易迷。 儼 知 遂 去人間 據 于 廣 也 識 受帝 明 屏 獎火灰 造化, 某是 這等 德縣 者 配 簾 爲 若 中 日 永 帝王 訴 华 内設 命, 十八萬 安花 造 祐 黎聖宗朝 吶 今足 緣 誕, 涵 情 可 兀 家者。 旁有 冷, 雲母 君 坊,爲 妄 履瑶 此 織 恩 年 在 子 里, 指 愛, 恨 謗 陳 仙 秉筆 少 屏 有 先 語 不 我 陳 苟非 宫 宫 相敬 俄 阮 年美女及童子侍兒環立左右, 南 移 夫 淵 鋪 生 三生 立言 小民之女; 聞 有祠 出不經,遂使 新 將 婦 得 緑 宿 字 如 殿 掌 爲 道 醉 錦 緣, 荷 賓。 尼 州 Ŀ 箋 有 仙 成 籍 帳, 秀才, 班 奏。 幸, 鳥 欲 仇 仙, 燔 聲「賜 中 香氣 爲 得 廣 但 間 今來 今者 世 世 娘子 又相 德 至此? 以 至 不 雖 逼 縣 傳 坐」,謂之曰: 人 舉 今 以 知 歸 人,清 逍 身後, 碧溝、 傳 奇 \Box 子 風 此 使酒 也。 遥 由 碑 夜 闷 豈 是 以 某酒 仙 坊 浪 來 坊 湖 投胎 光奪 無 暫分,旅 何 卿 人也。 府,天上相隨,不復落滄桑景矣。 説 求夢 中 活 地, オ 人益 性 浪 目。 言 在 或 至 高 及尊 顛 壽昌 持 快 異之, 形 忽見 猶 厚 卿 復歡聚。 上 狂 語 金 秀才整 諸 義、欲 爲 帝 貴 知 縣 屢 柄 吏引 簡 以某先 所 仙 所 何 人 金花 犯 障 牘 以 仇 必 屈 以事 葺 娘 衣 扇, 花房 謗 奉 至 起 邀 爲 坊, 子 而 有 遐 有 及 怒 何 或 祠 寄 所, 再 高 意? 意 嗔 爲 構 陰 執 傳 燭 乎 歲 冥 德 陳 成 翠 中 口 丢 於世 ? 時 如 憐 其 尚 冤 羽 有 憐 \pm 窗 誚 秀 香火 此 債 書之男 鏡 絞 人 某少 嗔火,把愛 人曰: 路 貽 耳。 之類 才曰 塵 鞋 閣 Ŀ 奉 豊 意 故 員 界 歲 因 或 頂 事 極 F. 不 ? 孤 叙 捧 紅 帝 下 其 側 居 此 今安國 貧 口 始 ·界愚 林 雲 瑶 壯 求 爲 論 僕 即 勝 終, 以 簪, 冠 夫 燒 淵 年 屈 麗 江 夫 數 惑 婦 民 降 身 湖 謂 寺 始 上紫清 或擎花 衣 几 後 世, 仙 賤 以 輕 有 冠 是 面 薄 爛 文 適 相 投 都 其

僧

奉牒居安國寺,已歷三世,頗能道洪德年事,一皆暗合,遂記之。

以欺 問前程,其人曰: 亦當與某同遊。 身。 且古事所無而今加爲有,得罪於古人甚矣。 今幸遥臨,爲鳴一語,使爲世解迷亡冥,白璧雲間,已受蠅聲之玷。」秀才聞言唯 「他日便知,冥機不露。」乃賜宴還餞。秀才拜謝而出,既覺,因以事叩諸寺僧。 卿前程廣大,今將得志,人生樂事 必居 人 唯, 前 時有裴 他 因 懇 日

碧溝奇遇 終畢

校勘記

- [一] 「短什長篇」,「什」原作「付」,據文意改。
- 「渾敦鑿後幾千年」,「千年」二字原有乙文標誌,然據文意,當仍其舊。
- [三]「於低俛景俛柴,雖懢道侼渚虧悉駅」,喃詩,大意爲: 在此即景即師,雖好道佛,未了塵心。
- 市市極樂羅兜些,極樂羅低趁燴世」,喃詩,大意爲: 四〕「錦事塵緣窖隱唭,雖啞道停渚虧影。 **耕鯨氽刻散念俗,魂眨匹更吝事** 世事塵緣誠可笑,雖好道佛未離 港。 液 塵。 慘 閅 持 尋 經 產蒙泮,瀧 聲散俗念,蝶魂三更帳 恩新 丈易 魁 潙。
- [五]「遙椿後偈」,喃文,意爲春風吹盡

世

事。

萬尋慘海爲淺灘,千丈恩河未盈滿,

何處尋得極樂界?

極樂只在爾身邊。

〔六〕「又改「匹更」字爲「嫉仙」字」,「匹」爲喃字,原作「三」,即三之意,然原詩中作「匹」,據改。 「嫲」,喃字,意謂成。

- [七] 「奏鈎天之樂」,「鈎」原作「釣」,據文意改。
- 〔八〕「添麝熱金猊」,「猊」原作「倪」,據文意改。
- 〔九〕 「生秘不泄」,「秘」原作「泌」,據文意改。
- 〔一〇〕「必到蓬瀛十二樓」,「瀛」原作「羸」,據文意改。
- [一一] 「雨打梨花半掩扉」,「雨」原作「兩」,據文意改。
- [一二] 「五代唐時」,「時」原作「詩」,據文意改。
- [一三]「入叢穴中」,「穴」原作「空」,據文意改。



附: 龍虎門奇記

到 者。 海 之東至靈 道士元龜, 鳳凰山 自 謂 胡 其地則 時 人, 避 龍 明 引千巒,虎纏 馬 騏 之難 鼠 萬 派,真第 居 於 此 即 佳 導 風 引 水也。 辟 穀, 中 日 有 飲 數杯, 洞 號 頤 石 麟, 養 年 乃人 壽 迹之 不 知 幾 絶

揬? 不 虎 四靈之魁, 吾之一飽也。」虎聞其言, 紀(二)。 跳躍於 知 作人言曰 其爲龍, 以子之蛇體魚鱗,將必辦吾之一餐矣!」龍 日 兼得 Ш ,呼僕命驢從洞 或躍在淵 側,揚牙奮爪,旁若無 疑 奇 術 是凡物,遂挺身直上, 我乃毛蟲之長 服神怪魑魅之物,不 或見 方悟 中 在 Щ, 回 其 逍遥於 ,百獸之君, 爲 皆是我分内事。 人。 龍 自 瞋 那 Ш 能 眼 時龍已知其爲虎,然龍鄙 間。 度智不 爲 熟 南山 患。 視。 忽見一 之南, 相下, 禽獸之毒 子是. 傾 道士怪之, 角 黄龍 聽 何 北 欲 了, 族, 枉自 山之北, 示 蟠 其能 無所 吐珠 舞于 大 踞 得 山嶺,鼓 恁 自是吾門之事,子是 於 其才,不欲與之相見,佯爲不 一笑,亦作人言曰: 顧 施 地 Ш 謂 宣 盤 龍 驕? 間, 日: 髯 戲 微 珠,怡然自 觀 以子之毛班 願 其 與君 意。 何物,敢 挑 頃之,虎 我乃鱗蟲之長, 得。 戰, 肉 臊, 決 又 聞 爾 見 雌 未必充 寧 雷 馨 虎 雄 吼 搪 白 初 何

紀 其能 與我同 忍 然,以攀我之髯; 榮之,以蒙我之皮; 吾恐白虎形鹽之宴, 受天命,以我之眉也,而! 烏得與我同年語 如 神武平海内,以我之姿也,而虎視江東,難混三分之勢,將其時之非耶,抑其人之非耶?」虎曰 外其籠絡者,吾之智也。 竊漢之謀,入井兆篡曹之釁,子何不忠之甚耶?」龍曰: 者,工所爲,吾不忍爲 以皮,啓蒼姬太平之運,十亂之功,我不多讓。若一遇天啓建寅之統,而低尾以長逝者,是可忍, 如熊,不形於誓書。 葩 颯 經 然乎?」龍曰: 龍 然 龍 日言! ⊟ : 生異二之風,子孰與我?」龍曰: 虎臣 「遊在於沼, 虎曰: 吾寧 解白馬之圍,譽騰青史,皆吾之類也。 !! 龍 未必 吾恐龔行天罰之威,未必能獨成燮代於崇朝也。」龍曰: ,鬥智,不 句垂萬古之芳名,是則 !」虎曰: 龍飛在天,繫此《乾》爻,惟堯舜足以當之,子何可當也? 曰:「成五采之文,而斃楚猴喑啞之勇者誰歟? 「京師一 鼓作三軍之鋭氣,苟有利於社稷,吾何愛於髮膚!」龍曰:: 龍 獨 而戰股昆陽之威,濡尾於弘農之政,子何不武之甚耶?」虎曰: 應 漦帝后,遽衰四百之基,雖天命之使然也,亦人謀之不臧也。」 能 門力。 陶 示慈惠於諸侯也。」虎曰: 唐至平之徵,十瑞之符,我居其二。 卧,懾東雒之權豪,雖蒼鷹之暴,不敢 「凛在山之勢,而杜氊毬窺伺之心 虎日 係於名教,吾 請 吟於澤,油然飛碧漢之雲 與君較 他 勝負長短,可 如黨邪 「大人虎變,著於《革》卦,以 何惜 隆中 害正 於一毛!」虎曰: 一伏,拓西蜀之基圖 若偶 者誰 乎 而以 肆其 ? 歟? 子孰 逢 彼馮 龍 德 鄒 擊摶者,吾之力也。 曰 : 應龍名者,得不爲龍榜之玷 羅星辰之聖,而 與 婦下車,負隅失險,子胡 彼劉累見醢,享上 」虎曰: 爲 我[三] ? 龍爲光,不播 可。 虎 ", 湯武 朱弁之文,讀者 虓奏北夷之捷, 龍 虎曰: 「城濮之勝 鳫 虎 Ξ: 周 然後 雛之賢, 緘口 日: 昌以 而 能 於 馨殺,子 唐 不忘 孰 遊 詩 也,子 春秋 郎 聖 如 不 江 不 包之 嘯 勳 虎 以 能 助 吹 可 於

奇

聞? 乎?」龍曰: 之勢,有 駕 肉 龍之諭 之功顧不巨乎?」虎曰: 之外者,我之功 得則不興,若非 伯佐有待之而後起。 桀虐以獄扞周侯者,崇侯虎之鷙害,罄南山之竹,**書罪無窮。**」 擁 難 中夏者,石季龍之腥臊(三),決東海之波,流惡難 而 向 而 罹羅於漁父?」龍曰: 追, 唐 龍 娘灣,出丁皇於泥潭,二黄之績居多。」虎 以 Ŧ 衢 銅虎 范文虎名者,得不貽虎門之羞乎?」虎曰: 時而 無乃名徒隆 成 虎 驟,夫豈 子 用 館符,恩孚闔 失, 取譏 而 黑龍呈藝聖之祥,金戈建業; 巷伯 顧 史氏所載,孰知其詳?」虎曰: 蜀 何異於井蛙妄大,公孫見誚 無 可 鼎 於端木?」虎曰: 功? 讒 虚?」龍 量 此在《左傳》所書,君何不察?」龍曰: 延, 歟 人,投而不受, 不爲. 境,鴈澤民徯我以來蘇。」龍曰: ? 「七步 若兩虎争殺,不能逃卞莊之術,則二猶不足也。」虎曰: 三 : 龍 無補。 成 章 珠犀 則黨惡之罪彌彰。 「爲龍」 若八龍擅美,不能救東漢之衰, 繡虎之鴻 頷 疑馬援,撞投畫虎之書,得非智有所困。」虎曰: 下 師, 逆鱗,批 於伏波?」龍 Ξ. 白 而龍 「入虎穴,得虎子,猿臂將恃我以平戎 名識 龍入汝愚之夢,授鼎馳名, 盡。」龍曰: 名,蛇 獻來洛邑,脱 者必 否?」龍曰: 周 獬 宣 日: 身帝因吾而記 **豸之觸邪** 死, 興 金龍注水,信如四時,蟻聚衆賴吾 虎曰: 「據薄 魚躍之基,以我 則 「姚虞享鳳儀之治,以我堲讒 「猶犬羊鞟子之質,未備 容人之量 西伯 子獨· 姬 一萬 「乳穀氏之兒,以 則雖多亦奚爲 之腹,而誕後元之聖主,是王者 於拘 言 「仁者必壽,是其語胡 事 有 怪?」虎曰: 雄 ,則開 未優。 囚,一 辩, 平准 皆吾之徒也。 雕龍 道 夷 白之功不 鶴 統 田 哉?」龍 也。 鳴 之駿 則樹 成荆 里 於百王之先者,吾 之忠告, 老鶴 其文,何 而 譽知不?」虎 楚之名 魚服 他 少。」龍 奇 説 佐 而不太。 Щ 裭 勳 如 蚯 也。 對 疏 子 於萬 怪 淵 號 咎召 叛 蚓 「五龍 「卿,是 防, 可 華 於 乎 同 以 而 博 誰 得 駟 子 畫 里 不 助 魚 助

談。 齒牙 乎 學 霞痼 形求救 浪之椎 之鸞鳳 奇。 此 天下從風而 徒,素不語怪,子且休矣。」道士曰:「吾居深山之中,與木石居,與 鸚鵡能言,不離飛 道士,會見公爲溺器之資。」二者往復對言,援引證 至 矣[五]。 慮數千言。 一、不辭 精,介 麟 ! 餘 虎步龍行,相書貴格。 是以表吾儒及第之榮,則 疾,林壑 經 且 。」龍 論 所]予聞其言,頗有理,因謂之曰: 鄙 向 走 狼 類得之則 以 不 跋,遠詣 非 類之麒 道士略記 靡,争爲口辯 居 有 慧,粗亦有聞,鶴之言詩,雞之談玄,東郭之狼濮陽猿, 膏肓; 孫 傳 真 勇 麟,草類之芝蘭,木類之松柏,石 疑之法, 禽; 吾語子,大凡天地之生物,不外乎陰陽二氣, 人,當索子於枯魚之肆。」龍曰: 爲 鱣堂,幸不鄙夷,更蒙款待, 龍; 其説,因即 (者不懼,噫是言胡低 無求人知,鮮 猩猩能言, 而 天有 不應遽削之也。 以耳目之所暗記,似難以牛驥也。 無其實,有妨儒 龍虎以之名榜; 至 其所 戾,地 與 不離走獸。 聞,來叩 物接。 有 某始以子之所道皆無稽之言、不經之見,若又從 頭於印 至 術雅道,故真戒畫蛇添足之弊也。 玆 足不 幽 於予,且懇吾第其 所 方將景仰蓍龜, 安有真個龍虎馳騁,辨 養張家長生之術,則龍虎以之名 走 生之囑。」虎 爲 · 城 據,索瘢洗垢,吹毛求疵, 類之金玉,均是得其氣之粹焉。 類得之則 迂闊 猴中 市 凡 骨骾,公亦殆 幾 而 E : 雖然, 爲虎。」是以龍之爲物 餘 靈 庶消鄙吝, 得 高下。 鳳 霜。 陽 惜 亶亶皆前日事,信以 鹿豕遊; 聞 鱗 精者爲龍, 今聞博 羽, 諸 裏毒 哉 余曰[四]: 解 伯 Ш ! 敢出 如博學之士也耶? 温先生曰: **蟲**,子 豹 或護己之長,或談人之短 治君子之名,樂 蟬蜕功名,鴻毛富 而道左之開 養文, 狙詐 今責以金 陰 精者 Щ 其 獪語, 異哉子之迂也! 虎之爲物, 與 則 危 矣! 龍 爲 季 『天有至 傳 玉 類 蟠 虎 口 布 以 信, 乞憐 虎踞, 之明 其音,吾 而爲之詞 皮 取 均是 而 虚以 諾 與 裹 余夫子 井 面 量 貴; |粹,地 哲 之望 春 物 欺之咎 向 傍 風 傳 類之 何 中 之 飛 秋之 水 非 虚 惜 狐 美 恐 夫 换 類 無 郭

妖孽,飛類之梟鴟,介類之虺蜴,草類之至毒,木類之不材,石類之礓碌,均是得其氣之不粹焉。 此其所

禀之氣,源頭已清濁了,則其生也,源分派別,寧無善惡之異乎! 化飛騰莫可量測,有中正之德,有普施之仁,真是至好底物。世常配之以天子之象,贊之以聖人之德,無 觀夫龍之爲物,幽明大小無所 不能,變

有時而垂淚於網羅,乃是不好底物。 世常比之以苛政之猛,修之以酷吏之污,無他,惡其名之醜也。 虎

他,喜其名之祥也。虎則勇而無禮,暴而不仁,智屈於狐之借威,怒逞於驢之窮技,有時而掉尾於陷阱,

寧得與龍齊乎? 「先生右龍而左虎,既得聞命矣,如此則高士尚及者,必於龍而不於虎歟?」余曰: 王僧虔戒子書曰: 『優者爲龍,劣者爲虎。』正爲是耳! 子歸而求之有餘師。」道士 「然。」

校勘記

[一] 「不知幾紀」,「紀」原作「記」,據文意改。

[二]「一吟於澤,油然飛碧漢之雲,子孰與我」此三句原缺,據A. 48本補

[三] 「石季龍之腥臊」,「季」原作「李」,據文意改。

四〕「余日」、「余」原作「途」、據文意改

〔五〕「則季布一諾之望狐矣」,「之望狐」三字原脱,據A. 48 本補。

松柏説話

王氏, 也, 稱富而後貴,我其甘心焉。」已而雲 之謀,進退之間,某其取舍矣。今有田園數畝,牛犢數角,苟移其勤學者而勤農,不失爲富家翁矣。 僭貳,今某學術似可奪於先儒,而某之科名,止見推於後輩,滿朝朱紫貴是何人也。凡人間九藝,皆衣 絶句云:: 力耕耘 東 富有美姝,愛其才器,欣然 州 人何某,心性 而泥塗被體,雖日金不憚其 「安得朱虚今再出,漢田何苦力深耕。」 聰明 精 神 而許嫁。 峻 壑 爽。 揚 、炎蒸; 鞭, 少 年外二十, 隴 時 間 遊 指 9學里 爬沙 摩犢, 而 重 中。 春作秋成之志,酷 傴僂折 番猶未顯 暨 身既 腰, 達,私念曰: 長 雖 成, 水沸莫嫌其爍熱。 情 於春日 殷於學,且有青雲之志。 闡秋試之情[二]。 「皇天不負讀書人, 久休之後,且 時 故古 實 而 他 夏 食 非 吟 鄉

미 勝 於凍皴。 時而冬也,曉霜未釋,忍饑扶犁,而栗烈之風,且見侵於衣褐。 宵爾之中, 且興 佳韻 云: 事 閒將到躋 公事 願 獻 醢雪未消,築場 豩 風 萬 壽 詩。 納稼, 而燎湯之火,不

自是行之也力,以莫不增,纔數稔間 創廪之儲,已有若幾千萬 某喜謂其 (妻曰: 我舊箕裘之業

此牛 承 人之道,不速 祖父之基,浪苑長安,不許神仙 療,前 頭家業,不失爲潤屋子孫,是乃勤於農, 而 或遲; 儒者之功,未益而已損。 公子獨間 洒地。 經中之田,書中之粟,所得者幾何? 頃遭城 非 勤於學之所致也。 火,家計漸空,猶 四民之中, 且 席 上琴書 我 今而 何歉 閒 中燈 有 於 人乎 此 火。 倉 箱 然 其 聖 有

以爲 苟 句云 楫 獨 衆 紅腐貫朽之儲,干箱萬倉之積? 非農夫手段 然器象,令人破碎鐵石心腸。]何曰:: 之半塗學術 妻喟然曰: 有立 吟諷 器 擁 萬 牛 苟不 。]何即應曰: 明 É 世 松膏之下,草木資生。」何即 家之計 鞭於松柏間 於 池硯 香骸 間 勤於此, ,復驅攻犢之師 頃 天幹下者,以何爲田 ,捨而之農,非惟蒙愧於墨客文房,抑亦取笑於村翁野嫗矣。」何曰:: 流者? 耕筆,吾爲席 家兄今日力農,此妾情之深慶也。 亦 間應答,我有不能,非惟破我心肝,蓋亦偉然器度。 無 則勤 心憩。 不 「千尋勁柏,便 可 於彼,亦可免於虚生。 今乃隴 馳破隴 纔半 家苟 L 頭 珍儒。」何 飾,見一書生姓阮者,袖聖經數卷, 晦 野 不足,則他時之學古入官,還 既富 之卒,曾不悼於閉 爲 俗塵· 迹, 應 廊 「的是田牧也。 雲壑 於人矣,則僥倖而入粟者,即 即 人,鄙爲不知焉。 廟棟梁材。」阮始駭然曰: 應 「柏府之中,棟梁任重。」阮曰: 埋光,爲小人之所爲乎?」何曰: Ē : 四民士居一,農亦次之。 然竊聞民有四,士爲之先; 田 閈之間。 紙 然倉卒之間,亦有所得,幸貴兄勿訝。」阮 鋤經,我是塵中 阮乃戲出一 爲蠹 已而 土功告 或 亦於松下乘 有才如此,何不與 子果 以授元光之好爵; 而 對句云:: 爾 른 宰相。」阮 畢, 無復言, 田舍翁耶? 豈 何必 田 「士各有志。 如我 涼焉。 趣 旅言 「百尺長松, 於是 我是還他笑駡矣。 「人生天地間 剩 有四,耕 勤 還。 棟梁也?」 我 家 誠 于 何乃 爲 斷 服 時 時 求 居 業, 金, 稱 夫人生在 進 應 談 榴火方濃 堪 其 曰: 奮 務 $\bar{\Box}$ 論 而 即 再 作 成章 惟 Ш 本 歌唱,阮 心攻木, 出 試一 國家舟 一子果 錢者 爲 世, · 偉 挑 句 愐

之繩,公輸之墨,而溺人之計者工也,還是淫奇; 還爲富家之謀,其何以得其中乎?」何曰:「富者人情之所欲,今之士者往往貸農之錢以爲用,干農之 清。兄之村里力田,果有避濁之謀乎? 四民之中,二者吾不足道也。 此自期,志斯下矣。 然兄既謂不可以優劣論,願爲分優劣可乎? 夫人之所以爲人,各有自營之計,離婁 儒之説,既爲失言,自期之辭,又爲過當。 夫伊尹躬耕,乃是避獨夫之濁;,諸葛之避世,乃且期漢賊之 舜君民之事業,何所推來? 風雲天地之神謀,從何講究? 兄不可以田野迹而求疵於等人也。 太高耶?」何曰:「取法於上,僅得其中。取法於中,所成斯下。」阮曰:「兄既取法於上,而 梁,塵埃宰相,何必皆儒者而後可乎? 不失爲崔烈之司徒。富貴之間,我兩兼之矣,又何必登六藝之場,然後爲顯官哉?」阮曰:「公之此言, 諸葛南陽,足不履藝場者,一起而平章,扶漢統於將顛之會。 畝畝野人,又何歉於棟梁之才?」阮曰: 而好爵者,還是雜流等職; 求進而司徒者,豈爲清要者班? 某之所言,還是謙謙之志耳。若巖廟棟 何與志之相反也? 夫宰相之器,樑棟之才,以爲農夫耶? 不然。夫伊尹莘野,非耕夫也。樂堯舜之道,而《三謨》、《二典》,欣慕有餘。諸葛南陽,亦非農夫也。吟 〈梁父》之詩,而《三略》、《六韜》,講修有素。 二公雖不由科目之選,而興商扶漢,都從學問 後之所言,立志乃如是之卑陋。元光好爵,崔烈司徒,豈棟梁之才,宰相之器耶?」何曰: 論其貴,士先於農。 論其爲之先者,惟士與農焉。夫農之所以養士,士之所以立農。 論其富,農比於士。 抑又有誓清之志乎? 夫伊尹莘野,手不持黄卷者,一出而左相,興商家於始造之年。 陶朱之産, 吕氏之金, 而網人之財者商也, 徒爲末技。 富貴之間,不可以優劣論也。」阮曰: 抑儒者耶? 揣諸己者不然,而冒之以自張,何其論之 前之所對,立志有如此之應 · · 中來。 所力者農 士無農固 兄既以 今兄非 「僥倖

二四八

括南北 不學, 谌 咸 始。 者,或削髮僧尼,而 獨活者,不知幾招來之費。 之才猷,則醫林馮氏活幻嵩崖,精熟乎諸家之萬卷,而 者,奔走於文臣之分折, 州之財,府有府之財[二],處有處之財,堆金玉於墨綬銅章之日,廉禄可以代耕矣。 田 財,衆皆反目; 不仁之富,人各離心。 不可 風 也且 酌 蟾寸晷之間,經史以 勵 ,謀其歸己。 損 勞心勞力,孰爲優乎? 魚躍鳶飛之志,則脱穎 冬禮,士於春陽之日, 農則占人其田,侵人其 何 農無士最不可 益 往往以資其事。 西於盤 優乎? 一本於公,舉措施爲,各當其理。 或出 上; 慧 也。 錢 日 榜題名,同登科第,士皆樂翰生羽化之秋,則計偕 農 爲 而假貸者,皆是商 慈雲 或藏形道士,而騰雲駕 而錢米爲之彫耗。 即 良 也或 田 畔, 或妙振家之手段,則統一 其優劣分之: 田 而鏖兜陣 伐木之交,閒中道理,斷金之誼,醉裏琴書。 ,眩其衆於虚 紙 矣。 有欲 而 而相争之訟,羣然於東都太守之庭。大人小人,孰爲優乎? 舌耕矣。 農 發 者。 則 福者, 或低 由 功確 無之域 經有經之體,六有六之體,賦有賦之體,文有文之體 伊 言其正途也,進退 農則 且 文與無文, 耕 頭 士於斯 難 便之爲謀。 雨,静其民於邊鎮之符; 而 而服役者, 畫 勝 濫 爾于茅, 要索之財。 此選者,竊吹夫士子之文章, 時兮, 甚工者 雪心,天機洪武,研磨乎八卦之五 活 何爲劣乎? 人知脉,辨 窮 廉貧之言, 無非俗狀塵容之爲累。 市 宵爾索 應對,揖 而 間 固矣。 優劣之分,不 賣 ١, 綯,而不忍之飢, 君 論 遜周旋,士於童稚之年 士爲之首,三年大比,賓興賢能 而吉 臣 其 而百區之地,欲以 而 士於時兮,貧而 佐 曲 最巧者路際相人,而壽夭富貧, 漸 使於掌中。 藝 M 鴻 待 也, 禍 翼者。 辨 福 而 得其 農則 清濁之論,士爲之先 而 瞭 碔 剎 自 將來 玉 緒 縣 行,而 農 由這事 亂 明 樂矣。 得以 相 餘 有 於 也或 連 於 者, 縣 禮耕 南 之財 眩 看水尋 得 吐 鎑 或 有 而 而自 售, 誦 擲之錢 其 詣 錦 未 事 高 而 夏 頃之 來之 學 繡 糟 其 州 義 而 求 與 種 粕 有 於 或

暗矣。 學 斥。 以爲永想之事乎?」即作《松詩》一首云:: 優劣之間,千十而百一也。」何曰:「當孤寒之日,遊呫嗶之場,供其紙筆者,往往造富家之門。 妙先覺於五行之辨。 足以望於青史; 而 勤 而《易》之官治民察,不於《益》之耒耜,而必於《夬》之文書者,以士爲農之師也。 他日破天荒之會,吾兄有力焉!」阮曰: 農,從此致富,自可以爲人矣。今兄士農之論,誠可謂春 論其 農 曲藝也,農且不足以比其糟粕。 也 且屢 屢 以 被其欺,優劣之分,不待攻 「松柏士農之論,既足以啓公心,可不揮毫作松柏 故樊遲學稼,吾夫子先 而自 破寒夢,日明 破 矣。 嗚呼 幽谷、某聞此 排; ! 夫士既爲農之師, 許 論 其 行 言 IE. 開 1農、孟-途 其 也, 迷 故捨 農 大賢 而 佳 古 其 則 深 不

聳壑凌宵百尺長,四 時黛色狀 蒼 蒼。 雲 垂 偃 蓋 籠 煙 露,玉 帖 盤 龍 傲 雪 霜

月下 肯容題 葉客,影 前媒引 探花 郎。 他 時榜占 春梅 發,便作 皇天大 棟 梁

何曰: 東閣官梅,甚 得其妙。 但舉 其松, 不舉其柏,東皇豈有他意耶 因 依前韻, 作 《柏詩》

首云:

霖 霖 青色四時長,千尺長松對 被蒼。 春育久霑恩雨露,冬寒不改操冰霜

前 面 晬 蟾宫客,雪裹真 明御史郎。 伐木自從交柏友,一 爲 廟棟 堂

焉。]何曰: 阮 日 我舉 「詩者、志也。 松而不及柏,未免隘 我等苟有其志,則有如此足矣,何愧之有?」 狹之意,公舉柏 而 兼松, 誠 有 雙鶴 鳴 泉, 兩 鴻 奮 翼之雅 量 於

妻曰 時 榴火漸 勞我農人,今日何獨晏耶? 退,松影斜穿,仰 面觀,日已晡矣。 |衆以實告。 即 妻即欣然, 揮 田 卒,顧家傳餐,使設爲 使蒼 頭往松柏間, 會友之所。 迎書生來會。 衆已 比 到 到 家 則 其

矣。 繾綣 來謝 論 逞色而多謝耶!」命家童挂松燈,鋪行席,下董家之帷,布温公之枕,使曲 文學者流,益其錦花耳。 手段,起而 饌之供,酒釀之具,凡其寫饑之味者,頃刻 生日 今聞 心 而屬 醉,不覺紅日東窗矣。 貴兄士農之論,啓心沃心,實粹面 爲 意于東床,望其喬樹遥影耳。 鋤 妾今忝以幼資,生於富! 雲掬月之塵人,是妾以幾 家兄以學術之藝,文章之才,燈火工夫,幾許 書生 將 撤 族,赤 席,其妻乃以金數兩 由勤之富,豈人情之所願哉! 餘畝之閒 而盎背,他日我家脱白屋 錢 間各盛陳焉。 紅 栗,無 田, 而壞夫家兄數許冬焚膏之志 不 流 溢 已而樽罍 餞送,爲潤 而 盈 餘 而黄臺,權與於松柏説 告罄 誠 筆之資。 年曾不輸他 奈家兄爲俗所蔽,以 所 肱談 謂 盤 紅 席將撤,其 道焉。 何亦作詩一首以送云 樓之女, 趣,妾誠 著。 是夕也,考古志殷, 妻 所乏非 故以 棒芙 話,妾安得不 分其 玉 戛 賤妾慇 蒥 財 誚 金敲之 只 有 匣 懃 望 餘

腰三千卷 知 音,脱 截 多年 白屋心。 松蓋談 時 庖墨美,蓬門醉 裏 漆 膠 深

埃 洗 盡閒 中 酒,道 味長添席上琴。 此 去雕 頭 何以答? 折 梅 聊 贈 佳 吟。

但 趾 阮 裝之資。 其 願 焉 而受業。 日 所 努力尋珠, 蔽 生 凡 既 韓王 也。 池 其 歸 初 中 至之日,師弟亦以羣 夏葛冬裘,長 海 今既 加 其 物 湧出蓮君子。」諸生未及應, 妻謂 工琢玉,勿以鄉閨 此此 開 悟 何曰: 足以表良人之情,今有 便 帷 覺 乖 短 志者,心之所止 枕 違。 然視之。 介意、 無 爾既 不備 有 産業關懷也。」何曰: 具。 辭 師之堂 何 付 即 也。 我 來 何 應曰: 乃 可 前,祝 佳 開 於 兄 句, 有 場 明 餞别 其志 旦 臺 「臺上巍然大將軍。」師 以 有 來負笈矣。」翼日, 爲 ~; 拂 大花一本,池 ,妾欣然萬 文房 「我本是文學人。 袖 四 而之焉。 寶之用, 幸,營家之計 中 聞 其 有 亦 蓮 長 妻 足矣。」乃 所以 花 安 即 先 數 出 「此是吾之朋 根, 至爲 生 妾 錢 有 聚 百 先生 自 徒 貫, 餘 鄙 相 力矣。 數百 夫 即 者, 行 出 玉

友,不當 在弟子 列 。因 問 前 頭 家 址 何 即 以 農 夫 實 對。 師 乃 以 伊 尹 幸 野 詩 探 試 囂 字 韻 何 即 揮 毫 頃

海 澤 箕山 迹 已寥,莘郊 今且 樂 嚣 嚣 塵 中 好作羣 犁伴, 原上 聊 憑 短 穮

間

而

就

其

隴 借 爲 今后稷,見田 欣慕 古 唐 堯 自 從 來釋 歸 齊 聖 南 畔 簸 揚 嫉 秀 苗

斯 章 作 何。 給 . 詩 文領袖 以 謂 但 燈 詩 句, 願 何 成 膏 曰 : 歸 矣。 進呈,師 紙 來,夾宸十月復本矣。」其師許之,即促馬蹄而 筆 纔 焉。 頭 「名卿何處得來? 捧之來呈。 目之良久,曰: 周 自 星,有思家之意,辭其先生曰: 是 博覽聖賢,涉獵 詩云: 他日 諸生且休矣 「如今妾面羞 龍 經 門 史; 奪 錦袍, (! | 即 凡其應對文章, 君 意必是子。」乃命小童洒一小齋,爲 「臣之程門立雪,將及周 面 援筆批云: 倘 歸 欲來 焉。 時 時方日中, 如鬼吟神助, 待 「白雪陽 夜來。 至 則關 春,清 歲,家室平安二字,未審 步 進 門 風 閉矣。 步, 明 月 堪 何 爲 某棲身之所 妻聞 的 吾 爲官樣文 道 其歸 旌 如

天,怡 花 宇。 邇 秋闈之詔〔三〕。 ,此士子紅塵 如此則 然敏者多不好學,此回之日,勿以才能 某見詩,復鞭往焉。 蕩 皆 韶 中 光 有 黄臺紫閣 九十。 司 黄 程 何乃 閣 度, 之機 親 解謝先生曰: ,於子特優爲也。」比 庭試 朋萃集,都里森然; 於是學時 ,但願歸來,庶得青錢 又中第三甲 時 「鱣堂受業,歷已幾冬,絲繭牛毛,多賴先生函丈之力。 習,德日日新,升堂入室間,人各以名儒 名。 到 自恃, 家,不 此 野老田夫, 時 萬選。」先生曰: 也, 問 而寬呫嗶之工夫; 長 前 須 争奔走而齊拜揖者,非 安 家 索 計, 看 花之馬 研精以 「子之明敏 故, 待。 亦勿以花色自娱,而 鄉 機 精 П 稱許。 宸 聰,文學才猷 拜 韶旨, 祖之兵; 纔數稔,已見 即 春 秋 今則 駿 沮 自 兩 馳 執 有 試 經 科 九 馹 過 名日 文章 重 有

恃, 耶? 耳 ! 苦,衣食羹,可以誓海 家時[五],娘即 此, 愛儒 捧 是不遑他顧 聲色之娱,必沮琴書之志。」勉生遊心聖 思,勉强之功 交』,今果然矣。」乃捨 小 人之常情 樓之處 亦 愐 П 生 小 百之仙。 前 遽逞妻 |娘曰: 邂 苟有其志 顧 盤 日 何 逅 間 松柏 個 **岩** 所戾 使之住足, 無 知 孥之樂哉? 奮身於翰墨之場,文章學術之才,不忝於何官· 中 ,日益進于高 良緣也。 所 姓 整衣服,還 尋復歸來,便治裝春試。 吾 止 倚 誘掖切偲, 諸味蒸菲 ,則吕公晚進,可先奪於韓王; 阮 所 恃。 獨 者 願 有 Н. 亦于然來賀焉。 而盟山矣。 乃自 而 兄倘 者, 含幽 티 : 歸 薄 生日: 何官家 焉。 皆 明之域。 金 來 相 强 之狀 榜 師友之力所以然也。 官 偕住 力 進。 何 挂名,不忝 焉。 加 即使 今則衣錦還鄉,故鄉迎主,而 耶?」生即 人睡著, 餐,及時 生憤 學 姑試 生每 生 軒 何乃促小童呵 暮 道 歸 然謂小童曰: 焉。 小娘,將銀子五十鎰,路 可 與 謂 我等不敢 鄉 爲 朝謔 耳。」乃往京 進業,則文房之費,厨竈之司, 使 娘曰: 以 Η, 何 生既得其 無 何 官 ,則拒之甚確 人之負我,我何足責哉 扞格 問 氏 人 然竊聞『 娘 薄 搪 事 止日 「金榜挂名,我既 安 於 突。 事 應試 所養,内 業, 在, 其 告。 故人尋故人,不意故 間,「他 生 則 人矣。 滿朝朱紫貴, 則家 焉。 既 小娘乃 . 旦 三 : 「官民禮隔,不 巾 雞鳴賢女,不貪分外之繁花。」憐香 則有 遠來,姑少憩 櫛 不知 \mathbb{E} 上遮生於逆旅間 日 之奉,地 已而 而 坦 婉 廣 其 充其 丹 步青雲、妾請 ĴΙ 詞 ! 秋 所之,乃愀 墀 洞房花燭,必 妾請當 盡是讀 諫 下帷之憤,外 闡 選。 三千 妾今爲繼 可 日 應試[四], 而 來 人薄故 忸 - 牘,雲 主饋 時 天長 書 慢。」即 其任矣。」生 佯爲 以 人」,但 貴 然 母 此 當 名 矣。 人如 墜 賤 場 須 則 言,今夕豈 主 所 不覺,且曰: 聞 則 命 金 殊 淚 第 悪、以 射策紅 饋之選矣」。 焉 豈 是, 無 患 侍 榜 途, 以 名。 范 乎 衛 挂 諺言 高 繼 致 生 小 丹 招 名。 筆 下 使 成 非 塵 隻 無 生 臚 窗 榜 小童 貴易 影 倘 于 傳 爲 果 其 前 良 甑 宵 自 如 志 我 勤 自 耽 之 至

事 養,使之飽食煖衣,而免一暴十寒之苦。 親愛之情,殆同生之兄弟焉〔七〕。 公矣。」阮曰: 就學,卒以至於成名者,由於貴兄松柏之論。 駭然失色曰: 情,甚可掬也。 如前日之對句耳。 ,即以小娘事告之。言未已,見小娘從家中捧芙蒥來謝。 「不意貴兄,我爲其所包容久矣!」何曰: 「君子真朋,今日始知我公在耶! 乃撤其酒場,而減其珍膳焉。 某知其情,故以麤灂而挫沮之,使之横心閒慮,而加左圖右籍之功; 如此,則學海儒林,得以馳驁, 故歸鄉之日,貴兄千里遠來,求其松膏之下,草木孳生(六), 是日,何官人使家童奉詔來會,阮即移步於何,至則不言他 」 阮歸 導家人以公意,衆始驚服 「夫干仞必由 何曰: 「此非官人昔時資養之女耶?」阮 愐 一簣,千里必由 争 標奪甲,始可 兩家自是俱爲顯官 與 以此小娘 蹴。 某 我 而 · 昔捨農 司 升諸 而保 始

校勘記

- [一] 「酷於春闈秋試之情」,「闌」原作「圍」,據文意改。
- 二〕「府有府之財,處有處之財」,「有」原作「有有」,據文意改。
- 三〕已見九重有秋闡之韶」「闌」原作「圍」,據文意改。
- [四]「秋闌」,「闌」原作「圍」,據文意改。
- 五〕「臚傳至家時」、「臚」原作「驢」、據文意改。
- [六]「草木孳生」,「孳」原作「資」,據文意改。

階,别爲君一喜也。日落半山,雲呈五色。

呈能莫□。然思奮當學界新舊之交,而能通今博古,以射策見長,雖窺豹纔見一斑,而臠肉可知全鼎。 〔七〕原書末頁有文字如下,因與正文關聯不大,今存於此" 文式改良,一新花樣。風潮所鼓,魚泳鳥翔。 禹門三級,從此梯 一時藝圃,

二五四

佚

名◆撰 越南奇逢事録

郭長城◎校點



	Nema - Nema - Nema - Nema - Ne		rà mà mà mà mà mà mà mà mà Họi Họi Họi Họi Họi Họi Họi Họi mà mà mà mà mà một một m			
	ja mija mija mija mija mija mija mija Nemo Nemo Nemo Nemo Nemo Nemo Nemo Nemo					
	lari-lari-lari-lari-lari-l Stori Stori Stori Stori Stori Lari-lari-lari-lari-lari-lari-l					
700 - 2700 - 2700 - 10 - 2700 - 2700 - 2 700 - 2700 - 2700 -						
			echechechechechechechech wirden der der der der der echechechechechechechechechech	ecilectect ecilectes (1917) ecilectes des des des des des des ecilectes ecilectes (1917)		
	Carras - Car					
			echechechechechechechech with the treit entretterit	acilacilacilacilacilacilacila Propertieroperoperoperoperope acilacilacilacilacilacilacilacila		
	Antara - Antara - Antara - Antara - Jamas - Antara - Anta					
	Arriva Arriva Arriva Arriva Arriva Arriva Arriva Arriva Arriva Arriva Arriva Arriva Arriva Arriva Arriva					
	han daa dhan dhan dhan d han dhan dhan dhan dhan d					getgetgetgetgetgetg
	New Meet Meet Meet Meet Meet Meet Meet Me				azazakanakanakan Cacacacanak	gdgdgdgdgdgdgdg cdcdcdcdcdcdcdc
						2 42 42 42 42 42 42 2 42 42 42 42 42 42
					9.45.45.45.45.45.45.45.45.45.45.45.45.45.	
						adadadadadada adadadadadada
					1-23-23-23-23-23-23-23 1-23-23-23-23-23-23-23-23-23-23-23-23-23-	ariariariariariaria Ariariariariariaria
						kitaitaitaitaitaitaita kitaitaitaitaitaitaita
						artartartartarta. Artartartartartaria
				era	terenenenenenenen	grigrigrigrigrigrig Kristisciscisciscis
			ententententententententente Mit Mit det det ententententen			a ja janananana. Arararararahana

提要

陳慶浩 宋莉華

撰

越南奇逢事 録》,不題撰人及時代。 今知見抄本一 種、藏 於河内漢 喃研究院, 編號爲 A 素

筆法幼稚,多俗字、錯字。

本書情節略謂:

白

紙抄,51 葉,頁面尺寸爲30×20 公分,半葉9 行,行19 字上下。

父講 其心意。 其詩句, 書,識得文字。 黎朝 判定必爲多情之人。時光荏苒,嬌娘轉眼已到了婚配年齡,而父親門下的衆弟子竟無 年間,仙 邊 祇縣 後其父愛之,常與講書,幾年研習, 扶寧社吴知 府女名唤 嬌 娘,長相 所 作詩 秀美,身體 詞 歌 賦 輕 與其父高 盈,活 潑 徒不 好 動。 相 上下。 兒 時 常 其 偷 人合 父見 聽 其

子,名爲楊介。 相思之苦,並攜手進了當地的聖母 時 逢 鄰縣扶董鄉召開 二人賦詩對答,甚是歡悦。 天王 祠 勝 祠。 (會,各: 蒙聖母召見,講述因果。 地 互生情愫,戀戀不捨。 青 年男 女會聚於此。 原來嬌娘是在一榕樹下誕生的,是謂 古 嬌 離 娘 别 在 時 祠 便約再見。 前 遇 風 俟重會,二人互 流 儒 雅 的 青 年 男 猴

精 此 方可 介常 篤 人便 再 夜 信 愐 來吴府。 宿 前 楊 可 介之母 世 嬌 常得 舊緣 娘 閨 房,耳 後楊介果中探花, 相 懷 甚 胎 見,楊介依計行事,自此,二人通過嬌 是歡 其 鬢廝磨。 間 喜 曾 但 遇 嬌 大 榮歸故里,與 日,嬌娘之父偶 娘 雨 憂心家教嚴 避 於 祖 龍 嬌娘終成 宫下。 厲 經 恐 閨 房 大 娘 眷 ,聽到二人 人好 胎 的丫環傳 屬 重 事 無 難 比, 成 相 遞 謂 談 書 遂 之石 信, 戲 讓 謔,當下 Ħ 楊 胎 介 訴 始 拜父爲 衷 稱 腸。 告之楊介, 石 麟 師 並 等 研 終 越 꾑 須 文章 中 人自 池 解 楊 這 元

以 約 又派兵 介感 + 至 稱合聖母之緣,皆大歡 八九, 慨之下, 亂 此 援 軍 後 楊 助 清 介仕 然楊 攜此女回。 爽精幹,乃是車氏輔道之女,回 偂 途順 車 介乃一文官,不諳兵法,潰 氏 從 利, 小 遂向 一路發達。 喜 習讀兵 云云 朝廷進表言兵敗 書, 諳 順天年初,沱江道寧遠州 熟兵法, 逃 想先前 入深山老林之中,恰遇一户人家 明事由,肯請 助其夫討 聖 母祠之事 敵, 朝廷 奏 土 凱 ,此女便是曾提及的 戴 酋吉罕侵犯國家,楊介被委之招 而 罪 歸。 立 功。 楊 介攜 再發 愐 車氏返回 獲 兵討敵。 救 將 助 爲 故 其妾之人。 朝廷 此家 里 與 准奏, 嬌 女, 討 娘 使, 年 楊 相 重

皆 帝,木州食邑,已有多年」云云, 能發生於黎朝 及 楊 爲 黎朝以後 介於順天 中已用《傳奇漫 初年 人之口 且 楊 平. 氣 遠州 介 録》徐式仙婚等故 初 似 次 土酋吉罕之亂 應 兵敗 成 亦不應爲 於 遇 阮 車 朝 氏, 順 事。 事爲 氏 天 稱近 時 按 典故,當作於其書之後。又,書中自云 順 事 也。 天爲 祖 미 順 黎太祖 一多,以 天 年 號有誤。 年 兵 號, 佐 黎 是時 太祖 書 黎 中 定天下, 朝 謂 始 黎 建, 朝 封 所 Ŀ 年 口 記 述 間 徒 發 種 或 生 謂 種 \pm 事 於黎朝 號 當 太 黑 祖 不 衣 미 述

末又有《玉身幻化》一篇, 述媚娘及仲 始後. 身故事 亦 是傳 奇 流 是否 爲 司 作 者 所 寫 大 資 料

不足,無從判斷。

在整理過程中,池潔審讀了校樣。

1987年4月,臺灣學生書局曾對本書加以標點排印,郭長城校點,刊在《越南漢文小説叢刊》第一輯。

越南奇逢事録

紝之暇,教以經史大旨。數年之間,詩思文辭與諸高弟争奇競巧。嘗於乞巧之節,陳瓜菓於庭,獻拜天 年,溢任歸貫,築學舍於鄉之西,肄習多士。娘少艾時〔〕,盜聽父師講閱,粗通書旨。其父愛之,嘗於織 下,心神忽動,不覺妊娠,浹旬而生。及長,容儀秀麗,但手足敏捷,骨節清輕,性喜攀援,采花摘 黎朝年間,有吴嬌娘,在遷邊縣扶寧社,吴知府之媳女也。 娘生之初,其母鬻市晚 口 ,少憩陽 菓。 旭 榕 樹 晚

孫,偶吟云:

四字云: 夢一童女,穿紅霞霓裳,腰帶七漿玲瓏玉瑰,就織房,持一玉紙,曰:「贈汝之詩也。」娘啓視之,見中有 其父見之,曰:「詩律雖工,但立意太奇,恐後必多情思,月花案上,取笑大方,非女子好事也。」娘是夜 異姓同居事不疑,用神俱旺克俱比。 牛女相傳兩斗台,年年數緒抱幽懷。 「女家易柱 0 娘醒來,不曉其意,乃披《玉籟經》,課《小壬》一卦,得「猿猴守石格,」有文云: 我將爲掬銀河水,假道姮娥便往來。 居財積聚多歡慶,吉自天來福祐之。

競 娘吟沉難辨,乃往後候鱣堂,歷敍夢中所見及占之卦,乞解焉。 不知所主。 一陽,初天后,末六合,主有婚姻之喜。 但神言微妙,未審將來何年福慶也。」娘反復蘭房,苦思窮神, 父再循這卦,曰: 「此卦時往加日,二陰

티 : 謂同列曰: 眼去,欲捨不能。 數人,整理衣裳,隨數個丫鬟,就場觀覽。 會人東西星散,落魄扶董鄉,兩人歡情强色,將欲分歧,繾綣遲回,跬步不進。 幽懷,倘香火有緣生,自思太乙,四月見蟾圓,十五日約不迎也。]因頷曰: 於今日乎?」將欲私締後約,密問姓名,但兩家朋輩具在,計無所出,因以字聲屬曰: 同袍,與子同裳。」生見娘答應,貫通經旨,私忖曰:「當代佳人,安得有此輕物? 個男兒來,信雅風流,英雄體樣, 宿因,不外赤繩做主。 此後,歲華荏苒,娘齒及笄,父母爲擇配。及門諸生,莫適其意者。 「石龍骨殘,妾心不轉,但患郎自爽矣。」生亦指市上榕樹曰: 「好哉! 娘本是多情,要欲静觀其究竟。 時旁邑扶董鄉,遞年四月初九日,設天王祠勝會,男清女秀,遠近雲集。 戰地。」娘應曰: —定是令家公子,否則瑞世文人— 「醜矣! 到景寬步一遭,閑立龍池樹陰下觀傀儡。 生見娘丰姿窈窕,殊屬可愛,然猶意其富樓之家女,戲 秦風。」生曰:「立我戈矛,修我戈戟。」娘曰: 「榕樹頭白,我節强堅。」時日影含山, -直趁鞋頭,立在娘側。 豈意家室之會,自有安排, 「慎無毫爽。」娘指祠 生因觸景吟云: 毋乃絳香之事,復見 俄而見祠 「途間草遇,難寫 中 竊見眉來 娘拉女伴 轉出一 . 前石龍 「與子

落魄扶鄉傍樹陰,仙香何處纔青衿。 藍橋此去人千里,聊寄裴航一片心。

娘亦口占私云:

觸景無端 樹陰,羞顔紅汗沁微衿。 詩餘只怕還休了,枉苦姮娥夜夜心。

二六二

後爲好哉。 子,自古罕逢,絳嬌之遇陳淵,絳香之遇徐式,天緣作合,比比皆然,又何必一村之朱陳,兩國之秦晉,然 「我香閨倩女,花未知春,一遇才郎,未究高門令族,此而弄出嘴口,達了情詞,以春秋之法律之, 事之筆。今則一言既約,駟馬難追,始信花色四堵墻,爲今古英雄嬋娟一檻阱。」既而又忖云:「 塊形骸,盡付相思百鬼,時或倚窗屈指,獨宿獨言,紅緑夏長,熱衷翻成冷怨,曾有吟云: 唱了,各望鄉關草堤。 況此才情容貌,當代寡儔,一段因緣,任是東風幹當。」是日歸至蘭房,幽情不禁,密意難通, 娘自别生後,心神不定,步履參差,迢遞路前,忘了許多程度,乃自 正犯遂 佳人オ

自古鍾情幾月娥,如今於我更偏多。撩人自聽和音燕,對景偏愁並蒂葩

重約誓心懸玉珥,亂腸隨手度金梭。 憑誰唤取鍾情客[]],榕樹青青石不

買香奩 未圓,公何不佩韋者〔三?」生曰:「樹陰一遇,久旱之逢甘雨也。兔魄之約,日度三秋; 建初之期,情 望,已見生立三關門外。曙星閃爍,花體鮮妍,問娘曰:「藍橋幾度程,何其來之晚也?」娘曰: 携手就聖母祠,陰圖泊宿。纔到排門窺望,只見祠中燈燭輝煌,没無人影。 牽萬狀,到那今日之會,在我其爲太晚也。 如堂爺有來,小的善言,萬無泄露。」時日斜過午,娘思如焚,素服淡妝,取路徑赴建初之約迎處。 包括物與人胞。」隱處各各,微微莞笑。時黄昏薄暮,寺鐘曲斷,延鐸宣聲,二人未寫幽懷,不能相捨。乃 一人坐未帖席,適門外鞋聲蹀蹀,自遠轉近。 時 娘雖父母在堂,然别有織房,常多小鬟獨處。馴至月中望日,娘謂小鬟曰: 家法甚嚴,不敢以告。如斜暉未返,爾可善代女工,我早歸來,定有旌賞。」鬟曰:「小姐放步, 弦猶不及,何用於韋?」娘曰: 「我郎一言,量己量 將欲延眉,已見一團侍女,擁來一位老婆,由右廊 乘虚步入,寄坐於左廊廡下。 「我今遠遊京國,收 人,可謂 且行且

芙蒥 地關 之,庶解一生之惑。」母曰:「陰陽異境,卿等安得知之! 但問之安常老人,及阮、鄧二大婆,自 陰使之也。 之會。」生即對曰[四]: 禮。」群女皆笑。禮成,聖母賜之坐,左邊侍童羅列,右邊則生與娘坐焉。 聖母判云: 之,殿上寂無一人矣。各吐舌稱奇,呆了半晌,且由來一遇,姓名貫址,未得其真,纔聞聖母麟猴之言,兩 謂吴氏曰: 吴氏者, 棲身有日, 莫匪夙緣, 天地造端, 勿以合離變易也。 中間 子在也。 見識。」時吴氏在坐,領聖母之教,懵懵然不究由來。 非人間所有者。 各逞妖嬌,階前侍立。 市, 時掉撓,人迹往來。 無妨,玉音既 偶 如在間 聖母見召 更闌對話之亹亹,忽扶明村後家雞報曉,咿喔聲傳,母揮二人左退。生、娘低頭降堦 因風 原卿生前介節,請鎮有功,黎王特使降生,少報微勞,俾之榮顯,偶然一遇,豫報先知 「此亦同居姊妹。」因賜之巵酒,曰: 麟子、榕樹猴精來,我款一款。」生不曉其意。 夢景。 雨,避駐於祖龍宫下, 生謝曰:「今宵之會,實慰塵心,但某等既墜羅浮,不醒前身來還麟子、猴精,願 !」娘聞「聖母」二字,惴惴驚惶,神魂消蕩,徐答曰: 出,不須迴避。」娘與 乃堦前暫坐, 生與娘整衣羅拜,不敢仰視。童女戲曰:「麟子、猴精,拜席雙雙,好似 「嘉林蕩子,汩没愛河,誤犯尊祠,願恕唐突之罪。」母曰: 生意其村邑貴族,望來頂禮,吞聲屏息,伏於廊板下。 相問 比歸,懷胎大重,不能行起,邑人謂之石胎,因字曰楊介。 根由。 生不得已,尾尾而入,見殿上端坐一位仙婆,外間秀女八九人, 生 曰 **:** 「此玉露釀成,豫慶合卺之宴。」娘、生接飲,玉液芬香,鹽變易也。中間如有患難,我當佑之以一人。」乃目猿娘 乃竊窺猿娘手足纖長,細腰窈窕,惟臉間 我嘉林楊公之子,母阮氏 荡,徐答曰:「塵軀俗骨,安敢對至尊。」童女俄而見一童女,艷冶妍裝,秉金蓮大燭,就娘 忽見殿 所生 非 「楊公、吴氏,知日 也,卿等來斯,我 也。 上宣聲 傳聞 有 反顧望 是一般 至如 太婆往 聖母教

段因緣,前生素定;,三生香火,古後罕逢,我非有所不滿者。但今朝之會,水月鏡白,浦後分岐,未卜何醮,奇中又大奇也。」二人草坐談論移時,或愀然不樂。娘曰:「吴之與楊,猶有不足處歟?」生曰:「一也。柱者,木也。木昜相合,豈非楊字乎!」娘笑曰:「則吴之嫁楊,許多兆朕,織女乃冰人,聖母乃是遣 何必爲蕩子、華娘之事。」途間戲語,步履如催,舉目間不覺已到安常地境。乃直抵祖龍故廟,見古石麟雨滃雲蒸。誰知事出參差,壞我萬金之刻。」娘曰:「戲爲樂耳。彼榕頭未老,白骨未灰,天長地久,中人摩,仿佛出垣之牛女。娘戲謂生曰:「君非强暴之男乎! 何使妾懨悒而行露也。」生曰:「高堂之會, 喨,如兩人聲。」曰:「後何在?」即曰:「移居陽旭榕樹下。」曰:「今猶在歟?」曰:「十九年前,不知 時再合。萬一家事芒冗,堂翁鉗勒,尋芳蹤而不得見,幾堪人面桃花之悵乎!」娘曰:「既入寶 異,惟中間有一貧僧,常以舞猴爲藝,後因他適,放却此猴。 日常入亭傍林中,夜則回棲石麟側, 自黎朝皇帝,建此宫亭,又設石麟,以鎮妖怪,歲深靈異,顯應有日。」曰:「近來有異乎?」曰:「固無他子,安鎮於觀門外,苔毛侷體,像貌狰獰,石篆污漫,不覺爲何時所製。 因叩之旁邑老人,對曰:「那石 於窮理。目今安常之道,瞬息通衢,宜到此一詢,且便娘來歸之路。」乃輩背辭母闕,趁曉而行,眼接眉 聖母所謂『猴精』,事在不明,使人徒亂心腹。」生曰:「髮膚作合,全在冥冥。 然語怪則亂神,惟儒 少隱。」娘曰:「妾乃東岸扶寧吴知府之子也。妾母鄧氏婆,却過陽旭榕樹下,忽有所感,應期而生,今 生叩其所以,娘以平生之夢略説。生曰:「我爲娘解之乎?」娘曰:「願聞」。生曰:「女家, 所在矣。」算來即胎娘之年也。娘沉吟半晌,曰:「麟猴之課,今已半明,,家柱之夢,未審何時 十,從事文翰。若曰『石麟』,全在太婆所不道。」又謂女曰:「一生遭遇,百歲有期,貴族華宗,不 解得?」 『嫁』字 深宵嘹 者莫要

言,喜曰: 情雅趣。 空手(五),妾請爲君籌之。今嚴堂私設鱣堂,别成一家宇宙,諸生肄業,不下百人,公何不就之? 外雖遊學,内主成親,一以完燈火之功, 「造化造化,卿可謂女諸葛,貂嬋再生連環計,當避出三頭地。」計議已定,各分手而別 一以了鴛鴦之債。妾當居中斡旋(六),無不如願 。 。」 生 聞 天 適 娘天

嬋娟門户鎖堅貞,纔遇英雄價轉輕。 一夜東西今織女,同舟吴越古雲英。 性技癢,索一筆紙題云:

會時眼有三生客,別後心牽萬里程。 到處覺身非是我,歸來帶得一般情。

題訖,授生曰:「聊以爲贈。」生亦揮毫云:

求凰甚喜得知音,當此分歧切我心。 神感不愁金拾芥,事□偏怕鐵成針(七)。

挑兵未破秦關壯,夢景剛嫌楚峽深。 多少情懷應有寄,莫教帳淚别 離 衿。

密信 也。昨夜小娘不在,鬟代女工,老爺娘未曾問及。」娘喜其身邊無事,舉止如常,然意在情郎, 寫完,授娘曰: 女人外事,動及二天,堂父若知之,不審將何區處!」及門,問小鬟曰: 「聊以爲贈。」娘曰: 「各執一箋,爲他日花房桂蘭情案。」既而相顧 「何如光景?」鬟曰: 而别。 娘途中 日 望好音 固無恙 思曰:

必拘之爲小禮者。」生自以爲得策。及收拾行裝,書一篋、奚一童,直望仙遊散步。 尊堂聊恕晨昏之禮。」楊公曰: 在邇,定在來秋,小子日邁月征,學功間斷。 之爲小禮者。」生自以爲得策。及收拾行裝,書一篋、奚一童,直望仙遊散步。至天德江小渡,嘗有聊恕晨昏之禮。」楊公曰:「學貴及時,男子正當如是。此後充閶跨灶,即顯揚開振,何孝如之,不,定在來秋,小子日邁月征,學功間斷。風聞仙遊吴先生大建學場,多士雲集,子欲負笈從之,萬望分設兩頭路,生自歸家,以爲事出希奇,日魄夜魂,全在吴娘身上。一日,生辭楊公曰:「今者試期

吟以消遣云:

辭了 鄉關渡小津,奚童書篋共隨身。風姨月娣閑來往,認欠燈前月下人。

有安樂之意。生自隸鱣堂,時來聽講,然織房密隔,私意難通,生坐卧清愁,恨晚巫山之夢。 薄暮,生到扶寧,於東舍館焉。時常旁詢請問,曉盡吴家式。翌日就拜吴師,先生見生容貌言 日

竊玉偷香真有意,看花植柳本無心。

閑散步,周圍環景,正是:

年,亂 林新郎,乃我生前夫婦也。 花顔,淚沾鳳目。 既而娘自思曰: 他鄉異景 露其辭,以觀其微意,曰: 小鬟曰: 見生,應聲曰: 偶然籬外左望,見織房一簇,窗外小掩,露出吴娘半面,乃高道云: 詳認此人,依稀類扶董會中人物。」娘遮言曰: 「天下面貌相似者多,汝安得夢言糊説!」鬟垂頭微笑。 步一停,如有所待。 想胡思,不覺翻成惱景。」鬟曰:「情於鍾處,得非在日間公子乎?」娘曰: ,鬱悶難舒,偶因閑步一遭觀覽,以舒其耳目。」鬟本童性,問了便回,具以生之言告娘,且曰: 「外間浪嘆,情有窺窬,汝宜問譯數言,以觀其爲意。」鬟直往墻外,見生望東進去,遲遲其行, 「人不知而不愠,不亦君子乎。」忽自東墻來,望有人影,生不敢久戀,移步而行,娘分付 小鬟窺知,問曰:「小娘有何花恙,一至此耶?」娘吐實曰:「我爲情所著苦,度刻如 「天隨人願,千里鳳來,然待兔守株,幾碎英雄心緒。」是夜,清燈挑盡,玉杼懶拋,愁染 鬟就前曰:「公子何處人?」生見鬟言辭唐突,不究由來,然猶意自嬌娘來,故半 「嘉林楊介也。昨聞先生門下俊士雷奔,故不遠而來,算已十餘烏而兎矣。 渠渠遠來,我之畫策也。 今鱣堂既久,音信不通,纔到速離,條來忽往,形交 「有朋自遠方來,不亦樂乎。」娘排窗 「知我其汝乎

越南奇逢事録

緘封,見中有首尾吟云: 静思曰: 來窺伺,見諸生三五返回,而楊生寂無蹤迹,鬟急反回命,娘細問曰:「客意如何?」鬟一一實陳,且謝 神契,心動肝傷,此我所以有感也。」因謂鬟曰: 使命不謹。 歸時,道達小娘情緒。 愐 寄達幽情。」因取薛濤,放寫吟毫,黄袱封固。 生與朋輩八九人,括袖長裙,同時至焉[八]。 「不須贅議,楊公早來,必然有怨詞來,匪我求童蒙,童蒙自求我也。」且説生自守書至家,啓密 娘曰: 「世途難遇,人事多磨,月下翁,月下翁! 豈意生自寄書,已知吴娘信來,腹裏徘徊,坐不帖席,方丈未撤,暗路先歸 寅牌,鬟密領娘詞,班於學堂門外,俟生來就,道達情 鬟見頭勢喧騰,難通片語,暗將黄袱納於袖中, 「來早汝爲我遠達心書,兼問東西寓所,或間相 説之結成委曲。] 鬟曰: 「計將安出?」娘 意 機乘勢, 將直待 鬟往

殷 勤聊 贈 有情人, 無病 西施笑裏顰。 百歲咸恒纏午後, 兩天睽隔 渴芳

臨

增眼寄桃三徑,想像心懸月半輪。

片片愁腸誰共會,殷勤聊贈有情人

遠來到 於五 吟訖嘆曰:「藍橋咫尺,何必文章,不覺嬌娘念及冷淡書房否?」因强題復之,擱筆推敲,短唱長吟,徹 房萬事, 曰:「青使何處得來?」 鬟曰: 夜寢不成夢。 公先圖弊邑,不教而戰,姑恕可也。」生曰: 更,唤醒小鬟曰: 此,懸望彌深,流蘇帳裏,也曾隙照寒窗燈影麽?」鬟曰: 自有主張,非小的敢承當得。」生曰: 黎明,再袖復詩,直趁娘房,冀其得逢。 「汝宜往候楊公,倘有密言來達,切記於心。」故鬟早來,恰恰與生相遇 「吴娘已料公子有□怨詞來,故使小的晨往。」生曰:「非惟怨,抑亦怒。 「我今夜將到蓬萊,觀仙光景,如卿能容之乎?」 鬢曰 「天邊遊子,久渴花容,一點芳心,殆亦箭之在弦, 纔到通衢外,已見小鬟佇立途中盼望。 「女房深邃,家法甚嚴,我今姐 原 事在必 是夜娘 未聞貴 生問

發。 卿 歸,達吴娘,勿以疏情見拒。」因出袖中詩稿授鬟曰: 「小姐有問,卿當白我直言。 蝴蝶春花,此其

鬟唯唯而退。 既而呈上詩稿,娘視之,有曰:

景從來月半圓,愁心對月月如年。 多時正苦相思魄,今日何須聊贈箋。

榕頭渾未白,安常花案恐非前。

他鄉旅次無餘事,抱得寒燈對枕

微笑。 娘曰: 娘曰: \exists 所言。 端之可以形容,而中冓之言,又不可道也。已而雞聲頻蹙,生與娘共起梳妝,回眼秋波,並頭蓮 見,復何説乎?」生曰: 矣!」娘披衣未對,倒履來迎; 潜入香房安頓。 時小鬟從旁參聽,娘曰: 然醉裏中人,想在無人之境 夫東房門户,雪鎖霜關; 而得者也。」各開顔大笑。娘曰:「詩章之外,又有何言?」鬟曰:「楊公方甘心於我門廷甚矣 「須當慎之可也。」二更時,三星在天,萬籟俱寂。 自此一天雲雨,朝出暮來; 娘曰: 「今宵之會,凡平生不平底事,盡消磨了。 「何謂也?」鬟曰: 「計將安出?」 鬟曰:「小娘長於料敵,何其短於料己? 「武侯軍師,從今惟聽其畫策。」娘曰: 「楊公怨意涉深,我可謂長於料敵矣。」鬟曰: 内有嚴君,外招物議,如或不謹,遍播惡聲,我受其辜,汝亦安得乾浄!」鬟 「有麝自香,慢藏誨盜,此乃小娘身上,何必更問外人?」娘曰: 兩地情懷,日長夜短,會來屈指,垂及數月。 小鬟早知道了,安排芙蒥香案,另别將陣勢安排,非筆 但此後乾坤安得常見?」娘曰: 忽聞罦罳窗外,微有履聲,鬟報曰: 「於晉石言,安得以隱言索我 毋乃知人則易,自知則難乎?」 「念慮所孚,精神所格, 鄰人朋輩,且涉見疑; 「源源而 來 「何謂言! 蕊。生謂 。」因述生 「新郎至 常常而 」各相視 非偶然

日,吴先生因事夜回, 經過女房,聞有笑謔聲。 潛就窺之,見生與娘並坐,席間言笑, 房燈掩映,千

動静; 萬無 猴精援攀手段。]娘曰:: 逡巡不進。夜三更間,生書燈影下,忽見娘衣裳裝束,排扉直入,生怪問曰:「重墻門閉,何處 聞生歸日, 父母妻子取笑也。」生謝趨出,自思曰:「四快之中,全無所指,今摘取相期,先生其師也。」且説 得聞也。」娘叩其所以,生遂以日間嚴師所責一述。娘曰:「妾家之教,學法甚嚴,得非吾郎文思 縱步回家,人蔑有知者。 科,行將奪蒙正之先籌,拾漢儒之地芥,領髱可拔,何有於相女哉!」來日,生就鱣堂拜謝,計日 女之焉;『如其不然』,斷不許嫁也。」娘曰:「果如生之所料,當且奈何?」生曰:「我今學力 陰』、『加三省』,責其荒怠也。曰『窺宫墻』、『入門户』,意其私奔也。曰『解元之舉,汝可早來』,此 耶?」生曰: 生望以極等,殊不知其意也。比夜,生就織房,謂娘曰: 大賢,勉勉亦加三省。汝自從我以來,書旨文辭,幾見窺宫墻、入門户,得非躐等之學,晚進而退 吴先生曰: 疑。 在邇,汝當歸應選,解元一舉,汝可早來,不然我不願與汝相見也。」時諸生滿座,以爲生有高才,先 「家事甚掬,不遑散步,以生歸期太蹙,故乘家人熟睡,逾重墻、越重籬,與君 返回書館,留去兩難。 乃思料曰: 「知面不知心,生子難生意。 恐女相奔,乃相召入處室。 「如也,先生之學,得其精微; 「大人之學,先成己而後成人; 數日後,吴先生因點文,參呼楊謂曰: 豈卿如石胎之身重耶? J各微微含笑。 將欲歸歟,則未得一語; 乃與小鬟,縻以家事拮据,胸裏日 先生之行,最爲純謹。 師弟之情,我非薄於卿也。 如今宣怒,恐漏家聲,莫若忍一時,徐徐算之可 將欲留歟,則恐泄其機。 「高堂會處,耳屬於垣,風流話本,只恐 「我聞夏禹大聖, 孜孜猶惜寸陰; 曾子 娘因等留暫宿,雞鳴急起。 曰『解元之舉,汝可早來』,此時定以今言辭之間,字字有意,如曰『惜寸 夜不休。 歸堂取四快詩讀之,勿使一就鱣堂拜謝,計日回貫治 生深夜就之,寂 大約當在佳 遣。」生曰: 人合此, 得來?」 正好決 吴先生 有不足

「今日之離,何時再合?」生曰「秋闈榜後,自有信來,幸勿以遠疏見忽。」娘曰: 「石榕在彼, 何必重

申!」因吟一律以餞别云:

我栗難糜皎白駒,花留水去影疑愁。 勸君早覓重來路,榕樹青青未白頭。

生亦讀吟以慰之曰:

漏 滴銅龍夜未央,雞聲唱斷別離腸。聲詧名價將提去,休謂無情別自傷。

曰:「吴師之約,期以解元,合吾名在亞元,安敢與吴師拜見! 莫若赴京拜稟,借館讀書,已定婚緣,留生應選。孰料天下之事,不如意者十常八九,生於縣鎮,皆有重名,直至第四榜期,生名填在第二。私度生曰:「思則傷肝,肝傷則淚,我豈鐵漢耶!」言訖而別。來早,生歸家,省問雙親平安,收拾盤纏,與諸 時娘不能返回,亦不敢久戀,直夜反回。生送之以出途,潸然有淚。 癡,時或臨風對月,聊以自娱。然景動人愁,倍切睽乖之苦,因吟以道意云: 作後頭之事。」日者嬌娘風聞秋試,專待好音,諸生喜信重來,惟楊公寂無信息,如魚沉雁杳;, 娘曰:「英雄非無淚,不淚別 離時。」 如醉如

愁中對月又臨風,風送涼回月色融。 風月有情人信晚,風輕月淡轉頭 空。

詩成, 之言,自有定見。 往長安拜稟了。」娘聞之,不覺喜中生喜: 一則喜情郎之早達,一則喜姻緣事之果成。 「何以知之?」 鬢曰:「日間小的就候家爺,聞諸生相與報告。」娘曰: 短唱長吟,無限 我兒年長,猶未定婚,屢次不諧,恐漸入摽梅之景。」公曰: 時鄰鄉旁邑,貴族華宗,多有求婚者。 一時情景。 忽小鬟從自外來,頗有喜色,鬟曰:「今年秋榜,楊郎 鄧婆累番試問,娘意終不肯從。 「彼意固有自在耳。」鄧婆曰 「今安在焉?」曰 回思 名在第 鄧 楊 生決科 (謂吴公 三。」娘

二七〇

越南奇逢事録

不知其問處。 含情而已。 穿,而京北羅城,未有寒喧一敍。汝獨不能爲我一訪乎?」 鬢曰:「固不敢辭。 婆曰:「莫若召來,贅之可也。」公曰:「固不必召,來春會試後,不唤自來,非夫人所知也。」却説娘 日在織房,清愁冷眼,因謂小鬟曰:「我之形骸,楊之身也。臨別蓋曾有約,今者秋闈榜了,望眼雙 「嘉林楊介也。」曰::「其人何如?」公曰::「昨我期以解元,偶中亞科,故不敢來見。」鄧 會七夕感舊吟云: 且京城都會,冠裳翕集,車馬喧譁,一介女流,安能訪梗萍之蹤迹?」娘計無所出,只得 但小的小養房門,却

易,此楊公之戒我也。」童乃出所寄。娘視之,乃四格詩,兼録於左: 讀『四快詩』,故洞房花燭夜,必須金榜挂名時。遥達令娘,聖賢之言,不可忘也。」娘曰:「勿以 處,將來付以心書。」低頭謂曰:「如此,如此。」童克遵成命,直抵娘房。 娘見童來,悲喜交集, 秋深時候也。楊公長處長安,强料吴娘怨望,乃謂奚童曰:「小童密將一紙,直到扶寧,探問吴 時秋色棲丹,玉容呈瘦。桐葉逐斜南之雁,他鄉旅思動愁思; 楊公曾有何言?」童述曰:「秋闈之約,將欲一來; 第先生曾教之, 『先成己而後成人』, 且丁寧囑付 七夕歡期笑女牛,誰知今對女牛羞。珥河萬頃相思水,浩嘆無人掬一杯。 金風薰逼帳之霜,書館織房均冷淡,正是 問日: 娘何居 別離變

其一《小連環》。其二《大連環》。其三《小迴文》:

風敲夜倦倚,孤窗對草叢。

其四《大迴文》:

龍池日對樹疏陰,約舊申情此斷金。 紅點一燈孤悶照,墨痕千紙短愁吟。

二七二

山指望懸南北,下月期將合瑟琴。 濃轉意愁分景共,風情月影對 丹 少。

臺柳也。」童歸至龍城,生問之,童歷敍顛末,呈出所寄之書。 娘吟了生詞,倍情增感。 童辭歸,娘唤四友來寫復書,付童曰: 書曰: 「我之心緒在中間,歸語楊郎,勿 以爲章

之禮。 京燕語。 共帷香粉之知 雁蒼鷹之命。 花草迎人,良心早契良緣,佳會翻成佳偶。 ,君其知素女之心。 念妾: 情幾對夏花冬雪,愁難分水月鏡花。 將安情於守約,則窗前蟋蟀,背樹無可樂之宜, 揣己欲須昂友,佩鐫忍不我知; 心 春衢試步,秋日羞 萬里程,柳陌花衢,深恨鱗鴻之無信。 書不盡言,幸垂知 顔,無端中天落紅線,扶董之右榕成 悉。 幾度月斜燈盡,羞宫花禁柳之春; 餘 帝城歲月利名頭,妾已解丈夫之志, 不宣。 長江不見魚書,半枕空迷蝴 欲快意於尋芳,則上堂椿萱,身許 今則 相思索債, 約,有 長夢 夢。 幸 後緣諧 重 纏 幾 翻 身,韓 餘度,檜舟松楫, 海誓山 香閫夙 素願 翊 柳垂、玉 盟,辱白 扶寧之 有礙從 宵懸望

티 : 授以所織白絹 生觀了嘆曰: 筆端造化,内寫鍾情五調,其排顏小引云: 「聊以寫熱腸耳。」娘開視之,無題,曰:「豈楊公有懷別恨,憶人全在不言中耶?」因夜留童 一匹,謂曰: 「凡文思須有所觸,吴娘多情本領,合宜做得此文章。」數月後,復遣奚童來,贈 「生心 如扇, 開闔 以時; 妾意如絲, 愈翻愈暨。」歸,生馴 開絹端,見 以 墨痕淋 京城扇 來早

隔 面 以後, 黄 英不知幾度更, 花開葉落,暑往寒來,皆是惱人滋味。 故鍾之於情,必 錯之於

其一《滿庭芳》

遞

啓新

郎

名曰

鍾情五

越南奇逢事録

天外征鴻,庭邊過雁,秋愁似海無涯岸。 雨雲徹夜繞 陽臺 烏鵲何時填北 漢? 聖母祠前,祖龍

廟畔,當初未了風花案。 幽情好付月明知,夙 分願隨東風 幹。

其二《剪梅格》

何時 ? 昔燈前月下時,情不可支,樂不可支。 倍我思惟,切我思惟。 擬嚮魚信一心 時,用寫相思,用表相思。 於今蘭室懶畫眉, 人也胡 而, 月也胡 而。 帳裏是

其三 《望江南格》

朝望 君、暮望君、東 房風 月轉愁新, 紅 巾 萬點 題 痕。 坐傷神, 卧 傷神,長安音信杳得聞 珥 河 幾

其四 《長相思》

度問

津。

句, 尤願君車具軏 楚王杳杳來楚峽。 多來日 日 少,心端 相思,月相思,日月相思爲誰敷? 如 輗,莫把佳人挑瀾 舊 西窗幾度對斜暉,南園 事端新, 織 房光景 分。 人知 草花未了鴛鴦債,梧桐誓待鳳 滿望閑 日 否? 月如梭情不斷,相思日月有誰 飛蝶,園 夜 璧 殘 烟 飛蝴蝶嶺秦雲。 滯 雨 章 臺 凰 如 棲 問 人遥景在我懷人, 知? 柳 猶 垂。 路 隔 願得 星河懷别離, 篇長短 去日漸

具五 《長恨歌》

曾在君邊。 兎慘然,雁慘然,情用慘然。 從客歲,鳳倒 月庭柳影,君身在妾前。 鸞 顛,吁嗟兮故 弄金環兮,環與周旋, 國長安,身故 將訴幽 情於玉兔兮, 國兮愁夢纏, 兔魄未圓; 依半枕兮,枕與相眠。 目 長安兮 欲寄多情 恨難 痊 於白 半生情緒 夜 夜 雁兮, 夢魂 兮,妾身 雁信難 幾識 嬋

娟,問之月,月無知兮; 爲是近焉。 問之天,天亦無知兮; 何日竟何月? 問之啼怨之 何月竟何年? 鵑 此情緣、此 情 緣; 畢 竟問之君子,

不知舒吾懷者,公何時竟何日?

生讀訖吴娘五調,曲盡情狀,真「黄絹幼婦」也。然怨氣涉深,殊失《關雎》之意。 蘇惠之織文,絳 嬌之題

律, 錦,豈如是乎 各以詞爲歌。 1 先正曰: 敍云: 「天下難化者婦人,以其遠之則怨也。」吾當慰之可也。 乃命筆引敍, 并詩五

云。 已成痕,仙侣敢忘於梅 但收春日緒,好唱望江 用前五調 三生舊約,特托諸天, 韻 爲五韻: 南, 剪 ! 則 況 情 百歲宿姻,委之於命。 北 於鍾 南 猶 處,不露馬啼, 有雁,何須無益之相 拜月祠中猶有記,春花何負於庭芬? 而鐵杵磨針成之,想亦不難矣。 思? 而松 柏化爲 心,勿把無 因 有詩 源之長恨。 憶 詩閣上

其

私 粤自韓衣買子香,情鍾誰短又誰長? 約未忘雞報晚,清愁休管雁啼霜。 此緣果待東風幹,何負如蘭古筆芳。 巫 山大小雙纏夢,漢水東西共泛觴。

主盟 玩梅 此日 剩 喜榕仍在,訂約相期石 報 西開,乍想瀛州乍 不灰。 λ 懷。 嵬嶺勉將堅勁節,看花人早問春梅。 線 紅絲天上定,十分花債 月中

多少愁腸尺素減,減愁本自趁風帆。 天長地久人還在,雁去魚來面若談。

越

南奇逢事録

對 兔誓將諧 願卜, 求凰 閑把弄琴三。 扶寧風 月羅城雪,兩 地關 懷 北 亦 南

其 四

燈 挑盡夜眠遲,雲隔 仙 嬌穿日窺。 作合仰憑天有監,照 臨勿謂 月無 知

及 時只爲 功名重,守約休教粉黛悲,此後嬋娟身上事,却除相字任長思。

其五

容刀河廣不銀河,誰謂人遥一派波。 鳳 倒鸞 顛原舊鏡,鳥 飛兎去度輕梭。

期 團得 西 廂月,何事含愁上苑花。 自古王魁曾幾見,休教驟唱處扅歌

封。 問吴娘居處。 往,也應無喜亦無愁。」娘曰:「古來情最苦,死別與生離,我欲無言得乎?」乃再賡前韻以答。 人,我心則勞。』」時小鬟問言曰:「詩本人情,可以興觀群怨,以言感人,小娘之作俑也,争似不 至於離,期而不能至,亦豈人情之所欲哉! 但當静以安之可也。」 童一時逕往見娘,白生心事,因 寫完,喚童付以稿,囑曰: 娘視之曰:「文人之筆變化無端,真贋實虚,有所不能其際。 童曰: 「微觀其意,動静語默之間,蓋欲以文章怨别離也。」乃遞娘之詩 「汝代我道吴娘,居而相離則思,期而不至則憂,此固人情之所必至。 詩云: 『大田甫田,惟莠驕驕 遞生緘 然居而 無思遠

其一

擡 頭 往事 耻偷香,相把幽情恨應長。 柳陌遥 凝前玉步,蘭臺空泛淺 瓊 觴。

知 君本耐程門雪,奈我奚堪惠枕霜。 早晚願 同申 舊約,莫教蒲柳決尋芳。

其

鶨 鎖鎖 爲 誰開? 默想沈思恨滿懷。 結髮山河憑月照,傾葵身世向陽栽。

華

耳 約誓猶懸想,心上朱陳志少灰。 何幸及時冰未泮,七夕莫把嘆摽梅。

其

春思流連院裏緘,栢舟泛泛一孤 帆。 針磨點礙心中事,金斷空思月下談。

香玉 也堪癯竹六,采珠正切老梅三。 北洲如有航江草,帶水寧容限北 南。

其 四

梨花 霜打夜遲遲,窗下多情許月窺。 一片柔腸千段約,百回 春夢 寸 心 知。

漂渺雲中望,花思徘徊月下悲。 昨夜認來知己筆,長忍之暇又相思。

其 五

當此郎舟涉珥河,此身恨不作風 波。 點燈自恃姮娥藥,倚杼慵抛 織女梭。

地 面迢迢 難擲菓,天心裊裊亂繁花。 憑誰一挽黄河水,爲洗前頭怨恨歌

生吟咏 音書,以天中帶喜,謂鄧婆曰: 與之同,三日遊衢,未嘗著步。 名魁科第一甲第三名矣。成名後,拜謝天顔,拜了座師房師; 乘龍,安敢有所異議?」及旋錦日,生遣輞子數具,仙杖行戟,接先生、鄧婆及吴娘赴京。 一簇仙 聞天子詔, 乍起狀元心, 當初一股夙緣不必懷。届期, 騷壇耀武, 筆陣鏖文; 移時,將欲賡和。 忽外間有信報來,今年春試已有訂期,南門外見揚枝春曉 己而私遣業吏,遥遞心書,就報吴先生好音,且 兹新科探花,不召而來,今日如何區處?」鄧婆曰: 同科諸員,仙團勝會,然公猶未完聚,懶 締婚姻之誼。 臘驛梅傳,天門 矣,事果不遂。時生 「堂上射雀,娘女 吴知 出榜,生 府接知

雙堂爺娘。 通,巫山夢醒。 不忍使卿爲紅拂之事,所謂略小節而存大信可也。知我者其師乎!」是夕,銀燈徹夜,香色濡衣, 嘉林故貫會見。華袖衫傘,草木迎逐脚之春; 安輞快駒,賓朋望行塵之步。至諸家禮畢,生與 草木知春,予豈不量人意?然暮夜之中,四知可畏;隱微之行,十視其嚴。故綢繆心事,暫爾契然, 接步花房,交杯閑敍。 生戲謂娘曰: 「今宵之會,可無詩以記之乎?」娘即吟云: 娘 曰 : 「秋闈之後,人各一方,不圖今日,得究當初情案!」 銀漢橋 生日: 娘齊拜

偶中之合合中離,回想因緣一段奇。 何處媒來鸞鳳枕,不知今夕夜何其!

生亦續吟云:

娘曰: 政,事機雜踏,公務繁多,國事重而家情輕,父母之言,還屬一邊擱過。 母祠前,佐以一人。今令娘同居,未知何處下落? 吾郎未曾念及,此妾所以留意處也。」生曰: 生還涉許多,湊出奇來,神道至玄,安得有所逆料? 時來便見,何必挂慮?」此後生得時行道, 新郎驟勝而驕,忘却前頭事矣。」生曰:「何事也?」娘曰: 不知今夕夜何其,藍路仙橋出絳圍。 從此之償男子願,春宵萬景一 「鴛鴦帳裏,兩家之能事悉矣, 家 私。 參預朝 我平 但聖

四面交圍。 時吉罕頓兵木州,公驅兵前進,連戰破之,開路疊橋,長驅逐北。不意吉罕於坎坷伏兵,一待公兵一入, 剛,自提大兵,直望興化進發。料想此時,遥伏天威,押除山匪,窮邊黑子,折箠可笞,自不必於預防者。 援,朝廷討之不克。 時光陰似箭,順天初,沱江道寧遠州土酋吉罕者,竊據嵩陵、芒裡等地,南通老撾、胡孫精國, 公進退無路,左衝右突,但得單身走脱,不知去向。 廟堂籌畫,或至宵夜。 朝廷或保公爲招討使。公意科甲中人,而 黄昏時,登高四望,出左忽見一簇人家, 資質勇敢, 以爲應 骨節堅

井而 導子也,其先祖乃哀牢國王之裔也。近祖可參,以兵佐黎太祖定天下,封司徒國王,號黑衣帝, 足之所,但跟隨妾來,自有一條生路。」公知其意,乃從之而往。至深林幽處,娘謂生曰:「妾乃 飲。 側海假山,亦是一般景致。公蹇裳趨入,見家庭寂寞,惟數個小童,蠻土衣裳,亦通中華言語。公渴漿求 遇,自古有之,汝與我相從,恩情較重,豈非天意之造端乎!」娘曰:「與公私奔,豈有回來之理, 然與之同往,越溪攀木,行路輊環。日則尋路披毛,夜則同棲石上。娘久處林泉,素知木性,時或 邑,已有多年。曩爲吉罕所驅,妾父與之共事。今公到此,勢不相容,故妾哀動猿腸,指其歸路。」公曰: 所敗,損兵折將,山脚崎嶇,幸得來斯,冀求憩息。」女乃款生一頓訖,低聲謂生曰: 生身事,托之君有餘,花頭蝴蝶,枝上鴛鴦,妾安得而自主!」欹枕間,公謂娘曰:「不圖山林蠻獠,有此 餒,常采果以食生。旬日之間,不缺支度。暨至平民村邑,公與娘入憩焉。 嫁種景奇,詳見《錦香亭記》。 不敢正視。其女來問曰:「官龍何來?」——土音官者謂之官龍——公曰:「我招討使也,日爲蠻酋 奇逢,一段因緣,又何必牽絲拾葉。」娘曰:「妾非全是蠻中人物,公何見鄙之甚耶!」公曰: 「天母」,母有夫婦,母夜能穿兩趾於鼻孔飛去,以吮人污,謂之乾擦。 能變形爲犬貓,山羅州多有 母車氏石言居止之事乎? 車氏前芒禎國王之次子也,王許以食邑,自願尋地宅居,過武江取石 俄見少女人,年十八九,身穿衣帽,頭頂銀簪,髻髮如雲,清光奪目,公疑其乾擦 惻怛,仁之端也。今某山嶺窮途,不知去路,北行無老馬,出《左傳》。 『到此石能言則居。』至木州,石忽言: 『吾當居此!』遂可宅焉。」女曰: 「正是!」公曰: 「見入 娘獨不申半臂之助乎? 萬一天其成路,行得穩,娘之義當刻石不忘也。」 劍閣乏天然,雷、天然雷,萬春之妹, 是夕,公謂娘曰:「芥針之 「妾生洞類,勢非寄 一蠻中有 木州食 此後之 車氏輔 塊禱天 娘乃欣 途中饑

聞言駭然曰:「吾平日徒讀武書,不知兵變,出《玄命》。何物女子,乃能若是! 《武經》曰: 道,有奇焉,有正焉。牧野之師,周旅爲正,而庸盧爲奇; 罪,娘曰:「木州之役,全師覆没,如單騎返回,何顔以見天子? 莫若上表乞師,後圖報效。妾 以華猿卜名焉。」公聞言,嘆曰:「聖母之教,不欺我也。」娘詰問根由,公略以聖母祠故事,說過一 運木石,堆積去路,俟吉罕兵至,燃蒭放砲以怵之,必徒左退入深塹矣。」公從之,分撥已定,乃進 百萬,卒壞於草木之兵,,赤璧全師,見焚於蒙衝之艦。矧兹吉罕,驅驅扇漁獵,劫制鈎鋤,烏合成群,蟻 目。」公曰: 旁郡,招集殘兵,或者失之東隅,收之桑榆,自足以贖前過。」公聽其言。 表回,朝廷重公,加給雄 華州三洞。 正兵則直行花木以邀其前; 屯聚黨,纔不勝則劫掠平民爲勇敢,一退却則散盡林野爲無餘。 百戰不敗。 娘亦葉書蠻字,報諭州民,多有應者。及殘兵稍稍復合,公開帳議事,籌定進兵之策。娘曰: 也?」娘曰: 「妾平日讀書,最愛蕭皇后玄女之爲人,故林泉多暇日,凡《壬申》《太乙陣圖》、孫子《武略》, 「塵劫肉身,安有這般説話?」公曰: 若輕出於上谷,此漢高有白登七日之圍(九); 其地平曠,忽牙旗立處,暴風從東來,昏塵蔽野。公曰:「此風主甚吉凶?」娘曰: 『將不知兵,以卒與敵。』《煙水神經》曰:『爲其所伏,靡有不敗。』公前日之役,正此也。」公 「今賊勢充斥,而我孤軍在此,當用何策,可獲全勝?」娘曰:「善用兵者不在衆多,故淮肥 「妾母鳳城人也,聞妾母求嗣於西湖天王祠,乃董天王靈廟,夜夢白猿攀臂,浹旬而生,因 又遣一支兵,暗從萊州以擬其後,又遣偏將二員,從芒阨夾道而伏, 「後當驗之。」時公敗衄之後,徒手入鄉,計無所出。 召陵之師,齊侯爲正,而江黄爲奇,以此行兵, 懸軍於白岩,此唐太有鴨緑難留之咎。孫子 妾已會擒之之策矣。 好好行兵幕客也!」娘 今可分兵三道,其 師助戰。 「此風名 , 亦皆經 行師之 兵至扶 當移書 將回謝

岸火燭,露出官軍旗幟。 謂公曰: 之,萬無一失。 嶇,前者有二坎,吉罕如脱網之魚,高低亂步,石膏滴滑,罕與從者盡推下了。 動,以觀其變。」至未初,忽見吉罕兵處旌旗紛亂,猿娘曰:「此乃疑其後兵之至矣,可縱兵擊之 變,惟係乎臨時可也。」俄而蠻兵卒至,見公圖陣嚴整,四面八方,各有門户,車輔導謂吉罕曰:「 開行天心立之。 四奇,艮上八青旗,生門白色, 坤上二黄旗,死門路也; 押回本陣。 夾險,惟有 徒,蠻兵三五星散,塞塹填坑,不知其數。 吉罕僅存親兵數百,取芒阨小徑逃遁。 三更,至高陵嶺,兩山 軍援枹,使公親督前支,變成騰蛇,脱壳而進。 卦陣也,吾女猿娘,日常積筭子習之。然今日開行更太歲生門,又遇鵑神,外此不宜撞打。 用何陣?」娘曰: 且日干克勾陳,勾陳克玄武,而三傳無救,必然席卷長驅,遊之陽神。 必大勝。 振耳風」,主有賊兵卒至。 且妾已占一課,卯將午辰,公本命時,三十一歲,行年在寅,其年克勾陳白虎,命克玄武遊都。 「此太乙古陣。詳《武備志》。又披奇行遁甲,陰陽順逆,門户多明,天地風雲爲四正, 小路可通。 詰旦,録問酋長盡數無遺,惟車輔導不在。 惟玄武陽神,重臨生地,復有偏將,前尋遠逸,理必然也。 如賊犯四方,則一兵二翼,有正 「三洞地勢平坦,好布八卦陣。」乃指揮偏將,排兵列陣,四方四角,旗色各有誌 罕退兵半里,已見追兵薄來,惟左邊有一小徑,摩昏而逃。 里許,只見當路柴木土石,路不能通,將必攀崖,别尋生 然今日己巳,其音屬 比登高岡,果見萊州兵馬漫山而進。 角; 有應。 而風從卯來,其音屬羽,水 公疑之,娘曰: 賊犯四角,則奇可爲正,正可爲奇。 巽上四赤旗,杜門天圃守之; 上金下水,必從石徑投溪,就此擒 「妾父韓魯亦少知兵,料 宜且陳兵以待之。」公曰 官軍卒至圍之,個個生擒, 來滋木,爲母翊子,我軍 路。 罕表裏受兵, 纔數十步 忽聞千聲 乾亥六黑旗, 爾宜 至 龍虎 如 砲響,兩 倉惶亂 此乃八 按兵勿 。」娘中 隨機而

越南奇逢事録

用。 請代君綴之可也。」生曰:「娘之武略,中古一人,今乃啜玉吐珠,始信令才女將。」娘乃揮毫立就,其 識兵機; 使到此,相與私奔。」乃猛想八卦陣圖,知是猿娘手段。 崗之火。然緹縈婢漢,可以贖父罪,公其準之。」公聞言,笑不答。原來輔導在觀陣法,强料陣中名將,深 然金屋貯嬌,亦是造端常理。 烏合之兵,勢必不敵,故潛率本陣,暗各先歸。 窮山蠻貊,豈能留住得他?」時楊公既獲全勝,修露布表。娘曰:「妾 嘆 曰: 至家問童: 「猿娘何在?」童曰: 「日者招討 「吾養子十八九年來,不意今日爲楊公之

戟凝霜,沱江上接大蠻黑水河,所謂西流爲珥河者也。 旆,彼濕 鍼砭下憫懷一指 之天塹。 敢背先皇厚意。 書震象呈符; 東關,夷古弄,開拓十三,宣北海之封疆。 逃沐晟,比張 水高四 而干常之黨,天道所不容。 蓋 五丈,下有石竅,如虎口 闢 出車。 黎太祖築三萬城,言城可容三萬人。 鵶頭南指,明道清風浪之塵; 輔,輿黄福,劍柳昇,蕩定二十,克南來之貔虎, 數千席上王師,勵國 亂餘得國之漢唐,星紀乾圖正統。 ; 唇齒援盈蠻、車里、扇動二十州韓魯之邊氓; 卧側隱睡人之榻,普率中寧限偏方。蠶叢何有於龍堤,龍水堤在木州,横江有石堤, 向上,俗號深油。 順逆明微,古今同轍。 峻吞牛之志; 歸化蠻名勢將蠶食,安西府名山溝蜂屯。 豹變期孚於牛吼。 虎印西行,耀日睿山嵐之境。 時雨蘇水火之民,風雷雪山河之恥。 止天振而旌旗變色。 騠驛車書共道,侯藩大小相維。 我國家斗牛得歲,翼軫肇基。 千里目中蜀虜,凛班超得虎之威。 與化古名牛吼蠻。 江水淬倚天之劍,定渲州,平清化,撞 背面依遵教、 當此東隅垂健翹,暫勞東土之 蓋取亂之兵,冬人如得已, 皇帝 馬 間出有□之湯武,天 河,竊據三萬 乃命臣等, 席前霄籌國之衣, 藍山興括 夫何寧遠舊民, 渡河 地之兵, **西城環圍** 於郊建 沱而劍

痛

而死。

土地之銅神效順,山風何待於卯寅,

斧斤;

印進兵之步; 雖然闡 披龍山在木州上岡,其山最高,登高頂四望,上見順州,下見沱江,南見清華、楊若江、義安、瓊瑠。 破 外伏餘威,復振南中之號令。 敵愾之鋒不挫,同心之士如 飛。 摧 枯勢, 振乘 風,披龍

泓,水甚清冽,旁有雷石。 竹機,乘逆刃,鑄古痕廇劍之崗。鑄古山在青州巨勝山籌册,横直百餘里,其高次傘圓之嶺,有古井十座,方湖一 山羅登 而乾擦攝威,馬 河入而 巫神遠遁。 馬南州執湯 有 一種巫神,能運石 入人腹,腹

黑銅像最大,寺有古鉦一百四五尺,相傳叩之即死,行人過此處,遇黄物棄而不顧。又此木州上岡有風穴,其深不可測,午

鐘南之葉公助威,水渡不須於子午。

木州墨里

院大寺有

惟子午時可渡,孔明南征禱之,先霄即其事也。 子時風自穴中起,轉動山林,至寅卯時風自止。 鎮安縣有葉夫人祠,在洮河側,稔有災應,今巡司年奉事。 既扼赫蠻之勢,更神料敵之機。華州八卦陣圖,旗喪 洮江常有陽時, 蠻酋之

膽 ; 兩山 伏卒,砲聲驚賊將之魂。 窮途之孽黨俘來,背正之凶 渠檻 送。 會見災星影 滅,台象

偕平。 撩狂共入輿圖,邊陳盡茄籠之地, 寧遠州舊是哀牢國界,王舊名茄籠,後其弟茄纳再據此地。 獲悍轉

爲耕耨,舊業安肉擴之民。此州人民獲悍,能習水戰,其州中有水泉湧出,水味稍鹹,百獸夜飲,土人作弩射之,所得

輪,成功式遵於九命。 臣謹奏露布以聞。

肉

鉦

鈴沉自綏之聲,鼓角奏凱歌之曲。

此日崇墉執訊,宣威實賴

於諸臣;

當

初

漢闧推

表回,敕賜旋

相微笑。 人耶?」公曰: 公與猿娘回家,合與吴娘拜見。吴娘纔一見,詳認猿娘體貌,及臉間黑子,曰: 猿娘曰: 「正是!」乃還敍所遇,及參佐戎務顛末言之,娘曰: 「果然,則王羊再世之事,非虚誕也。」吴娘時或説公曰: 一聖母 侍女降 「車氏姻婭,可 「金蓮之召,非此 生,非凡 無 人比。」各 恩以軫

奏。輔導感恩不淺,赴京供貢,常往來通好焉。公務之暇,公常與吴娘閑庭小酌,言及年紀。之乎?」時諸州存從吉罕者多有换易,公表求保車氏,乞仍繼襲。朝廷查車氏祖可參開國有功, 「妾申公時,又得車氏年屬子,可謂三合奇逢矣。」後公還授顯官,吴、車皆有所出,至今 閥 閱猶 吴雄其

校勘記

繁焉。

- [一] 「娘少艾時」「時」原作「辰」,蓋越南避諱字,今改回,下同
- [二] 「憑誰喚取鐘情客」「取」原作「吸」,文義未順,當是「喚取」之誤。
- [三]「公何不佩韋者」「佩韋」原作「佩違」,今作「佩韋」爲是。
- [四]「生即對曰」「生即」原作「即生」,當有乙倒符。
- [五] 「既入寶山而至空手」「至」,原誤作「室」,據文意正。
- [六]「妾當居中斡旋」「斡旋」原作「幹施」,據文義正。
- [七]「事□偏怕鐵成針」,原脱一字,今以空格補之。
- 〔八〕「同時至焉」「至焉」原脱,據文意補。
- [九] 「此漢高有白登七日之圍」「高」字原脱據下文「唐太」補。

附録 玉身幻化

生。 高低,一時仆滅。 高僧者,度云: 「北城自安陽王開築,設法馳人,冤魂滿地,年深物久,變起成妖。 八九,膚肌如玉,秀潤照人,碧眼玲瓏,其光可鑑。 有云:「陰陽消長,宛然芥蟻之浮沉; 塵劫往來,管得春花之榮瘁。 大悟處空空色色,纔歸餘 床,悟六如之法偈,使沉淪幽鬼,一切超升,亦一大功德也。」乃即地設壇,誦涅槃數遍,兼有解冤 如火燭炎光之象。 木,東望小星。不料堂父不容,夫君見棄,玉埋鈿委,予今有年。 消憑一洒之枝,踏破三生之路。」法壇一筵,浹旬而散。是夜,忽見壇所如一輪明月,特地起來,升降 古越裳螺城,北河勝槩也。重光末,後陳重光帝城右岩之顛,有赤色惹惹,敍事出《左傳》。 「貴娘何處人民? 侍從無人,不憚崎嶇,光臨浄土。」女曰: 時高僧遥望,謂其徒曰: 接邑旁村人皆疑其爲鬼祟,凡牧童蕘竪,不敢近來踐踏,數年後見亦如之。時 「妖根從此解化矣。」數日後,僧於方丈禪定,見美姝 衣裳艷冶,顯權貴中人物; 緣慳分薄,甘聽分於悠悠,薄 「妾乃東城夜山人,前嫁爲媵, 聲音鏗爽,頂禮求 我當設四大出經。之禪 一條冲天, 化化生 視桑中 年可十 疏。中 南縈樛

僧勉從發奏。 勿憑火化,當歸貯,以爲他日之驗。」女至三關,題於粉壁云: 之事。」僧見言辭伶俐,意涉見疑,辭以山谷野僧,只念朝暮傳燈未造得心囊副意。 之金,而暫守通衢之寶,景仰巍巍碧相,廣開濟渡之門。雖今生過了,固不可追,而接外升沉,求懺後生 女案前宣揚竟,五拜超出。 僧仰見脚步輕環,湧泉隔地,揖謂童曰: 女請紙筆,立寫疏文。 「妖也,非人也

莫説無因更有因,來來往往往來身; 人間早悟輪回理,擱過今生莫自顰。

銀鈎鐵畫,壁上龍蛇,騷人墨客登臨,不解其意。 自後女周遊中土,無處不到; 繁花勝會,人多遇之,高

裙袘湘水髻吴雲,雲暢香殘意有春。 身許不辭三峽步,藍田種玉恨無人。

又云:

唱低吟,開口成律。

或云:

江妃解佩事悠悠,經幾星霜續此遊。 拭目桑田滄海後,不知身世在中州。

如此之類,不一而足。 所到之處,人或以言辭謔之,娘更贈以金環,與以玉珥; 若致殷勤, 則辭以無緣,

拒之甚確。 有高見者,以妖目之,然莫能窺其蹤迹。

蹭蹬而損其志。」會明人新設交州學校,生琴書裝束,駕報登程。 從學,千費略無所得。嘗嘆曰:「天如倚蓋,地如局棋,賦與之理,何其無意於我哉!」聞你珠術: 斗數,往質咨焉。 説分兩頭: 時大平瓊瑰有王學生,得地閣豐降。然年少放蕩,父母俱亡,落魄江湖,室如懸磬,平生 術者曰: 「公之數多有根基,合宜出入朱門。 正是: 然推弱準强,纔做一 時當局,勿 人精於

路左笈驢□李固〔〕,橋頭車馬誓相如。

隔墻有少女聲,細細吟云:

適夏盛暑,枝頭薰榴火,水面鑄蓮錢,熱氣逼人,步程不進。 黄昏,至途中驛舖投宿焉。

炎帝紅爐鑄熱天,夜聞摇扇不成眠。玉顔汗洗西香淡,解愠無人鼓舜弦。

萍 ; 應曰:「一而足,何必三思?」時程途遥愀,二人且行且謔。至小溪橋横一簇,兩相暫憩。生曰: 斯言之玷,不可爲也。」女即回顔微哂,曰:「南容三復白圭,有女嫁之,今君始一復矣。」生見娘言頻狎, 於市,豈眩而求售耶?」女聞言,臉間紅映,默然不答,帶怒而行。生尾之曰:「白圭之玷,尚可磨也;曰:「秦廷之玉,價重連城;娘子之玉,其價何如耳?」女曰:「無價。」生曰:「無價只在淵,今鬻之 又怕無媒,未便輕率。旦,生再起梳洗,已見女望東進步。生質諸館店,曰:「此女往來,自謂鬻玉客 梅,孤鳯梧桐,正樂棲身之所。 只恐起居言行,不近人情,畫餅妝金,枉費君一班心事。」生曰: 「坎離爐 憐,不必以形骸索我。」生曰:「佳人才子,天假奇緣,願結同心之帶可乎?」女曰:「道旁苦李,晚景摽 何處佳人,金屋餘風,朱門素女? 今還旅迢遞,孤苦何堪?」娘曰:「妾古螺人也,日爲夫君所棄,天下 玉?」生曰:「有美玉於斯,藏之歟,抑沽之歟?」女曰:「沽之哉! 沽之哉! 也。」生促童兼步進程,及於途,行且嘲曰:「珠玉在前,覺我形穢。」女曰:「公非卞和,安能識璞中之 生借隙潛窺,見一女獨坐燈前,眉清目秀,正所謂東鄰之女,比花花解語,比玉玉生香。將續吟和云云: 上,定有陰陽; 孤星獨往。中土周環,天悠悠而心摇摇,一片孤忠,羞對青山碧水。擬今桃花無主,付蹤影於浮 眼寄雲端,情牽花影。 月窟天根,自然來往。逢而合我,當作好風之箕,好雨之畢。 將他鄉而進壁,恐臨投土之河; 欲故里以還珠,的見覆廷之水。 對面而冷眼看,娘 待價而沽者也!」生 君將見 「貴娘 亦何

入清口 心哉 在天,其如今夜何!」女曰: 潢江次,借一小舟而進。 此間玉人江影,依然映水之芙蓉; 俗客仙舟,恰似飛身於弱水。」生戲指謂娘 ! 」娘曰: 「同舟吴越,猶待玉京之會。今途間邂逅,月下遭逢,豈非真前輩之假歟?」女曰:「雲裴仙洞,同],占得無窮極樂。 「自揣閑花無芳,雞筋無味,蒙君不棄,何靳相從。」生喜,收拾行裝,直望神州取路 今短景春場,此生未卜,君何遽鄙前輩之不如耶?」時江寒月淡,生曰: 「新人舊景,別思未舒,詩歌一曲以見志,可乎?」生曰: 「願聞。」女即鼓板 至渭

乾坤分别時睽隔,孝敬一心難兩白。 鸞分玉鏡燕聲悲,龍去鼎湖蛟淚滴。

丹心 向説海江天,座玉埋香歷幾年? 破碎山河都是恨,殘香餘粉不成研。

月 堆 花 影春醒苦,貞節山容愁慨 鰢。 堅剛惟有瑾瑜心,磨琢全憑英雄手。

時光景。」爾時舟中楫師棹子,耳目許多,二人相敬如賓,未嘗狎昵。 歌竟,生静思曰: 「前頭心事,聽者興悲,但中間『龍去鼎湖』,『破碎山河』,未知何意?」女曰: 暨舟過南昌,乃武娘故廟,吟云: 「聊寓昔

秋 江 印 月月漫霜,月淡江寒憶武 娘 業報 可憐生誕子,影分何必罪 張 郎。

顏 紅自古天多妬,浩氣□今水愈香; 觸處我將鳴往事,千秋論□斷

過媚醯廟吟云:

月 槃 山 體 覺 癯, 般 N' 事 付悠悠。 龍 髯 有 淚悲南馭 狐 血 無 端 媚 北 州。

夷狄有君 天地 變, 山 河正氣斗牛收。 有 江 可洗綱常骨, 禮葬何關 李自羞。

過多禾仙容廟戲吟云:

ニヘヘ

夜澤深深水碧漪,一場今古觸人悲。 葦蘆 正好諧仙侣,城郭原非拒父師。

夜半颶 風千古事,江邊秋□億年祠。 炎郊帝女顔何厚,南望沙頭 暗自知

至菩隄江吟云:

天工開鑿太多情,枉苦乾坤久戰争。 沙莽幾埋南北將,煙波半没古今兵。

鷺河影斷魚歌水,刁斗聲沉鼈鼓清。 天假故君方便得,换來清水洗南濱。

陶穀之於君蘭,前賢豈留我色? 睛。 壽之偷香,相如之竊玉,書碑口實,君與妾將安取乎?」生曰:「我之得娘,將安用歟?」女曰: 之言,豈不知在色之戒?」生曰: 袵席之情,荒君之志。姑少待未爲晚也。」生計無所出,只得含情而已。又一夕點燈並坐,生視娘目不轉 無餘,凡其焚桂釁珠,取辦於娘。一日夜,生謂娘曰:「窮途天假,得遇佳人,眼前之花也,掌上之玉也。 情俗脚,鶯言燕語問鯨音。生愛其一般景致,乃誅茅構室,聚於斯焉。生素以寒門出來,琴書之外,囊裏 瀝縈回,眼前知水。舍利古高低之塔,石碑苔篆隸之文。不夜天月滿禪心,竹柏松琴和魚響。 館秦樓,沉人之苦海; 時女觸景處便吟,生隨章嘆賞,常欲續和。但中間每結聯如別有意,未能勘破。 邇來敬中掩愛,久汲春醒,今夜間來,願作巫山之夢。」女曰:「君錯矣。 身名會重,燈火功深,妾不敢以 街衢喧間,滿目繁花,當求寂寞禪門,爲攻書之所。」乃相携就乾陀寺,住寺。 娘曰:「妾常讀『世家』,柳下惠坐懷不亂,魯男子閉户不納,蓋亦嬋娟藏劍,香粉操戈。我君讀聖賢 歌娣舞女,摧人之妖狐。席上之珍,何須挂齒。 但情鍾意適,到那留然。如娘固以外之,將置予於何地?」娘曰. 「堅心匪石,相火燒人,故美之於四姬,安石之於白雲,東坡之於琴操, 彼沈約之瘦腰,張敞之畫眉,韓 南康凸凹,望外仁山; 蘇 至鼎龍,娘謂生曰: 無口 山地風

倚香,而咫尺桃源,不啻如鄭之虎牢,蜀之劍閣。 來斯,本欲興君家業; 娘亦能支度。 日則周旋中饋,夜則頂禮梵王,密禱陰祈,生不能窺其阡。 如君功名未就,則妾節操不移。一段因緣,當作後頭截看。」已而剪燈就寢,偎玉 時光陰似箭,不覺星槎漸轉,暑往寒來,生常往候鱣堂,

適商久雨,厨灶不供,生索筆以吟窮云:

而

未遇王孫一飯難,書窗兀坐轉餘間。 玉成未解天工意,金盡 何

西帝星窺漏屋,欺人冬雨鎖祥關。 窮中最苦心中事,美玉形骸眼 底 間

如壯士顔?

地矣。 螺,住於旁邑,暗乘月夜,徑往山顛。 詩以寫怨云: 身覺不快,公宜就席設壇,伏憑佛知,以解今年厄運。」生從之,娘案前平坐,頂禮割解三十六遍。 眼無珠,故妾重身中之珍,未曾向泥途而進璧。公宜偕往,妾爲相賙,以爲阿堵之用。」於是二人] 入户,有肅殺氣,娘自然仆倒,渾身勁直,如剛痓之伏。 教生收之,填封如故。届早,二人完璧歸玉乾陀寺,玩弄移時,無限珍重。 娘在房顰眉曰: 他鄉旅次, 「聞公情詞,鐵人垂淚。今妾家貫,惟明珠一粒,乃前夫埋藏,其價浩大。當今 無以爲計,權殯在瓊瑠外郭。 娘指曰: 「是矣。」生乃掘深數尺,見小石巑屼,繼見一夜光 此後人亡物在,旅思何堪; 生措手不及,藥石無 娘忽謂生曰: 功,其憐惜之意,穹壤 憐香惜玉,情狀可掬 「妾程途窮碌, 間無餘 珠。娘 忽微風 同就古 嘗有

其

石 上 磨簪玉欲成,天邊殘月不勝情。 佳人ー 别渾無夢 ,夜夜寒鐘落枕聲。

其二

慈航泛泛渡塵緣,恍入天台極樂天。 極樂路窮仙子去,惟餘殘粉浼塵氊。

其三

寶婺星沉月色暝,書窗寂寞杜鵑更。 幽情最苦臨□景[三],默默無言訂後生。

其 四

契闊原來只是緣,不於佛也不於天。我生爾死乾坤在,寄問何人是續弦?

時生獨處書房,愈覺冷淡。收拾書詞文苑,反覆瓊瑠所得明珠,未忍發賣。 律二灰,備嘗盡雪月風花苦味。歲暮,生采辦酒殺,再就瓊瑠一奠。乃遵國俗,收骨回貫改厝, 意出最奇,掘塚間了無所見,櫬封如故,没皆劫灰,惟見七星板上題四句云:: 情於鍾處,度日如年, 撎頭歲

北岸南城合作容,從頭吩咐水流東。身前玉女誰能會? 離合瓊巵總是空。

猶念仙家秘訣,隨化隨生,月夕霜晨,懸望其再至。 之仙,安有此地之玉? 螺城不遠,我當到處一詢,或者知其原脚。」會重光南幸,北地阻兵,事遂不果。 乃回家貫,兀坐凝神,半枕塵氊,未忍他適。日常閱吟娘遺稿,窮思留神,凡其用意詩章,茫然不能解。 生吃驚吃異,糊思忖曰: 因嘆曰: 「當初枕席,夫豈無緣,何嗇一番傳信?」因吟云: 「我前所遇者,天上之玉女也。恨其薄福,到底成空。 虔請咒度,誦《陀彌經》、《接引經》,然捉影捕風,了無 猶可疑者, 玉女 乃天上

銀河東轉日斜西,客思難禁五夜雞。 色暗秦雲從處望,魂消楚峽 更 迷。

他生何必香根在,終日那堪燕子啼。 欲唤檢書憑一問,人間寧有假夫妻?

又云:

附録 玉身幻化

櫃 玉 珍信久 漆膠,咄嗟何忍倐輕抛。 畫眉 風 □留塵鏡〔三〕,結髮山 河付夢 刀。

道 還是幻,仙鄉縹渺仰彌高。 三千眼界成花録,欲抹睛光醮碧桃。

詩了長吟,終付之未如之何也已。

所知也。」琢將又問,娘遮曰: 身。 引琢深入。 不忍言者,徐答曰: 庭,經判一言倉卒,是否不明,付化工消鑠本形,堆成金龍山,受人殘踏。 三千年後,桑田滄海 解,是空詩句,妾已告之。誰知迷昧塵心,凡播之詩詞,未見得輪回之理。煩卿報告,厚意不忘。 步而行。 催來取蚌。 因高僧法解,幽魂發越,幻化真身。曩因王子孤窮,盜乞天庭,暫救此生之貧窶。 審如何報曉? 詞,探問王學生家事。」琢不知意思,對曰:「王生與我義屬同窗,然塵寰海底,路隔幽明,柳毅傳書,不 水,通霄乙了,鄭重也。手爲皴音逡。縮。間有瑞英人陶琢,是亦丰姿客也,因事經過地 妾 爲· 時明人據我土地,貪求無厭,探玉掏金。 某粗通國史,仙娘前嫁仲氏,繼爲金龍所賣,略領本意,今乃獨能於斯,做主何事也?」娘 人所詐,不涉怙終,時進權管珠神,以表潔白。 琢步躊躇,然身在水鄉,勢難再反。 重門玉扆,前有仙娘端坐。琢舞拜成禮。賜坐。 言語不通,勢終無奈,只得與民探取。琢汆下仿一丈,忽見豁開水路,路前有女童 敢請尊名貴幹,何憚 「前夫君行過詭,心屬無君,皇天累摘塵寰,前程屯蹇。 「妾之身, 具在前編。 一行。」娘曰:「妾乃媚珠,前安陽王媳也。 聞玉山地産生珠,令人汆土懇切,學上聲,水推物也。采, 里許,近望宫庭 歸語王郎,天機勿洩露。」仍命小童取小珠十 直待前夫摘滿,擅懺粘香,此時再册字 仙娘曰: 一簇,水晶作壁,金玉 「卿歸瑞英,途過瓊瑰,妾 至如青江使者,妾已 幽沉冤屈,恨氣難消。日 然既與周旋 一般門。 面。 明人疑 女童先稟,俄 導引,坦 己訟之天 、顰眉如 復合前 一琢復問 情鍾難

越南奇逢事録

琢曰: 能啓。 以供盤費。 詳認,乃海遼界畔。琢喜,取路歸貫,馳報王郎,具陳顛末。王初不信,及出玉甕家貫,琢視玉試之,皆不 王生坐夜深,屏人著手便開。見中有玉紙一張,題云: 「去路近,何來路遠也?」童曰:「卿持寶信,當避明賊。」到岸,童别,琢反履。 玉紙書數十字,納一玉甕,封誌授之曰:「非王郎之手,不須啓也。」命童送琢出水。 琢如夢始覺,良久

當日遭逢妾與君,分明端的是前因。夫妻結髮都成幻,生死從頭總未真。

愛玉餘情終報玉,後身静念醒前身。 休將癡想吟愁苦,玉母蟠桃看未真。

之間,多出娘之本意,與前史之所記暗之吻合。其木板所題云:「比岸南城」,而曰「水流東」,蓋 媚珠。繳結曰「離合瓊巵總是空」,蓋合我於瓊瑰,離我於瓊瑠,皆非身也,化也。 讀訖細認字迹,長嘆一聲,醒了前頭事事,始信陶琢使報,的娘信也。因猛想娘舟中之歌,及諸言 義安東城,葬於京北東岸,乃合而變成容儀也。 「身前玉女」,乃「珠」字從「玉」;, 「媚」字從「女」, 娘亡於 前身名 詞吟咏

時。 出,有詞於此。」乃出娘疏文,生讀之有曰: 碑漫没,故老凋零,往來旬日,求得説話夤緣,入高僧寺。 自此愁心頓釋,乃發賣明珠於胡人,價值數十萬,家成巨富。後因感媚娘之事,就古螺一訪 「此媚娘留教我也。」因就僧房,問其緣故。僧曰: 纔到三關外,仰見四絶題,乃娘手筆, 「往年有静女,自稱東城人,來斯 求懺,辭 吟咏移 奈殘

白刃誰教,朱錦青袍關氣數。 念妾折簪殘質,瑕璧留塵,抛球忽落蜀山,墜玉空悲秦女。 伏以瑞藹當筵,發十二弘深之苦海; 天籟觸知能而永慨,佛劫隨雲水以長流。 慈雲在望,熱三千叩禱之心香。 帳帨朱樓此度,赤繩 **堦**英换堯,征邁光 静景 紅葉訂因緣; 非遥,靈 臺在仰。 陰催歲

附録 玉身幻化

越。 矢; 千尺溟茫,苦海愛河蒙未悟; 懷 色相 誰 江 對 花哭宋,徘徊 玄之自在,安排濟筏 砥砆言? 琢成 風 景拂心 磨潤有孚,静土全憑金玉相; 渡塵寰; 旌。 十地九天透徹,善根因果折由來。 夢中 田 金 海,寧忍忘情, 聲 問之遥聞,唤 冀 醒 達寸誠之懇疑,謹 鏡 迷衢登覺 裏 鳳鸞,未酬 玉枝 路。 洒落洗冤愆,鐵樹吐 夙 景仰慧光有眼 憑五分之氤 願。 産 彩 埋 氲。 光 花長發 幾度? 尚作鎔 萬里

第一拜懺

冶此身;

伏願俯監丹忱,仰憑洪造。

瓊筵陪桃主,報憐香惜玉之初心。

第二拜懺

銀漢度牛郎,訂映燭值金之盛會。

第三拜懺

水玉無根之恨,雲遥極樂古今童。

第四拜懺

王羊再合之緣,蒂結同心天地老。

第五拜懺

香火。妾素含丹皎,白對玄黄。 水潔渾無浼,洞 明照有常。 冒璃陛以璣 好新 憑 理,依舊整三綱。 陳,仰流宫之寶座。 坎流艮止,萬古山 惸惸 **媽媽**,謹上 河。 疏 以 聞 復長姤 消,三生

生讀訖,不覺墜淚。 僧問之曰,生乃歷敍遇合别離幻化之事。 僧童 三 「誦泉隣地、吾故 知妖 不覺乃

越南奇逢事録

勝言。」生合手曰:: 自其得山壇之祈願,即幽魂從此以超升。有乾陀法水之清涼,即幻身從此而脱化。至於妖魔話 天説一經,能救輪迴之理。媚娘以無辜之女,沙頭一語,欝結彌深。 墓。」生暗想掘玉之時,私念曰: 而 能如是。」生因問曰:: 可得聞教?」僧曰:「人之本質,陰陽全體,天地合形。氣之聚也,則舉動而有生; 解 脱。 後生娶陶琢之妹,子孫蕃衍。 然或冤愆鬱結,則清通磅礴,升降不消。 「謹受教。」乃懇僧歷覽古迹。 「某平生師從孔氏,舍其怪而存其神。上人貫通九教,透見三途,媚娘幻 「《摭怪》云: 田園樂地,歲月閑天,或者疑其爲仲始身後焉。 『媚娘形骸,變成珠玉。』。 歲久年深,變幻妖怪。 至山顛,問曰: 「此名何堆?」僧曰: 雖精血可化於珠,而魂魄猶 故《彌陀》一咒,能消億萬之冤; 信哉 ! 」乃ト地起廟 氣之散也 「相傳媚珠故 本,自不 藏窀穸。 則泯然 化之事,

校勘記

- 〔一〕「路左笈驢□李固」,「驢」下原脱一字,據詩律補以空格。
- 〔二〕「幽情最苦臨□景」,「臨」下原脱一字,據詩律補以空格。
- 〔三〕「畫眉風□留塵鏡」,「風」下原脱一字,據詩律補以空格。

佚 名令撰 同窗記

陳慶浩◎校點



				er operoperoperoperop Dåstedstedstedstedstedst Dåstedstedstedstedstedst
				ĸŔĸĸŔĸĸŔĸĸŔĸĸŔĸĸŔĸ ĸŔĸĸŔĸĸŔĸĸŔĸĸĸĸĸĸĸ
				dedededededede dedededededede
				ប្រជាពលការបានបានបានបានបានបានបានបានបានបានបានបានបានប
				oladadadadada Oladadadadadada
			Haffaffaffaffaffaffaffa Haffaffaffaffaffaffaffa	ciadadadadada ciadadadadadada
	o e o e o eo	a ea ea ea ea ea ea ea ea Gallaghailteilteilteilte Gallaghailteilteilteilte	o en en en en en en en en en Heggelenenen en en en en en en Heggelenen en	e perperantanta Pigilantantantanta Pigilantantantantanta

提要

陳慶浩 撰

字體工整。無序跋,不編頁次。 R. 422)之後,計13 葉。 同窗記》,不題撰人及時代。今知見抄本一 頁面尺寸爲24×16公分。 有硃筆圈點。 種,附載於越南國家圖書館藏本《金雲翹錄》(編號 每半葉10 行,每行22 至28 字不等,多爲25

年之間 科舉情況,似應創作於法國殖民之前。而《金雲翹錄》扉頁題「戊戌夏阮庭仲子書錄」,據《越南國家圖書 扉頁前有他人涂鴉作「啟定五年五月拾捌日」(1920),則《金雲翹錄》及本書的抄寫時代當在1898 至1920 館漢喃書目》(吴德壽主編,河内: 《同窗記》爲我們最近新發現的越南漢文小說,未見著錄,爲孤本。自書中反映的社會氣氛及所記 越南國家圖書館2004年版,第194頁),斷爲成泰十年(1898)。而其

歸, 赴省應試,兩人作詞相別。 本書寫才子陳學士字景雲與阮良能字章臺俱受業於無名處士,爲摯友,時相 後阮生落第,再會陳生,告其赴省時遇一女相交事。 唱和。 兩人又約同 阮生得家信令

司

窗記

養親先致仕。 妻,至此陳生又奉母命與娶同里楊碧桃完婚。 娶,二女亦作詩詞送別。 師平章。景雲先下第,苦讀二年終中進士,時年二十四歲。 百人。省試時阮得首選,陳生次之。榮回後同日迎娶嬌容嬌娘。 處皆有詩詞唱和。 阮公亦上表辭職得准。二人得同遊至老。 一日經長安,與里中豪長二女嬌容、嬌娘通情,其父母亦許以婚嫁。 及後二人往來唱和不絕,阮生且作順逆調二首。先是阮生已聘同里范芳徽爲 後二人又同去慶隆府胡榜眼處就學,其才學壓倒同儕五 一歲仕至太師兼左右丞相。 後俱赴會試,章臺登進士第,歷仕至太 乃約以登第後迎 居官五載餘,以

成、 孫菊園先後覆讀了校樣。 因 無他本可校,本次整理徑據越南國家圖書館抄本圖片打印迻錄, 標點排印。 在整理 過 程

半醉,情興方濃,景雲先題一律云: 蘭志契,水淡情親,古稱陳雷,今則陳阮矣,可無以記其事乎?」是日共席坐,交棋對飲,共叙寒暄。 於無名處士。 玉登金之志,看花折桂之才,每以才名自負,相謂烏臺青鎖,豈無金馬玉堂耶! 總文人接武,吾州文物不減於天朝矣。時陳學士,自稱爲景雲先生; 兹者: 聖朝御曆,國祚登昌,承平日久,南山煙秀,花衢四顧。 時場中角手百餘人,因得咨其學力焉。 一日,阮謂陳曰: 回首皆墨客連輝, 阮良能,自稱爲章臺先生, 「我今學海同舟,文峯共陟,金 遂與結膠漆誼 柳陌干重 俱 受 業 舉目

易金詩木問芳音,今日萍蓬寫我心。 朝雲暮雨芳心鬱,酒聖詩神樂思深。 幾度尋花同入院,數番執筆共長 蘭秀菊芳催雅興, 陳雷好誼 古而今。 吟。

可可 愛佳辭, 吾當和筆。」乃占一 律云:

雲窗會遇是知音,一 旦相逢萬古心。 王柳陸梅相折贈,暮雲春樹 共成

夜長夜短芳情結,年去年來友誼深。 卻説 陳雷膠漆誼, 一般深義古還今。

曰: 題畢,因各醉,共枕 不難。」因執筆請題。 而卧。 景雲以「秋月」命題,章臺一揮而就。 景雲謂章臺曰: 「今夜金風送爽,秋月揚輝,正 題云: 吾行樂之景也。」章臺

往復都從造化鈞,寒光分卻十分春,桃花半逐青皇駕,桂影高懸赤兔輪。

花草 天 還 似 錦, 齃 山 萬里瑩 無塵。 人心那個 昭 如許? 五夜何愁寸點雲。

景雲曰: 兄 可謂英雄妙手,若不即答,必答笑我無能。」

乃賦其詞云:

凉 旦 氣 轉洪鈞,玩月今宵 無 限 春。 朗逐 玄霜 飛寶扇、光籠 寒水 印 娥 輪。

餘 輝 打盡千山暗,爽氣清消萬頃塵。 影落 樑頭 魂夢 醒,徘 徊 暮 雨 與 朝

時或談笑,或歌吟,不覺已五更漏滿,俱擁衣急起。 陳辭歸,阮 臨 歧 拜 别

數月後,景雲持一梅枝至,謂章臺: 聊贈江南一枝。」阮曰: 多謝, 多謝 因 相邀, 還家對 酒

畢,共賦梅一律,用堯夫格。阮生吟曰::

隴 頭先放一枝春,占得清香最 可人。 蕊薦微香冰骨格,枝横疏節玉 精神。

西 湖 月瑩 挑 寒雪, 東閣 風 來逐 暗 塵。 直 向 竹松 相做伴, 隴 頭 先放 枝

陳生吟曰:

番春到 一番春,風 味曾供宋賦人。 皜皜冰姿冰骨格, 輕輕 玉蕊玉精 神

窗 前 明月還生色, 門外清風 不染塵。 聊 贈 於今勞遠涉, 番 春 到 番 春

正 談笑間,忽阮生家信報歸,赴省應試。 生雖 切感友誼,然功名之際,自古難逢,不得已,整飭行裝,

臨 程相别。 且行 且. 顧, 躊 躇 不能捨。 按章臺於回 鞭之日,景雲有情詞 幅, 及五言詩 絶餞

詞曰〔〕:

身事業,萬 古榮花; 莫戀未伸之誼 一, 枉 虚自勉之功。 青 燈已遂三餘,十載之工夫到 底 桃

浪勉登三級,一生之志願獲償。

因復聯以詩云:

欲别猶未别,向你渾難説。願步入蟾宫,桂枝雙手掇。

00

阮生亦有一情詞以答之云::

雨驟風馳促去春,有情人憶有情人。此回若遂功名志,一片鐘情日日新。

相别之後,其悽慘之情,悽然可掬。 生自往於省,温習經史,届期入試,然其戀友之心,未嘗少置。

愐 陳景雲亦於朝夕之間,臨風對月,觸景興懷,不能盡述其勤渠之念也。

至,見景雲已於道上迎接,相對極歡。 生以三期試畢,放榜之後,名遺第外,而略不以介意。遣童持書回家問安,而復駕爲南城之 因携至住所。陳生質其中落,阮生一一告其詳。 景雲 因戲 既

在昔曾居魁傑榜,於今翻作外函文。豈因漏促吟無鬼,抑亦題難筆不神?

生日: 整筵恭喜。』吾停眸視之,則干嬌百媚,光彩動人,頗有留戀之情云。迄夕,遂即其東鄰寓焉。逮夜更深 彼矣。延入相待甚歡。交會間,一如狂蜂采花,一如新花向蝶,不覺樂甚。因占《一剪梅》律[四], 人静,月淡星稀,我於東窗下,因撫胡琴,作『求凰』之曲。 俄聞窗外足音,自遠漸近。 乍投琴就之〔三〕,即 經過一處,不知是何鄉風景者,有一個青嬌,年方登於二九,忽見我顧,謂其侍婢曰: 『良人至矣,當回 是夕,相携至東家,共叙其渴望之情。阮生或中夜長呼,陳因慰之曰:「功名有分,何必介懷?」阮 「原來赴省之日,有一甚麽事,好笑。」景雲曰:「吾兄做得如何好事(三)? 願聞。」阮生曰: ,以記其

E 到蟾宫,共宿東窗,共卧東窗,纔逢到别便匆匆,空憶嬌容,乍憶嬌容。 今如何夕偶相逢,一夕相逢,一夜相通。 芳容相對五更風,夢 到 巫峰,夢 會巫峯。

=0=

夜五更末,急起爲别。 好漢語之曰: 『君他日有青雲之信,當與妾一會。』今日名落孫山之外,不敢

與彼相見,故憶嘆耳。」景雲曰: 「愛哉,如許佳人,宜君之長嘆。」因偶題一絶云:

囂囂半枕月三更,半爲功名半爲情。寄語秦娥何處在? 空教五夜夢魂 幣。

洲,以終其暇日。 吟罷,景雲從容言於章臺曰: 可乎?」章臺曰: 「秋闈過了(五),歲聿其暮矣。 「及時行樂,遊玩何妨。」 吾將少緩書燈,相與遍求佳景, 歷涉芳

次日各整飭就程,且行且吟。 陳景雲吟曰:

江湖佳 趣趣無邊,樂我閑天别有天。 半枕乾坤抛俗野, 壺 世界 迥 塵

滿 腔風 月怡神耳,顧目江山適性然。 名分個中無限樂,閑來無事小 神 仙。

阮亦吟云:

名利何干半枕邊,偷閑别 有 一般天。 漫將風 月抛塵慮,直把煙霞 訂 好

身歷芳洲心爽若,迹纏佳景思悠然。 時人幾識予心樂,陸地怡閑陸地 仙

處, 處有山,山有古寺,寺邊有一石泉湧出。 相與馳聘優遊,縱覓他鄉風景。凡遇山奇水秀,古寺樓臺,無不觸景頭吟,互相對答。 阮見,謂陳曰: 「佳哉,好底山水,盍爲賦 一律乎?」

陳聽命〔六〕,題一首云:

樓臺一簇聳山巔,忽訝蓬萊咫尺天。 洞裏金身妝赤色,巖局石乳滴青泉。

僧 敲鼓 響催仙夢,風遞鐘聲到客船。 借問此中誰做主? 相傳採藥古神仙。

阮生題云:

巍巍碧嶺雪繽紛,一簇樓臺在半雲。 净境易媒天上客,清泉洗却世間塵。

鼓聲近接遊魂醒,鐘響遥聆客夢頻。 寄語路旁風月客,盍將佳景共尋春。

題畢,忻然而出。

輝,亦遭逢中一幸也。」生聽了,因援筆着一絶云: 大菩提,孔幸孔幸。」吃齋了,道人從容進曰:「二台海内才名,今既辱臨庵舍,乞賜一佳句,庶得 步,願留一宿,何如?」道人曰:「久聞二貴才名,今日得見,天也。」因獻芙蒥,繼獻以茶。茶了 道人曰: 時日已含光,共赴東廂,見一座道館。急進至東房,有一道僧見之,下階迎接。既入,分賓主而坐。 「敢問尊人何處? 高姓大名? 「仰二尊人偶臨庵舍,下情不勝瞻仰,今居齋境,禮物從宜,幸蒙垂照。」生曰: 「今日幸遇 因甚到此?」各徐答曰:「陳、阮姓,字景雲、章臺。 緣尋芳過 | 陋屋生 繼進齋

學海波澄彗日光,一臨梵宇一東庠。 今朝相餞隨相别,僧儼金蓮士玉堂。

次日,二生致謝而返。僧亦厚禮相答。

説〔七〕。觀主曰:「他係是里中豪長之女,未曾受聘,知客何由? 笑柄耳,庶免空行空返。」言了,潜睨姐姐回迹,步隨之。 既得其詳,因歸於鄰家投寓,具將其事 遥望二生,相掩面而笑。阮生謂陳生曰:: 相笑而别。 姐姐何緣好笑?」姐姐曰: 「欲笑即笑耳,哥哥何須詰問?」生曰: 「欲問即問耳,吾豈不解人意。」因 日,經過長安市。 阮謂陳曰:「細察姐姐甚有好事意,於你何如?」陳曰: 天氣黄昏,因即市舍投宿。至次日,共即市觀看。 「此女用情挑我,若不即問,彼必笑我無知。」因就問之曰: 識得詳盡?」生具以實告。 「任生圖之,若不果諧,亦 忽見兩 個 嬌姐,立於東廂下。 豈 當作 對觀主 意他與

三〇四

那 是夕,各延兩生至,吃酉時飯〔九〕。 早生二女,次生一男,甚鍾愛之。因於院左别作一院,名曰蓮花院,處二女於中。 姐回,各於東西兩房,整頓衾幃枕席。却説那二姐家世居要地,其父人稱爲相公,家資甚殷,年逾五十, 相識?」觀主曰〔八〕: 姐姐,頗有親屬之情。正談笑間,忽見那姐來叩曰:「大叔家今宵做何等事? 戰休,題詩以記其樂云。阮章臺題云: 「他是旅客,因步到此,吾看你心,不甚無意於書生矣。」女急目生微笑。頃間,姐 飯了,繼以茶。 茶了,因共枕而卧,共叙情緒,不覺情興方濃 每姐各有侍婢器具。 有那兩個書生,於何

千里相逢係有緣,洞房别有一般天。 父今朝還到洞,劉郎此度再登仙。 求凰不貫相如曲、千里相逢係有緣。 雙雙好做黄鶯友,去去休憑青鳥

陳景雲云:

遥千 里偶相逢,轉眼相思一夜通。 一枕秀容妝秀態,滿衾春色笑東 風。

芳姿綽約芳心動,玉露霏微玉面 紅。 此度尋花真樂趣,雙雙仙侣醉花叢。

物。公悦之,問曰: 花郎,緣何赴蓮花院?」公器其言,笑曰:「探花郎,探花郎,盍亦爲俗者做一詩乎?」應曰: 罪當萬死。 相執筆請題。 五更末,擁衣俱起,欲别則又躇躊不能相捨。逮旦,爲家人所覺。二姐以事出不允,自爲 「妾姊妹昨見兩個書生,不覺神飄魂蕩,幾於喪身,自非宿分安排,係是有緣前定,今日偶 仰慈量見容。」其母恐玷閨教,因誘於公。公允之。至院,見兩生豐姿綽約,眉秀目清 公即指「素女繪」及屏上寫「竹鶯」命題。雙掇筆,一揮而就。其一《題素女繪》云: 「要你是何家貴子?」忽對曰: 「俱是探花郎耳。」公怪之,叩其故。 「受教」。 「不是探 成底事, 類燕人 訴於母

這 般尤物假難描,對看嬋娟價獨高。 樣做青春妝百媚,質凝秋水弄千嬌。

向 人欲説 渾難説,開 口 如嘲却不嘲。 幾得真容如許媚? 閑低玉帳伴良宵。

其二:《題屏上寫竹鶯》云:

疏緑竹止黄鸝,故向枝頭未向飛。 擘透涼風毛欲動,屏敲古韻口 如 啼。

撩人如促纏綿念,留容翻成契闊思。 自是傍墙飛不到,不然直向上林棲。

掌上生輝。 也。]因叩其姓名貫址,則相對微笑。已而延至家堂,交杯對飲。 相公覽之,每誦一句,必曰:「奇才,奇才! 酒淡香飄,座前宴笑,微矄而逸興遄飛,醉後而詩神增色。 誠所謂文翰妙手,筆陣佳章,國中之墨客才花, 是飲也,尊堂主席,文士當筵,花童風動 兩生因題折柳詞以奉云:

佳景軒前不捲簾,景幽然。 阮

嬌紅嫩緑着鮮妍,色連天。 陳

目向花前誰是伴? 秀嬋娟。阮

對花酌酒樂無邊,小神仙。陳

已,生則决不着主衣裳,向他人做風花樣也。 猶嫌其遥遠,頗疑兩生已配,以告二姐。二姐曰:「妾姊妹生長名門,深居邃闧,今業與生有債,死則 公覽之曰: 「字字鮮妍,聲聲響亮,真才貌兩全也。」陰有東牀之願。遂與夫人商量。夫人允可,然 惟雙慈見諒。」父母無奈,乃許之。

遂欲了然後報家眷知。 却説阮生同里長者姓范者有女名芳徽,亦甚有艷質,阮生悦其姿色,因告於父母,而 以告陳生,陳生曰: 「不如待成名之後,告於父母而娶之,不亦善乎?」阮生難 納聘焉。

三〇六

之。 約,則幸又幸矣。」二姐徐徐進曰:「丈夫以功名爲志,妾等誠不敢久戀芳情,而重違其願也。」公喜,因 聯花族,不勝忻幸矣。顧念四方弧矢,男子初心,宇宙和平,吾人分事。願早登三級之門,然後訂 月》格,嬌容手筆也: 泛觴與生爲約。次日兩生辭皈,公厚贈之。二女各遺已物以爲質,作詩以餞之。其一餞阮生,則《西江 蓮荷之蟠芳於玉井,則有迓條風而舒眼,凌緑浪以鋪妍,幸二尊見愛。」二生謝曰:「卑等猥以凡宗,獲 曰:「老夫幸得二姐,長曰嬌容,次曰嬌娘,年垂笄齡[一〇]。今日托於二郎,不啻如楊柳之流蔭於金園 陳生曰: 「來科我等取進士,始拾芥耳。 若功成名遂,何難之有?」阮生然之。明日入謝 霓裳之 相公

朝秦,别君此去剩思君,一段芳靈戰悶。 天台客,逢遊客。 章臺人,送情人。 殷勤謝底思殷勤,確把芳心休放,永對天長地久,羞 言暮晋

其《一剪梅》詞,則嬌娘之送景雲也:

峰蹙五眉,鸞自孤棲,鳳自孤飛。 舉目歸鞍淚暗垂,方與君期,忽别君歸。 問君此别幾多時? 朝花草暫分歧,月下相思,花下相思。 再合佳期,再會佳期 愁聚眉

又七言一律云:

昨夜東風透絳帳,悠悠此度送君歸。 滿身香汗羅裳濕,一點芳靈 玉伴 知。

外鵑聲啼客去,軒前雁信爲誰飛? 情中宛轉如心索,一日思君十二時。

兩生登程,悠然得意,自謂塵囂有路可登仙,而親愛之情愈於昔日矣。

是日還到停所,留得一月許。時已十二月中,葭飛灰而春温始孕,梅占榜而光景迎春,舊歲將周,新

聲中,霜風間竹聲而迭送。 人乎?」曰: 年在邇。 阮生親詣陳所,共圖明年計。逮天氣黄昏,點燈共叙悲歡聚散之懷。 「思甚,思甚。」因各笑。已而就眠,共枕而卧。 相宛轉不寐,因起秉燭索書,共於東窗觀看。 一點燈夜永,雪月和梅影以斜穿; 覽至《長相思記》,阮生 景雲曰: 「兄思 兄之情 喟然嘆 殘夢雨

開時便有斷腸人,吾今蕩了心神矣。」乃占一律名《同相思》: 花有香,月有陰,花影重重月影沉,相思只浪吟。 愁難禁,恨難禁,一般愁恨一般心, 爲我道

知音。

寫畢,景雲覽之曰: 「何其不約而合耶! 某自往日製《憶秦娥》詞韻,亦如之。 第二句意亦 相似。」

草臺曰:「願聞。」景雲乃口誦曰:

憶知音,憶知音,無語只狂吟。 暮煙慘淡,鄭重情深。 厭看野鳥啼陰,秦風楚雨倍傷心 愁也

難禁,恨也難禁。

讀了,夜已四更半,不復就寢,相與咏吟。景雲曰:「某常愛順逆吟調,而未常着筆,不覺 作得否

乎 ? 然亦甚難。」章臺曰:「作一得二,難則難矣,而難易由人耳。 你今看我作。 然何以爲題?」景雲

「願得『冬月』。」阮執筆一就順逆成二首。其辭云:

清清夜氣曀雲收,耿耿長空灝氣浮。 晴弄竹霜横竹院,影妝梅雪照梅樓。

玲瓏 彙出山容笑,爽朗光開 海色幽。 明月炤燈寒夜永,更深對月夜 同 孤

題 畢 相與談笑。 片時,不覺東方已日。 阮生辭别。 後數日,各整飭行還鄉。 П 鞭之日, 互送以

詩云:

關 Ш 萬里契相 知 旦親 朋梓里歸。 隴上花容愁容去,樑頭月色爲 誰 輝?

馳 柳陌 金鞍趁,風送花衢玉步移。 舉目岩邊梅蕊綻,問君後會幾多時

又

手多年絳帳陪,悠悠此度送君 回。 柳衢隱隱歸程遠,槐步輕 輕 梓里催

夜夜索纏梁月夢,朝朝悵望隴頭 梅。 此回相餞還相别,共約梅村玉蕊開

相别之後,其注念之情,何能盡述!

景雲還家,則念友之情,戀花之思,交迫於中矣。一日朝起,忽聽東墻 鳴鳥,慨然寓一

十思良友九思情,一枕囂囂月五更。 院裏愁瞻花錦色,軒前悶聽鳥嚶聲。

窗斜雪月三更夢,夜對寒燈一點明。 惆悵倚窗愁寂寂,十思良友九思情。

姐與我有約,辭甚殷勤,决不移他人手。今事已如此,歸而圖之,庶免爲老親憂也。姑待秋闈中了,然後之。」既而命卜之,兆得「歸妹」,生以事不可違。元旦後數日,策馬直抵阮生家,具告以事。阮生曰:「二聽矣。」生以事出不允,欲從母命,則嫌壞了前盟; 欲踐前言,又恐怒違母命。因復謀曰:「不如命卜 不可久乏藻蘋。吾以配汝。」生聽了愀然不樂,具將前事對老母説,且曰:「業已有盟,不可背也。」母 人相善。 時 「吾察汝言,亦甚好事。 同里中姓楊者有女名碧桃,年方半月,千彩千嬌,人以女中第一流許。 夫人欲納聘焉。至是,謂生曰:「吾觀楊氏女德色兼優,亦不忝一世佳人也。汝今年垂長大, 但吾已與楊公有約,畢婚有日矣。諺言『捨近謀遠,何時當成?』吾終不若 爲人純淑。 其母與 陳氏夫

重訂舊盟,具以實告,彼必聽從。」陳生如言,赴家完婚事。

星期之後,略不以房幃爲意,惟務以温

習而已。

及聞慶隆府有胡榜眼,一時名士,多出其門,生即日入謝老母,並以家事委娘。 然後及阮生登程。

其母戒之以詩云:

聖朝天子重文章,孔户程門富貴鄉。 放浪休貪花酒鬼,一 身事業萬年芳。

碧桃亦以臨歧送良人出。行程既遠,餞以詩而返。其辭曰:

春風 透海棠,送君今日赴東庠。 陽關到處程途遠,學海閑中日月長。

勉弩杏燈趨雪案,早登桃浪赴雲場。 四方弧矢男兒債,一路功名萬古芳。

驟轡,舉看花折桂之才。兩生抵家問安,然後訂期赴省。時梧葉黄飄,桂枝清徹,行步迎桐樹之風,香衢 則同窗,眠則同枕,凡臨花對月,未嘗不與之俱者。 趨浪花之步。二生慨然共賦一絶云:: 循流火,恩詔式頒,秋闈在邇。則有望侯門而進步,睇京國以問津。接步駢眉,皆步玉登金之客: 成鬼泣神驚。 士,特探囊取物耳。」及二生至,五期倒壓梁生。榜眼驚曰:「文章藻麗,噴玉吐珠; 二生既到,及門拜謁。 他日奪蒙正之先籌,拾夏侯之地芥,吾於此子决之矣。」二生以是悠然自得,愈相親 時場中角手者近五百人,有梁必達者,獨擅高名。 如此者幾半年間。 時則菊開而風送吹金,梧 先生每日: 筆下凌雲騰雨,句 此 騰衙 落而月 生舉進

文士紛紛赴選場,文波揮洒墨花香。多年玉琢金鎚力,筆陣今分弱與强。

無疑。」景雲曰:「蕭何第一,曹參次之。」因而各笑。時日方正午,景雲已寫至今文,自謂甚得力,只此句 亦應中舉人。 入場之日,第三期,二生幸得連區。 章臺見日未斜,叫陳生曰: 場官命題、皆素所貫熟。 「吾當换作今文。」則陳生已寫畢。 阮生喜謂陳生曰: 因枕劄而卧,浪吟一 「今科首選,屬我

許之。

載 攻書 問學堂,今朝提卷赴雲場。 今文寫了猶停午,長策編成未夕 陽。

陣寫成花錦樣,硯波畫出玉珠章。 今番喜着先人步, 奚怕西岩日影 藏。

喜。 至日開筵,大設宴歌舞凡三日許。次一日,阮陳入謝,具陳履歷,均請以同日納完娶禮。 放榜日,阮果得首選,陳生次之。榮回後數日,遣仆持書報信,期以某日赴約。 相公聞之, 公 舉家大 與夫人

以舉不進士爲恨,歸家閉門謝客凡二年,日夜勤劬,朝夕策勵,用工百倍於未第之時。 果中進士,又連登黄甲榜,時年二十四。 是後俱赴會試。章臺後登進士第,歷仕至太師平章。軍國重事,每以澤民致主爲心。 南場文士,年少取危科,未有如生者。 其友阮進 及會 了,又試,

同 榜同 年 同一家,喜公今又占高科。 雲呈色五天門榜,浪 跨登三 日 影 斜。

殿上衮裳明日月,硯中旗影動龍蛇。 皇都得意榮回後,錦上還添錦上花。

榮歸日,人多賀以詩,姑記其一二傳於世。

十載書燈少小勤,一朝事業億年春。 禹門 直誇三層浪,宋榜先呈五 色

名遂早酬弧矢志,榮回好着錦袍身。 男兒了得功名債,天下稱奇第 人。

代鴻儒蕊榜升,高科奪得獨公能。 幾年霧隱南山豹, 旦雲搏北海 鵬。

宋榜先得雲五見,禹門直跨浪三登。 錦回鄉日人知貴,一 甲名高駿譽騰。

又公有詩云:

0

十年燈火十年勤,剩喜文章可致身。寄語吾儒須貫肄,皇天不負讀書人。

無能; 權尊,可以退矣。」其夫人揣其意,從容進曰:「丈夫以富貴爲塵塗,視功名如脱屣,妾聞知足不辱,知止 師 不殆,惟公見諒,庶得保全功名,免爲讒鋒見忌也。」公即日啓奏九重,力辭去位。奏章凡百餘言, 言,不避貴幸,多爲權臣所憚。公私念曰:「自古人臣多貪權固寵,爲富貴所累。 兼左右丞相,追封衛國公。與阮進士俱爲本朝名臣。居官得五餘歲,後以養親乞致仕。阮公 居家凡六月餘,方奉旨回京。天子賜書褒美,乃賜以上馬看花三十六宫,寵幸無比。 「臣幸際明時,獲逢盛會。 富貴功名,斯榮已足。願早希張子之閑踪,訪子陵之逸迹。」天子覽奏許之。 丹墀射策,駕桃浪以登三; 紫陛聯班,際龍光於第 吾今宦成名立,位重 君民致澤,自愧 一歲中 ,其中有 遇事敢 仕至太

時公年未三十得歸,喜不自勝,浪吟一律云::

密接龍光歷幾年,退休今又覓岩泉。 重携詩首供吟興,笑把春風 伴醉 眠。

喜帶春花開雨後,任他秋葉墜霜前。 從今了却功名債,陸地怡閑陸地僊。

公歸日,其友陳公使仆持書來賀,書中有曰:

頤性命於衡門茅屋,謙尊而光。 清,茂相臣之偉烈; 出處有二道,仕止各隨時。 錦堂日麗,高宦業之勳名。 噫! 敬惟我友阮生,蕴櫃中之玉,懷席上之珍。 知足不辱,知止不殆,其公之謂歟! 及其處而止 也,等功名於物外塵囂,履旋 方其出而仕也, 其吉; 黄閣風

於是二公不復以仕宦爲志,往來交際,迭爲賓主,結髮同遊,一如平日。 到老無有間言。

(校勘記)

- [一]「其詞曰」,「詞」原作「祠」,據文意改。
- [二] 「吾兄做得如何好事」,「得」前原衍一「得」字,據文意删。
- [三]「乍投琴就之」,「乍」原作「怎」,據文意改。
- [四] 「因占《一剪梅》律」,「一剪梅」原乙作「剪梅一」,據文意改。
- (五)「秋闡過了」、「闡」原作「圍」、據文意改、下同。
- 〔六〕「陳聽命」,「聽」原作「咱」,爲越南俗體,今改回正字,下同不注。
- [七] 「具將其事對觀主説」,「其」原作「甚」,據文意改。
- [八] 觀主日 「觀」原作「館」,從上文改。
- 〔九〕 「吃酉時飯」,「時」原作「辰」,避越南阮朝翼宗阮維時之諱,今改回正字,下同不注。
- [一〇] 年垂笄齡 「齡」原作「齕」,據文意改。



[General Information] 书名=越南汉文小说集成 4 作者=孙逊,郑克孟,陈益源主编 页数=312 出版社=上海古籍出版社 出版日期=2010.12 SS号=12774217 DX号=000007658101 url=http://book.duxiu.com/bookDetail.jsp?dx Number=000007658101&d=09DFFA633B64975BC8341 C1196767166&fenlei=0904&sw=%D4%BD%C4%CF%BA%BA%CE%C4%D0%A1%CB%B5%BC%AF%B3%C9 封书 前名 言录 正文